



BIBLIOTHECA
UNIV. JAGELL.
CRACOVENSIS

2790/1-3

GRAMATYKA II

Gram 2790.

In hunc librum
Josephus a Lucophylis data

Delige
Josephus
Deinde omni die paginam
scribis.

Nonne hoc non feceris
ut in hunc librum

Sto memor patris cui luc sis nigrus ab ois
Hoclibro ut redeat cultus, et arte domus

Sto memm patris cui luc sis nigrus ab ois
Hoclibro ut redeat cultus, et arte domus

Sto memor patris cui luc sis nigrus ab ois
Hoclibro

036

XIII. 4. 28.

Progymnasmatum
ELOQUENTIÆ
PARS ALTERA:

Docetur ratio Oratoriè describendi

LOCUM COMMUNEM,
LAUDATIONEM, &
VITUPERATIONEM.

Ad Aphthonium Sophistam observabat in Illustri
Stetinenſi Pædagogio

M. ANTONIUS BURCHARDUS
Lubecensis, L. L. Prof.

Addita est etiam huic parti copiosa
exercitiorum materies.

Liber ad L.

*Veltu me, vel quidam aliàs emet: Emtor, amabo,
Utere. Scriptorem, dic bone, Christus amet.*



STETINI.

Typis Kelnerianis, Impensis Johannis Eichornij,
Anno M. DC. XII.

Nomina Exercentium.

BErnhardus Blumius, Lubec. Saxo.
Michael Sciricius, Lubecenf. Saxo.
Heino Rave, Nobil. Megapol.
Laurentius Reventlovv. Nob Megap.
Valentinus Sperling, Nob. Megap.
Brun Otho á Rammin. Nob. Pom.
Henningius á Damitze, Nob. Pom. Carvinensis.
Fridericus Venatorius, Holfatus.
David Crügerus, Lubenau : Lufat.
Uldaricus Gisenhagius, Gústrovi : Megap.
Martinus Hakius, Dramburgenf. Neo March,
Martinus Sorer, Jegerndorff : Silef.
Michel Dames, Flensburg : Holfat.
Jacobus Rungius.
Christophorus Nagell, Colberg : Pomeranus.
Adamus Hamell, Gryphisvv. Pom.
Daniel Ventzkus, Belgar. Pom.
Froelich Hoppius, Stolp. Pom.
Petrus Clemens, Stralfund : Pom.
Andreas Schaius, Rügianus : Pom.
Thomas Græcus, Anglam : Pom.
Joachimus Somius, Tribucen : Pom.
Valentinus Kabelus Stolpa-Pom.
Georgius Pirche, } in Reth Kevitz : Pom.
Petrus Pirche, }
Ægidius Calbius, Leoburg. Pom.
Joachimus Cracovius Rügenvv : Pom.
Michael Rosenovius, Fredl : Pom,
Georgius Colditz, Neovvarpen : Pom.
Johannes Bunsovius, Gryphisvv : Pom.
Jacobus Fleming, Pencunen ; Pom..
Joachimus Tideboldus, Sedin : Pom.
Petrus Böblin, Sedin : Pom.
Jacobus VVotheke, Sedin : Pom,
Joachimus Klön, Sedin : Pom.

PRÆFATIO



Nobilissimis Juvenibus & Adoles-
centibus,

MARCO AB EICHSTEDT, N. Pom.
HENNINGO à VVARBURG, N. Megap.
CHRISTIANO AB EICHSTEDT, N. Marc.

Discipulis meis charissimis,
S. P.



ET Adolescentes, duo vobis præfixi sint operarum vestrarum fines, ad quos omni studio a vobis contendendum est ELOQUENTIA & SCIENTIA: sive ut rerum multarum, & in vita, vestro cujusque præsertim vitæ genere, necessarium & utilium notitiâ solidam vobis comparetis: deinde ut verbis disertis & ornatis mentem vestram expromere valeatis. Scientiæ igitur nomen rerum cognitionem complectitur: Eloquentiæ, verborum vel orationis. Ad rerum disciplinas refero, ut ad vos me accommodem, principio omnium maximè necessariam institutionem in pietatis, religionis & salutis negotio; sive *studium*, ut vocant, *Theologicum*. Iterum eodem pertinet *Politicum studium*: quod continet cognitionem præceptorum Philosophicorum de moribus, de Repub. de re domesticâ; tum historiæ lectionem, item Poetarum & Oratorum, quatenus ex his sententiæ & Loci communes de rebus Politicis suppeditant, & sic præcepta illa philosophica confirmantur, exornantur, explicatius deducuntur. Demum in rerum cognitione accenseo initia studiorum illorum subtiliorum, Mathematices & Physices: & tandem ex superioribus, ut vocant, Facultatibus Jurisprudentiam. Ad Orationis autem facultatem requiritur, ut primum *loqui*, deinde *dicere* discatis. *Loqui* discatis volo, hoc est verbis Latinis illis, proprijs & expeditis mentem exprimere. *Dicere* verò, h. e. ex Rhetorum arte, graviter, oratè, eruditè ac prolixè sententiam non aperire tantum, sed alijs etiam persuadere.

Hic scopus & finis noster, ut dicebam, quem ut assequamini sedulo elaborandum vobis est. Ut autem assequamini non ita brevi tempore fieri poterit,

P R Æ F A T I O.

sed universa vitæ ea occupatio est. Quod autem nauta faciunt ut ad quem locum contendunt, ad eum semper se & navim obvertant, hunc crebro speculantur ex pixide nauticâ, huc clavum detorqueant, & hinc vix oculos unquam dimoveant.

Idem vobis faciendum est mei adolescentes, ut hunc scopum vestrum nunquam è memoriâ & cogitatione amittatis, hunc crebro speculemini, huc omnia cogitata, omnem laborem, studium denique omne dirigatis: sc. ut perpetuo aut in rerum necessariorum aut in orationis cognitione aliquousque provehamini: & tandem ætate maturiori, quasi in portu constituti, egregiâ aliquâ eruditione strâ, & apud nos quidem fundamenta jacimus, & primo istorum omnium quasi colore vos imbuimus. Quæ eò minus contemni à vobis debent, quò minus fieri potest ut reliqua sine his initijs consequamini. Loquelam vestram ut formemus, præcipuum officium nostrum est. In quo spero ita nos versari, ut & vos & parentes vestri magnifici in fide nostrâ facile pro pietate vestrâ acquiescatis. Repetitorum, Eloquentiæ dico & scientiæ gustum vobis præbemus, varijs privatis & publicis exercitijs & prælectionibus. Inter hæc sunt progymnasmata Eloquentiæ quod nostis. In quibus ego quantum situm esse sentiam ad arduum illam & pœne ab omnibus desperatam eloquentiæ facultatem nec scribere mihi nunc libet, nec quisquam fidem facile adhibebit, nisi manum admovendo ipse & exercendo jam antè sciat. Etenim omnis in his artibus difficultas ex laboris fusa ferè nascitur; quod quotidianam & diurnam scriptionem & exercitationem desiderant: Cuius tædium si quis toleraverit aliquantum & consuetudine superaverit, sine negotio aut molestiâ saltem reliquum Eloquentiæ studium pertextet. Ea igitur nobis in progymnasmati vel exercitijs his præparatorijs mens est, hoc propositum ut crebrâ scriptione & dictione oratorijs operis assuefiatis. Si enim narrare, gnomen aliquam commendare & evolvere, confirmare aliquam sententiam veram, & falsam confutare, locum communem describere, laudare aliquos aut vituperare & reliqua facere, quotidiano usu didiceritis: certè felicissimum ad eloquentiam aditum & viam vobis communiter affirmaverim.

Quare mei adolescentes, amate hæc exercitia, & tædium laboris, quod etiam nunc sentitis sufferte: vincetis enim brevi, si annisi fueritis. Ut enim onera contentis corporibus commodè feruntur, remissis opprimunt, ita etiam in literarum studio, non sentitur sedulitate labor: Contrâ; non est hoc studium, ita facile quin difficile fiat, si invitum, addo, remissiori animo facias. Vos valete, & sedulitate non tantum levate vobis laborem: sed etiam hanc unicam esse ad pulchra perveniendi viam mementote. Stetini. Anno 1612. 15. Julij.

Vester

M. Antonius Burchardus.

Index

INDEX.

Verba Aphthonij de Loco communi.
pag. 1.

COMMENTATIO.

Definitio. Genus. Differentia. p. 2.

Etymologia p. 3.

Ratio conficiendi Locos communes, 1.

Topicos, p. 3.

II. Oratorios, p. 4.

Ufus Locorum communium, ibid.

L. C. est instar Epilogi, p. 5.

Tractatio vel partes. p. 7. ibid.

Exordium ibid. contrarium p. 6.

Partes ad mores pertinentes. p. 8.

Partes Amplificationis. p. 9.

Partes affectuum, p. 10. gnome ibid.

egressio, p. 11.

Partes probationis ibid.

Exercitium, de gloria studio, p. 12.

Index quidam Locorum communium,
pag. 13.

Δευτέραι Φεγυλίδες.

I. Definitio, Genus, differentia, p. 14 & 15

II. Etymologia p. 15.

III. Ufus p. 16.

IV. Partes, ibid. 1. Exordium ibid. 2.

Contrarium p. 7. 3. Narratio p. 19.

4. Comparatio, p. 20. 5. Gnome ib.

6. Egressio, p. 23. 7. Praefatio miseri-

cordia, p. 25. 8. Loci probationis,

pag. 26.

V. Exemplum exercitij. p. 27.

ὁμογενῶν p. 28. Laudatio p. 29.

ὁμογενῶν p. 30. Vituperatio ibid.

COMMENTATIO.

I. Quid sit Laudatio, genus, differen-
tia, p. 31.

II. Quid sit vituperatio, genus diffe-
rentia, p. 32.

III. Objectum Laudationis & Vitupe-
rationis, p. 32.

IV. Tractatio, vel partes utriusq.

1. Exordium, p. 33. 2. Loci persona-

les, ibid. Ufus horum Locorum,

p. 33. Accommodatio directa, p. 34.

inflexa, p. 34. 3. Comparatio p. 35.

4. Epilogus ibid.

V. Exercitium. Laudatio Absolonis, p.

35. Vituperatio eiusdem, p. 37.

Δευτέραι Φεγυλίδες.

I. Definitio Laudationis p. 38.

Definitio Vituperationis, p. 39.

II. Objectum, p. 39.

III. Partes 1. EXordium, p. 40. 2. Loci

p. 40. Accommodatio horum loco-

rum p. 42. Praecepta septem, prae-

ceptum 1. p. 42. Praeceptum alterum p.

43. Praeceptum tertium p. 44. Prae-

ceptum quartum, pag. 45. Prae-

ceptum quintum pag. 46. Praeceptum

sextum: septimum, ibid. 3. Com-

paratio, pag. 47. 4. Epilogus, p. 47.

IV. Exemplum collaudati D. Iohannis

Baptistae, p. 48. EXERCITIA.

Locus Communis 1. εἰς τὴν ἀψινο-

είαν, vel in picam inventutis

literariae p. 58.

(:) 3

L.C. 2.

L.C.2 de prestantia ordinis Literarj,
pag. 62.

L.C.3. Adversus temerarios & auda-
culos, qui in pericula non necessaria
se conjiciunt. ut nocturni grassato-
res, p. 66.

4. In Amatores, p. 70

5. In Prodigos, p. 72

6. In Avaros, p. 74

7. In Superbos, p. 77

8. De Modestia, p. 81

9. In Iracundiam, p. 83

10. De Mansuetudine, p. 88

11. In Ebrietatem, p. 92

12. De Urbanitate, p. 96

13. Adversus Scurras, p. 99

14. In Adulatores, p. 103

15. In Homicidas, p. 105.

16. De Rusticis & ἡράκλει. p. 108

17. De Rusticis & βέλτεσι. p. 110

18. De Nobilibus & βέλτεσι. p. 114

19. In Decoctores, 117

20. De Magistratu. 120

21. De Nobilibus & ἡράκλει. p. 123

Laudatio I. Aaronis summi Sacerdotis
instituta à filio Eleazaro in funere
parentis, p. 127

Laudatio II. Abneris Imperatoris in
Israelitico exercitu: habita à Davi-
de Rege in funere, p. 132.

Laudatio III. Salomonis novi Regis:
quà Nathan Propheta gratulatur
regni proceribus, p. 136

Laudatio IV. Susanna: dicta à Ioachi-
mo marito pro testimonio, p. 141

Laudatio V. Lucretia Romana: dicta
à Bruto in funere, p. 144

Laudatio VI. Samsonis, p. 146

Laudatio VII. Christi, ex nativitate,
p. 150

Sylvula laudationum breviuscu-
larum Poeticarum.

1. A gente, p. 154

2. A patria, p. 155

3. A majoribus, p. 156

4. A parentibus, p. 157

5. A nativitate, p. 158.

Vituperatio I. Absolonis, p. 159.

Vituperatio II. Herculis, p. 162.

III. Saturni, p. 166.

IV. Iovis, p. 170.

V. Mercurij, p. 173

VI. Bacchi, p. 177



DOCTISSIMO VIRO

Dn. M. ANTONIO BURCHARDO
LUBECENSI SUBRECTORI ILLUSTRIS.
Poëdagogij Stetinenfis fidelissimo,

Partem alteram Progymnasmatum suorum edenti.



Loquij laudes qui decantare laborant,
Næ frustra hi cunctam suscipiunt operam.
Nam quæcunque minus præstant, encomia poscunt;
Vino est vendibili non opus est hedera.
Cur ergo Eloquij in laudes nunc ora resolvam?
Cum commendetur sat bonitate sua:

Nec minus; ac quondam Delphinæ traxit Arion.
Per Pelagi fidicen dum veheretur aquas,
Aut Orpheus umbras, arbuta, animalia, saxa,
Dum cereret blandæ fila sonora lyra:
Ad se pelliciat nostras Facundia mentes
Præstans, & cunctos in sua castra trahat.
Hinc quisque Eloquium Demosthenis aut Ciceronis
Optat, Cecropij aut ora disertæ senis:
Nec tam præconem; quam præclarum arte Magistrum.
Dicendi poscit sollicitèque cupit:
Quo duce perveniat summa ad fastigia SUADÆ,
Et Blando discat fundere verba sono.
Ergo tibi Merito debetur gratia magna,
Tale quod, ex voto, munus obire placet,
BURCHARDE ô patriæ decus, ô gratissime Musis,
O mihi Thesæa cognite amice fide!
Gratia debetur merito tibi maxima, non tam
Eloquij laudes quod celebrare studes;
Quam monstrare viam summa ad fastigia SUADÆ,
Et benè facundos reddere discipulos.
Conscripta haud parvâ ruæ dum gymnasmata curâ,
In lucem profers nobiliore operâ.
Atque ea vivaci condis BURCHARDE papyro,
Quæ Sedinenfi nota fuere scholæ.
Pluribus ut posthac labor atque industria profuit,
Quæ saltem paucis utilis ante fuit.
Sic decet: obscuro nec condere lumen in antro
Convenit, & dotes dissimulare suas.
Perge; atque Eusebiæ similis sis miles in armis,
Eloquio sacro verba sacrata docens.

Sic volucris te gratias honos super aethera fama,
Et penna fatum non metiente vehet.
Sic patriæ pergratus eris, Pomeranica tellus
Te colet, & poteris sic placuisse Deo.

Matthaus Bacmeisterus
Phil. & Med. D. fac.

Ad M. Antonium Burchardum,



Nasiter insudas pubi, Burcharde, docenda,
Certus non opera parcere, non oleo.
Utile laudamus conamen & ardua facta
Quæ tibi promoveat, qui mober omne Deus.
Pigrales scabie mulcentur; & optima quæq;
Contingant hâc pro sedulitate tibi.

Plurimus invenies etiam præconia laudum
Inter, quos poiuit Musa polire, viros.
Hoc tu Corde sedes nostro, semperq; sedebis
Abstulerit dum me mors homicida tibi.

Ad Eundem.

ME licet ingenium parcius absciat
Nec par esse queam viris politis;
Me tamen ad Musas fervida cura rapit,
Et gaudens vehor ad suenta Phœbi.
Hinc, Burcharde, tuos per volitans oculis
Ausus totus & omnis obstupeſco.
Quod monſtres tantâ cum brevitate viam,
Ad maiora rudi movenda pubi;
Pubi quæ sequitur te generosa ducem,
Dignum laude ducem frequentiori.
Urge concessis, qui bonus ipse, bonis
Inſervire bonis adusq; mortem.
Sic tibi sic precium post bonitatis erit
Cum Deus bona largius rependet.

Iohannes Gundermannus
Hilperhusanus, Francus,
in aulâ Loizana Ecclesiastes.

ARHTHONII SOPHISTÆ,
Progymnasma Eloquentiæ Septimum.

LOCUS COMMUNIS.

ΟΡΟΣ ΚΟΙΝΟΥ ΤΟΠΟΥ.



Κοινός ἐστὶ τόπος λόγος αὐξητικὸς τῶν προσόντων ἢ κα-
λῶν ἢ κακῶν εἰρηλατὸς δὲ ὅσῳ ἀπὸ τῆς κοινῆς πᾶσιν ἀεμιότηειν
τοῖς μετὰ ἑαυτὸν τῶν αὐτῶν πράγματων. Ὁ γὰρ καὶ προσδότης
λόγος κοινῇ πᾶσιν ἡρμωσε τοῖς κοινώσεσι τῆς πράξεως.
δευτερολογία δὲ εἴκει καὶ ἐπιλόγω. διὸ προσοίμιον μὲν ὁ
κοινὸς τόπος ἐκ ἔχει. προσοίμιον δὲ πλατύνεθαι τυπὸν,
γυμνασίας ἕνεκα τῆς πρὸς τὰς νέας. Μετ' αὐτῆς κεφάλαια. Πρῶτον ἐκ τῆς
ἐναντίας. εἴτα ἐπίσεις ἢ ἐκθέσειν, ὅς ὡς διδάσκων, ἐγνωσάι γὰρ, ἀλλ' ὡς
παρρησιῶν τὸν ἀπερῶμενον. Μετ' αὐτῆς ἐπίσεις ἢ σύγκρισιν, ἐκ πρῶτον
ὡς συνάγων τῶν κατηγορευμένων ἢ μείζον. εἴτα γνώμην, κεφάλαιον, ὅς ὡς κα-
λέμενον, διαβάλλον τῶν πράξεων διάνοιαν. εἴτα παρρησιῶν, σχα-
τικῶς κακίζων τὸν φάσαντα βίον, ἔπειτα ἐλέγξ ἐκβολὴν, καὶ τελευτᾶ τῆς
προγυμνάσεως τὰ τελικὰ κεφάλαια, νόμιμον, δίκαιον, συμφέρον, δυνα-
τὸν, ἔνδοξον, ἐκτενέμενον.

Locus communis, est oratio extollens & quæ in unaquaq; re insunt
bona vel mala. Inde verò sortitus est nomen, ut communis Locus appella-
retur, quod ad multas res ejusdem generis conveniat atq; accommodari
possit. Verbi gratiâ, quæ adversus proditorem generatim possunt dici, ea
postea rectè ad quoslibet singulos inflecti queunt, qui proditoris accu-
santur.

Videtur autem Locus communis esse quædam quasi accessoria & se-
cundaria probatio, & epilogi instar vel conclusionis. Ideò etiam exordio
destituitur.

Præcipimus tamen etiam hîc de exordio, sed saltem in hujusmodi
exercitijs Scholasticis. Post præmium hæc subiiciuntur quasi capita &

A

partes,

definitio
Etymologia

De usu in-
justo oratio-
nis corpore.

Partes. 1.
2.

3. partes, primum ponitur contrarium. Ab eo subijcitur ἐκθεσις, expositio vel Narratio, non causa docendi & instituendi auditorem, sed excitandi atq; inflammandi. Hinc instituamus Comparisonem, & conferendo rem
4. aliam inferamus de re presenti majus aliquid. Mox γνώμη adducetur, hoc
5. autem est peculiare huic parti nomen) quā reprehendimus sententias &
6. opiniones ejus cujus mores accusamus. Deinde subijcitur παρέκβασις vel
7. Egressio qua criminamur ex varijs conjecturis vitam ejusdem hactenus a-
8. ctam. Porro misericordia præciditur. Et tandem in extremo apponuntur loci illi usitati; Legitimum, justum, utile, possibile, verisimile, eventus vel consequens.

Commentatio.

PROGYMNASMA SEPTIMUM
LOCUS COMMUNIS.

De hoc Progymnasmate tria docet author: 1. Definitio-
nem. 2. usum. 3. Tractationem.

DE PRIMO: vel Definitio Loci Communis.

*Quid sit.
Genus.*

K οινός ἐστι λόγος, λόγος αὐξητικός τῶν προσόντων ἐνὶ καλῶν ἢ κακῶν.
Locus communis est Oratio quæ effert & extollit ea quæ cuiq; (vel rei vel personæ) adsunt bona vel mala. Genus est, Oratio. Intelligitur autem Oratio composita, ex pluribus Propositionibus. Habet enim locus communis Propositiones plures. Unam principalem tanquam conclusionem. Reliquas minus principales, & istius probandæ ac declarandæ causa adductas. Principalis Propositio fungitur loco Maioris Propositionis oratoribus, & est nihil aliud quàm universalis aliqua Propositio, vel de aliquo universali subiecto concepta sententia vel enunciatio, quæ propter hanc universalem potest varijs rebus accommodari. Sic quælibet facultas habet suos locos cōmunes, Theologi, Jurisconsulti, Philosophi, Oratores, Differentia, bona & mala extollere & efferre, quæ cuiq; (vel rei vel personæ) adsunt Partes hujus differentiæ. 1. Bona & mala, sunt objectum & materies tanquam prædicatum in principali Propositione loci communis. 2. Quæq; res vel persona est objectum vel materies tanquam subiectum in Propositione principali loci communis. Et hæc res vel persona debet

Differentia

sum

LOCVS COMMVNIS.

3

sum universalis, e. g. Imperator, Virtus, Fortitudo, Vir fortis &c. Non Cajus Julius Caesar aut hujus vel illius virtus, Et hic vel ille vir fortis. Isto enim non hoc modo fiet locus communis. 3. Efferre vel extollere *ῥοῦξάειν* est finis internus vel occupatio loci communis circa hujusmodi subiectū, scilicet quibus potest modis orator excogitat & conquirat & exaggerat, quæ generi isti rerum vel personarum adsint bona vel mala, e. g. Quæ possint dici in homicidam, in furem, in avarum &c. Quæ possint de Philosophia, de Philosophis, de sectâ Aristotelicâ, de bello congeri &c. Hic prædicatum sunt bona & mala quæ his rebus adsunt. Subiectum sunt in genere Homicida, Fur, Avarus, Philosophus &c. Finis est excogitare & exaggerare ista bona vel mala, vel prolixè proponere: quod fit quasi in probatione, vel reliquo orationis corpore,

Ad definitionem pertinet Etymologia vel nominis ratio, unde dictus sit locus communis. Dictus est locus, quasi sedes & materies probationis, Communis autem i. e. universalis, quod pluribus rebus possit accommodari, *πᾶσιν τοῖς μετεχέον περὶ γὰρ*, quæ participes sunt hujus ejusdem negocij, i. e. de quibus potest subiectum loci communis prædicari. e. g. Quæcunq; dicuntur in loco communi in genere de viro prudenti, illa eadem conveniunt deinde, & possunt usurpari quoties de hoc vel illo dicendum est, qui sit vir prudens.

Definitio
nominis, vel
Etymologia.

Quod eò intelligendum est, qui volunt in arte oratoriâ aliquod usq; progredi: Item in reliquis facultatibus vel disciplinis debent hujusmodi locos communes habere consignatos & de singulis rerum generibus collecta habebunt, quæ dici de unoquoq; poterunt, e. g. Inductiones, Enthymemata, Similia, Exempla, Sententias veterum &c. Hinc igitur quoties dicendum erit, depromere poterunt & faciliè suppeditabit quod dicant in unoquoque genere causarum & negotiorum.

Usus loci communis in genere.

Aristoteles libro Topicorum i. c. 14. consulit ei qui vult disputator evadere, ut habeat omnibus rerum generibus *λόγους γεγραμμένους* vel *διαγραφάς*, i. e. Locos communes consignatos vel Propositiones universales plurimas collectas cum suis probationib; Et præscribit etiâ modum horum colligendorum. Unumquodlibet, inquit, Genus rerum debemus *ὑποτίθεσθαι* præsupponere, & deinde facere descriptiones & primum incisionem rerum, ut 1. de bono. 2. de malo. 3. De uno. 4. De multis. 5. De vero. 6. De Ente. 7. De non ente. 8. De aliquo. 9. De Nihilo. 10. De Deo. 11. De

Ratio quædam inveniendi locos communes.
1. Topicos.

Intelligentijs. Et sic porro de rebus universalibus, de quibus agit Metaphysica. Item secundum divisionem singulorum generum, e. g. De Substantia corporea, de animatis & inanimatis corporibus secundum partes disciplinæ Physicæ. Item de speciebus qualitatum. De habitibus &c.

II. Sub his titulis variæ Propositiones colligendæ: & 1. quidem loco poni poterunt, quæ pertinent ad definitionem, e. g. Quod sit Bonum, Malum, Substantia &c. & hic definitio recepta subjungitur. Deinde opinioniones, vel quomodo hic & ille, vel tertius vel quartus definierit. Et hic subjungatur vel præmittatur Nominis definitio & Homonymia, e. g. Quot modis dicatur Bonum, & singulorum modorum descriptio. Postea reliqua poterunt subungi, e. g. De divisione Boni & speciebus, & quæ accedant bono, & causis Boni & variorum opinioniones de Boni his accidentibus.

Ratio conficiendi oratorios locos.

Ad horum imitationem poterimus & nos facere locos ejusmodi oratorios. 1. Si faciamus titulos. Quod fiet ex divisione unum circa quas versatur, vel de quibus dicit orator. Illæ sunt res practicæ, quæ aguntur, item quæ ad res humanas concurrunt. Et populariter sic dividi poterunt. Sunt 1. Res divinæ. 2. Naturales. 3. Humanæ. Hæ igitur erant tres quasi majores classes locorum communium. Iterum prima classis poterit dividi in suos titulos, e. g. 1. de fato. 2. De Providentiâ divinâ. 3. Quod sit aliquis Deus. 4. Quod Deus sit ultor scelerum. 5. Quod Deus sit recompensaturus pietatem. 6. Quod Deus constituat regna &c.

Sic secunda classis habebit titulos de mirabili mundi structurâ, de varijs naturæ operibus. 2. De hominis fabricâ admirandâ. Sic alij poterunt fieri tituli, si inciderimus in hujusmodi res naturales ab oratoribus tractatas.

Tertia Classis erit copiosissima. Quia circa humanas potissimum res occupata est Rhetorica. Hic poterit institui divisio secundum rerum in Philosophiâ practicâ explicatarum differentiam. Hic 1. dici poterit de moribus universim. Qui iterum tractatus dividatur in suos titulos & capita. 2. De Politicâ vel gubernatione Reip. 3. De Oeconomîâ. 2. Sub his titulis allegendur, quæ solent oratores de his capitibus dicere. Item quæ nos poterimus de his excogitare.

DE SECVNDO: Sive usu loci communis in jussu
Orationis corpore.

Δ Εὐπερολογία εἶναι καὶ ἐπιλόγιον i. e. Locus communis habet rationem secundarum partium, & epilogi five perorationis. Vel ut alij: Argumentationi jam peractæ & epilogo similis est. Vel videtur esse quædam

acces.

accessoria vel secundaria probatio, & instar epilogi. Accessoria probatio est, quæ principali probatione factâ, ex abundante & quasi accessionis loco adijcitur, & iuvat principalem probationem, ut fortius probet. Principalis probatio est in oratorijs syllogismis Propositio minor. Hæc enim probè declarata ac confirmata assentietur auditor, etiamsi non addatur Propositio Major vel locus communis. Quare, quando adijcitur major Propositio, vel locus communis, est probatio accessoria, vel secundaria. Juvat tamen locus communis probationem, quia ejusmodi universales sententiæ sunt plenæ motuum vel affectuum, & ita etiam tractantur loci communes vel ad affectus movendos accommodantur.

L. C. Est accessoria probatio.

Instar Epilogi. Epilogus generaliter ac universaliter sumtâ voce est idem quod *δευτερολογία* vel accessoria probatio. 2. Rhet. c. 20. Si quis habet, inquit Aristoteles, Enthymemata, ille utetur exemplis fictis & veris, *ὡς μαθηταῖς ἐπὶ λόγοις* i. e. tanquam testimonijs accessorij vel honorarijs. Specialiter pro conclusione Orationis sumitur, cujus officia sunt quatuor 3. Rhet. c. ult. 1. Conciliare benevolentiam & adversario odium. 2. Amplificare vel extenuare, 3. movere, & 4. renovare memoriam. Eadem ferè sunt Loci communis officia. Itaq; sic quasi per exemplum aut simile ostenditur, quis sit usus loci communis, scilicet qui est Epilogi, ut benevolentiam conciliet nobis, adversario odium, ut extenuet aut amplifcet præcipua causæ capita, ut moveat vel affectus inducat.

Est instar Epilogi.

DE TERTIO: Sive Tractatio loci communis.

Tractationis loco ab Authore afferuntur aliquot locorum five partium genera, quæ tamen videntur quintuplicia. Primum genus sunt partes Elocutionis, vel quæ pertinent ad copiam Orationis. Alterum genus pertinet ad *ἦθος*, five mores, five ad efficiendam Orationem moratam. Tertium genus pertinet ad Amplificationem. Quartum pertinet ad *παῖθος* vel affectus in animis auditorum conciliandos. Quintum genus sunt partes *ἀποδείξεως* vel demonstrationis, vel pertinent ad rationem probandi per argumenta.

De Primo genere vel partibus elocutionis in loco communi.

Hic continetur ratio copiosè & prolixè proponendi locum communem. Ponuntur autem duæ partes ab authore, Exordium & contrarium.

Prima pars Elocutionis, Exordium.

Exordio locus saltem est in exercitijs hujusmodi scholasticis, quando separa-

separatim tractamus locum communem. In Oratione autem continuâ locus communis est pars probationis Oratoriæ, nempe Major propositio, & ponitur plerumq; ultimo loco, quippe epilogi instar se habens, Itaq; sic non admittit Exordium.

Secunda pars Elocutionis, Contrarium.

Quid sit oppositio.

Ufus oppositorum Logicus.

Ufus oratorius.

Ufus oppositarum secundum formam, ad orationis copiam.

Contrarium accipiunt Oratores generaliter pro Opposito vel Propositione opposita. Est a. oppositio duplex: Secundum Formam & materiam. Secundum formam oppositio est affirmatio & negatio ejusdem prædicati, de eodem subjecto, respectu eodem & tempore eodem absq; homonymia. Quæ una est contraria, scilicet duarum universalium Propositionum. Altera subcontraria duarum particularium Propositionum. Tertia contradicens vel contradictio duarum oppositarum diversæ quantitatis. Oppositio Propositionum secundum materiam, est oppositio ratione terminorum simplicium oppositorum. Termini oppositi simplices sunt quatuor generum, relata, contraria, contradicentia, privatio & habitus. Sed in relatis est consensus quidam & major quàm pugna. Privantia & habitus coincidunt cum contradicentibus vel sunt eadem ferè. Sic relinquuntur contrariorum & contradicentium usus in hac oppositione, qui duplex est: Primus, non possunt uni & eidem attribui respectu & tempore eodem, e. g. Virtus est laudanda. Itaq; contrarium hujus vituperandum, & contradicens non laudandum, non potest dici de virtute, vel attribui virtuti, siue, virtus igitur non erit vituperanda, aut non erit non laudanda.

Secundus: Possunt κατ' ἀπολ. & διαλ. conjungi, vel per consequentiam, siue ita ut sit inter contraria consensus, si bina binis opponantur. Virtus est laudanda. Vitium est vituperandum, vel non laudandum. Latè patet hujus oppositionis usus. In præsentia illud monebimus, quomodo ex his oratio augeri vel accumulari Propositionum multitudo possit.

Dato igitur loco communi aliquo, Oratoris est, prolixè hinc posse proponere. In quâ re plurimum juvabitur isto loco, Sic autem utetur: Exposita principali Propositione, copiarum causa, & ut sit oratio amplior, adjunguntur oppositæ Propositiones.

Hic verò Propositionum oppositarum secundum formam, minor erit usus, quia hæ magis propriæ Dialecticorum: sed tamen neq; harum planè nullus usus erit. Videntur v. sic commodius usurpari posse si concipiuntur modales vel cum modo. Qui modi hic in oratoriâ materiâ sunt, honestum est, pulchrum est, jucundum est, æquum est, utile est, &c. rectè

fit, & similia. Item horum opposita. Sit igitur locus communis: Virtuti honor habendus est. Hanc sententiam sic poterimus proponere, virtuti honorem haberi, hanc coli atq; amari æquissimum est. Deinde subjungemus oppositam cum modo opposito. e. g. Nullam autem virtutis haberi rationem, nullum virtutis esse præmium, nullum adhiberi honorem, iniquissimum est. Poterimus etiam sine modo uti, per duplicem negationem, e. g. Sic, virtuti honor habendus est, & virtuti non debet non haberi honor.

Ulterius quærantur singulorum terminorum contraria, contradicentia, & si horum usus esse poterit, etiam relata. Et hæc connectantur. 1. Inter se. 2. Cum terminis loci communis, sed καὶ ἀπολογία, per consequentiam, vel jta ut sit inter Propositiones consensus, e. g. Virtus honore afficienda.

Usus oppositarum secundum materiam.

Contraria: Vitium ignominia afficiendum: Contradicentia: Quod non est virtus non est afficiendum honore. Hæc sic poterunt connecti. 1. Inter se, vitium est ignominia afficiendum. 2. Quod non est virtus, non est afficiendum honore. 3. Vitium non est afficiendum honore. 4. Quod non est virtus, est afficiendum ignominia & contemnendum. Deinde connectantur cum terminis loci communis: ut 5. Virtuti non est adhibenda ignominia. 6. Virtus est afficienda honore. 7. Vitium non est honore afficiendum. 8. Quod non est virtus non est honore afficiendum. Iterum, si his Modum velimus adjungere, multæ aliæ poterunt extrui Propositiones, e. g. Virtuti honorem haberi æquissimum est, & iniquissimum, vitium non affici ignominia, & æquissimum vitium non affici honore. Demum istæ singulæ Propositiones possunt variari per conversionem, e. g. Virtuti honor habendus est, & cui rei honor habendus est, illa aut virtus aut à virtute profecta esse debet: Nec ulli rei habendus est honor, quæ non à virtute commenderetur. Item vitium ignominia est afficiendum, & cui rei ignominia adhibetur illam rem oportet esse vitium, vel à vitio corruptam: nec ulli rei adhibenda est ignominia, quæ non propter vitium, odio & ignominia digna sit.

ADMONITIO. His Propositionibus jta multiplicatis. 1. Augetur oratio & fit amplior. 2. fit magis perspicua oratio tot verbis proposita & declarata. 3. Paratur aditus ad facilius inveniendum quod dicas ad confirmandum locum communem, aut motus concitandos. 4. Pluribus verbis debent proponi Propositiones illæ oppositæ, tum variari phrasas, ut sic la-

LOCVS COMMUNIS.

8

teat artificium & varietas medeatur tædio. 5. Videndum tamen ut modus fervetur, ne tædium obrepat, ne multitudine nimia verborum obruatur sententiæ perspicuitas. 6. sunt præterea alij modi, multiplicandi Propositionem universalem: de quibus suprà Progymnasm. 3 & 4. in divisione 3.

De secundo genere partium vel partibus morum in tractatione loci communis.

*Quod hæc
pars perti-
neat ad mo-
res.*

*Quomodo
fiat ista re-
rū narratio*

Locus communis est Propositio universalis, & sic talis, quali utuntur viri boni scilicet si rectè conceptus est locus communis. Et sic locus communis omnis per se pertinet ad mores in oratore significandos bonos & conciliat benevolentiam, si aptè & loco adhibeatur. Sunt alij modi & partes significandi mores, de quibus suprà dictum est, 4 & 5. Progymnas. Author unam saltem hic facit partem, ἡν ἐνδεσιν expositionem vel narrationem. Et dicit hanc non adhiberi ut doceas, sed ut moveas auditorem. Non ut doceas, i. e. tanquam necessariam partem causæ. Locus communis est Propositio universalis & ferè nota. Narratio est rerum particularium gestarum. Itaq; Narratio in loco communi, non habet usum docendi vel probandi. Movet tamen, i. e. opinionem bonorum morum & prudentiæ, & sic benevolentiam conciliat Oratori, si jta noverit mores hominū. Tum ipsi mores expositi adjungunt animum auditoris, ut faveat vel assentiatur causæ.

Quæ circa subjectum loci communis sunt bonorum morum characteres i. e. dicta & facta singularia hæc exponuntur, e. g. Sit locus communis, vir bonus & prudens, summā laude dignus est. Hic viri boni dicta & facta singularia enarrentur sub hac parte, e. g:

Non prius in dulcem declinat lumina somnum,

Omnia quam lapsi repetiverit acta diei.

Sic si sit locus communis: Paupertas occasio est diligentiae in multis, per quam postea ad magnos honores evehuntur. Hic dicas in narratione Pauperum mores, dicta & facta singularia, e. g. Qui fortunā utuntur vel re familiari tenuiori, fugiunt pigritiam, surgunt summo mane, vigilant, sudant, algent. Sæpius ex illis audias vulgare:

Non jacet in molli veneranda scientia lecto,

Ipsa sed assiduo parta labore venit.

Mare & terras pererrant, Undecunq; possunt, discunt. Omnibus ablandiuntur atq; arrident, omnibus se insinuant ubi possunt honestè. Sæpius

pius habent in ore: Quem fortuna humi dejecit, hunc oportet omnibus esse supplicem. Item illud Homericum: αἰδώς σὺν ἀγαθῇ κερημένῳ ἀνδρὶ παρῆναι. Non expedit viro egenti esse pudentem etc.

Malorum morum expositio vel narratio, movet odium, & sic pertinet ad quartum genus partium, vel ad motus sive affectus.

Hæc eadem pars poterit etiam ad alios usus accommodari .1. Ad copiam. 2. Ad Amplificationem. 3. Ad probationem. Ad copiam, augebitur n. Oratio, si pro uno subjecto universalis, plura ponas particularia, eg. Sit locus communis: benevolentia mutua inter homines conservanda est. Hoc exposito, poterit per Narrationem sic augeri Oratio, si afferantur dicta & facta hominum benevolentiam mutuam inter se colentium, eg. Mutuo iuvant se, mutuo amant, non bona tantum & opes, sed vitam etiam pro amico profundere non dubitant,

Alii usus
narrationis.

1. Ad copiam

2. AD AMPLIFICATIONEM, quia quod per partes narratum & expositum est, grandius apparet, eg. si pro Amico dicas, qui me amat, & cum quo fœdera perpetuæ amicitiae inij, & qui hoc & hoc beneficio me affecit etc.

3. AD PROBATIONEM, quia istæ partes faciunt Inductionem, quæ quomodo facienda sit supra expositum est.

De Tertio genere partium vel partibus Amplificationis in Tractatione loci communis

AMPLIFICATIO est Demonstratio Magnitudinis, vel est Enthymema, quo probatur res esse magna, eg. valde honesta, valde utilis, valde jucunda etc.

Loci Amplificationis sunt iidem ex quibus demonstratur res esse honesta, bona, utilis etc. 2. Rhet. c. 19. In illis locis est σύγκρισις, COMPARATIO. quam unam habet hic author noster, & habet ut sic proponam, ἐκ παρρησίας συνάγων τῷ κατηγορούμενῳ τὸ μείζον, i. e. per Collationem attribuamus vel inferamus de dicto nostro termino maius aliquid. In loco communi est subiectum: quod appellatur hic κατηγορούμενον, res dicta, vel de qua dicitur aut dictum est. Huic debet applicari τὸ μείζον, i. e. huius prædicatum debet augeri. eg. Sit locus communis: Vir prudens est laudandus. Hic Vir prudens est κατηγορούμενον, laudandus est prædicatum, quod debet augeri per comparisonem i. e. ostendi, quod valde magnæ debeantur laudes viro bono. Hæc igitur est conclusio quasi cōparationis, scilicet

locus communis noster. Demonstratio autem appellatur ab autore πρ-
 οτάσεις Appositio, Collatio etc:

INVENTIO talis est: 1. quæritur terminus cui item insit hoc
 idem prædicatum, eg. Artifices, milites, divites laudantur, Sed quò magis
 sunt illustres vel excellentes in suo genere termini isti eò sunt commodi-
 ores, eg. Principes, Nobiles, Doctores etc. sunt laudandi. Deinde ὁρί-
 ζονται, Opponuntur sibi vel comparantur: vel ostenditur quæ in isto as-
 sumto termino sint causæ, quare hoc insit prædicatum e. g. Quæ adsunt
 bona, quare laudentur, vel quæ adsint mala, quare vituperentur, sive artifi-
 ces, sive milites, sive nobiles, sive Principes. TERTIO ostenditur in nostro
 subiecto loci communis esse causas easdem vel etiam maiores (ut libitum
 est & fert negotium præsens) eg. Esse in nostro bona vel mala aut eadem
 aut paria, aut similia aut etiam maiora etc. Hinc sequitur spontè conclu-
 sio. Consequentia talis est: Maior Propositio poterit esse. Æquè dignis
 æqualia sunt tribuenda, vel maioribus dignis maiora. Deinde subjiciatur
 Collatio illa dicta.

*De quarto genere partium, vel partibus affectuum in
 Tractatione loci communis*

Affectus sunt, ira, delinitio, amor, odium, metus, pudor, gratia, mi-
 sericordia, nemesis, invidia, æmulatio &c. His affecti homines aliter atq;
 aliter judicant, de rei veritate aut etiam magnitudine. Hos affectus orato-
 res concitant, eos scilicet quibus affici auditores commodum fuerit suæ
 causæ. Quid autem sint singuli, & quomodo oratoriè effici possint, proli-
 xè docet Aristoteles 2. Rhet. toto libro. Author noster hæc tria hic attin-
 git, quomodo contemptus aut odium possit concitari, cui usui duos dat lo-
 cos. Tertiò quomodo misericordia sit evellenda ex animis auditorum vel
 nemesis excitanda. Usus horum erit si locus communis sit de re aliquâ vi-
 tuperandâ, e. g. Ebrietas est turpis. Hic contemptus & odium potest conci-
 liari hominibus ebrijs, & monstrari, quod indigni sint misericordiâ, vel
 etiam si locus communis sit de re laudandâ, poterit fingi contrarium, &
 ad hoc accommodari hi motus, e. g. Si sit locus communis de laudibus
 Temperantiæ, contrarium erit, Ebrietas est turpis: & sic idem erit usus,
 vel ebrij sunt adducendi in odium, contemptum &c.

Locus primus, γνώμη.

Sic autem appellatur reprehensio τῆς τῆς πρὸς ἀντιθετικῆς διαφοράς, sen-
 tentiæ

Locoprimg.
 γνώμη.

tentiæ authoris. Vel fictio consilij & sermonum ejus hominis, qui continetur in subjecto loci communis, e. g. Si fingas, quid ebrij cogitent, quid habeant consilij, quid spei, quare ebrietatem sectentur, cur non mutant mores, quare non corrigantur damno valetudinis & rei familiaris, non publicâ infamiâ: Quales sermones agitent secum, & hæc debent fingi turpia, ac ridicula, siue pugnancia cum virtutibus, dictis & factis viri boni. Hæc fictio si habeat crimina grandia adducet in odium. Si leviora, contentum, & risum excitabit.

Secundus locus παρέρχασθαι, digressio vel egressio.

Sic appellatur si superiorem vitam hominis enarres & vituperes. Homo autem hic poterit sumi vel universalis: qui scilicet est in subjecto loci communis e. g. ebrij. Sic illæ afferendæ erunt circumstantiæ, quæ communiter ebrijs accidunt. e. g. Qui à similibus morum parentibus nati sunt, verè dant se ebrietati. Item qui à divitibus parentibus nati, item qui diligenter sunt educati & delicatè &c. Vel poterit homo sumi singularis scilicet de quo in præsentī oratione agitur, & sic circumstantiarum istarum usus erit amplior. Poterunt enim singulæ personarum circumstantiæ huc advocari, & criminis loco obijci, e. g. Et parentes, quod hi vel similes fuerint, aut aliàs mali: vel si fuerunt boni, noster ille reus sit illis indignus & dissimilis.

Tertius locus, misericordie denegatio vel Nemesis.

Hic ostendi debet esse istum jta indignum vel universos, de quibus in loco communi agitur, ut etiamsi gravissimis supplicijs afficiantur, maximas experiantur calumnias, tamen non sint misericordiâ persequendi.

Quintum genus partium vel partes probationis in tractatione loci communis.

Hic enumerantur loci varij, unde possunt duci argumenta ad probandum locum communem. Et hi quidem loci sunt ijdem cum illis suprâ in 5 & 6. Progymnasm. positis. Nunc saltem aliter numerantur. Nam confirmatio est generaliter quælibet probatio: Et confutatio est quælibet Refutatio. Itaq; loci isti ubiq; utiles erunt. Quidam autem loci hic omittuntur ab authore, quorundam partes hic connumerantur. Præterea ponuntur saltem loci confirmationis: E quibus loci confutationis debent fieri per Oppositionem. Ut istis utamur in sententiâ nostrâ confirmandâ: Hic

in opposita sententiâ refutandâ. **LOCUS** hi **SIX** ab authore ponuntur. 1. *δικαιον*. 2. *νόμιμον*. 3. *συμφέρον*. 4. *δυνατόν*. 5. *ἔνδοξον*. 6. *ἐκδεχόμενον*.

Δικαιον vel **IUSTVM** universaliter usurpatur hic pro omni honesto. Ius aliud est naturale, aliud scriptum. Naturale est, quod omnium conservatur iudicio. Scriptum ius est, quod est certis verbis conceptum, & alicubi ad certas circumstantias accommodatum, sive Lex. Aliâs ius scriptum à jure naturali non differt. Per justum author noster hic intelligit naturale jus, sive honestatem in genere.

II. **LEGITIMVM** intelligitur ab authore nostro ius scriptum vel leges, quæ sunt attendendæ & asserendæ probandi loci communis causâ.

III. **UTILE**, quoniam distinguitur ab authore nostro ius scriptum vel distinctum proponitur ab honesto vel justo. Itaq; hic intelligitur lucrosum.

IV. **POSSIBILE** supra explicatum est Progymnas. 6.

V. *ἔνδοξον* est idem quod *πῶτατόν* supra, vel **VERISIMILE**, sic enim usurpatur *ἔνδοξον*.

VI. **EVENTVS** est pars utilitatis: si enim bona consecutura explices, divides, prolixè in his immoreris, appellant eventum. Item si mala. Etiam reliqui loci supra propositi debent consuli & quam maximè commodæ deligi probationes, & sic contraria etiam horum, vel loci confutationis. Modû hæc argumenta explicandi non habent peculiarem, sed illum quem supra docuimus.

EXERCITIVM.

Locus communis de gloria studio.

Nihil gloriæ studio magis decet animum generosum & verè nobilem.

Contrariū

Hominis est vilissimi, ingenij abjectissimi, naturæ turpissimæ, nullâ duci gloriæ ac famæ nobilioris cupiditate, suntq; illi non habendi inter nobiles, qui gloriæ contemnunt studium, & homines ignavissimos videmus hoc agere, ut quantum possunt, sint omnium hominum infimi & nullibi excellant, nullo excitentur laudis studio.

NARRATIO. Verè pulcherrimus & generosus dici potest ejusmodi animus qui gloriæ ac laudis studio commovetur. Videas enim ab istis pulcherrima facta. Quæ non pericula adeunt? annon vel sanguinem profundit, ut laudè lucentur? Sæpius ex istis audias: Famam extēdere factis,

Hoc

Hoc virtutis opus.

Hi sunt qui honoris studio ducuntur, qui fugiunt voluptatum illecebras, tanquam pestem quandam molestissima quælibet perferunt summâ animi constantiâ, famem sitim, æstum, frigora. Et satis sibi videntur præmij habituri in unicâ laude &c.

COMPARATIO. Cum multa sint animi generosi signa præclara, nullum tamen præclarius est gloriæ studio. Etenim & illi verè nobili animo sunt, qui virtutis quodam amore singulari flagrant. Quid enim nobilius, quàm quod unicum à natura concessum est, in quo homines hominibus antecellant virtutis scilicet studium vehemens & egregium: in eo existere aliquem unum hominem qui poenè omnibus alijs vel saltem plurimis palmam præripiat? Sed qualis hic amor virtutis esse poterit, nisi adjuncta sit laudis quædam & per virtutem excellendi cupido ac spes, vix intelligi potest. Iterum qui opibus magnificis congerendis occupati sunt, saltèm non nimis sollicitè: hos generosioris animi & digniores præ reliquis putant. Et non planè male quidem, si saltem non pecuniæ amore, sed usus studio inquisitioni incumbant. Sunt enim pecuniæ magnarum rerum agendarum instrumenta ac nervi. Sed nisi adjungatur his laudis & honoris affectatio facile frangent animum pecuniarum deliciæ, ad ignaviâ & pessimas sordes abducent. Item qui imperare alijs valdè satagunt in his animus quidam agnoscitur maior ac vulgi &c.

Γνώμη. Fingantur hic hominis ignavi & alieni à gloriæ studio dicta & facta singularia.

Παράδειγμα. Cogiteretur hic ex quâ gente oriundi, qualibus parentibus, quomodo educati, quâ natutâ, quibus moribus & habitibus homines, cujus generis, quid agentes & patientes, quo loco, & tempore soleant esse ignavi,

Νέμεσις. Monstretur quàm turpis sit ignavus nullo non dignus infortunio & calamitate.

PROBATIO, Instituatur à verisimili & reliquis locis confirmationis.

INDEX QUIDAM LOCORVM COMMUNIUM.

Loci communes Oratorij infiniti ferè sunt. Itaq; horum quandam summam cõficere maioris erit operæ, Interim ramen hi erunt maximè

generales & communes, in quibus exerceri poterunt iuvenes scribendis, ut quoties eorum usus erit, erit autem sapius, habeant in parato.

Classis prima Virtutes morales & vitia.

1. De laudibus virtutis & viri boni in genere. 2. Quomodo vitium vel morum turpitudine, vel homo improbus in genere possit reprehendi. 3. De laudibus viri fortis in genere. 4. De laudibus hominis qui in ludis Palearicis aut equestribus praebeuit fortitudinis suae specimen. 5. De laudibus militis, qui vel murum conscendit primus, vel hostes aggressus est, vel alia praecleara gessit. 6. De laudibus Ducis qui Victoriā obtinuit. 7. De laudibus eorum, qui fortiter occubuerunt in praelio. 8. Quomodo meticulositas possit reprehendi. 9. Quomodo in fugientes praelio sit invadendum. 10. Quomodo audacia nimia taxari possit. 11. Contra grassatores nocturnos, qui temerarie se periculis credunt. 12. Contra Thraones, quibus Mars tantum in lingua est. 13. De laudibus Temperantiae in genere. 14. De laudibus Castitatis in genere. 15. De laudibus perpetuae virginitatis. 16. De laudibus Sobrietatis. 17. De laudibus jejuniis. 18. Quomodo reprehendi possit intemperans in genere. 19. Quomodo reprehendi possit libidinosus & libidines. 20. Contra adulterium. 21. Contra Incestum. 22. Quot modis turpis sit ebrietas. &c.

Classis secunda, Virtutes & vitia intellectualia.

1. Locus, de laudibus eruditionis universim. 2. Invektiva in Imperitos & rudes literarum. 3. Invektiva in contemtores & hostes eruditionis. 4. De laudibus literarum humaniorum. 5. In contemtores earundem. 6. De laudibus Philosophiae &c. 7. De laudibus Theologiae, Medicinae &c. 8. De laudibus Prudentiae. 9. De laudibus artium.

Δεσλῆγαι Πεγνλίδες

Vel

Altera expositio.

*Definitio
Genus.*

Definitio Loci communis habet partes duas: 1. genus Oratio, id est, verba multa, & propositionum quidam contextus. Sunt autem in loco communi duo genera propositionum: primum est quaedam quasi conclusio, e. g. Temperantia est quaedam confer-

vatrix

vatrix non reliquarum virtutum tantum, sed totius naturæ humanæ. 2. Reliquæ propositiones istam declarant, repetunt, urgent, amplificant, probant. Et hoc totum corpus propositionum sic cohærentium appellatur locus communis, & est oratio vel multarum propositionum ad eundem scopum tendentium connexio.

Altera pars est DIFFERENTIA: extollens ea, &c. Constat pluribus membris. Primum membrum: BONA VEL MALA, quæ ex primuntur hoc genere orationis, vel loco communi, ea sunt, justum, injustum: honestum inhonestum: utile, inutile. Secundum membrum: EFFERRE ista bona vel mala, i. e. amplificare, ut grandia appareant.

Differen-
tia.

Tertium membrum sunt RES, quarum bona vel mala efferuntur. Has dicit autor esse res quaslibet. Intelligendus autem est loqui de generibus rerum, sive de rebus universaliter consideratis. Nam oratio de rebus generalibus, e. g. Oratio de prudentiâ Ulyssis, monstrans, quam magna illa fuerit, item, de ira Achillis, Ostendens, quam injusta illa fuerit, non sunt loci communes. Sed oratio in genere de prudentia, quanta hæc sit virtus, item de irâ, quàm gravissimè noceat, & quantum damni afferat: Ita, inquam, generaliter institutæ orationes sunt loci communes.

Exercitium hoc est dictum Locus, quod hinc comparetur & inveniatur materies orationis dilatandæ.

Etymolo-
gia.

COMMUNIS, quod unus & idem in varias causas vel quæstiones, ac diversas scriptiones possit accommodari, scilicet, si semel meditatus sis, & confectum habeas, e. g. deviro forti, de temperante, de magnifico &c. Item de mendacij turpitudine, de ebrietate, de superbiâ &c. Sunt loci communes. Si habeamus hos tractatos, vel si de his meditati fuerimus orationem, poterimus ad varios accommodare usus singulares hujus generis, sive quoties habenda erit oratio de aliquo vel ad aliquem, qui sit talis, sive in judicio, sive in deliberatione, sive in laudatione.

Causa hujus communitatis est, quod subiectum loci communis sive res, cui bona vel mala inesse demonstrantur, sit genus quoddam, vel universalis terminus, e. g. Milites pleriq; sunt jactabundi. Pauperes sunt proclives valdè ad verecundiam & suspensionem. Vir fortis est propugnaculum Reipublicæ. Hæ sententiæ faciunt locum communem. Subiectum est terminus generalis. Miles, pauper, Vir fortis.

Quare quotiescunq; inciderit occasio dicendi de personis singulis, quæ sunt hujus generis vel ordinis, utiles erunt, & apti hi loci communes.

De

*De usu Loci
Communis
in iusto ora-
tionis cor-
pore.
Est propositio
major.
Probatio
Major.
Minor.*

*Est accessio-
ri probatio*

EST accessoria probatio, i.e. in iusto orationis corpore, in praxi & usu, ubi ad causas particulares adhibitus fuerit locus communis, habebit se, tanquam propositio maior, e.g. locus communis de sacrilegijs vindicandis adhibitus in accusatione cuiusdam hominis sacrilegi (puta Verbis) est propositio maior. Conclusio enim in huiusmodi accusatione est: Hic Homo vel Verres est severe puniendus. Sacrilegi enim sunt severe puniendi, vel in Sacrilegia gravissime statuendum est. Hic autem vel Verres est Sacrilegus.

Dicit autem author: **ACCESSORIA & SECUNDARIA** probatio, quia primaria probatio posita est in propositione minori: hæc enim est potissimum controversa in causis oratorijs. Quare cum hæc recte se habet, quodammodo sponte sua sequitur conclusio: etiamsi non addita sit maior, quippe natura sua vel saltem ex ipso iure notissima, e.g. Si evidenter probatum fuerit, Verrem fecisse furtum, commisisse sacrilegia, sequitur ultrò esse puniendum, etiamsi non addatur maior propositio, vel Locus communis, quod omnis fur & sacrilegus sit supplicio afficiendus: quia hoc notum alias.

EST INSTAR EPILOGI, i.e. Habet eundem usum & officium idem, quæ sunt epilogi. Epilogus autem breviter in memoriam revocat, quæ prolixius sunt dicta toto orationis corpore: tum amplificat & grandia facit, demum excitat affectus, odium, iram, misericordiam, &c. In Loco communi fiunt hæc eadem, scilicet, quoties in iusto orationis corpore intertextitur. 1. repetuntur, quæ dicta sunt, scilicet ad probationem minoris propositionis, sive delicta & peccata Rei, unde probabatur ejus sacrilegium vel furtum. 2. Eadem amplificantur, vel ostenditur, quàm grande scelus sit furtum & sacrilegium: quantum inde immineat periculum Reipub. bonis moribus, singulorum fortunis: quàm multæ leges illud detestentur: fit comparatio ad reliqua scelera, & ostenditur, præsens hoc esse omnium atrocissimum. 3. Item in Loco communi conciliatur odium, invidia, ira Reo, misericordia læsis.

**DE PARTIBUS LOCI
COMMUNIS.**

Exordium.

Sunt illæ octo Authori nostro: **PRIMA EXORDIUM.** In hoc excogitando adhibeantur loci illi usitati: Docilitas, Benevolentia, Attentio, Doc-

Docilitate admonebimur, ut dicamus summam rei, e. g. Sit locus communis de viro bono, potero igitur ex hoc loco invenire materiam exordij hanc scilicet: figura elocutionis, est *πρὸς ληψιν* sive assumptio generis. Omnia bona prædicanda sunt, & sic etiam virtus. Cum divinum illud Eloquentiæ donum in eum usum hominibus potissimum concessum esse videatur, ut quæ cælitus nobis à divinæ clementiæ contigerunt beneficia plurima, ea in hominum cætibz eloquentiæ facultate prædicentur, atq; exornentur. Nemini igitur dubium esse poterit, quin omnium rectissimè ad virtutis ipsius prædicationem ejus facultatis usus conferatur.

I. à docilitate.

Quare cum mihi pro tempore & more nostro habenda ad vos esset oratio, virtus & hujus dignitas hoc sibi postulare jure quodam suo visa est, ut in eà exornandâ hanc operam meam collocarem. De virtutis igitur pulchritudine admirabili, dignitate præcellenti, suavitate egregia, quantum quidem vel mea in dicendo infantia consequi poterit, vel rei ipsius amplitudo permittit, istâ horâ ad vos verba faciam.

18

2. EX ATTENTIONE in mentem nobis veniet, dicere ea, quæ possunt excitare auditorem, & alacrem facere ad audiendum. Hæc sunt, si promittamus nos dicturos de rebus magnis, miris, novis, jucundis, proprijs, e. g. Sit idem locus communis.

Ex Attentionis loco possum hujusmodi materiam invenire: figura elocutionis, simile, vel comparatio. Si grata ea sunt Auditores, & libentissimis auribus audiuntur, quæ peregrinè afferuntur, vel de præfidijs ad publicam utilitatem comparatis, vel etiam de nova inventâ & concessa navigandi & mercaturæ faciendæ ratione, unde insigne aliquod in universum christianum orbem derivandum commodum speretur: quanto jucundior meâ quidem sententiâ & gravior ea erit oratio, quantoq; libentioribus auribus atq; animis percipietur, quæ non rumusculis vanissimis collectos nuntios, sed ex virorum sapientissimorum sententijs gravissimis observata judicia in medium profert, unde non facultatibus aut opibus lucellum aliquod accedere, neq; corporibus medicina fieri, sed ipsis animis nostris quàm optimè & saluberrimè consuli poterit &c. Alias Exordiorum varias formas, dabimus in Exercitiorum Materie.

DE SECUNDA PARTE.

Dicit author noster adducendum esse contrarium, i. e. propositiones principali quæstioni vel ipsi loco communi oppositas. Hæc sic inve-

II. pars.
Loci Comm-
unis con-
trarium

niuntur, 1. ponitur locus communis, e. g. virtus est ingens quoddam in vita humana bonum. 2. inquiruntur termini oppositi contrariè & contradicenter, & bini binis copulantur. Hi termini sic inventi possunt variè copulari copiae causa, e. g. primo contrarium contrario: Vitium est ingens malum in vita humana. 2. Contrarium contrario: vitium non est bonum in vita humana. 3. Contradicens contrario, ut: Quod non est virtus est ingens malum in vita humana. 4. Contradicens contradicenti: Quod non est virtus, non est bonum in vita humana. 5. post- sunt converti singulae, ut: Quod est ingens malum in vita humana est vitium &c. 6. Possunt eum modo concipi singulae. Modum autem appello terminos hos: Verissimum est, æquissimum est, iustissimum est, e. g. Vitium esse ingens in vita humana malum verissimum est. Vel: omnes ita credere iustissimum & in communem omnium salutem quàm optimè consultum est: nullum esse in rebus humanis malum pestilentius, ac gravius, quam vitiorum & scelerum contagionem. Sic autem proponuntur singulorum, ne eadem oppositæ: inquiruntur synonyma terminorum singulorum, ne eadem voces sæpius iteratæ fastidium pariant, e. g. Verissimum est, Auditores, quod dixi, nec probatu difficile, virtutem ingens quoddam esse in vita humana bonum, & thesaurum præclarissimum. Ita enim se res habet, ut vitiorum & malorum morum peste & contagione nullum videatur malum esse grandius, quo misera hæc vitæ nostræ conditio vehementius affligatur & vexetur.

Quâ formâ orationis, proferenda sunt contraria.

Propositio prima, ipse locus communis.

Propositio contraria 1. Vitium est malum.

2. proposit. Vitium non est bonum.

3. proposit. Quod non est virtus est malum.

4. proposit. Quod non est virtus non est bonum.

Neq; enim dubium cuipiam esse poterit, quin scelera & flagitia non sint in earum rerum numero habenda, quæ in ornamentum humani generis divinitus à naturæ authore Deo extirerunt, & etiam nunc conservantur.

Ubi enim virtus abfuerit, ubi à virtutis & honestatis ratione vel paululum discessum, declinatumq; fuerit, nemini obscurum esse poterit, quin insignis quædam & auctori istius facinoris, & universæ humanæ societati pernicies creetur ac concilietur.

Nam si quid a virtute profectum non fuerit, aut hujus tanquam sapientissimæ gubernatricis opera & consilijs administratum: abesse non poterit, quin omnes judicent, non saluti sed exitio illud comparatum, non laudi, sed ignominiae & dedecori attribuendum & assignandum esse. &c.

DE TERTIA PARTE

τῇ ἐκθέσει, vel Narratione.

NARRATIO est expositio rerum & factorum singularium. Videtur igitur non aliter convenire loco communi tractando, nisi ut hic ad personam referatur, vel de persona enuncietur saltem in genere, e. g. sit locus communis: Virtus est ingens bonum. Fortitudo est Reipub. propugnaculum. Ebrietas venenum quasi quoddam est, quod per universam Rempub. paulatim quasi serpens, & membra singula inficiens & corrumpens, tandem totum destruit corpus &c. Hi loci sic referentur ad personam, vel concipientur de persona in genere, e. g. Vir bonus est utilissimus Reipub. Vir fortis propugnator est communis salutis. Homines ebrij pessimè suo exemplo nocent, & alios ad similem turpitudinem alliciunt.

Loco communi ita concepto, Narratio suscipitur de factis istius personæ, e. g. de factis viri boni, viri fortis, hominis ebrij & temulenti.

Facta autem afferuntur, quæ communiter ab ipsis committuntur, & vulgo quodammodo nota sunt, idq; descriptionis gratia, vel ut quasi ante oculos pingamus illud hominum genus, quos locus communis noster attingit. Finis est hujus descriptionis secundum Authorem, non ut doceamus, hoc est, rem ignotam auditoribus exponamus, quod aliàs fieri solet in narratione, sed ut commoveamus, i. e. excitemus auditorem, & erigamus in affectum aliquem, vel animi commotionem, e. g. ut benevolentiam & amorem conciliemus huic hominum generi, de quo in loco communi sermo est, e. g. virum bonum & fortem ita describamus, & ornemus secundum facta & virtutes, ut quam pulcherri- mus & maximè amabilis appareat. Igitur si in loco communi mala considerabuntur, & homo nequam aliquis, narratio hæc instituenda est de contrario, e. g. in loco communi de Ebrietatis turpitudine narrandum erit de factis & institutis hominis temperantis vel sobrij. Iterum geminare hanc narrationem possumus: ut in loco communi aliquo, de malis moribus, pingamus illas notas aut ea facta quibus contemptus horum morum hominibus pariat. Sin de moribus bonis institutus sit locus communi, hanc turpitudinis notationem accomodemus ad contrarium. Exemplum vide in Exercitio.

*Quid sit
narratio.*

*Hic facta
narrantur
quæ sunt
characteres
morum.*

DE PARTE QUARTA DE COMPARATIONE.

IN hac inducitur similis aliqua res, vel similis aliqua persona: & ostenditur, pares vel minores esse causas, cur res in loco communi prædicata aut extenuata eodem modo, vel majori etiam prædicanda aut extenuanda sit, e. g. sit locus communis de viro bono, comparatio erit oratio, qua inducentur aliæ res aut personæ item commendandæ, & gravibus quidem de causis: sed hoc eventu, ut vir bonus vel iisdem, vel majoribus etiam laudibus dignus esset ostendatur. Afferentur igitur in hac comparatione divitiæ & honores, & imperia, item homines istis fruenter bonis, & ostendetur, quid in illis sit commodi. Postea verò subjungetur invirtute & viro bono & eadem & majora esse commoda. Idem sit locus communis de Ebrietate. Hic in comparatione adducuntur res & personæ item reprehendendæ, e. g. fures, latrones, scurræ, avari, & quicquid præterea est vitiosorum ac nequam hominum.

In his ostendetur. 1. quanta inest turpitudine, & quàm graves reprehensionis causæ. 2. Eadem causæ monstrabuntur inesse, atq; adeo etiam majores in ebrietate, & homine ebrio. Est vero etiam aliud similitudinis genus: ubi comparantur scilicet res toto genere remotissimæ: ut inanimæ & brutæ (in quibus nulli sunt mores) cum intelligentibus; ut si comparem corvum cum adulate, aurum cum veritate. Ubi sunt excogitandæ plurimæ similes rationes, vel plurima similia & quæ utrisq; attribuuntur prædicata. e. g. corvus ater, item adulator: corvus avis omnibus invisæ, sed quæ tamen domesticæ delectamur: item adulator. Corvus præ voracitate etiam fæda sectatur cadavera, adulator item turpem quæstum, &c. Hæc persuadendi vim habent, si ingeniosè excogitaveris ea quæ non cuilibet in promptu fuissent & sic benevolentia facultate, qua acumen dicentis complectitur auditor, in sententiam nostram adducitur.

DE PARTE QUINTA DE GNOME.

Gnome, i. e. sententia, est terminus artis, i. e. orationibus proprius. Et secundum authoris nostri interpretationem est reprehensio opinionum

onū ejus, aduersus quē institutus est locus communis. Locus communis autem est vel de re malā, e. g. Ebrietate: sic hac parte reprehenduntur opiniones hominis ebrij, Vel est de re bonā, e. g. de viro forti aut bono. Hic reprehenduntur homines contrario vitio affecti, e. g. homines mali & audaces vel timidi. Opiniones autem sunt sententiæ, quæ ad speciem honestæ videntur, & ipsi auctori graves ac ponderosæ, quibus peccatum suum defendit, aut prodit, sed reuera sunt ridiculæ ac falsæ, & tales hac parte proponuntur, e. g. sit locus communis de Ebrietate, Gnome vel fictio opinionum erit talis.

*Gnome vel
opiniones e-
briorum.*

Mirum autem videri cuiquam poterit, neq; id injuriā, quomodo & quibus consilijs vel hominum quispiam ratione certā & mente imbutus eo adduci poterit, ut pessimo hoc turpitudinis genere, ebrietatis dico, non tantum ex aliorum hominum secundum rationem & honestè viventium societate se segreget, sed & ad porcos, & alias bestias sordidissimas morum similitudine sese abjiciat: Magis verò hoc mirari liceat, si etiam illud accesserit, ut ratione aliqua imbutos & persuasos ad eos mores applicasse animum, in iisdemq; adhærescere audiat. Nimirum ajunt, vitam humanam molestiarum plenissimam sufferri non posse, nisi aliquid aliquando genio & animo des. Nullæ enim unquam tantæ vires, nullius rei tam benè firmæ facultates deprehensæ sunt, quin eadem faciliè absumantur, nisi detur aliqua à labore vacatio.

*na/d5a-
as vel
pæmonitio*

I. opinio

Honestæ sanè ratio, & quæ tantoperè reprehendi non posset, saltē si ad ipsos quicquam pertineret, & non jure pessimo, vi & fraude pertraheretur. Quasi enim non aliæ essent honestissimæ delectationes, quibus à molestia laborum interquiescere possimus, ut ad porcinas istas delicias abeundum sit. Igitur ab hoc præsidio deturbati bibones nostri istuc confugiunt, ut dicant, esse necessariam, & quàm maximè honestam vivendi rationem, ut non tibi soli vivas, & instar noctuæ domi & in tenebris delitescas, sed in hominum conspectum ac lucem prodeundum esse, captandos congressus sociorum atq; æqualium, & eos quidē frequentissimos, ut ex horum turbā ac numero, quos satis diu exploraveris bonos & candidos, & quorum tibi in omni vitā usus quàm honestissimus ac utilissimus esse poterit, eos amicos certissimos tibi deligas ac devincias. Nullam autem vel commodiorem vel minus molestam occasionem esse aliorum animos explorandi, quàm inter pocula, ubi omnis abest simulatio, ipsa quodammodo pectora & animus intimus in-

*Judicium,
vel solutio*

*II. Defensio
vel opinio.*

trospicienda dantur, Præterquam quod ex illa jucundissima conversatione mores poliuntur singulari quadam humanitate atq; affabilitate: Ex sententiarum collatione crebra, nescio quomodo, nihil te sentiente prudentia quadam & rerum peritiâ animus imbuitur, ut plures ex tabernis & communi hominum societate prodierint gnavi & industrij, quiq; negotiis gravissimis rectè præficiuntur, imò quibus summa sæpè Reipub. commendata est, quàm ex philosophastrorum scholis & disciplina.

*Judiciū de
hac Secūda
sententia.*

Sed neq; hæc defensio hominum planè ebriorum & poculis obrutorum: verum sobriorum aliquantum, & nonnihil sapientium videtur, adeò acumen quoddam habet. Veruntamen nescio quid vini olet, & mentem istis turbatam, ac præ crapulâ titubantem arguit, Quid enim an non pulcra hæc ratio est ineundæ amicitia, & animorum explorandorum, inter pocula scilicet? ut nempè ipse tibi prius mentem eripias, atq; omnem adimas sanæ rationis usum, quam, quid alius sanæ mentis habeat, explorare possis? an non hoc est oculis te privare, ut eò acutius videas? Eadem amentia est, ex hac turbatissima vivendi ratione prudentia aliquem usum sibi polliceri. At mea sententia si inter pocula, inter homines ebrios, & vino onustos, imò præ cibi, portionumq; copia nimia ingurgitata infantes, prudentia aliqua addisci potest, omninò consultius esset, vel saltem tutius & securius ad haras porcorum, vel ferarum spelæa & latebras prudentia acquirendæ causa diverti. Quippe cum inter has feras bestias non minor rationis exercitatio, fastidium certè fastidissimi feroris, & periculum vitæ ac salutis longè minus exstat.

Tertia sententia.

Si igitur hoc fas, jusq; est, idq; Cereri & Baccho hujus gentis Deumculis placere potest, ad ipsa mystica sacra combibonum nostrorum irrepamus; sive has attendamus facti sui, & instituti defensiones, quas dum sacris suis operantur, vel benè jam poti sunt, dictitant: Ibi ex illis audies Quis scit, an hæc unquam sit reditura dies? Edamus & bibamus, cras enim moriemur. Et principes habemus hujus nostri ordinis socios. Quid enim aliud in aulis agitur, quàm ut poculis certetur? Rusticorum est opus facere, mercatorum pecunias colligere, concionatorum de extremo judicio prædicare, senum insomnes noctes dieq; ducere, & nobis sibiq; bene precari. Nos quibus non ita gelidus obstat circum præcordia sanguis, qui generosioris sumus naturæ, qui plenum turgentibus spiritibus ferimus pectus, quibus integra adhuc ætas est, quid itane misere prodeamus hanc ætatulam nostram? vel quovis malo digni essemus. Quin po-

tius dum messis nostra in herba est, dum flos novus & nova pubes: curemus cutem, genio nostro aliquid demus, & fruamur annis nostris, illaq; occasione voluptuosissima. Rideamus interim stultitiam vulgi pessime defraudantis genium suum, ut magnos pecuniarum acervos construant. Quorum si nobis libeat stoliditatem æmulari, quis tandem mundus & quæ locorum capacitas tot nummis congestis sufficiet? aut quæ illorum cumulorum demum utilitas erit?

O capita non leviter stolida, sed quàm maximè & pessimè insana, istos ne homines, quid autem dico homines, istas ne bestias volui dicere, & pecudes in luce hac, quâ divina benignitate fruimur, ferendas esse, quæ & in ipsum autorem lucis adeo existunt ingratae, & ipsa luminis ac vitæ usura istac nequissimè abutuntur, ut vita sordidissima atq; impurissima Deum abnegent, non hominum tantum sed creaturarum plane nomine indignos se efficiant?

Hinc digni sint, qui homines appellentur, qui in diem vivunt, ventri suo, non alicui honestæ occupationi productos se putant? An creaturarum titulo ipsi se non exuunt, qui inficias ire non possunt, Deum nihil ab opere vacuum voluisse, quodcunq; in rerum natura produxerit? iidem tamen fatentur non inviti, posse se nulli vocare operi, sed ad orium & molliciem sibi videri progenitos. &c

Altera descriptio gnomes.

Potest vero etiam aliter institui gnome. Scilicet in partem bonam & commendationem, ut exponas opiniones & sententias eorum hominum bonis moribus prædicatorum, de quibus est locus communis, opinionones, inquam, honestas, & quæ adjungant illis auditorum benevolentiam. Exemplum vide Exercitio 2. & 10.

DE PARTE SEXTA.

HAc parte criminamur vitam hactenus actam. Refertur igitur hæc pars item ad personam, vel hominem in genere, de quo mentio fit in loco communi, & quidem in partem malam. Fitq; criminatio hæc ex conjecturis, i. e. ex ijs, quæ verisimiliter accidunt circa personarum circumstantias, e. g. objicimus illi parentes vel probos vel improbos. Si probi fuerint, criminamur, quòd honestam famam parentum filius degener vitæ turpitudine contamine. Si parentes fuerint improbi, damus illi hoc probro, vel invehimur in parentes ipsius, & dicimus ad istorum

*Judicium de
hac senten-
tia.*

*παρέκτα
σις,
Egressio.*

improbi-

improbis filium sua etiam scelera, vel paria, vel etiam graviora ad-
cisse. Idem fit ex reliquis locis personarum in secundo progymnasmate
expositis, scilicet obicitur educatio; Natura, mores, disciplina, &
genus artis, officium & vitæ genus, socij, varia dicta, & res gestæ par-
ticulares, fortunæ &c.

Hæc sunt particularia, sive uni singulari personæ conveniunt. In
scribendo autem loco communi exercitij causa potest etiam fingi perso-
na, & circumstantiæ item fingi, ut sic exerceamur in afferendis hujus-
modi criminationibus. Sed possunt tamen eadem etiam generaliter
institui, scilicet, ut ex istis circumstantiis inquiratur causa, & occasio
criminum principalium, e. g. sit locus communis de Ebrietate.

Egressio igitur & criminationis generalis sic poterit institui, ut ex lo-
cis personarum dicatur causa & occasio, quare homines ebrietati dedant
se, e. g. Multæ sunt causæ & insidiæ quasi ac tendiculæ, quibus homines
ad turpissimum hoc vitium inescantur atq; illaqueantur. Præcipuæ ta-
men illæ mihi videntur, scilicet, parentum negligentia, educatio prava,
natura improba, genus vitæ sordidum, socij nequam, sermonum obsce-
norum ac ridiculorum sectatio, & alia quædam hujus generis. Nam si
parentes ipsi dediti fuerint luxui & crapulæ, mirum non est, liberos in
idem vitium incidere. Et hic frustra fit, si præceptis salutaribus omnem
aditum ad luxuriam liberis intercludere annitaris, si autoritate, si gra-
vi interminatione, si pænarum denunciatione deterreas, eosdem verò
vitæ pravitate vel invitos pertrahas, quò omnes naturam propendimus,
ad libidinem scilicet.

*Criminatio
hominis e-
brij.*
*ναδία
σις.*
*Parētes itē
ebrij-*

*Parētes ali-
as mali.*

*parētes pro-
bi.*

Quod si parentes ab intemperantiâ quidem ac gulâ abstineant, alijs
tamen vitijs affines sint, æquè difficile erit liberos in officio continere.
Vix enim fieri poterit, quin animadversa in parentibus morum turpitudi-
ne, liberi aut contemnant illos, aut non seriò a vitijs se prohiberi cre-
dant, quibus tantoperè monitores suos ipsos delectari vident. Porro
etiam hoc contingit nonnunquam, ut vitæ integerrimæ homines ex-
istant, iidem liberos educant sui quàm dissimilimos, & bipedum nequissi-
mos. Quod inde plerumq; fit, quia molliter nimis atq; indulgenter
sobolem suam habent. Quare etiam hoc diligenter cavendum est ne-
quid hic titubetur, ne nimia lenitate fenestra aliqua ad nequitiam ætate-
læ isti, sua sponte ad malitiam propendenti patefiat.

Idem fiat in reliquis partibus vel locis,

De usu huius partis in loco communi super re bona.

Est huius partis usus etiam in loco communi super re bona, e. g. in loco communi de viro bono, de fortitudine, de pietate &c. talis scilicet, 1. ut accommodetur egressio vel criminatio ad eum, qui contrariis moribus præditus est, e. g. criminemur vitam anteactam, vel circumstantias viri improbi, ignavi vel audacis & impij. Vel dicamus, quomodo à parentibus, quomodo in educatione, quomodo in naturæ proclivitate & reliquis peccetur, unde postea, tanquam ex radice venenata pessimi isti mores, tanquam viperea quædam proles suppullulet & progeneretur. possumus tamen aliter etiam accommodare Egressionem, nempe ut faciamus locum contrarium, sive criminationem cōvertamus in Encomion, & prædicationem, & dicamus hac parte laudes ejus personæ, vel ejus generis personarum, de quibus in loco communi agitur, e. g. Dicamus, ex quibus parentibus, & qua educatione, natura, moribus, genere vitæ & reliquis existant viri boni, viri fortes, & homines pij.

**DE SEPTIMA PARTE
DE PRÆCISIONE MISERICORDIÆ.**

Misericordia est animi commotio, quâ turbamur alienis malis, & condolemus, & propterea ad juvandum eum propendemus. Excitatur Misericordia his tribus capitibus 1. si quis ostendatur nobis esse conjunctus, i. e. ejusdem ordinis, sanguinis, gentis, aut aliud quid habere commune, 2. si ostendatur indigna quæq; pati, quod vir bonus sit, quod eventus sint insolentes, calamitates multæ, grandes, inusitæ, adversarij & hostes improbi.

3. Ut ostendatur, nobis metuendum esse idem, aut simile calamitatis genus, qui item sumus infirmi & homines, aut ejusdem conditionis, aut pares habeamus hostes, aut saltem communi fortunæ subjiciamur. His igitur locis uti poterimus, ubi in loco communi pro viro bono deprecandum fuerit. Author noster jubet uti nos non misericordiæ commotione, sed præcisione vel denegatione. Igitur præscribit saltem, quis sit huius partis vel misericordiæ usus adversus homines improbos, nempe deneganda est misericordia, vel præcavendum ab oratore, ne erga istos Auditores misericordia tangeretur. Hoc igitur effici poterit modis contrariis, nempe ut reus sic describatur, 1. quasi qui nihil nobiscum com-

Misericordia unde excitetur.

munere habeat, aut parum saltem, & illud tenue. Vel qui nobis sit hostis & adversarius, & hostilia adversus caput & fortunas nostras aut nostrorum machinatus sit. 2. quasi qui digna pariat, quippe improbus, & exilia, & ab hominibus non iustis. Vel utatur ac fruatur fortunis & felicitate, honoribus, opibus, benevolentia hominum, peccandi impunitate indigna & iniusta. 3. quod ea pariat. à quibus nihil nobis metuendum sit. Vel quod ab huius impunitate & potentia metuenda sit magna nostra & Reip. perniciēs.

Figura elocutionis in hac parte, hæc observetur, crebra imò perpetuæ exclamationes. Deum atq; homines obtestemur, indignissime factum. II. Tum paradoxa ex antithesi contrariorum, e. g. alios conservavit: à quibus perderetur. Nobis pacem comparavit: sibi inimicitias. Apud hostes securus fuit: inter amicos infidiis appetitus est. III. Apostrophe vel prosopopœia: qua alloquimur absentes, mortuos, item civitatem; vestes, gladium, Deum conquerendi causa; quasi præ animi consternatione &c. Et aliæ grandes ac turbantes figurae.

DE PARTE OCTAVA vel LOCIS

Legitimo, Iusto, utili &c.

DE his locis duo sunt notanda, 1. quid sint, 2. quis sit usus eorum. Sunt autem uni & eidem cum locis confirmationis in sexto progymnasmate positis, nisi quod hic paulò aliter enumerantur.

Legitimum est ius legibus comprehensum, & est pars honesti.

Iustum videtur hic generaliter usurpari pro omni honesto, vel eo, quod à virtute proficiscitur.

Utile quoniam hic distinguitur à Iusto vel honesto: itaq; intelligitur omne id, quod lucrosum est, vel lucrum affert, sive bonorum, sive pecuniæ, sive valetudinis, sive amicorum, sive alijs boni huiusmodi.

Possibile est locus sexto Progymnasmate expositus, item Verisimile.

Eventus vel consequens est pars utilitatis, & comprehendit bona vel mala quoquo modo ad rem præsentem pertinentia, & ad eam evenientia.

Uti poterimus his locis, si aliquod fuerit in loco communi controversum & dubium, ut hinc auditoribus persuadeamus, e. g. si locus communis de ebrietate.

Usus horum locorum.

Hic

Hic in tractatione hujus loci duo possunt agi, 1. ut enumerentur & amplificentur quæ sunt in ebrietate mala atq; incommoda, vel ut ostendatur, ebrietatem vitium esse quam turpissimum. Hoc efficitur reliquis partibus jam enarratis.

2. Potest & hoc de ebrietate probari, & peti ut ebrietati modus statuatur à Magistratu, decernantur pænæ ac supplicia in homines temulentos, arceantur è communitate civium & mores isti, & homines ipsi polluti.

Hoc posterius habet controversiam ac dubitationem, quæ in deliberatione versatur, vel ad deliberativum causarum genus referenda est.

Hæc igitur controversia vel hæc petitio oratoris ex locis confirmatorijs muniri poterit, & sic non tantum hi loci hic utiles sunt, sed universi illi supra in quinto & sexto progymnasmate expositi.

Exemplum tractati Loci communis ex Locis confirmatorijs.

Quare ut tandem portum attingat oratio, optimè consuluerint Reipub. qui ad ejusdem gubernacula assident, si ferinos istos mores vinum cerevisiamq; ingurgitandi inter christianos non tantum non ferant, sed severissimis interdictis, & gravibus supplicijs ultra sauromatas & oceanum glacialem ablegent atq; exterminent.

Facerent certè hoc non ex divinarum tantum legum autoritate, sed etiam humanarum quam plurimarum & prudentissimarum. Semper enim in ijs Rebus publicis, quæ sapienter institutæ fuerunt, immoderatus vini, potusq; usus severissimis legibus fuit coercitus. Nota est pittaci facinoris commissum esset, duplex pæna exigeretur, altera propter commissum scelus, altera propter ebrietatis admissam turpitudinem. Jam verò in sacris literis quam multæ ac graves, atq; adeò plenissimæ divinæ severitatis extant prohibitiones, quib9 ab hoc maleficio omnibus ijs serio interdicatur, qui in piorum numerum accivitatem quasi allekti & adscripti sunt.

Hic subijciendi sunt loci ac testimonia sacrarum literarum, quibus ebrietas prohibetur. Ephes. 5. Nolite in ebriari vino, in quo *eterna* est, vel certissima perniciēs. Galat. 5 Ebrij & temulenti non ingredientur

Præmonitio vel Summa.

Argumentum primum à legē timo.

Regnum calorum. Demum hic etiam propositio Major addi potest, vel locus communis de autoritate legum divinarum & humanarum, & quanti interfit eas esse salvas, imò sacro sanctas.

Arg. II. à
iusto.

Præterea etiam illud æquisimum est, ut è societate civium quam longissimè ablegetur & amandetur, quo præsentè Reipub. salus conservari non poterit: Et ut ille, qui vità improbißima plurimis nocuit, iustà, quamvis ipsi acerbam, iudicis sententiam experiatur: quid verò æquitati magis consentaneum est, quam ubi turpissimorum flagitiorum quoddam quasi incendium subito extiterit, omnes cives, & Magistratum præsertim totis viribus agere, legum, interdictionum, ac suppliciorum gravitate ac pondere illud opprimere atq; extinguere, ne illa pestilentissima flammà universam Rempublicam pervolet, corripiat, depascat.

Arg. III.
ab utili.

Quare quoniam nemini dubium esse poterit, ad Reipublicæ conservationem pertinere, ne liberè grassentur vitia, ne libidines sint impune, ne cuilibet liceat ex ingenio, & more suo vivere: & hoc facile erit iudicare, magno Reipublicæ bono fieri, si immoderata illi perpotandi licentia tandem frena iniiciantur. Præterquam enim quod hoc quam saluberrimum est Reipub. etiam ad plurimà ipsorum helluonū utilitatem spectabit. His enim pænarum quasi stimulis ex veterno pigritiæ & ignaviæ excitati melius in posterum sapient, ex istimationi suæ, rei familiari, valetudini, familiæ, ipsi salutè, de quibus omnibus gravissimè, culpa sua periclitabantur, rectius providebunt. etc.

Ὁκτὰυον Προγυμνασμα Laudatio.

ΟΡΟΣ ΕΓΚΩΜΙΟΥ.

Εγκώμιον ὅτι λόγος ἐκθεικὸς τῶν προσόντων ἡνὶ καλῶν. "Βιρηται δὲ ἔπος ἐκ τῶ ἐν κώμαις ἄδειν τὸ παλαιόν. Κώμας δὲ ἐκάλεον τὰς σενωπὰς. Διενώνονχεν δὲ ὕμνῳ καὶ ἐπαίνῳ. Τῷ τὸν μὲν ὕμνον εἶναι θεῶν. τὸ δὲ ἐγκώμιον θεῶν καὶ τὸν μὲν ἐπαινον, ἐν βραχὺ εἰ γινέσθαι. τὸ δὲ ἐγκώμιον καὶ τέχλων ἐκφέρεσθαι. Εγκωμιαστὴν δὲ προσώπων τε καὶ πράγματα, καί τις τε καὶ τόπος, ἀλογα ζῶα, καὶ πρὸς τοῖς Φυτῶν. Πρὸς ὅσα μὲν, ὡς θουκυδίδην ἢ δημοσθένην: πράγματα δὲ, ὡς δικαιοσύνην ἢ σωφροσύνην: καί τις δὲ, ὡς ἔαρος ἢ θέρους: τόπος δὲ, ὡς λιμένας καὶ κήπους: ἀλογα ζῶα, ὡς ἵππων ἢ βοῶν. Φυτὰ δὲ, ὡς ἐλάϊον ἢ ἄμ-

πλέον. Εγκωμιαστέον δὲ καὶ κοινῇ, καὶ καθέκαστον. Κοινῇ μὲν, ὡς ἅπαντες
ἀθηναῖς: ἰδίᾳ δὲ ὡς ἀθηναίων ἓνα. Ἡ μὲν ἔν διαίρεσις αὐτῇ τῷ ἐγκω-
μῷ. Εργάσιον δὲ αὐτὸ τοῖςδὲ τοῖς κεφαλαίοις. Περιουσία μὲν πρὸς
τὴν ἔσιν ὑπόθεσιν: εἴτα θήσεις τὸ γένος, ὃ διαίρεσις εἰς ἔθνος, πατρίδα,
προγόνους, καὶ πατέρας: εἴτα ἀνατρεφὼν, ὡς διαίρεσις εἰς ἐπιτηδεύμα-
τα καὶ τέχνῃ καὶ νόμῳ: εἴτα τὸ μέγιστον τῶν ἐγκωμίων καὶ φάλασιν
ἐποῖς εἰς, τὰς πράξεις, ἃς διαίρεσις, εἰς ψυχὴν καὶ σῶμα καὶ τύχην:
ψυχῇ μὲν, ὡς ἀνδρείαν ἢ φρόνησιν. Σῶμα δὲ, ὡς κάλλος ἢ τάχος ἢ
ῥώμην: τύχῃ δὲ, ὡς δυναστείαν καὶ πλεον, καὶ φίλους: ἐπὶ τέτοις τὴν
σύγκρισιν, ἐκ προφάσεως συνάγων τῷ ἐγκωμιαζομένῳ τὸ μείζον: εἴτα
ἐπίλογον, εὐχὴν μάλιστα προσηκόντα.

Laudatio.

Laudatio vel encomium est oratio enarrans bona, quæ alicui rei in-
sunt. Græcū autem nomen inde originē traxit, quod olim in pagis &
conventibus hominum hoc orationis genus decantaretur, pagos autem
vel vicos Græci appellant κώμας. Differunt autem hymnus, Encomi-
um vel laudatio, & ἔπαινος vel prædicatio, scilicet quod hymnus Deos
laudat: Encomium autem tribuitur rebus mortalibus. ἔπαινος vel præ-
dicatio est laus brevibus expedita. Encomium vero dicitur, si ex arte &
operose laudes. Laudari verò poterunt personæ, Res, Tempora, loca,
animalia bruta, & demum stirpes. Personæ, ut Thucydides, Demosthe-
nes. Res, ut Justitia. Temperantia. Tempora, ut Ver, æstas, hyems.
Loca, ut portus, horti. Animalia bruta, ut equus, bos. Stirpes, ut o-
lea, vites. Porro laudari possunt vel ipsa rerum genera vel res, individua
seu singulares. Rerum genera e. g. Athenienses universim. Res singu-
lares, ut unus aliquis civis Atheniensis. Et hæc quidem varietas occur-
rit in Encomio. Tractationis autem hæc possunt fieri partes. 1. Exordi-
um sumatur pro re natâ & dato argumento. Postea ponatur genus vel
origo. quæ partienda erit, in gentem, patriam, majores parentes. Hinc
subjungetur educatio, quæ includit studia, artē, leges. Inde veniunt
considerandæ actiones, vel res gestæ, quæ caput, sunt in laudatione. Has
distribues secundum animum, corpus & fortunas: Ad animum referi-
mus e. g. fortitudinem, prudentiam. Ad corpus, formam, celeritatem
& robur: Ad fortunam, potentiam, divitias, amicos. Post hæc institui-

Definitio et
nominum
applicatio.

Secunda
pars Obje-
ctum vel res
laudanda.

3. Tracta-
tio laudati-
onis.

itur comparatio, quæ ex collatione rei alterius similis, majus aliquid infert de re in præfenti laudata. Demum attexitur Epilogus vel conclusio, quæ plerumq; votum habet.

ΟΡΟΣ ΨΟΓΟΥ.

Ψόρος ὅστις λόγος ἐκθεικὸς τῶν προσόντων ἐνὶ κακῶν. Τόπῃ δὲ κοινῇ διενύσχει, τῷ, τὸν μὲν τόπον ἐπιγὰρ κόλασιν, τὸν δὲ ψόρον μόνῳ ἔχειν διαβολῇ. Διαρρεῖται δὲ τοῖς αὐτοῖς κεφαλαίοις, οἷα περ καὶ τὸ ἐγκώμιον, καὶ πρῶτα δὲ ψέχειν ὅσα καὶ ἐγκωμιάζει. προσηύδα τε καὶ πράγματα, καὶ εἰς τε καὶ τόπῃς, αἰλογαζώα, καὶ πρὸς τῆς Φυτῆς. Ψεκτεῖν δὲ καὶ κοινῇ καὶ καθ' ἕκαστον. Καὶ προσημαζόμενος ἐποίει τὸ γένος, ὃ διαρρησὶς ὁμοίως τῷ ἐγκωμίῳ, καὶ τὴν ἀνατροπὴν καὶ τὰς πράξεις, καὶ τὴν σύγκρισιν, καὶ τὸν ἐπίλογον ἅτῃ ῥήσιν, ὡς καὶ ἐν τοῖς ἐγκωμίοις.

Vituperatio.

Definitio.

Vituperatio est oratio enarrans mala, quæ alicui rei insunt. Differt autem à loco communi, quoniam in eo hoc agitur ab oratore, ut supplicio reus dignus demonstretur. In vituperatione autem sola spectatur reprehensio. Varietas autem rerum, quæ vituperationem incurunt, hic eadem est, atq; in laudatione. Eadem enim genera rerum, quæ laudabantur, etiam vituperari possunt. Item hic vel ad ipsum genus universum vel ad res singulas licet vituperationem accommodare. Ubi exemplum absolutum fuerit, enarrabitur genus, secundum, partes jam explicatas. Item educatio, & res gesta. Demum instituetur comparatio, & ultimo loco conclusio adjungetur, ut præceptum est de laudationibus.

2. Objecta
vel res vitu-
perande.

3. Pars. Tra-
ctatio.



Commentatio

PROGYMNASMA OCTA-
VUM ET NONUM.

LAUDATIO ET VITUPERATIO.

DE his tria Author docet:

I. Quid sint.

II. Quodnam sit Objectum, vel quæ res laudentur aut vituperentur.

III. Locos, & Tractationem: vel unde res laudetur aut vituperetur, vel quomodo laudes illæ aut vituperatio proponenda sit.

DE PRIMO.

QUID sit Laudatio & vituperatio. Ut intelligatur quid sit Laudatio, tria dicuntur. I. Definitio. ἐγκώμιον δὲ λόγος ἐκτετακὸς τῶν παρόντων ἐνὶ καλῶν. Est oratio exponens bona quæ alicui rei insunt, Genus est, Oratio, scilicet composita ex multis propositionibus vel Oratoria. Differentia est, Bona enarranda vel exco- gitanda, quæ cuicunque rei adsunt, de quo Oratori forte agendum est. II. Etymologia, vel origo nominis. Appellatur ἐγκώμιον Græcis quæ si in pagis decantatum, nam κώμη significat pagum. Quia olim in con- vertibus decantabantur laudes. III. Distinctio quædam vocabulorum. Illa tria hic ponuntur. I. ὕμνος i. e. cantio, quo appellatur illa lauda- tio, quæ Deo tribuitur. II. ἔπαινος laus, quam dicit author noster convenire breviori laudationi & prædicationi. III. ἐγκώμιον quod di- cit author noster convenire prolixiori & oratoriæ laudationi, Aristoteles in Eth. c. 12. tria habet vocabula. Primum est μακαρισμός ἢ ἑνδοξασ- μος, quem dicit esse si Deos aut homines magnos prædicemus. Se- cundum, est ἔπαινος laus, quam dicit esse propriam τῶν διαόρων i. e.

Quid sit
Laudatio.

rerum quarum aliquis usus est aut utilitas: Tertium est ἐγκώμιον quod dicit esse proprium τῶν ἐργῶν operum vel actionum.

Quid sit vituperatio.

Duo dicuntur. I. Definitio. ψόγος ἐστὶ λόγος ἐκ θετικῶν τε καὶ ἀποφαινετικῶν τινὶ κακῶν. Vituperatio est oratio exponens mala quæ alicui insunt rei. Genus est, Oratio scilicet composita vel oratoria. Differentia, sunt mala.

*Differentia.
a Loci com-
munis à Vi-
tuperatio-
ne, incom-
moda.
Differentia
vera.*

II. Distinctio vituperationis à loco communi, sed incommoda, sic enim distinguit author à fine. Loco communi, scilicet hoc agere oratorem ut supplicio dignum Reum demonstraret. Vituperatione autem solum spectare reprehensionem. I. Artem accidens est hoc loci communis, vel raro in eum finem scribitur locus communis, qui habet propositiones universales, non tantum de malis, sed bonis etiam practicis. Deinde etiam vituperatio institui potest ad demonstrandum supplicio dignum Reum esse, ut in accusationibus. Videtur autem sic differre Locus communis, non à Vituperatione tantum, sed etiam Laudatione: ut propositio universalis à particulari vel locus communis est quædam laudatio, & vituperatio universalis. Laudatio & vituperatio potest etiam esse quædam rerum singularium. Seu tandem: Locus communis est quædam Laudatio aut Vituperatio universalis. Sed qualis? vel quomodo differt? Respondeo; methodo vel aliis locis inventionis, non ipsa quæstione.

DE SECUNDO.

Sive Objectum Laudationis & Vituperationis.

Omnis generis rei practicæ possunt laudari aut vituperari, quibus scilicet insunt bona aut mala. Ille enim exponere est laudare, hæc commemorare est vituperare. Numerat aliquas exempli loco Author. 1. Personæ possunt laudari i. e. homines omnis generis atq; ordinis, ut Thucydides, Theognis, Aristoteles etc. 2. Res scilicet aliæ præter hominem, ut qualitates ille vel virtutes. Justitia, Temperantia, Sapientia, eruditio, bonæ literæ. Item forma & venustas, & joci causa, Stulticia, Deformitas, paupertas, etc. 3. Tempora, ut ver, ætas etc. Infantia, Inventus etc. Aureum seculum. 4. Loci, ut portus, horti, sylvæ,

tempe

sempe 5. Animalia bruta, ut equus, bos, asinus. 6. Stirpes, ut olea, vitis &c. 7. Aliquando genera ipsa laudantur: aliquando Individua, Genera ut homines vel Athenienses. Item arbores & horti, & juvenes. Individua, ut hic homo; hic Atheniensis, hic hortus. Et omnino cujuscunq; generis rerum usus aliquis est in vitâ humana, & laudari poterunt: itemq; vituperari.

DE TERTIO.

Vel Tractatio Laudationis & Vituperationis.

PARTES ab autore nostro quatuor ponuntur: Exordium, Loci Inventionis, Comparatio, & Epilogus.

I. Exordium hic non habet peculiarem inventionem aut Tractationem: Potest excogitari & proponi ex illis quæ supra dicta sunt ad progymnasma 5. & 6.

II. Loci dantur ab autore nostro tantum personalis, sive unde persona laudari aut vituperari possit. 1. Genus vel origo, quo refert gentem, patriam, majores, parentes. 2. Educatio, quam dicit trium esse partium, author. 1. studia hic considerari i. e. inclinationes naturales, tum exercitia primæ ætatis & genus vitæ. 2. artem, i. e. habitus intellectuales. 3. Legem i. e. habitus morales quomodo secundum ac contra leges, i. e. honestatem legibus comprehensam, vixerit.

III. Actiones. Has dicit author esse præcipuum, caput Tractationis & trium generum esse actiones. 1. Genus, actiones animi, ut quæ sunt à fortitudine aut prudentia profectæ. 2. Genus, actiones corporis: ut si quis forma aut venustate sua aliquid effecit. Si roboris & celeritatis edidit specimen &c. ubi corpus concurrit & medium est, & quidem maximè necessarium. 3. Genus, actiones fortunæ, in quibus usus spectatur rerum à fortuna vel externa causa obtingentium. Ut quomodo quis usus sit potestate sua vel magistratu & honore, divitijs, familiaritatibus &c.

Supra in secundo Progymnasmate Personarum locos divisimus: & alij aliter dividunt. In plures autem partes divisi, majorem suppedi-
rabunt argumentorum copiam. Uti autem locis istis quibuscunque sic poterimus. 1. Quæ ex illis Locis personæ in præsentia consideratæ ad-

*Alia locorum
distinctio.
usus horum
locorum.*

sint, exponamus, e. g. David Patrem habuit Isai: filium Absolon, & Ammon pessimos etc. 2. Describamus, e. g. Isai fuit vir probus & honestissimo inter suos loco &c. Absolon insigni pulchritudine Juvenis, qua tamen ad nequitiam abusus est. Ammon ætatis vitio turpi sororis amore illaqueatus tum corruptus pravo consilio Jothani, pietatem & vitam. 3. Accommodemus. Accommodare autem est probare quod hæc laudes vel hæc vituperatio circumstantiæ istius, pertineant ad personam, de qua agimus principaliter. Ut quod David sit inde laudandus, quod talem habuerit Patrem, aut filios. Hæc accommodatio fit vel directè vel per inflexionem. Directa accommodatio est, ex qua hoc immediate colligitur, quod persona illa, de qua principaliter agimus sit laudanda. Et hoc fit per Locum communem, in quo idem est major terminus, qui est in questione. e. g. in præsentì themate: David est laudandus &c. qui nati sunt ex parentibus pijs & honestis plerique evadunt similes. Hæc directæ accommodatio habet locum, si circumstantiæ habeant se eodem modo, quemadmodum thema, i. e. Si in laudatione sint bonæ circumstantiæ, in vituperatione circumstantiæ malæ. Deinde norandū cū loc9 istecōmunis plerique dubius sit & ex parte verus, includenda est præoccupatio, eg. Sic: Quamquam accidit, ut ex optimis parentibus nascentur filij degeneres ac pessimi, tamen sæpius fit, ut parentes pij atque honesti similem moribus suis sobolem educant. Et hic adiicienda est causa quædam, ut quod Parentes pij sedula ac sollicita educatione pravitatem istam naturæ nostræ corrigere satagunt, & ad præceptorum honestissimorum inculcationem etiam exemplum suum præclarum adjungunt. Deinde promissiones divinas habemus illustres quibus Deus pollicitus est singulari sibi curæ fore semen piorum.

Accommodatio inflexionis.

Accommodatio per Inflexionem est, quando circumstantiæ contrariè se habentes ac postulabat thema, in alteram partem inter prætationem inflectimus. Contrariè se habentes, i. e. in laudatione malas, in vituperatione bonas. In hac accommodatione non ipsum immediatè thema concluditur, sed mediæ quædam Propositio inter thema & oppositum hujus e. g. David est laudandus. Opp. Non est laudandus vel vituperandus, Medium: Non est tantoperè vituperandus, est venia dignus excusandus. Aliquando tamen in hac accommodatione indirecta, utimur istis circumstantiis contrariè se habentibus ad amplificationem nem scilicet, se ipsius rei veritas aliunde jam constet. eg. David habuit

pessimos

peffimos filios, Inde concludo fuisse ipsum ei constantiorem in pietate & verum patientissimum qui quidem digna severitate animad verterit in improbitatem filiorum, nihil tamen indignum sua pietate erga Deum & liberos admiserit

Locus communis hic fit ex illis, quæ communiter accidunt istis circumstantijs: aut ex ijs etiam quæ accidunt huic personæ, e.g. Ex illis quæ communiter accidunt: David habuit, filios improbos &c. Sed nostis ita accidere, ut ex optimis Parentibus nascantur filij degeneres. Item ut parentes, etiam si faciunt officium in liberorum educatione, tamen hanc experiantur calamitatem, ut degenerent liberi in mores pessimos. Itaq; hæc Davidi non poterit probro dari. Ex illis quæ accedunt præfenti personæ. e.g. Nihil intermisit David, quod putabat pertinere ad rectam liberorum institutionem, qua fuit pietate. Piorum enim hominum hoc est tum parentum verè amantium liberos. Item ex personâ Absolomi. Erat ferocioribus moribus & præterea callida, noverat parentem fallere simulatione probitatis. Hujus modi autem genera si tractes, facere poteris locupletissima.

Tertia pars Comporatio. De hac parte ex professo docetur in proximo progymnasmate.

Comporatio.

De quarta parte. Epilogo. Epilogi quatuor officia sunt, si prolixè & secundum artem tractetur, de quibus supra dictum est in Progymnasmate 7. memb. 2. Author noster dicit, Votum hic habere locum. Votum autem est. forte, quo optamus amplius nobis dari tempus: Habere enim nos plura, quæ dicamus de præfenti negotio.

Epilogus.

EXERCITIUM.

ORATIO Achilopheris Panegyrica, qua laudes novi Regis dicit Absolomi. Habita in conventu solenni universi Israelis post electum Absoonium Regem, anno conditi mundi. 2920.

*Laudatio
Absolenis.*

Exordium caput benevolentiam à mentione pietatis & fecilitatis Israelitarum. Propter potissimum causas hodie confluxistis veri Israelitis: Primum quidem ut Deo Israelis Opt. Max. solennes gratias ageretur, quod cum hætenus annis aliquot defuncto scilicet rebus suis sene nostro Davide; mulierculis & insanis quibusdam hominibus, dicam enim quod res est, servierimus, nunc tandem in libertatem vindicati si-

mus, haud equidem sine mente reor, sine numine Jovæ: & regiones nostræ iterum rege suo i. e. capite, corona ac sceptro insignitæ, muro & turribus adversus omnium hostium insultus munitæ sunt. De tanta felicitate ut hodiè Deo gratiæ ageremur, & vobis gratularemur, decretum est, idq; vos convenistis. Altera deinde causa est Panegyridos hujus, ut nubeculam quandam seditionis pessimorum hominum, qui hanc felicitatem Israeli invident, & sub pallio Davidis senis nobis imperare mallent, quam Absolomum: Ut has inquam scintillas & seditionum semina mature, manu atq; omni vi armorum opprimamus ac suffocemus. Sed de belli quidem apparatu post consultabitur, nunc autem ut gratulationes vestræ, & supplicationes Deo facientis, eò alaciori à vobis animo suscipiantur, dicam breviter quas causas justissimas habeamus nobis gratulandi de Rege novo verè divinitus non concesso tantum, nec proceritate corporis solum, ut Saulus, sed multis illustrissimis, naturæ, ingenii, atque alijs ornamentis & insignibus, quasi digito quodam DEI monstrato.

*Ejus Absolomi. Locus
1. origo. pars
2. gēns.
Accommo-
datio I.*

Atq; ut unde natura ipsa initium Absolomo dedit, inde etiam principium capiat oratio: Gentem Rex Absolon nobiscum communem habet, ex Israelitico populo natus.

Quam magnam semper duxit felicitatis suæ partem, quod scilicet esset ex eo populo natus, quem Deus sibi peculiarem multis ac magnis beneficijs quasi coemit: qui cum fœdera tam sanctissima iniit, erga quem tantis ac tam stupendis miraculis suum amorem testatus est. Hic poterunt repeti historiæ ex Moyse & sic describeretur gens.

*Accommo-
datio, II.*

DEUS apud Moysen præcepit vobis, Dev. 17. 15. ut constitueretis vobis Regem de numero fratrum vestrorum: Non poteritis inquit, alterius gentis hominem vobis Regem facere, qui non sit frater vester. Hic nunc meritò vobis gratulari deberis secundum divinam hanc legem datum vobis esse hodiè Absolomum Regem sanguinis vestri, natum ex sancto illo semine Abrahamæ, gente ac populo benedicto.

*Secunda
pars Tribus*

Dicatur sic porro de reliquis, ut 2. de tribu, Juda scilicet 3. De regione Juda. 4. De urbe Hebron, ubi natus est Absolon. 5. De majoribus usq; à Semo filio Noachi: hujus filius Arphaxad, hujus Salech, hujus Heber Videatur Gen. iii. v. 10. &c. Si qui sunt inter hos maximè illustres, in his immorandum est, ut in Abrahamo, in Juda, primo

Tribus

Tribus hujus authore. 6. De patre Davide prolixè dicatur, & meritis erga Remp. Sed querela adjiciatur de ætatis infirmitate, qua factum sit, ut cum non posset amplius rebus suis superesse, pessimi quidam homines & nequissimi sibi imperio usi sint prohibidine: Unde res regni neglectæ &c. & enarrentur incommoda. Neq; hoc tantum, sed imperium planè justis hæredibus eripere conati sint nisi prudenti consilio in tempore prævenisset Absolon: 7. De Matre, 2. Reg. 3. v. 3. 8. De Avo materno & familia materna. vel de regibus Gessur, Syris & de terra Syria. 9. De fratribus singulis. 10. De sorore Thamar. 11. Absolon Ammone mortuo, & Cheleabo; est primogenitus filius, 2. Reg. 3. Dicitur hic poterit de jure primogenituræ. 12. De cognatis patruelibus, Joabo, Jonathane, Hufaele, Sic porro dicatur de reliquis, de natura, educatione moribus, habitibus, uxore, liberis, subditis, locis, & regionibus, quas obierit, de ætate, de divitijs, de exercitu. Item de rebus gestis, de fortuna.

inflexio.

Comparatio fiat Absolom cum Salomone, &c. Item cum Davide, hi postponantur.

Peroratio 1. repetat pleraq; capita laudis, per formam precum ac voti, eg. Justas igitur habetis causas cur Deo agatis gratias, de Rege, tantis donis ornatissimo. 2. Moveat odium & invidiam Davidi & ejus socijs.

Admonitio. 1. Singulæ partes seorsim sic debent tractari, ut diximus, ut nominentur, describantur, vel in meliorem vel pejorem & partem & prolixè: & demum accommodentur. 2. Quæ sunt minoris momenti, has possumus multas simul complecti, vel singulas quidem nominare & seorsim exponere, sed non describere, vel saltem non prolixè describere. 3. Varietatis causa accommodatio aliquando præmittenda, aliquando ultimo loco subijcienda, aliquando interponenda erit inter nominationem & descriptionem. 4. Item aliquando omitteri poterit accommodatio.

EXERCITIUM ALTERUM

Vituperationis.

ORATIO Invektiva Joabi, summi exercituum Ducis in Israele in Absolomum: habita cum Joabus educeret exercitum contra Absolomum; ad milites.

Vituperatio Absolomis.

Exordium moveat dolorem à statu præsentis temporis, quo universus Reip. status turbatus & ex à filio dejectus, omnes quasi in exilio vivant cives, veri quidem & amantes Patriæ. 2. Moveat odium Absolomo. Harum turbarum omnium author Absolon. Hic fiat initium invectivæ. Utatur iisdem circumstantiis, sed deligat eas, quæ malè se habent; & in his immoretur. Quæ benè se habent: has per Inflexionem accommodet: & multas simul complectatur.

Comparatio. Comparetur Absolon cum Caino, item cum Chamo & dicatur longe peior esse, item cum puero Solomone.

Peroratio. 1. Repetat pleraque capita. 2. Moveat misericordiam erga Davidem. 3. Adhortetur ad fortiter pugnandum pro Patria & Rege.

ΔΕΥΤΕΡΑΙ

Ἡ δεύτερη

VEL ALTERA EXPOSITIO DEFINITIO LAUDATIONIS.

GENUS est oratio, i. e. complexum aliquod vel corpus orationis, multitudo sententiarum oratoriæ & artificiosè connexa ad unum quendam scopum, sive unam quandam sententiam vel quæstionem principalem explicandam & evincendam. Differentia est; exponens bona &c. Hæc constat tribus partibus. 1. Subjecto, 2. Prædicato sc: quæstionis præcipuæ in laudatione. 3. Officio laudationis, vel opera & modo considerandi. Subjectum hic sunt Res, i. e. qualibet quæ in considerationem Oratoris incidunt, quæ secunda parte enumerantur. 2. Prædicatum sunt bona, quæ ijs rebus insunt. Hic igitur est scopus quæstio præcipua, in quâ elaboratur in laudatione, sc: rem aliquam, puta Herculem aut Temperantiam, aut æstatem, aut narem habere aliquid boni in se: vel ut communi usu loquimur esse laude dignam. 3. Officium laudationis est, ea bona inquirere congerere exponere. Conclusio illa constituit propositionem: Expositio autem quæ est enarratio honorum, conficitur reliquo corpore. Secundum hoc offici-

um; differt laudatio à loco communi: Locus communis amplificat & gràndia facit, non demonstrat vera esse vel verè adesse bona. Laudatio circa illud occupata est, ut adesse bona aliqua, & quænam adsint planè faciat.

Definitio Vituperationis.

GENUS est oratio. Differentia enarrare mala, quæ alicui rei insunt. Eadem hic partes quæ in laudatione. 1. Subjectum, Res quælibet, quæ oratoriam operam admittunt. 2. Prædicatum mala adesse alicui rei i, e, rem esse vituperio dignam. 3. Officium vituperationis est exponere ea mala, vel enumerare, in plures partes dispergere, & quam multa esse ostendere.

De secundo sive Objecto.

Objectum vel res laudandæ aut vituperandæ non includuntur certo genere, sed omnis generis res laudari, & eiusdem generis res vituperari possunt: quibus sc. bona insunt vel mala, quia illa exponere est laudare: hæc enumerare est vituperare.

Objectum.

Autor noster enumerat aliquas exempli loco. 1. Personæ possunt laudari vel vituperari, e, g, cives, nobiles, rustici principes, mercatores, milites, studiosi literarum, senes, adolescentes, infantes, mulieres, mares, viduæ, divites, foeneratores, & quæcunq; sunt alij hominum ordines. Item singulares homines ut C. Julius Cæsar, Hercules, Pompeus, Cicero, Cato, D Maria virgo, Baptista Johannes, Herodes. 2. Res possunt laudari aut vituperari, quæ hic intelliguntur distinctæ & diversæ à personis, locis temporibus, rebus naturalibus. Res itaq; hic dicuntur virtutes & vitia, artes item & disciplinæ. tum opera hominum, item, actiones, & demum officia. Virtutes & vitia sunt, e, g, pietas, impietas, charitas, odium, misericordia immisericordia & reliquæ virtutes Christianæ cum vitijs oppositis. Deinde Fortitudo, ignavia, audacia. Temperantia & intemperantia & reliquæ virtutes morales. Artes & disciplinæ sunt: Theologia, Jurisprudentia, Medicina, Philosophia & artes Logicae: Grammatica, Rhetorica, Logica, Poëtica. Item artes illiberates, Ars navigandi, venandi aucupium, ars piscandi, ars fa-

brilis

fabrilis, Sutoria, pistoria. Opera humana dico artificum inventa, ut pixidem nauticam, typographiam, pilam, domum, arces, civitatem, scholam, gladium ephippium. Officia appello varias hominum functiones, ut Magistratū, ordinem Ecclesiasticum, conjugium, cælibatum, vitā privatā, vitā publicā, vitā Scolaſticā, vitam monaſticā.

3. Tempora poſſunt laudari aut vituperari, ut ver, æſtas, item infantia, pueritia, adoleſcentia, vita invenilis. Item ſecula priora vel noſtra ætas aut Memoria. Item dies feſti, ut Bachanalia, Saturnalia, Megaleſia, item noſtri feſti dies, nativitatſ Dominicæ, paſchatis, pentecoſtes, item dies caniculares, item poſſunt inſtitui laudes de nocte, crepuſculo, veſpere, meridie, & quæ præterea ſunt temporum diſcrimina. 4. Loca poſſunt vituperatione aut laude affici. E. G. regio aliqua, ut Germania, Italia, paleſtina, vel terra Cānaan, America. Item civitates, Athenæ, Roma, Hieroſolima, Babylon. Item domus vel ædes privatæ, arces, agri ſylvæ, horti, paſcua, prata & Regia ſolis &c. 5. Animalia, bruta ſit vulpecula, Elephas, Equus, Simia, muſcæ, apes &c. 6. Stirpes, herbæ omnis generis, arbores, frutices, item fructuum genera. Et hæc poſſunt addi aliæ res naturales, ut laudatio ſolis, aut alterius alicujus ſtellæ. Laudatio pluviarum, nivium, grandinis. Item de commoditatibus aquæ & ignis, aut alterius alicujus elementi. Item de incommodis. De lapidis laudibus aut vituperio. De gemmis, Deſluvijs. De mari. De inſenſuum præſtantia. De metallorum laudibus aut vituperatione. De intelligentiæ humanæ laudibus. Laudatio linguæ. Vituperatio linguæ. Item ſingulorum poteſt membrorum inſtitui laudatio, vel vituperatio.

De Tertio vel tractatione.

PARTes, autor noſter, quibus proponitur oratorie Laudatio & Vituperatio, Quatuor facit, Exordium, locos inventionis, vel probationem, comparationem & epilogum. Exordium non haber hic peculiaria præcepta: ſumi poteſt ex locis, quarto & quinto progymnaſmate datis. 2. De probatione. Loci dantur & præſcribuntur ab autore noſtro tantum personales, aut unde perſonæ laudari poſſint aut vituperari: Quia harum frequentior uſus eſt. Et in reliquis rebus laudandis aut vituperandis fere in ſingulis alia atq; alia ratio eſt. Loci illi ſunt: Genus

vel origo: quo refertur Gens; patria, Majores: parentes: Adde fratres, sorores, cognatos, affines. 2. Educatio, quæ tria complectitur secundum nostrum autorem. 1. Studia, i. e. naturam, inclinationes naturales, e. g. misericordiam, iracundiam, libidinem, docilitatem, vel ruditatem, obedientiam erga parentes, vel inobedientiam, studium litigandi, vel mansuetudinem, item exercitia primæ ætatis. 2. Artem i. e. habitus intellectuales: peritiam & imperitiam, rei rusticæ, militaris, familiaris: peritiam literarum, philosophiæ & eloquentiæ. 3. Leges, i. e. habitus morales, quomodo secundum aut contra mores i. e. honestatem legibus comprehensam quis vivere assuetus fuerit. 3. Actiones: Has dicit autor esse præcipuum caput Laudationis & Vituperationis, & trium generum esse actiones. Primum genus, actiones animi: ut quæ sunt fortiter, aut temperanter & liberaliter & magnificè, & modestè & ex mansuetudine, & constanter, & urbane, humaniter, & justè & prudenter ac sapienter ab aliquo dicta aut facta. Aut contrarijs modis stolidè & imperitè, audacter aut timide, intemperanter. 2. genus. Actiones corporis sunt usus & exercitium ipsius corporis & bonorum in corpore. Hic igitur enumerantur forma ac figura, sanitas, vel valetudo, robur, celeritas, artes manuariæ, saltatoria, canendi instrumentis musicis: Et quomodo his usus aliquis sit, nempe ad mollitiem vel superbiam, vel contra. Scilicet fuerit istarum contemptor, formæ dico & venustatis, vel id operam dederit, ut mores formæ consimiles essent. Item quid occasione istarum acciderit, e. g. propter dignitatem corporis admirationi fuit, & ad officium aliquod electus & omnibus charus.

Tertium genus: Actiones fortunæ, ad has pertinet enumeratio ipsarum fortunarum, & usus earundem. Fortuna vel est adversa vel secunda. Fortuna adversa complectitur mala, quæ non attingunt corpus & animum, nisi doloris sensu, e. g. Inimici, amisio amicorum, bellum. 2. Fortuna secunda complectitur bona extra hominem posita, e. g. amicos, honores, pecuniam, opes omnis generis, hortos, agros, conjugium, liberos. Et horum conservatio & acquisitio item est bonum fortunæ, item depulsio contrariorum est bonum fortunæ, quemadmodum amisio & jactura bonorum fortunæ est malum fortunæ. Usus est: quali animo fuerimus in istis comparandis, tuendis & amittendis, ut hoc in Laudatione & Vituperatione describatur ab oratore.

1. Circumstantie ille nominantur de sunt.

De accommodatione horum locorum ad Laudationem, & vituperationem.

UTI his locis sic poterimus. 1. inquiramus & exponamus, quæ ex illis circumstantiis adsint præsentī personæ, e. g. Herculis patria est Thebæ. Gens, Græcia, pater Jupiter aut Amphitruo: mater Alcmena: majores, Thebanorum Principes.

Exempli gratiā sumamus nobis Johannem Baptistam. Hic circumstantiæ sunt: I. Genus seu origo: quo pertinet patria, majores, parentes, cognati. Gens sunt Judæi, patria est regio montana, majores sunt Levitæ. Parentes Zacharias & Elizabetha. Inter cognatos etiam Christus est ratione maternæ familiæ. II. Educatio quæ dividitur in tres partes, 1. considerantur hic studia vel inclinationes naturales, & exercitia primæ ætatis. Horum quidem non fit mentio in historia sacra: per conjecturam igitur exprimi possunt: hoc modo: Quia in ipso materno utero fuit plenus spiritu DEI, dubium non est, quin etiam annis pueritiæ supra ætatem donatus fuerit illustribus divinæ agnitionis donis: & summæ voluptati duxerit de Messia cognato suo crebrò cum parentibus sermonem instituere, frequenter orare, aliquid ex sacris prælegere.

2. Pertinent huc artes, i. e. notitiæ quas addidicerit. Fuerintne deductus in ludum literarium, in controversiam vocari potest. Parentes sane homines pii id videntur studiosè operam dedisse, ut tenera ista ætas in scholis publicis, quæ apud Judæos quam optime constitutæ habebantur, ingenuis & honestis disciplinis imbueretur.

Verum si penitus introspiciamus sacra monumenta, id velle videntur, quod humanis artibus nullis tinctus fuerit Johannes noster: quin domi apud parentes latuisse ajunt. donec ad officium exercendum trigesimo tandem ætatis anno publice populo Judaico se sisteret. Neque tamen interea domi a parentibus domestica institutio non accuratissima & diligentissima adhibita est: commendati prophetæ, horum vaticinia diligenter enucleata & universum pietatis negotium huic filiolo suo studiosissime expositum. Ut sic divus Baptista literas quidem humanas quippe vulgares & hominibus ethnicis communes non attigerit: in divinarum autem cognitione, tum domesticæ institutionis beneficio, tum cælesti inspiratione tantum super omnes universum homines excelluerit,

luerit: ut hujus etiam eximia sapientiæ nomine nemo major Baptista Johanne ex homine natus esse ab ipsa veritate Christo nostro prædicetur.

3. Continentur hic leges i. e. virtutes, in quibus prima est pietas in Deum: Zelus in religione & fide Christi prædicandis. Deinde pietas erga parentes. Demum communes illæ Ethicæ virtutes: Fortitudo, Temperantia, Parsimonia, *aiſdeueia*, modestia, Iusticia.

III. Actiones Iohannis Baptistæ sunt gesta singularia, 1. secundum animum. 2. secundum corpus. 3. secundum fortunas. Secundum animum 1. res gesta est, quod in utero existens infans agnovit Christum, etiam tunc embrionem vel nondum natum & subsultando eiusdem adventum gratulatus est. 2. In officio docuit magno Zelo, baptizavit, qui fuit ritus novus. Multa millia convertit. Christum ipsum baptizavit. Scholam aperuit doctrinæ cœlestis: Atq; hæc pie fecit, Illud constanter quod Herodi ausus est contradicere. Illud modestissime quod cum maximi fieret à Iudæis, non insolentior inde factus est: cum honores Messia deferrentur recusavit. 2. Secundum corpus: nullis delitijs fuit deditus: ne valetudini quidem pepercit, habitavit locis vastis: abstinuit communi cibo; formæ nullus cultus.

3. Secundum fortunas. Amicos forte paucos habuit, inimicos plurimos: præsertim Herodiadem & filiam: neq; tamen ad istorum gratiam quicquam veritatem inflexit: carceris sensit molestias & patientissime pertulit: tandem miserrime interiit levitate mulierculæ.

Alterum præceptum de usu istarum circumstantiarum.

ITA ergo, 1. excogitemus nudas & simplices circumstantias in persona describenda, & conservemus in tabula. Quæ descriptio poterit esse instar fili Thesei, ut totam meditationem vel scriptionem dirigat: ut quodq; suo loco dicamus: tum quod confectum sit, quid reliquum possimus prævidere: & ne una parte diutius quam par est immoremur, ne sic a reliquis excludamur, sed ex omnibus æquabili magnitudine inter se complicatis justum orationis corpus efficiatur. Alterum ergo præceptum, ut circumstantiæ illæ, postquam singulæ suo loco nominatæ sunt, per se ipsæ quælibet describantur, sive proluxe enarrentur, quæ in ipsis insunt

bona vel mala, e. g. Circumstantia in laudando Iohanne 1. Gens sic poterit institui:

Atq; ut à gente ordiamur, unde tantum generis humani lumen ac decus exitit: notum sine est à Judæis ortum duxisse Baptistam nostrum. 2. Descriptio gentis. Judæorum vero populus, Deo gratissimus, ac propter multa apud hunc divinitus exhibita miracula toto mundo omnibus seculis clarissimus fuit. Originem ab Abrahamo trahunt, cujus nepos ex Isaaco Iacobus propter luctam cum filio Dei, Israel vel victor Dei dictus est. Hic cum duodecim filios ex quatuor uxoribus suscepisset, quartus natus Iuda ius regni ex patris benedictione adeptus est; quod ex prisco omnium gentium jure, primogenito cuiq; in familia debitum, Ruben frater maximus nefarijs & sceleratis cum noverca nuptijs perdidit. Paucorum annorum spacio familia Israelis in multas domos & amplissimam nepotum multitudinem propagata est. Itaq; ipse in duodecim tribus, vel stirpes partitus est, secundum filiorum nomina. Et sic de reliqua historia Iudaica, Excerpantur præcipua capita, quæ visa fuerint habere quid singulare, jucundum, mirabile. Et quæ fuerint vulgaria, novitate narrationis condiantur. Dico vocum venustate, narrationis ordine, gnomis alicubi & Noëmati interspersis. Deinde revertemur ad tribum Iudæ, e. g. Penes Iudæ posteros præcipua quædam & quasi regia autoritas sita fuit, ut pleriq; ex his duces eligerentur, hi in itineribus & prælijs quasi in acie constituti, reliquis & viæ monstratores & defensores periculorum essent. Donec tandem Davide electo majestas regia publica penes hujus posteros ferè ad usq; nativitatem Christi mansit. David & Salomon universo populo Israelitico imperarunt. Postea per imperitiam & inhumanitatem Rehoboami factum est ut is populus in duo regna divelleretur: Quorum alterum Israeliticum, vel Ephraimiticum aut Samaritanum dictum est, cui alij quilibet: alterum Iudaicum cui filij Davidis præerant, & Iudæ posteri cum Beniamitis subijcebantur.

Præceptum Tertium.

POST descriptionem opus est applicatione ad personam laudandam vel vituperandam: Vel ut ex ea circumstantia deducantur laudes vel vituperatio præsentis personæ. Quod fit tanquam per propositionem

majorem

maïorem & conclusionem. e. g. Sed redeundum est ad Johannem nostrum, cui certè nescio an majori laudi fuerit, ex tam clarissima & fere omnium nobilissima gente nasci: An vero populo illi gloriosius, quod præter fortissimos heroas plurimos, patriarchas gravissimos, prophetas divinitus illuminatos innumerabiles, sanctissimorum hominum multitudinem incredibilem, etiam hunc longe reliquis & animi fortitudine & vitæ gravitate, & illuminatione Spiritus Sancti, & morum sanctitate præferendū virū vel Angelū potius in lucem istam progeniit. Verissima igitur illa quidē laus Iudaico populo etiam hinc accedit quod Johannes Baptista eos cognatos suos, fratres suos, majores suos sanguinem suum agnoscit neq; tamen nulla murua Baptistæ ē gente ista sua existit commendatio.

Etenim ut non dicam nunc, quod maxima sita est vis ad naturam. ingenerandam in ipso maïorem sanguine generosiori; omnes ita iudicamus, neminem vel ingenij dotibus celebrem, vel fortunæ successibus insignem, vel alijs maximis quibusq; virtutibus clarissimum extitisse, quin aut origo gentis ignobilis & abjectæ non nihil gloriæ luminibus offecerit, & nominis splendori labeculam aliquam asperferit: aut gentis suæ celebritas virtutis claritati nonnullam lucis accessionem adjunxerit. Hæc propositio potest illustrari à contrario, simili, Inductione, Exemplis sententijs authorum.

Præceptum Quartum.

SED hæc eousq; sunt tractanda, ne obliviscamur scopi nostri, i. e. laudum Iohannis Baptistæ. Cogitemus & reliquis circumstantijs esse locum debere, præcipuè ijs, ex quibus magis clara & propria laus personæ existit. Non tamen prohibeo, si fortassis quædam circumstantiæ non suppeditant tantam rerum dicendarum copiam, quin in hujusmodi alijs, quæ copiosiores sunt immoremur. Et illud hic per commodum fuerit observatu, ut non statim in orationem consarcinemus quæ meditari fuerimus. Sed ubi singulas circumstantias elaberaverimus separatim: reliquas item excutiamus & describamus. Postea universas inter se conferamus & quæ ad præsentem intentionem, e. g. ad Baptistæ laudes quæ proximè facere videntur: ex ijs in orationis nostræ corpus colligamus, quantum satis fuerit. Quod superfuerit in pauca coniiciamus.

Præceptum Quintum.

POSSUNT & brevibus exponi singulæ circumstantiæ: nominari saltem, & aliquæ describi i.e. prolixè proponi: & alicubi apponi saltè accommodatio per gnomen. Quod nunc fere faciunt Oratores nostri, præsertim de circumstantiis, quarum accommodationes jam sunt vulgatæ, à multis tractatæ, e.g. Ex patria, ex gente, ex majoribus ortum esse claris, quantum ad laudem & decus addat: Hæc inquam, saltem attinguntur. In rebus gestis autem singularibus, in habitibus morum & peritiâ prolixius immorantur.

Præceptum Sextum.

ACCOMMODATIO aliquando est Directa, aliquando inflexa. Directa, si circumstantia sit similis & conveniens personæ, h. e. sit bona circumstantia in persona laudanda, sit mala in persona vituperanda. Inflexa est accommodatio, si circumstantia sit dissimilis. Hic igitur inflectenda est; per interpretationem in partem contrariam ex ijs, quæ accidunt vel communiter, vel in hanc personam, e.g. Iohannes fuit odio principibus & literatis apud Judeos. Hæc circumstantia est mala, vel potius vitio, quam laudi videtur dari posse. Directa igitur accommodatio esset: Fuit ergo Iohannes improbus, aut suspectus saltem de improbitate. Qui enim huiusmodi hominibus displicent, non possunt effugere improbitatis aut crimen aut suspicionem.

Inflexa autem accommodatio talis esse poterit: Non debet hoc Iohannis innocentiam nocere; imo eo minus de ejus sanctitate, & divina singulari vocatione dubitandum est. Quia in religionis negotio non semper ij qui displicent hominibus potentibus & doctis, iidem etiam pijs displicere, aut suspecti esse debent. Est in promptu ac non obscura causa; quia istorum scilicet corruptelæ doctrinæ publicæ, & principum libidini contrasteret. Placuisse igitur, si adulari voluisset.

Præceptum Septimum.

VARIETAS diligenter spectanda est. Nihil enim fastidiosius, quam eadem orationis facies. Itaque aliquando brevius, aliquando prolixius,

aliquando

aliquando mediocriter instituenda circumstantiæ tractatio. Aliquæ separatim, aliquæ conjunctim tractantur: Alicubi accommodatio primo, alicubi medio, alicubi ultimo loco ponenda, eadem aliâ atq; aliâ orationis figurâ exprimenda.

Tertia pars, Comparatio.

DE qua proximo progymnasmate ex instituto docebimus. Hic nunc sufficiat scire hac parte adduci alias personas, similes potissimum, sive de quibus eadem possint prædicari. Et si magnæ ac illustres sunt monstratur, nostra persona non multum abesse ab istarû laudibus, vel etiam adæquasse & alicubi superasse. Ut si Eliam compares cum Iohanne Baptista. Vel persona comparisonis causa adducta, non est adeo illustris, neq; tamen multo inferior, hic monstrabit comparatio nostra, nostram personam majoribus laudibus effèrendam. Ut si Iohannem Baptistam conferam cum alio quovis propheta, aut Apostolo, aut Philosopho, aut rege, ut Salomone, Alexandro. Persona dissimilis est, quæ contrarium merita est, e. g. In laude Iohannis Baptistæ possum comparare illi homines vituperandos, qui contrarium fortasse aliquod fecerunt, e. g. Iohannes vescabatur cicadis, vestiebatur pilo camelorum, & tantus vir: comparari hic possunt homines nequam, omnium rerum copia & divitijs circumfluentes. Et in omni ista comparatione hoc spectetur, ut mirabile aliquid, & pene supra fidem demonstretur.

De parte Quarta, Epilogo.

EPILOGUS non habet hic peculiarem inventionem. Quomodo alias construatur, dictum est progymnasmate Septimo. Autor noster docet votum hic habere locum: Quo sc: possumus optare amplius nobis dari tempus: Habere enim nos plura, quæ dicamus de præsentî negotio. Vel possumus ad preces conversi Deo gratias agere de virtute aliqua aut successu prospero personæ istius commendatæ: aut de isto viro, aut alijs viris bonis multis divinitus concessis: aut de alio aliquo bono publico: & precari hoc diuturnum & faustum.

Exemplum

*Exemplum idem laudum Baptiste aliter
descriptum.*

*Exordium
ab excusati
one tenuita
tis.*

*Laus Iohan
nis Baptiste.*

*1. Locus,
gens, sive
laus gentis.*

*Laus Iohan
nis Baptiste.*

Si perpetuum hoc esset, Auditores, ut rerum magnitudinem etiam orationis dignitas æquare deberet: non ego tantum temeritatis à vobis iure damnari possem, sed etiam divino illi salvatoris nostri anteambuloni præcursori & Angelo Iohanni Baptiste, de cuius laudibus mihi dicendum summi, omni plane virtutis suæ prædicatore carendum esset. Quod quoniam ab æquitate alienissimum foret, non dubito, Auditores, quin & me facile ab arrogantia suspicione liberaturi, & in tanti viri laudibus saltem pro facultate nostra dictis acquieturi sitis.

Dicam igitur primo de gente, quæ nota sane est, quod scilicet ex Iudæis oriundus sit Baptista Johannes. De quâ Iudæorum gente etsi passim ex concionibus quotidianis cognoscimus, tum ex biblicis sacris, quæ nobis in manu omnibus sunt, legimus, tamen quædam attingam saltem.

A Juda filio Israelis vel Iacobi, nepote Isaaci, pronepote Abrahami, & nominis, & sanguinis, ac generis originem duxerunt Iudæi.

Connumerati sunt duodecim tribubus Israël, imo hi fuerunt in istis princeps ac regia tribus, & caput reliquarum. Et universus quidem ille populus Israëliticus, rectissime omnium, qui orbem terrarum incolunt, gentium vere nobilissimus & excellentissimus prædicatur. Sive enim in longa avorum, proavorumque & majorum, virorum optimorum serie à priscis usque seculis numeranda, nobilitas gentis alicujus consistit: eam à primis mundi quasi incunabulis atque initijs, & clarissimo quidem ipsius Dei & sacrarum scripturarum testimonio derivare possunt Israëlitarum: & eorum, quidem majorum suorum, qui alij universi nostri humani generis communes autores extiterunt, & sic à nemine sperni possunt: alij ipsis proprij ab insignibus virtutibus plurimis celebrantur. Sive illa potius spectare velimus in æstimanda gentis nobilitate & præcellentia: quænam contra plures hostes arma gesserit, graviora bella & feliciori successu & majoribus animis profligarit, quæ pacis tempore magis circumfluxerit rerum necessariarum copia, & earum quæ ad amplitudinem Reipublicæ pertinent splendore: Quænam reges habuerit ac principes prudentiores, fortiores, feliciores, & rerum gestarum plurium: Si hinc, inquam regionis alicujus eminentia recte æstimatur, quæ, omnium terrarum

Laus Iohannis Baptista

sub sole nobilitatis palmam Judæorum nationi præripere queat? Quis populus cum pluribus diverſi generis hominibus prælio confligit? cum Philistæis, Gergeſeis, Jebuſæis, Hetæis & reliquis Cananæis: cum Idumæis, Ammonitis, Amoritis, Moabitis, Chaldæis, Aſſyrijs, Perſis, Medis, Aegyptijs, Syris, Romanis & Græcis, ipſiſq; adeo Aethiopibus? Quæ gens minori exercitu majores hoſtium copias fudit? Quid dico exercitu? Imo ex quâ gente unquam auditus eſt homo unus quiſquam; vel uno ſaltem ſocio adjuncto ut Jonathan Saulis filius cum uno armigero famulo ſuo: vel ſolus etiam, ut Simſon: tota hoſtium caſtra innumerabilium penè copiarum & aggreſſus eſſe, & cæcidisse & in fugam avertiſſe? Quæ unquam natio majori rerum omnium neceſſariarum affluentia abundavit, quam Iſraelitæ? Quæ majores unquam auditæ ſunt divitiæ quam Davidis & Salomonis? Quorum ille ex theſauris regijs ad templi ædificationem legitur donaviſſe tonnas auri decies mille, argenti autè centies mille. Hujus autem tempore tanta argenti vilitas, quanta lapidum in via publica. Ubi unquam virorum omni integritate ornatiffimorum, Sapientiâ diviniſſimorum, fortitudine maxime admirandorum major copia? Qui heroes Samſonis robori, quantumvis ab ingentibus viribus celebratiſſimi ſe comparare audeant? Qui principes fortitudinem Joſuæ, quantumvis audaciſſimi adæquare ſe poſſe ſperant? Quippe qui nullis inſtructus armis cum plebe imbelli regionem Cananitarum ingreſſus munitiſſimas urbes, populum ferociſſimum & bellicoſiſſimum, & in his homines tantæ magnitudinis ut Iſraelitæ ad iſtos comparati locuſtæ viderentur: Reges ad triginta unum oppugnavit, concidit, exterminavit. Qui imperatores cum rebus geſtis Davidis ſuas victorias componere poterunt? ſive hoſtium robur, ſive frequentiam præliorum, ſive occupatarum regionum multitudinem attendas? Qui reges cum Salomone de Sapientia & felicitate? cum familia regia ejusdem de perpetua multorum ſeculorum ſucceſſione contendere valeant? Sive tandem iſte populus reliquos antecellere longe judicandus eſt, de quo univerſi mundi arbiter & autor Deus ſuo exemplo ita judicandum alijs præſcripſit, ſive quem hic chariſſimum & commendatiſſimum ſibi habuit, quem præ omnibus cultum & exornatum voluit. Quæ ſine dubio ejus generis prærogativa ſive præminencia eſt, cui nulla alia non ſaltem præferri ullo modo, ſed ne vel leviſſima ſuſpicionem quidem comparari poſſit: Si inquam

Antony

Laudatio Iohannis Baptistae.

Exed. 19.

Legatur
Historia
Pharonis.

Accommodatio huius
Circumstantia.

Accommodatio per
πρόσληψιν contra
rij.

Secunda accommodatio per
comparationem à simili.

3. per cōparationem à
minori.

Secunda pars Circumstantia Patet.

Accommodatio per
dubitationem.

3. pars prima
circa Ma
jores.

ista conditione de nobilitate gentium judicare placeat, evicta est causa, DE I ipsius testimonio clarissima est sententia, quænam sit è gentibus omnibus DE O charissima, non obscurum est, cui populo hoc testimonium Deus dixerit Quem fugit? aut quis ignorare se causetur, quam familiarissimum Deus Judaicum populum habuerit? His se conspiciendum præbuit, non uno tantum die aut mense, aut anno, sed totis annis quadraginta continuis. Imo & voce sua colloqui voluit.

Horum Rempub: sapientissimis legibus, hominibus sive Rectoribus prudentissimis, Ducibus fortissimis Deus ipse communivit: ipse tempestatibus, terroribus, spectris, angelis suis emissis propugnavit, inultatis, inauditis, stupendis miraculis toto mundo celeberrimum, & hostibus etiam longè potentioribus formidabilem fecit.

1. Transito: Satis puto me dixisse de Iudæorum, præ reliquis gentibus, nobilitate. Sed quærat aliquis, quid hæc ad Iohannem Baptistam? per plurimum sane. Quemadmodum enim non exigui criminis loco obijci solet ex barbara & inculta gente procreatio: ita puto non minimæ laudi dandæ esse ex populo cultissimo & nobilissimo originē, 2. Ut enim liberos videmus nominis & possessionum: ita etiam non gloriæ tantum ac laudum, sed etiam virtutum ac morum pulcherrimorum in maioribus suis hæredes existere credendum est: nisi prava quadam assuetudine ipsi tanto se bono despolient.

3. Et si parentum atq; avorum insigni ostentare, rerum præclare gestarum famam prædicare, ac sibi communem facere, singulis in privata aliqua familia licet: an non meliori jure totius alicujus gentis per multa secula excellentem famæ, facinorumq; egregiorum dignitatem ad posterorum communem laudem derivaverimus?

Porro natale solum vel patriam nactus est D. Iohannes, urbem quandum in montana regione Iudææ. Nomen non exprimitur.

Fortassis quod non satis reverenter habuerit tantum prophetam, indigna judicata est, cui à tam præclaro civi quicquam commendationis ad nominis æternitatem adderetur:

1. Accommodatio per
Assumptionem Diversorum
& Auxilin vel gradationem.

Rarò fit ut ex parentibus bonis similes nascantur liberi, rarius ut ex improbis genitoribus soboles proba educetur: rarissime ut

ex opti.

ex optimis maioribus meliores filij exoriantur. Atq; hoc D. Baptista contigit, ut ex optimis & præstantissimis non in reliquo mundo tantum, sed ipso Israele etiam, nativitatem duceret: Quorum ipse tamen & virtutem superaret, & famæ ac gloriæ plus addidisse, quam inde accepisse videretur. Nempe ex familia sacerdotali sacra, & quidem summi sacerdotis Aaronis, secundum paternum maternumq; sanguinem ortus fuit. Mater enim ex filiabus vel posteris Aaronis affirmatur fuisse ab ipso Luca Evangelista cap. 1. Idem autor est patrem Zachariam fuisse ordinis Abiæ, atque hic Abias fuit princeps Sacerdotum, & in nepotibus Aaronis.

Videris quam amplissima hæc sit à maioribus accepta laudum nominisq; hæreditas. Sed quam explicare nunc vobis & cominus aspiciendam proponere non patitur temporis injuria.

4. Ad parentes venio, de quibus nihil addo præter ea, quæ ipsi ex sacris novistis. Erant ambo justi, inquit Lucas, coram Deo, incedentes in omnibus mandatis, & justificationibus Domini, irreprehensibiles.

Quis non Auditores nisi extreme infans, ex talibus nasci, quam ex ditissimis, nobilissimis, amplissimis, imò regibus, sed iisdem impijs, sceleratis, D E O hominibusq; invisis, maledictis, præoptandum existimaret?

De nativitate quanquam notum est tamen non possum facere, quin paucis mentionem subiiciam. Omnia mira, inaudita, supra fidem, nisi sacre scripturæ autoritas fidem ac firmamentum adjungeret. Parens uterq; sterilis, senio confectus. Ab Angelo Gabriele, qui princeps est in choro angelico, annunciata & prædicta patri, filij ex uxore susceptio, & quidem in templo ad altare sub solennibus anniversarijs precibus, in magna sacra facientium frequentia. Eidem quod nuncio ut videbatur incredibili fidem habere cunctaretur, linguæ usus ademptus est.

De Cæsare Augusto referunt cum forte in Insulam Capreas venisset, veterrimæ illicis demissos jam ad terram, languentesq; ramos hujus adventu convaluisse. certissimum hoc habitum fuit felicitatis cujusdam divinæ in Augusto ostentum.

Sed non dicam nunc, quod non extenuandæ tantum rei causa, sed fortassis etiam verè dicere poteram: ab adulatoribus multa ejus generis in gratiam principum ficta esse: & si arbor illa vere vires suas resumpsit, alijs de causis fieri potuisse. Sed esto, fuerit hoc virtuti Cæsaris di-

Laus Iohannis Baptiste

1. Paral. 6.

Descriptio per præteritionem.

4. Parentes descrip.

Accommodatio per exclamationem & comparationem; 5. Nativitas Descriptio.

Laus Iohannis Baptiste

Accommodatio per comparationem similitudinem exemplorum.

Laus Iohannis Baptistæ

vinitus attributum, & ut ejus honoris causa, quo Deus principes etiam Ethnicos complectitur, arbor vetula reviresceret, & ad integritatem rediret: quā vero tenue hoc universum est, si ad prodigium de effatis D. Baptistæ parentibus conferatur: Quemadmodū de eodem memorant, in capitolio cornicem clara voce pronunciasse ad temporum felicitatem sub Augusto proclamandam, ἔτα πάλαι καλὰ: Quod Vergilius sic extulit:

Nuper Tarpeja cornix quæ federat arce,
Est benè non potuit dicere, dixit erit.

Sed quanto noster Baptista augustior? qui ipsum cælestium alituum vel angelorum ducem felicitatis sub ipso futuræ præconem sortitus est; non in vastis Tarpejæ rupis præcipitijs, sed in celebratissimo Jerosolymæ templo & confertissima populi concione. Neq; quod de flammulis super Servij Tullij capite apparentibus commemorant: Neq; illud de formicis in os pueri Midæ grana tritici congerentibus: neq; alterum de Platonis apibus, quæ dormienti parvulo in cunis, mel labellis inseruerunt; ad D. Johannem comparari poterit, qui ipso spiritu Dei infans impletus fuit: Sive eventum longe augustiorem sive, ipsa prodigia & longe plura, & singula multo excellentiora, hac parte inter se componamus.

*Sexta pars
Circumstantiæ primæ,
cognati.*

Ad alia sane propere: neq; tamen silentio præterire possum quod ipsum Christum Salvatorem nostrum consanguineum & cognatum habuit D. Johannes. Ita enim Lucas, imo angelus apud Lucam ad diavam Domini matrem: Elisabera, inquit, cognata tua.

Et ne quis putet leve hoc esse ingenij fortè causa à me conquisitum: audeo affirmare, auditores, vix aliud quicquam ex ijs quæ in laudem tanti viri convehi licet, quamvis sint uberrima ac præclarissima cum hoc capite conferri posse.

2. pars Accommodatio per inermes diversorum minorum.

Cogitate mihi, quid jucundius, honestius, præclarior, quam numerare in familia sua viros graves, celebres, nobiles? Quid admirabilius, & gloriosius, (quanquam hoc vix unquam contingit) quam hominem infimæ fortunæ cum principibus potentissimis communi origine conjunctum esse? Quid cogitari potest, & mente saltem deformari amplius magis, & ab omni usu remotius dignitatis exemplum, quam esse vulgo hominem: cui vera, legitima, eademq; publicè nota sanguinis propinquitate Rex aliquis aut imperator augustissimus devinctum se esse

profi-

profiteatur? Quid igitur dicam aut quo nomine hoc genus excellentiæ appellem quod D. Baptista noster ipsum regem regum, cæli & terræ creatorem, omnium rerum seu totius mundi Dominum, eorundem majorum & propinqui sanguinis communitate attingit?

Connexio. Diximus plerâq; de origine D. Baptistæ, educationem igitur ejusdem enarrare jam nunc ingrediamur. Sed de hac ero brevior, quia ipsa historia sacra brevibus eam perstringit, & non exigua pars reliquæ orationis nobis superest, omnium minime prætermittenda. Educationem puerilem quod attinet, tantum commemorat D. Lucas: puer Johannes crescebat, & confortabatur in Spiritu, & erat in deserto usq; ad diem ostensionis suæ in Israel.

Fuit ergo domi à parentibus educatus. Non solum uterq; parens pro pietate sua diligenter erudierunt in primis fidei capitibus, ad modestiam puerilem ac munditiem, tum reverentiam erga peregrinos, & natu majores diligenter assuefecerunt: verum etiam pater pro excellentissimâ in prophetarum mysteriis intelligentiâ, sedulo oracula sacra evolvenda commendabat filiolo: ipse aliquando voce sua præibat, atq; interpretabatur. Præsertim cum etiam puer valde isto studio delectaretur, propter insignes, & in alijs minus usitatas Spiritûs sancti agitationes.

O beatos illos liberos, qui similem experti parentum industriam ac pietatem, toto pectore in sacrarum literarum studia à primâ ætate incubuerint.

An etiam artibus scholasticis, vel humanioribus, ut vocamus imbutus fuerit D. Iohannes, vix ausim certum quid affirmare. Quod Deo iste perpetuus mos est, ut quo illustriorem haberi vult aliquem suum legatum, eo minus ab istis humanæ sapientiæ præfidijs instruat. Quod David ex opilione Rex, Amos ex bubulco propheta (Amos 7.) Apostoli expiscatoribus totius mundi Doctores & triumphatores satis comprobant.

Digressio & præparatio. Ergo ad mores tandem ab eo, quos utinam aut tantos & tam pulchros animo deformare ac concipere mihi daretur, ut si non ipsam expressisse omnino eorum magnitudinem, tamen quam proxime accessisse, vel saltem ab eadem non longe abiisse dici possem: aut utinam, quantos eos animo concipio, etiam oratione vobis ante oculos depingere valerem: aut tandem utinam quantum industriâ & co-

Laus Iohannis Baptiste

2. Circumstantia Educationis.

Descriptio ex conjectura.

Accommodatio per exclamationem.

2. pars. Artes sive Habitus intellectuales. Accommodatio simplex.

3. pars, Leges vel mores.

Laus Iohannis Baptiste

natu in ijs oratione exprimendis assecutus sum, illud enarrandi facultas per temporis angustiam mihi concederetur.

Et quanquam si prolixus & minutius prosequi liceret, in plura capita possem distribuere: Quatuor tamen his partibus pro tempore ero contentus, ut de eximia D. Iohannis pietate, de ejusdem constantia, vel fortitudine gravissima, temperantiæ quodam genere singulari, & tandem modestia plane admiranda breviter commemorem.

Accommodatio.

1. Virtus: pietati igitur primum merito tribuo locum. Quod ea hujus virtutis, apud Christianos debet esse ratio, ut si vel sola adesset (quod tamen fieri non potest cum tanquam mater plerarumq; virtutum omnium, felicissimam hanc sobolem suam, quasi complexibus suis amantissimis semper secum circumportet) tamen quam ornatissimum eum in quo reperiretur, efficeret: Vel si sola desideraretur in homine, ab omni reliquarum virtutum genere uberrime exornato, tamen tantum laudibus detrahat, ut hæ nullo jure esse tributæ videantur.

*Descriptio per præteritionem.
i. Virtus.*

Ut autem probem vobis hanc pietatem D. Iohannis, spero non laborandum mihi esse: de qua scilicet jam ante vobis satis constat, quanto zelo & ipse Doctrinam Salvatoris complexus sit, & apud alios urserit.

Fortitudinem igitur non tantum ex latine loquentium consuetudine, sed quod verissime ita res habeat, appello animi illam constantiam, qua nihil verearis, aut potentium hominum iras, aut quorumvis aliorum offensiones, aut tuam famam vel vitam, aut alienam gratiam attendas, quin quod officium à te postulat, veritatem tuearis. Quod si ita est, quæ poterit esse major constantia, quam Baptiste nostri? Qui a Judæorum populo videbat in manibus atq; oculis se gestari: vel Deum fieri posse: si linguæ temperare voluisset, tamen quod officij sui esse putaret, ut impiam istorum vitam vehementissime reprehenderet: hostes eos experiri maluit, quam officium non facere, quid fortius & constantius, & pene dicam audacius ista concione, qua palam Herodi regi, à quo tamen amabatur & magnificabatur, in os contradicere, sceleris cõarguere ac condemnare non est veritus: cum tamen bene novisset ita facturum se, ut carcerem, compedes ferreas, mortem denique ignominiosissimam in se derivaret.

*3. De Temperantia-
Accommodatio à simili.*

Alexandrum Magnum ajunt valde delectatum fuisse clava & Leonis pelle gerendis, quod iisdem olim Herculem usum fuisse fama est. Itaq; ut animo ac moribus & rebus gestis huic confimilis esse Alexander exoptaret.

exoptabat ita ejus voluntatis suæ indicium ac significationem publicam exhibitu fieri voluit. Pari ratione D. Baptista cum excellentissimum Prophetam Eliam Spiritus exprimere fervore deberet: etiam externo victus genere asimilari debuit.

Hinc igitur & pelle cruda cingebatur & cingulo coriatio, h. e. vilissimo vestimenti genere: nullis delitijs, vix necessario, tenuissimo sane cibo utebatur.

Modestia vero quam dixi an non divina apparet? quod cum deferrentur à populo Judaico honores summi, & ut vel Messiae vel maximi propheta alicujus loco, haberi se pateretur, reculavit. Quod turpe judicaret in Theologo honorum titulis videri inhiare, & non istos potius nihili facere, idq; unice sollicitum esse, ut Christo nostro honor suus salvus asseratur.

Dixi de moribus, reliquum est, de rebus gestis singularibus, D. Iohannis. Sed quæ pars nobis quamquam invitis prætereunda est: cum tamen præcipua commendatio hinc divo Baptista tribueretur. Dicendum enim esset de instituto novo, illis sane temporibus, baptizandi scilicet, unde Baptista nomen assecutus est: & quod suis manibus Christum Salvatorem ad officium inauguravit: quod suis oculis Sacrosanctæ Trinitatis personas tres usurpavit. Tum de reliquo officio facienda esset mentio: afferenda in medium concio D. Johannis, quam ad populum habuit, Matth. 3. item altera quam ad discipulos Ioh. 3. & plures aliæ. Legatio Sacerdotum considerata esset: item Schola publica, quam aperuit multis discipulis: & ablegatio horum ad Christum. Porro huc etiam referrem vitæ illam peculiarem austeritatem, prope eremiticam, quod omnes hominum societates, omnes vitæ delicias fugit.

Item honores hic enarrarem, quos non homines tantum, sed Deus etiam huic suo Legato adhibuit: ut totis sexcentis annis eum præmonstraret Esaias: Et iterum Malachias propheta ejusdem adventum prænunciaret: quod alij prophetae, aut apostolo nulli contigit. Quid? quod filius Dei ipse præconem D. Johannis egit? & non tantum omnibus Prophetis longissime prætulit, verum etiam supra omnes ex homine natos homines haberi voluit?

Multa alia prætereo: atq; adeo si omnia exponere voluntas esset; & quod multitudine pene innumerabilia & pondere ad commendandum gravissima & tandem ipso genere inaudita atq; inusitata sunt facile

Descriptio.

*Modestia.
Descriptio.*

Accommodatio.


*Tertia Circumstantia
De rebus gestis.
Descriptio
per præteritionem &
enumerationem simplicem.*

mole

De Morte.

mole ista obrueremur. De morte dicturus, vereor, ut illud ea animi
præsentia facere possim, quâ D. Baptista eandem pertulit. Hic subijcia-
tur ὁ λόγος ὁ σίγῃ. e. descriptio mortis secundum eas partes, quæ videntur
statuere ipsam rem gestam quasi ante oculos & valde miserabilem.

Conclusio habet accommodationem 1. ex loco communi, quod
Deus patiat affligi suos à mundo impio. 2. Misericordiam erga Jo-
hannem, sive amplificet indignitatem mortis. 3. Odium erga He-
rodis crudelitatem, & Herodiadis levitatem, atq; impudici-
tiam 4. preces, ut Deus Ecclesiam conservet in tantis
etiam horum temporum persecutionibus.




F I N I S.



SEQVITVR EXERCITI- TIO RV M MATERIES. LOCVS COMMVNIS.

εἰς τὴν ἀψυχολίαν vel in picam juventutis literariæ.



COMMENDENTUR instituta exercitia nostra in genere. 2. Locorum communium scriptio. 3. Argumentum hoc περὶ τῆς ἀψυχολίας. Ignota autem vox & res, itaq; docilitatis causa describenda erit. Lepida est turpissimæ rei appellatio. Latinum nomen nullum, quod memini, inditum est: posset tamen Pica appellari. Rem vobis describam, sic rectius etiam nominis hujus rationem intelligetis. Est in adolescentibus hoc morbi vel vitij genus, quo pleriq; omnes laborant, ut variarum literarum cognoscendarum serio, ut sibi videntur, ducantur studio: mox tamen, ubi aliquod ex his vix primoribus, ut ajunt, labellis degustarunt, aut a primo limine aspexerunt, inde rejiciuntur, nescio quo fastidio, ad aliud commodius sese applicant, atq; inde iterum ad aliud atq; aliud, eodem semper eventu.

Inde eleganter græci ἀπὸ τῆς ἀπτείν, quod est tangere, & χορεῖν, quod est saturare, inscripserunt, quod hoc vitio laborantes primo quasi rerum discendarum attractu statim earundem obsaturentur. Quare autem Latine picam dici posse censeam, causa est, quod persimilis videatur hic adolescentiæ morbus mulierum gravidarum isti affectui, quem picam vocant, quo illæ dicuntur maximè variâ inconstanti & monstrosa sæpè cupiditate, & à salubribus abhorreere alimentis, & non inusitata tantum, sed etiam sæpè noxia expetere.

Quid monstri sit ἀψυχολία, eminus aspexistis: nunc porro quasi cominus & penitus fæditatem hujus tam monstrosi, tam nocentissimi ac pestilentissimi vitij mecum perpendite.

Exordium 1.
ab Attentione.

2. à docilitate.

Propositio.

2. pars ex-
ercitiij Con-
trarium.

Propositio
contraria
prima.
Constantia
in studijs
est cōmoda.

Tertia pars
exercitiij
Narratio sive
expositio

Summa est, auditores, quam dixi, fastidium illud in adolescentibus, quod initijs operæ alicujus literariæ vix dum delibatis abhorreere, & refugere ab eadem solent, ad alia studia animum adungere, & hinc mox ad alia atque iterum alia dilabi: hanc, inquam, turpissimam esse hujus ætatis maculam, pestem, corruptelam, ac calamitatem omnis in literis bonæ frugis ac spei certissimam, sentio.

Etenim si in eo literarum genere, quo maturâ deliberatione antegressa delectatus fueris, quod ingenio, naturæ, institutis studiorum curribus maximè aptum & conveniens esse exploraveris, si in eo, inquam, literarum, lectionis, meditationis, exercitationisq; genere conquieris, illud indefessa operâ urseris, fastidium, quod obrepere solet, excusseris - ignaviâ, quæ mater quasi istius fastidij est, & nutriculam ejusdem præco- cem sapientiam penitus extinxeris, atq; oppresseris: illa demum est profectus aliquando in adolescente egregij futuri prærogativa, & index nota verissima. &c. Cæteras contrarias ipse finge.

Digressio vel connexio:

Operæ precium mihi facturus videor, auditores, si magis vivis & apparentibus coloribus vobis depingam istos, quos hoc morbi genere laborare censeam: ut vel in vobis ipsi corrigere, vel in alijs, si amici sint, præmonere, si peregrini, ex istis exemplum capere possitis, vobis quod ex usu fiet.

Descriptio ipsa fiat secundum partes: Quid faciant antè, quàm ad studium aliquod accedant: quid in initijs operæ, quid medio, quid in fine.

Describantur autem ea, quæ in oculos incurrunt, & sunt turpia & ridicula.

1. Ante.

Videntur sibi magno affecti esse discendi desiderio, idq; gestiunt, & bonæ indolis suæ argumentum ostentant; dum illud literarum ac studij genus, ad quod aspirant, supra fidem efferunt ac deprædicant omnibus obvijs. Præterea jam tunc rationem ineunt, ad quæ istis pertractatis alia atq; alia sint pervolaturi, & quomodo brevi omnia studiorum studia decursuri, omne literarum mare exhausturi sint.

Lauda.

Laudabilis conatus, omnia placent mirè: arident, applaudunt, meri omnia thesauri sunt. Ex toto vultu apparent lætitiæ signa, ungues rodunt, humeros alternos arrigunt ac demittunt, cutem scabunt, ore hiant, & præ stupore atq; admiratione vix apud se sunt. Tempus conquerruntur angustum nimis, exoptant à cibus potius, quàm meditatione & operis suis abstrahi. Nullus autor divinior, nullus scriptor elegantior, nullus liber magis aureus, nullus præceptor exoptatior, nulla studiorum ratio felicior & fortunatior.

Aliud atque aliud paulatim displicere incipit: animum ad alia adijcere, aliorum feliciores progressus videre incipiunt.

In fine omnia damnant, juxta versum:

Principium fervet, medium repet, ultima frigent.

Similes sunt febri laborantibus.

Partes comparisonis factum & ἐπιχειρισ

Factum has iterum habet partes:

Febricula correpti primùm famem vel sitim saltem sentiunt, & ardentem quidem. 2. à præsentibus vel quorum copia est, alimentis toti abhorrent. 3. Absentia, & quæ difficilimè comparantur, valdè desiderant, idq; planissimè persuasum habent, si illis potiantur, non tantum delectandos se, sed vitam redempturos esse. 4. Sed & hæc allata si sint, valdè gestiunt, avidè exhaustiunt. 5. Delapsis illis per guttur sentiunt trahi quandam amaritudinem, Sed cohibent se, nolunt fateri. 6. Paulatim magis ac magis displicet cupiditas, adijciunt animum & appetitum ad alia quædam. 7. Tandem cum sufferre horum desiderium, illorum fastidium amplius non possunt: hæc respuunt, illa quærunt. 8. ἐπιχειρισ: Causa est corruptus & languens stomachus, non cibi aut potus vitium. Itaq; non corrigitur ista acerbitas, neque dabitur ullus tandem potus, qui sapiat ipforum stomacho, nisi languor ac morbus abeat.

Ad singulas partes accommodetur aliquid ex præsentem at.

Quod facere solent febri afflicti, ut quidlibet suspicari malint causæ, quàm palatus ac stomachi sui vitio accidere ingratum cibi sensum, idem etiam à delicatulis nostris fastidiatoribus.

2. in initijs.

3. in medio.

4. in fine.

4. pars exercitij Comparatio.

5. pars Gnome vel Reprehensio opinionum, quibus falluntur

ἀντιρροπον

1. *Opinio.**Refutatio & opinio.*

Aliquando enim conquerantur tempus importunum, alia magis necessaria, aut somnium sibi obrepens, aut alias minus expeditos se, viam lutulentam, tempestatem incommodam, hoc est, ut ego interpretor, fatentur se ignaviae turpissimo vitio afflictim laborare. Vera enim hujus fastidij causa ignavia est. Sed ita fit, ut quemadmodum omnes studiose id defugiunt, ne vitio alicui affines videantur: ne autem eidem affines sint minus student: ita nostri id quidem operam dant, ne ignavos esse se palam fiat, verum ab ipsa ignavia infici minus recusent. Hinc igitur, quod obijci poterat ignaviae argumentum, alio quovis detorquere mire satagunt.

2. *opinio.**Refutatio.*

Inde aliquando criminantur praeceptoris, quo utuntur, aut scriptoris industriam: non satis fideliter versari in istis tractandis: obscuriori uti phrasi, infeliciori esse ingenio: ipsum non satis intelligere ea, & laborare hoc vel alio vitio: Quare non integrum esse sibi hunc Doctorem diutius ferre.

Quod quid aliud est, si quid ego de his possum indicare, quam quod palam fatentur, affectos se praecoci sapientia, vel stoliditate gemina, scilicet, qua sibi etiam sapere videntur vesani, dum de eruditione praeceptoris sententiam ferunt homunculi ab omnis eruditionis inijs, quam maxime vacui & inanes.

3. *opinio.**Refutatio.*

Inde tandem fit, ut ipsam operam cavillentur, quasi vulgarem & passim obviam, & quae dudum defuncti sint: aut quae minus commoda, aut parum necessaria, aut non satis accuratè expolita sit.

Scilicet caeci de luce, surdastri de musico concentu, aut Midae auriti de Panis cum Satyro certamine arbitros se interponunt. Quemadmodum enim palato sano & sincero, etiam oppleto stomacho, tamen non insuavis videtur salubris aliquis, quamvis tenuis cibus: eidem valetudine corrupta omnia molesta & acerba sentiuntur, etiam quae suavissima sunt: Ita homini erudito quævis, saltem non aliena ab ingenio alioquo, satis arrident ac probantur. Signum verò est ingenij imperiti, ignavi ac stolidi, si animadvertas in adolescente istos mores, quod nihil sibi accuratum videri posse, nihil satis rectè constitutum, ac omnia displicere manifestè ostentat.

VI. pars E.
gressio seu
πέντα
στος.

Hac parte dicatur, ex quibus parentibus, quâ natura, educatione, fortunâ, quibus moribus &c. adolescentes hoc vitio sint contaminati.

Probetur

Probetur hic ejusmodi fastidiosum sine omni misericordiâ gravibus pœnis coërcendum, & ex societate literaria planè ablegandum esse.

Probes ex locis: Legitimo, utili, necessario &c. quod hæc pœna rectè in istum statuatur.

LOCVS COMMVNIS SE- CUNDUS. DE

PRÆSTANTIA ORDINIS LITERARIÏ.

CAPTAT benevolentiam 1. ex re ipsa: Dicam de nostri ordinis laudibus, quæ meritò nobis debebant esse jucundæ auditu. 2. Ex nostris moribus: 1. à significatione modestiæ. Exempli gratia: Ego impar isti oneri sum & tenui eruditione: sed suscepi hoc munus ad inflammandum in me illius, Eruditionis dico, studium vehementius. 2. a significatione veritatis: Tantum veras ordinis nostri laudes conferam: ab omni fūco & fictitiâ atq; adulatoriâ commendatione abstinebo.

Figura Elocutionis poterit esse occupatio.

II. Docilitatis causa ponenda est Propositio: Huc igitur mentes, auresq; vestras attendite: Hoc me effecturum spero, ut intelligatis, homines literatos & horum ordinem, omnes reliquos & virtute & utilitate publica excellere & honore etiam præferendos esse.

I. Propositio: Homines illiterati sunt vitij pleriq; dediti, plurimum damni afferunt & contemptui habentur, aut saltè haberi debant.

II. Propositio: Homines literati non sunt viles æstimandi.

III. Homines illiterati vel non sunt, vel saltè non debent esse cum literatis in pari æstimatione.

IV. Propositio: Qui non æstimantur magni, inde plerumq; fit quia à literis non commendantur.

V. Propositio. Qui non contemptui est, plerumq; hoc eruditioni & literis debet, quod ab his non fuerit alienus.

VII. pars
exercitij
Misericor-
diæ denega-
tio.
VIII. pars.

Exordium.

Secunda
pars Exerc.
citij CON-
TRARI-
UM.

NARRATIO.

*Tertia pars
Exercitij
NARRA
TIO.*

POTEST hic fieri gemina: I. Ut describantur facta hominum illiteratorum, quæ scilicet in oculos incurrunt, & possunt illos in contemptum adducere, Copiæ causa distribuuntur in partes: in sermones, in gestus, in negotia.

1. In sermonibus iterum consideretur, quibus de rebus, quo vultu, quàm incultis verbis & parum perspicuis: quo Eventu, apud quos &c. loquantur.

2. in Gestibus circa vestitum; circa risum, circa iram; inter Epulas; inter Scyphos; circa incesum; circa rursim, sreatum, capitis, manuum & reliquorum membrorum motum, domi & apud peregrinos.

3. In negotijs iterum alia sunt publica alia privata. In publicis attendendum est, quid agant in iudicijs & alijs officijs; in consilijs, in legatione.

In privatis considerandum quales se gerant in periculis subeundis; in amoribus; in honoribus; in opum usu; in splendore vitæ; in appellandis alijs; in conversatione; in jocos; in contractibus &c.

Et hic narretur quid aliquando viderimus, & quid alij, quid meminimus, legerimus: atq; omnino quæcunq; singularia facta hominum illiteratorum aliquid ridiculi habent, huc congerantur.

II. Describantur etiam facta literatorum, quæ in oculos incurrunt: sed elegantia & venusta, quæ benevolentiam & amorem illis concilient. Inventio fiat ex datis partibus.

Ea potest hic fieri cum eo rerum genere, quarum aliæ sunt impolitæ & propterea turpes: aliæ excultæ & propterea pulchriores: ut cum metallorum informi materia, & operibus ex metallo factis nitidis. Et fiant hic partes ut monstravimus in loco communi primo.

Dividantur & hæ in membra duo: Primo membro refutabuntur opiniones, quibus illiterati sese defendunt, & in nostrum invehuntur ordinem. Secundo membro efferentur & collaudabuntur opiniones quibus literati nostrum commendant ordinem.

Multi illiterati extiterunt viri fortes. Respondeo.

1. per negationem prædicati. Non fuerunt isti viri fortes. Non e-

*Secunda
pars Narra
tionis.*

*Quarta
pars exerci
tij COM
PARA
TIO.*

*Quinta
pars Exer
citij OPI
NIONIS.*

*Membrum
primum.
1. Opinio.*

nim

nim est fortitudo sed brutum robur, quæ prudentia careat, qualis etiam in bestiis apparet.

2. Per negationem subjecti. Isti viri qui fuerunt fortes, non fuerunt illiterati, ut græci & Latini imperatores?

3. Per concessionem & contemptum. Rarum hoc est, quemadmodum quod aliquando corvus aliquis albus apparet, unde tamen suspicandum non est, aliquando omnes aut plurimos corvos albos fore.

4. Per concessionem & Compensationem. Extiterint aliqui viri fortes illiterati, at plurimi extiterunt literati viri fortissimi: Neq; in hoc tantum virtutis genere excellentes in quo isti se jactant, verum præterea & temperantes & liberales, magnifici, urbani &c.

Multi illiterati feliciter gubernarunt Rempublicam. Respondeo, per concessionem & distinctionem: Non illos excludimus planè à Republica, sed nolumus eam solos obtinere, aut etiam primas habere. Sunt enim quædam expediendæ in Republica, quæ possunt per illiteratos commodè effici. Et inter illiteratos sunt multi viri prudentes, qui per ætatem & conversationem cum alijs acquisiverunt multarum rerum usum. Hi non rectè illiteratis accensentur. Non enim literæ sunt imaguncula & picturæ chartis illitæ, quas isti ignorant: sed prudentiæ quædam excellens vis, à quâ optimè instructi sunt.

Omninò Reipublicæ sic melius provisum esset, si tantum illiterati ad gubernacula federent. Respondeo per contemptum. Si ex Lupis quæras, an non idem respôsuri essent? non fore melius consultum ovium rebus quam si ipsi præessent.

Literæ ignavos homines & effœminatos reddunt & amantes ocij & facilè trepidantes in negotijs: unde dicitur homo de schola pro nimis simplici & verecundo.

Respondeo per negationem & causam additam hanc: Quia literæ causas monstrant, quibus ad virtutes impellimur, & sic industriæ igniculos admovent animo. Otium illud literarum est liberale, quod non tribuitur ignaviæ sed labori ingenuo.

Meticulositas, in juvenibus deprehenditur minus exercitatis: excutitur tandem ætate, & est melior impudentia & audaciâ adolescentum illiteratorum. Illam nemo; Hanc omnes reprehendunt: illa flos virtutum; Hæc vitiorum & ignorantiae index nubecula, imò maximorum sæpè calamitatum seges & materies est. Convitium hominis de scho-

Opinio Secunda.

Opinio Tertia.

Opinio Quarta.

*Opinio
Quinta.*

la ab adversarijs profectum est. Hujusmodi etiam multi extant nostrorum in ipsos.

Opinio Sexta.

Illiterati possunt strenuè bibere & tamen fungi officio. Respondeo per contemptum. Si cum bove cerramen esset, rectè hoc prædicerent, scilicet de capacitate ventriculi sui.

Opinio Septima.

In negotijs privatis possunt rectius rebus suis præesse: agrum, equos, familiam curare. Respondeo 1. Negando. 2. Contemnendo. Causa est: quia majoribus occupato non datur vitio, quod viliora non possit administrare.

Sunt Simpliciores: ignorant artes simulandi ac dissimulandi hoc est decipiendi verborum mendaciunculis.

Iraq; malunt homines cum istis sibi negotium esse: à literatis tanquam aves à tendiculis & aucupe metuunt. Respondeo. Nego ab istis artibus illiteratos esse alienos.

Ad signum Respondeo causam esse. 1. Quod similis simili gaudet. 2. Ipsorum hominum inscitiam, quare metuunt prudentiam. Eruditorum, pudoris causa & imparitatis conscientia, sicuti puer metuit, cum viro congregi, quamvis hunc honestissimum putet.

Et sicut pauper pannis obsitus ad divitem quemvis hominem accedere. Si qui verò eruditos malos criminantur, aut temeraria credulitate hoc suspicantur: aut malitiose agunt, dum criminantur aliorum malitiam, quando suam nolunt fateri ignorantiam.

*Membrum
Secundum.
Opiniones
Literatorum.
Sexta pars
Exercitij
EGRESSIO.*

Hic poterit explicari omnis commendatio literarum, necessitas, jucunditas, utilitas: Et comparationes cum alijs virtutibus.

Hac parte potest dici per conjecturam de reliqua vita literatorum aut illiteratorum sive de circumstantijs personarum.

Circumstantia illa sunt ita consideranda, tanquam occasio presentis laudis ac vituperij, unde ostendatur, quomodo mores in loco communi commendati aut reprehensi ex istis circumstantijs deriventur.

Pro tempore de Literatis tantum dicemus. Circumstantia hæ sunt: Origo, Natura, Mores, Forma, officia & relationes alia, res gestæ, Fortuna etc.

In origine sunt Patria, Majores, Parentes.

1. Patria.

In Patria considerantur ex quibus gentibus literati extent. 1. Usus. Quo gens virtute cultior, rerum gestarum gloria celebrior, eò plures aluit literatos.

2. Ex

2. Ex barbaris gentibus & incultis rarissimè literati extiterunt, sed magna sua & gentis laude. Et sunt singulis gentibus quodammodo suæ ætates ut aliquando, quasi sub infantia vivant barbaris impolitisq; moribus: postera paulatim quasi adolescente ætate expoliantur, ingenijs & rebus præclare gestis floreat: donec tandem in senectutem, posterorum prolatur ignavia.

2. Majores. Aliquando nanciscuntur claros, quod quo paucioribus contingit eò splendidius est: Sin familiæ nobilitatem ostentare non possunt, satis habent, quod eam nominis, sui claritate illustrent. Et sic ex reliquis circumstantijs applicetur ad rem præsentem, quæcunq; de literatis vere dici possunt; qui parentes, quæ fortunæ, quæ Educatio, mores illis contingant, & applicentur hæc ad laudem.

Quæ cum ita se habeant, annon in oculis & manibus omnium gestandi erant homines à literis instructi? Sed quid sit, ò secula! ò mores! Distinguat hic primò, quam indigna patiatur ætas puerilis, literis addicta, à flagellatoribus Hypodidascalis. Secundò. Adolescentes scilicet paupertatem; orbitatem, à patronis; Calumniam ab omni plebè; ab opificibus & horum pueris; à pessimis quibusq; hominum bestiis; ab ipsis sæpè literatis, sive æmulis suis sive patronis & superbientibus propter opes. Tertiò. Juvenes. Dum magna pecuniæ vis & omnis paternæ hæreditas in literis absumpta est: promotio nusquam apparet, omnibus coguntur supplices fieri &c. Quartò. Viri tenuissima coguntur conditione vitam tolerare: contemnuntur passim in officiis mandandis: Convitia & caluminiæ dicuntur absentibus & coram: Omnes honoribus invident vel minutissimis &c. Hic narretur historia Demosthenis Oratoris & in hac explicentur misericordiæ movendæ præcepta.

Septima pars Exercitij.

Probet rectè fieri, ut prima literatorum in mandandis honoribus & officiis habeatur in Republica ratio, ex legitimo, iusto, necessario &c.

LOCUS COMMUNIS TERTIUS.

Adversus TEMERARIOS & AUDACULOS qui in pericula non necessaria conijciunt se, quales sunt militum vulgus & nocturni Grassatores.

2. Majores

Septima
pars Exercitij
MISERICORDIA.

*Prima pars
Obiectio.*

*Αἰτιολογία
αὐτῆς ἀπὸ
Contrario.*

*Αἰτιολογία
per Conces-
sionem.*

*Λύσις per
distinctionē*

*Anapli-
catio à simili.*

*Secunda pa.
Exordij à
Docilitate:
sive Propo-
sitio.*

Exordium.

A significatione Humanitatis captat benevolentiam. Figura Elocutionis est occupatio.

Venustissima est auditoribus nec minus vera poetæ sententia, ita facillimè sine invidia laudem & amicos parari, Si facillè omnes ferre ac pati possis, nemini adversus sis, cum quibuscunq; unâ fueris, ijs ut te des, eorum studijs obsequaris.

Nihil enim molestius, nihil intolerabilius, nihil sædius deniq; illâ quorundam consuetudine, qui nisi quod ipsi faciunt, nihil rectum putant: adeò audacter in omnium consilia, instituta, incæpta invehuntur, quodlibet carpunt & arrodunt. Cujusmodi ingenia equidem ut ineptissima ad omnem non injucundam inter homines habitationem judico; ita quò ab ejusmodi moribus quam alienissimus essem semper operam dedi studiosissimam.

Neq; tamen eò hoc accipiendum est, quasi nullam cujusquam malitiam reprehendere liberum sit, aut in nequam hominum improbitatem omnium bonorum sententijs damnatam vocis libertate uti non liceat. Absit, inquam, absit ista hominum ingenuorum turpissima servitus: ut quam flagitiorum pestem silentio suo impune grassaturam & in societatem exitij etiam bonos plurimos pertracturam esse, prævident: eam reprehensionis liberæ quasi medicinâ adhibitâ avertere prohibeantur.

Quod enim in corporum morbis fit, ut sano quidem homini per vim pharmaca obtrudere medicus non permittatur: ægroto verò etiam si invito adhibeat, nemo reprehendat: imò omnes culpent potius, si uti per molliem repugnanti, facere medicinam, amicis deprecantibus, metuerit: Ita in animi curandis multò sanè gravioribus vitijs rectè à sanis moribus reprehensionem abstinemus: In corruptis autem & omnium prudentium judicio improbatis, licet ij qui laborant minus æquo animo ferant: tamen si quis hic consulendi causa stylum & verborum acrimoniam expediat, nemo nisi iniquissimus arbiter vitio vertere aut non laudius potius dare poterit.

Atq; ut quorsum hæc pertineant intelligatis, institui hoc tempore ad vos verba facere adversus temerariam audaciam, præcipuè grassatorum nocturnorum. Quam pessimum hoc sit vitium ex ipsa oratione intelligetis. Quare spero æquos me vos habiturum arbitros, facileq; impetratorum ipsius rei æquitate, ut huic reprehensioni, ut apparebit, justissima.

veniam

veniam deris. Si igitur animis adfueritis qui corporibus adestis, promitto effecturum me, ut cognoscatis hominis insanissimi esse in temeraria pericula se committere, nullius honestæ rei causa, sed aut vel lucelli alicujus gratia aut præ vanitate puerili.

Sanè illa pericula obeunda sunt quæ honesta, quæ cum honestate conjuncta sunt, ubi patriæ periculum te defensorem ac propugnatorem postulat, aut alia honesta ratio invitat, & hoc honesti & fortis animi est.

Hujusmodi pericula honesta & necessitate obruta reculare est turpe.

Honesti qui pericula sustinet, non est pro infano habendus, aut ullo modo reprehendendus.

Qui temerè ad quævis pericula aggreditur, non inter bonos ac fortes viros ascribendus est.

Qui laudantur inde, quod intrepido animo aggressi sunt pericula, semper reperientur in ipsa parte, quod scilicet virtutis tuendæ causa contra ista venerint.

In multis vitio datus fuit animus alacrior ad quidvis audendum: quod censerentur nulla impulsi gravi ratione ipsi se in difficultatem eam præcipitasse.

Comparentur audaculi nostri cum navi jactata in mari. Partes hæc possunt fieri. Velum est ira, vel lucri cupiditas, vel temeritas. Clavus est recta ratio.

Ventus & mare sunt variæ peccandi & audendi illecebræ, scopuli, vada, Syrtes, Scylla & Charybdis sunt occasiones periclitandi vel perendi te & tua. Naufragium est jactura benevolentia tuorum, opum, valetudinis, vitæ & famæ, quæ ipsa vitæ charior esse debet.

Item Grassatores comparentur cum hirco ad aquas cornua sua speculanti & meditant.

1. Hircus naturâ non est instructus ad feras pugnâs, ut Urfus, sed domesticum & cicut animal: Ita nostris grassatoribus officium non est fera bella movere, sed pacis sectari studia.

2. Hircus lupo imminente fugerat ad rupem arduam aut ad ovium caulam: Ita nostri quod abhorrent à re militari ad literarum confugerant ocia.

3. Hircus cum diuturniori pace impinguesceret, & ferocior factus esset, tutis locis cōtinere se non potuit: Ita nostris dulce inexpertis bellū.

*Secunda
pars Exercitij
Contrarium.*

*1. Propositio
2. Propositio.*

3. Propositio.

4. Propositio.

5. Propositio.

6. Propositio.

*III. pars
Exercitij
Comparatio.*

4. Hircus ad aquas descendit, ubi cornua videt & se solum, inso-
lescit, lupum provocat absentem, aëri cornibus minatur, ventos lace-
scit, arenam pedibus spargit: Ita nostri umbras nocturnas diverberant,
muros urbis stentorea voce deicere certant, lapides provocant, cœlum
armis territant: Scilicet dum soli sunt, & satis se fore videntur sibi vel
ducentis tantis, imo hos uno spiritu se diffare posse.

5. Sed eventus ridiculus, lupus vix è dumeto apparebat: atq; ille
horre, trepidare, circumspicere, fugam meditari, tandem deprecari:
Et Nymphæ faciles risere: Item aviculæ garrulæ in arborum ramis, ala-
rum strepitu procaci explosere: atq; adeò turpissimum in paludibus rana-
amentem ferociam hirci cachinnis exceperè. Lupus medium discerpit
sine ullo negotio cum prius acerbissimâ irrisione delusisset: Ita nostri &c.

Moris est.

Respondeo.

Est etiam moris, ut puniantur à magistratu, ut DEO permittente,
valetudinis, famæ & vitæ aliquando jacturam faciant. Ille stolidæ ata-
tis: Hic sapientum hominum, imò ipsius sapientissimi DEI mos est.
Quare videant Adolescentes utri malint obsequi.

Turpe esset sic includi quasi legum carcere & vinculis, ut nusquam
audeas te commovere, puerorum instar. Respondeo 1. Negando hæc
esse vincula. Conceditur huic ætati major libertas vivendi, sed quæ non
debebant ad licentiam abuti. LIBERTAS est, ut amotò metu ipsi suo
arbitrio agant, quæ à pietate & optimis moribus aliena non sunt, magi-
strorum magis consilio quam imperio subsint, ac regantur. LICENTIA
non conceditur, ut ipsi scilicet nequitia & malis moribus se dedant: quæ
pietati, morum candori, honestæ suæ atq; ordinis nostri famæ adversa sunt,
ea committere illis liceat atq; impunè sit. Hic enim à magistratu, imò à
DEO concessa est, præceptoribus, autoritate legum & pœnarum lupatis
vel severitate ac repagulis eam petulantiam, alijs molestam, ipsis pestilen-
tissimam intra ordinem redigendi. 2. Nego esse turpe hoc: Legum
contineri metu non est turpe sed honestissimum, quippe cum sit maxime
necessarium & saluberrimum: & eas excutere sit beluinum.

Vulgo fit: alij exemplo suo alliciunt. Respondeo 1. per Antefyllo-
gismum: Etiam vulgò pereunt adolescentes & corrumpuntur, multa
sunt prava moribus & vulgari consuetudine. 2. per Inversionem. In-
gitur tu non facias quod sponte facturus non esses, nisi aliorum exempla

Quarta
pars Exer-
citiij, Gno-
me.

1. opinio.

2. opinio.

3. opinio.

invitarent: & quod in ipsis reprehenderes, nisi factorum socius esses.

Quinta pars Egrefio, παρὲν καὶ αἰσ.

Ex circumstantijs personarum describamus, ex qua gente, quibus parentibus & reliquis circumstantijs hujusmodi audaculi plerumq; existant.

Sexta pars, denegatio misericordiae.

Quod igitur indigna patiuntur, vulneribus aut plagis conciduntur, vigilum manibus haud molliter excipiuntur, in carcerem compinguntur: videntur culpa sua eam calamitatem sibi accersivisse. Hic primum monstratur quod nihil habeant nobiscum commune, scilicet dum deformant nostrum ordinem turpissimæ famæ contagionem & maculam aspergendo. Item dum militaria non scholastica tractant studia. Item dum ipsi se non à nostro tantum sed hominum planè ordine ac numero segregant, noctuarum scilicet instar noctu circumvolitantes. Secundò, Monstratur: Quod dignè patiantur scilicet exaggerando ipsorum crimina: sunt impij in Parentes, in Præceptores, in omnem & universam Rempublicam: turbant nocturnam quietem; omnium in se inprecationes provocant: Omnes obvios hostes habent &c. Tertiò monstratur, quod quæ patiuntur non sint nimis magna quia facile illorum dolor oblivioni datur: quia sunt medicina, ne in posterum pejus peccent, quia majora meriti erant.

Septima pars Exercitiij.

Probet coërcendam esse audaciam istam pœnis: ex legitimo, necessario & reliquis locis.

LOCUS COMMUNIS

QUARTUS.

In AMATORES.

Exordium.

Captat Benevolentiam à Modestia nostra, rei ipsius difficultate & necessitate: & ab auditorum laudibus.

Figura Elocutionis est Propositio aliqua Conjuncta quæ urgetur reliquo exordio. Quæ duæ omnis adolescentiæ pestes gravissimæ sunt, auditores, cum ijs ut decertarem hodiè mihi imposta provincia est: Ignavia & Libido. Ignavia enim quod focus ac nidus est, non reliquorū tantum in hac ætate, verum istius præcipuè vitij quod hic accusamus, eo nomine vexanda est: Libido autem ipsa bestia crudelissima est, ad quam oppugnandam & si me Deus benè juverit, debellendam, in arenam progredior &c. Vide Exord. Cic. pro Quintio.

II. pars
NARRA-
TIO.

Quid faciant Amatores quod quidem in oculos incurrat, ridiculum: Quid dum incipiant amare: quid dum indulgent sibi & sectantur amores; quid si potiantur aut si excidant. Describantur in singulis sermones, cantilenæ, vultus. Pallent, gemunt: studia & conatus, profusiones pecuniarum, famæ, valetudinis, ipsius vitæ. Legantur hic Poetæ, Ovidij Epistolæ amatoriaræ. Virgilij Eccl. 2. 3. 8. & 10. Et quartus Aeneid. liber. 3. Georg.

*Quid juvenis magnum cui versat in ossibus ignem.
Durus amor? nempe abruptis turbata procellis
Cacâ nocte natat serus freta: quem super ingens
Porta tonat cali, & scopulis illisa reclamant
Æquora: nec miseri possunt revocare parentes,
Nec moritura super crudeli funere virgo.*

Tertia pars
Exercitij
COMPARATIO.

Comparentur stuppæ vel stipulæ aut candelæ: in quibus materies est incendij apta: Ita juvenibus imprudentia apta & obnoxia temeritati & stolidis cupiditatibus. 2. Illa levi attractu ignis accenduntur. Ita hi ineptissimis occasionibus incipiunt furere. 3. Amica quædam videtur esse & arcta conjunctio inter ignem & materiem, ut ægrè possint divelli: Ita inter amantes. 4. Sed exitialis est illa conjunctio utriq;: Ita & hæc inter amantes. &c. Item comparentur cum stolido illo qui aureo hamo piscabatur quem abrofit piscis major aliquis. Hamus est ætas apta optimis rebus addiscendis & gerendis: amor piscis &c.

quarta pars
Exercitij
CONTRA-
RIUM.

Abstinentia & Castitas est ornamentum Adolescentiæ egregium, Illustretur hoc Inductionibus, Similibus, exemplis, γνάμεις & sententijs autorum. Addantur reliquæ contrariæ propositiones.

quinta pars
Exercitij
Opiniones

1. Utrendum est ætate, cito pede labitur ætas. Respondeo. Utendum: sed ad probitatem potius & famæ honestatem consequendam &

ita

ita ut diu uti possis, non ut brevi momento turpissimè prodigas.

2. Idem multis seculis ante nos factitatum est: Etiam nunc moris publici est & præbet materiam multorum jocosum. Respondeo. Non more stolidorum sed prudentum seu potius legibus vivendum est. Spectandum etiam non quid alij fecerint multi, sed quid rectè factum sit, & quis unumquodq; factum eventus consecutus.

Certè multi infelicissimo exitu isti licentiæ generi se dederunt. Iocum illi sunt Syrenum cantus.

Reddat rationes horum morum ex circumstantiis personarum præfertim ignaviam & ocij sectationem criminetur.

Neget hos dignos, quorum habeatur ratio, quin omnis generis supplicij eorum cohibeatur luxuries: ex locis hac parte datis.

Idem probeat ex justo, legitimo, necessario & reliquis locis.

LOCUS COMMUNIS QUINTUS.

IN PRODIGOS.

EXordium à modestia Oratoris à difficultate rei, à criminatione prodigorum, à laudibus auditorum.

Figura Elocutionis est Occupatio.

Ex Oratione Ciceronis pro Roscio Amerino: Ego delegi mihi hanc reprehensionem prodigorum omnibus propositam & quam omnes rectè institui quidem putant; sed auscultare malunt, quam ipsi suscipere. Causa mihi est non audacia: neq; ardentius præ reliquis vobis virtutis studium, sed difficultas rei, quæ fecit & ut reliqui præ molestia maluerint abstinere, quod vitio sibi facilius datum iri putarent: si minus assecuti fuissent rei magnitudinem orationis pari ornatu, propter majorem in his literis profectum: Et ego cupidè arriperem, quod ingenij experiendi hanc occasionem præclaram nactum me esse, tum si non successisset, facilius mihi ignosci putarent, quod minus in his essem versatus.

Difficultas est, quod omnes impatienter ferimus ea vitia accusari, quibus ætas nostra obnoxia est. Jam mihi de prodigalitate dicturo adolescentiæ nostræ vitia accusanda erunt: Ut sic ipsos penè vos habiturus sim adversarios,

quibus defendunt se Amatores.
2. opinio.

Sexta pars
Exercitij
Egressio.
Septima p.
Exercitij
Præscisio
Misericordia.
Octava p.
Exercitij.

Criminatio: Et hoc quidem in gravissimo crimine, quo ipsa vita nostra tanquam homicidio quodam impetitur; Quid enim interest sive vitam sive opes alicui adimas, cum illa sine his salva esse non possit?

Laudes auditorum. Non possum satis aptè de his dicere. Vos me sublevabitis vestra æquanimirate &c.

II. pars
Narratio.

Describantur prodigorum facta oculos incurrentia. 1. Circa initia: Ambiunt omnium hominum favorem & gratiam & volunt aliquid videri, præcipuè hoc illis in votis est, ut apud omnes audiant prædivites: itaq; ostentant liberalitatem suam: ab omnibus volunt laudari & palpari ac mulceri: libenter admittunt adulatorem, & qui se juvent in profundis & perdendis omnibus: Rem familiarem tanquam sordes fugiunt: nulli labori adhibent manus: contemptissimè de his sentiunt & loquuntur, & avaros appellant qui laborant: tantum de pecunia ad luxum elocanda cogitant: Omnes adjungunt sibi & familiarissimos habent, vestiarios, Institores, Sartores, aurifabros, Cupedinarios, lanios, cetarios, coquos, fartores, piscatores, aucupes &c.

2. Circa medium. Hic luxuriant, perpotant noctes & dies commessantur, pergræcantur, canunt fidibus, ad amicam ambulatur, histriones & funambulones spectantur, magno cum comitatu in cauponis, lustris, ganeis, luditur, pecunia vestes & suppellex perditur alea: Coemuntur varia suppellex vana & inutilis, omnia mirifico instruuntur opere, tesserulis, emblematis & picturis, marmore incrustantur, murice inficiuntur, deargentantur ac deaurantur. In vestibis varietas, precij magnitudo, colorum ac pannorum nobilitas, spirularum & aliorum *παρέργων* copia affectatur, lautitia & delicia Apicianæ adhibentur &c.

3. Eventus. In fine deficit pecunia, hic maledicunt parentibus, qui sumptus negent, æs contrahitur alienum grande, appellant caupones, lotrices, netrices & meretriculæ, cantores, Mediastrini, famuli, gnatores &c. Hic morbus miseros incessit quem vocant CORNELIUM: sudant & pallent: ad multam lucem in lecto sunt, ut cogitent aliquam elabendi occasionem. Cogitant sæpè de medijs etiam fraudulentis & violentis etiam scelestissimis, tuendæ famæ causa.

III. pars
Contrarij.
1. propositio
Parsonia
est honesta.
2. pro. par-
simonia nō
est turpis.

1. Melius sibi consulerent Adolescentes si parsimoniam liberali & honestæ darent se.

2. Non enim vitio dandum est, si prudenter & parcè utaris rebus vel à te vel à parentibus quæsitis.

2. Uti.

3. Utinam hoc persuaderi ista ætas posset, quam non tantum nocentissima ad famam, ad res in virili ætate præclare gerendas: sed etiam turpissima & à virtute ac honestate alienissima sit illa profusio.

4. Nolite, nolite, inquam, putare, mei adolescentes, fore ut laudi alicui futura sit vobis, apud prudentes quidem homines, quorum iudicia revereri vestri pudoris & ingenuitatis est, illa sumptuum temerariè prodigendorum immoderatio.

Comparentur cum Hercule furente. 1. Furor illi à Contagione vestis amatoriae; nostris à sociorum blandimentis. 2. Eventus utrobiq; longè alius speratur atq; accidit. 3. Furit ille, furiant nostri & insana moliuntur atq; ab omni ratione aliena. 4. Commiserentur utrinq; cognati succurrere student; nihil promovent, imò etiam læduntur ab illis. 5. Sævitur ille in propria viscera; quid aliud nostri faciunt, dum vitæ sustentandæ nervos atq; unicum, subsidium miserandis rapiunt atq; dilacerant modis. 6. Ille liberos interfecit: Hi parentibus vitam exhauriunt præ mœrore. 7. Tandem in ignem ille se: Hi in scelera, in extremam perniciem, in mortem deniq; fame aut luctu aut manibus suis afferendam præcipitant.

Recenseat opiniones quibus sese defendunt:

1. Genorosi hoc esse animi.
2. Benefaciendum alijs esse dum vivas; hunc esse usum nummorum, non ut in cistam captivi detrudantur.

3. Omni homini aliquando infaniendum esse: Nunc suos esse cancellares aliquando se redituros ad frugem.

4. Diem extremum esse in propinquo.

Dicat causas horum morum & eorundem turpitudinem criminetur ex circumstantijs.

Monstret digna illos pati.

Ex locis universalibus idem prober.

LOCUS COMMUNIS

SEXTUS.

IN AVAROS.

Exordium captat benevolentiam à modestia, dum redditur

K

causa

3. prop. prodigalitas est turpis.

4. prop. prodigalitas non est turpis.

I V. pars Comparatio.

V. pars Gnome.

VI. pars Egressio.

VII. p. præcisio misericordie.

VIII. pars

causa suscepti huius argumenti. Figura elocutionis occupatio cum promissione solutionis, narratione, epicheremate vel conclusione.

2. *A criminatione avarorum.*

3. *Dicitur Summa docilitatis causa ad imitationem Ciceronis in divinatione contra Cecilium.*

Narratio.

SI quis miratur auditores, quod ego, qui per ætatem vix ipse mihi consulere posse videar, tamen in aliorum crimina invehar, præsertim in senilis ætatis illud vitium avaritiam: Si idem causam rationeq; instituti cognorit, & mirari desinet, & me vix commodius eligere potuisse dicendi argumentum approbabit.

Ego cum exercere me in his eloquentiæ studijs decrevissem, aliud atq; aliud argumentum tentavi: aut ampliora videbantur singula, aut à mea intelligentia remotiora, quam ut aliquod operæ precium in istis à me fieri posse sperarem.

Solutio.

Dolui sane eam me experiri initiorum difficultatem. Itaq; abstinere plane operam penè certum apud me erat, donec major aliquis in istis profectus acquireretur. Verum neq; hunc, nisi experimentum aliquod fecissem, acquirere me posse, perspiciebam: & sic qua re declinare hunc laborem volebam, eâ maxime incitabar.

Epicherema

Hanc igitur contra avaritiam accusationem suscipere placuit, quod præ reliquis non ita remota ab ingenio & facultate mea propter vulgaritatem eorum, quæ in hanc dici solent, videretur.

*Criminatio
avarorum.*

Et si maximè non argumenti alijs inopia, aut præsentis facilitas invitasset: perpulisset tamen ipsius vitij indignitas. Quam enim vitæ partem, quod pietatis officium, quos mores adeò sanctos & religiosos, integros ac impollutos nobis reliquit fœdissimi huius vitij lues ac contagio?

Summa.

Dicam igitur de avaris, & breviter avarorum hominum turpissimos mores ob oculos vobis statuam, ut maturè diligentissimeq; adultiorem ætatem nostram ab huius impetu ac hostilibus machinationibus communiamus.

Secunda pars exercitiij Contrarium.

I. *Propositio.* Liberalitas & honestus pecuniarum usus est optimus

mum ornamentum vitæ.

2. Eadem non est turpis aut noxia.
3. Sordes illæ ut appellantur sunt verè sordes? famam, consilia ac incepta omnia & totam vitam pessimè conspurcant.
4. Tantum abest ut à sanis hominibus laudentur.

Tertia pars Narratio.

Exponat acta singularia avarorum ridicula & sermones, quibus produnt avaritiam homines.

1. Quam sint meticulosi, quam sollicitè agant: a cibo, potu, somno abstinent: sursum deorsum cursitant, tristitia ex omni apparet vultu, Semper gemunt, nonnunquam etiam flent.
2. In cibo & potu miserè se habent: Pane & Sale victitant: olus insipidum ex jure hesterno liguriunt, aquam bibunt, & tamen conquerruntur se nimis carè & largiter vivere. Sæpe à prandio & cœna abstinent, ut comparcant: & dicunt hoc sufficere naturæ, & sanitatis causa facere se: Sordes & cineres a panibus non refecant, peccatum esse aiunt, panem ita abijcere pedibus conculcandum, Lardum cum corio aut tergore infamato, pisces insolatos & carnes crudas vorant quod sic diutius suffectura fami putant. &c. Sic porro narrentur ipsorum facta & sermones in acquirendis pecunijs & conservandis, in erogandis, si usus sit: in amisfis forte fortunâ, in periculo amittendarum. Item in honoribus, quomodo omnibus supplices fiant quorum gratiâ aliquâ videntur quid lucrari posse. Item quomodo se vilissima pecora æstiment ipsi. Item in humanitate: huc pertinent elegantia sordidata, in incessu, in vestitu, in munditie totius corporis. Item in jocos quam sint insulsi: In veracitate vel simulando. Simulant se pauperrimos, & queruntur suam tenuitatem. Demum in negotijs sunt defraudatores.

Quarta pars exercitiij Comparatio.

Comparentur cum aliquo istorum animalium, in quæ virgilij, ut feruntur, versus ludunt.

Sic vos non vobis nidificatis aves:

Sic vos non vobis mellificatis apes:

Sic vos non vobis vellera fertis oves:
Sic vos non vobis fertis aratra boves.

Quinta pars vōvū.

1. Opinio. Vitam nostram plurimis, egre agunt. Respond. At non infinitis; statuendus est modus cupiditatum.
2. Plurimos minus curantes rei familiaris in miserrimam devolutos esse egestatem. Respond. fugiatur igitur ista Charybdis sed & hæc Scylla. Ita enim fumus fugiendus est ne in ignem incidas. Stulti dum fugiunt vitia in contraria currunt.

Sexta pars exercitiij Egressio.

Monstret unde hoc vitij sit: quibus ut plurimum nascantur parentibus avari, quâ naturâ, educatione, alijs moribus &c.

Septima pars exercitiij præcisio misericordia.

Odium avaris moveat, quod plurimis modis sint turpes & noxii homines.

Octava pars exercitiij.

Probet mulctandos thesauris illis suis, ut abstrahantur à malitia & hoc ex locis universalibus necessario, iusto &c.

LOCUS COMMUNIS
SEPTIMUS.

In SUPERBOS

Exordium instituatur à necessitate ipsius argumenti. Figura elocutionis sit simile.

IN corporum morbis illi videntur salutarem Reipublicæ operam præstitisse qui adversus luem aliquam publicè grassantem aliquid præsentissimi remedij, aut ipsi invenerint, aut aliunde etiam acceptum publici usus fecerint. Quare & hæc oratio merito debet esse grata

quæ contra Superbiam turpissimam morum optimorum labem instituta fuerit. &c.

Secunda pars exercitiij Contrarium.

1. Modestia est pulcherrima virtus valde ornans omnem sanæ ætatem, imprimis vero adolescentiam.
2. Modestia, si ipse de te quam tenuissimè opineris ac submisce te geras, omnibus honorem ac reverentiam præstes, non est vitio vertenda, quod à multis corruptissimi iudicij hominibus fit.
3. Intolerandum & deforme vitium est superbia.
4. Si omnium primus tibi esse videaris, neminem parem agnoscas, fastidio intolerabili adversus omnes te efferas, istos inquam mores annon indignum est vulgò, ab ijs, qui scilicet sunt affines, commendari?

Tertia pars exercitiij Narratio.

Exponatur hic quibus rebus prodant superbiam. 1. IN PERICULIS: antequam illa adsint omnia se difflare, ruere, rumpere, rapere, prosternere velle comminantur. Ut illud huc conveniat Poëtæ.

Digna atq; indigna relatu
Vociferans &c.

Ibat & ingenti sese clamore ferebat.

POST PERICULUM vel in tuto constituti, vah quanta suanarrant facinora?

2. IN PECUNIIS: In Sermone meras has crepant: sive illas aliquas possideant: sive mediocri re familiari sint: sive etiam omnium egentissimi. Nummos ipsos ubiq; ostentant: Præsentem circumferunt secum pecuniam & nullis constrictam loculis, & aliqua mascula copia, ut commoventibus se istis longius possit audiri sonus. Et frequenter numerant alijs præsentibus: & sibi perijsse aliquam pecuniæ summam præ negligentia dicunt, sed arrident ac contemnunt. Conqueruntur sibi deberi à nobili aut principe aut alio divite homine, nec posse se nummum impetrare. Quærunt de moneta commutanda: nummos minutulos contemnunt, omnia licitantur etiam preciosissima.

3. IN VICTU magnificè volunt apparari omnia, quantumvis

*Videatur
Plautimi-
les gloriosus*

minus delicata: Servitia ad mensam astare, ad nutum ac tussum Domini manus osculari, & quærere ecquid libeat.

4. In collatione ad alios: majoris loci atq; ordinis homines oderunt, pessimè loquuntur de absentibus, criminantur superbiam.

Pares & INFERIORES Vili habent: volunt se in oculis gestari, aut accusant illos imperitiæ. NATALES SUOS & originem deducunt à principibus & nobilissimis familijs, vel etiam ab ipso Jove. Semper in ore habent familiaritatem suam cum viris magnis & quid cū illis olim negotij gesserint, & quid locuti fuerint. In honoribus conferendis vel expectandis alij callidiores norūt dissimulare: alij crassiores, produnt se sponte, certant, litigant, exprobrant, Utriq; querulantur non haberi rationem bonorum, doctorum, industriorum in mandandis officijs, se autem intelligunt.

In collatis honoribus magis ac magis insaniunt, & pavonis instar collaudati pennas explicant; omnibus imperare volunt, sapientissimos, honestissimos omnibus virtutibus & omnium bonorum genere instructissimos & politissimos se esse arbitrantur. In denegatis honoribus irā exardescunt, contumeliās & vim expediunt, sibi ipsi præ impatientiā, aut luctu diuturniori aut violenta manu mortem afferentes.

5. IN IRA levi occasione commoventur: quia facile suspicantur se contemni. Hancine ego contumeliam tam insignem ut feram dicent, si forte amica cum alio viro collocuta fuerit, & isto quidem præsentē. Et gravissimè quidem exardescunt: Mori me satius est dicebat Thraso. Sed ridiculo eventu una mulierculæ lachrymula vix expressa omnem istam flammam atq; incendium univèrsū extinguit aut si à verbis ad rem eatur.

6. In elegantijs, in incessu, vestitu, verbis, vultu, mistace, armis. Omnia magna: ut vaccæ illius apud Virgilium 3. Georgicorum.

Cui turpe caput, cui plurima cervix,

Et crurum tenuis à mento palearia pendent

Tunc longo nullus lateri modus omnia magna,

Pes etiam & camuris hirtæ sub cornibus aures.

Sic nostris setosumq; caput; frons torva, & plurima circum

Longè amplexa ambit cervicem lintea nubes:

Et

Et poplitum tenuis umbra à vertice plumea pender:

Tum tumidis nullus caligis modus. Omnia magna,

Vox quoq; & indigenis malè collita barbara verbis.

Sed & incessus ita lepidè, ita venustè ab eodem poëta expressus, ut nihil supra 10. Æneidos.

-Ingentem quatiens Mezentius hastam

Turbidus ingreditur campo quam magnus Orion,

Cum pedes incedit medij per maxima Nerei

Stagna, viam scindens, humero supereminet undas.

Aut summis referens annosam montibus ornum,

Ingrediturq; solo & caput inter nubila condit:

Talis se vastis infert Mezentius armis.

7. Dissimulationem & simulationem oderunt: quod ipsi tacendi ac loquendi artem non didicerunt. Adulatores tanquam alteram animam suam amplectuntur.

8. Jocos possunt ferre in alios dictos, in se non item: Insultos reddunt, quos tamen putant lepidissimos esse, & cum nemo rideat, quomodo alij olim riserint, narrant. Omnes qui aderant risu emori.

Quarta pars exercitiij. Comparatio.

Cum Narcisso qui suo ipsius amore peribat lib. 3. Metamorphoseos fabula 6.

Item cum flammâ, quæ supra fumum eminere vult, & sic nutrimentum relinquens evanescit. Item cum Tantalo qui sitiens fugientia captabat flumina. Item cum inambulantibus in umbrâ.

Quinta pars exercitiij γράμνη.

1. Eos ajunt esse nunc mores, ut impudentia optima atq; unica sit ad honores ascendendi via, & nisi te ipse ingeras, atq; obtrudas spe excides: &

Heu frustra alterius magnos spectabis acervos

Concussaqs famem in sylvis solabere quercu.

Respondeo. 1. Per Indignationem: eò devenisse rem communem, eo mores abiisse, ô mores!

2. Negando apud prudentes homines valere istas artes & non

potius

potius verecundiam in tribuendis honoribus præcipue spectari.
Esse eam animi quandam magnitudinem.

2. opinio.

Respondeo. Per risum & Ironiam comparando istos cum viris
magni animi.

VI. VII. & VIII. partes ipse finge.

LOCUS COMMUNIS

OCTAVUS.

DE MODESTIA.

Exordium à commendatione rei. Figura Elocutionis assumtio.

1. Assumptio

2. Assumptio
λογισμ.

3. Accommodatio
vel docilitas.

4. Propositio.

2. pars
Narratio.

Cum in omni homine ad eam partem procliviores esse debeamus, ut quæ ad laudem pertinent, ea seligamus atq; amplectamur libentissimo animo, à vituperatione abstinentes: tunc præcipue hoc in illis observari volumus, qui hoc candore erga alios usi sunt. Sive quod latens atq; abdita quædam virtutis natura ad eum sui amorem invitet: sive quod hac nostra commentatione, virtutis studium pro nostra virili portione promotum cupiamus. Quæ cum ita se habeant, quis jure eam orationem reprehendere ausit, quæ in modestia commendationem suscipiatur? Quid enim modestia est? an non ea virtus quæ omnem oratorem in ipso ad causam aditu auditoribus commendat? quod enim ignotum vobis esse non potest, ex hujus virtutis apparente quadam facie in ipso orationis vestibulo, conciliatur auditorum animus & adjungitur ad usum dicentis: hujus autem mira quædam alacritas excitatur ac fovetur. Quare non pro dignitate quidem, neq; enim ita arrogans sum, ut hoc mihi tribuere audeam, sed tamen pro ingenio, pro eo quem non ego tantum debeo, sed quo vos omnes ardetis hujus virtutis amore ac studio, pro temporis demeritatione, quæ occurrent in medium, afferamus. Quid agant modesti unde agnoscuntur, & maxime suaves sunt istorum hominum mores. 1. In periculis non obtrudunt quidem se, sed si provocentur non tergiverfantur. Tunc non multa promittunt, sed excusant imbecillitatem suam, ita tamen ut subire non detrectent. Hujus generis est illud

Entell

Entelli factum 5. Aeneid. qui dum Dares rota castra provocat, patitur quidem id, verum cum ipse increparetur ab Aceste, excusat quidem, sed ita ut prodeat in arenam tandem. Et gravis oratio est.

Non laudis amor, nec gloria cessit

Pulsa metu. Sed enim gelidus tardante fenestra

Sanguis hebet, frigentq; effœtæ in corpore vires.

Si mihi, quæ quondam fuerat, quaq; improbus iste. &c.

In periculo sunt constantes, acres & vigentes. Sic noster,

Stat gravis Entellus Nisiqu; immotus eodem.

Tum pudor incendit vires & conscia virtus,

Præcipitemq; Daren ardens agit æquore toto :

Nunc dextra ingeminans ictus nunc ille sinistra.

Eluctati autem gaudet sanè ostentatione suæ alicujus virtutis, admittit tamen & colorante quasi verecundiæ purpurâ. Neq; hoc adversum est modestiæ, ut :

- dum Palmam Entello taurumq; relinquunt,

Hic victor superans animis tauroq; superbus,

Nate Dea, vosq; hæc, inquit, cognoscite Teucrî,

Et mihi quæ fuerint juvenili in corpore vires. &c.

2. DE PECUNIIS, in sermone raro mentionem faciunt, quia putant non in opum possessione sed virtutis consistere commendationem. Si omnino facienda mentio est, neq; prædicant neq; extenuant : sibi sic satis esse, ajunt, Dei gratiâ, undè necessariâ suppetant. Referantur cogitationes ad contraria eorum quæ superiori exercitio in hac parte dicta sunt. Superbia est fœdum vitium. 2. Superbia non est in virtutibus & ornamentis habenda. 3. A modestia prudenti, adolescenti homini præsertim oritur commendatio. 4. Non debet modestia vitio duci. COMPARATIO cum arboris semine. Hoc ex alia arbore est : ita modestia ab aliorum discitur exemplis. 2. Hoc intus in terram abditur, ita ad virtutem hanc ipsum animum oportet assuescere. 3. Crescit occulto ævo omnis arbor, ita diuturniori tempore maturescit, hujus virtutis furculus. 4. A sole ac pluvij incrementa capit arbor : ita modestia à laude & gratia virtutum nutriculis. 5. Arbor tempestates experitur, ita modestia calumniam. 6. Tempestatum vehementiæ arbor cedit, & sic periculum fractionis evadit :

3. p. contrarium.

4. pars.

Ita hæc virtus hostili aduersationi. 7. Tandem arbor ad eam magnitudinem excrescit, ut à tempestatibus non metuat, ita tandem modestiæ bona causa triumphat.

*s. pars
Gnome.*

Opiniones præclaræ de hac virtute sunt: naturâ ad superbiam proclives sumus: & sic medicina quædam est modestia. 2. honores parit. 3. amicitias adjungit. 6. 7. 8. pars jam sunt notæ.

LOCUS COMMUNIS NONUS.

Contra Fracundiam.

EXORDIUM ab argumenti commendatione. Figura Elocutionis est sententia ex quarto progymnasinate.

Fra furor brevis est.

Paraphras.

*Inductio. 1.
à partibus
subiecti.*

*Inductio à
partibus
prædicati.
Contrarij.*

Simile.

*Exempla.
Adelpb. act.
s. scen. 3.*

act. 3. sc. 3.

Eleganter dixit quisquis est author. Hoc voluit, eos qui ira effeuescunt, parum ab insanis abesse, adeoq; impeditæ esse rationis, ut nec quid agant, aut quid persequi, quid præcavere oporteat, satis ipsi sibi consulere valeant. Et hoc verissimum deprehenditur, si cogitemus exempla, quàm insanire videantur fortè excalescentes anicula, aut pueri, aut rustici, aut ebrii, aut alius aliquis de plebecula. Quomodo fremant isti, ferveant, tremant, toto vultu exalbescant, labra mordeant, dentibus infrendant, ea omninò agant ac loquantur, quæ à mente sana nunquam proficiscerentur. Undè si quis sanè est homo paulò prudentior, diligenter caver ab ista commotione, tanquam ab aliquo furore. Quid enim aliud est iratus quàm Euripus quidam turbinis ac ventorum excitatus agitatione, ut non continere se queat, obicibus ruptis, ut poëta ait: effundat se in cælum, fluctus jaçet, & variè collidat, non sine vehementi obstupescatione spectantium, quid dicam Jactatorum. Cogitate mihi Demeam Terentianum, & leviter sanè, ut sibi videretur, insanientem: Hei mihi quid faciam? quid clamem? aut quid querar? ô cælum ô terra? ô maria Neptuni? Aut Getam servulum: Vix sum compos animi, ita ardeo iracundia, seni animam extinguere, Syrum impulsorem vah quibus lacerarem modis: Aut Ajacem apud Ovidium.

Pu
Jra
ximè
minis
tiæ li
erit co
um qu
us ali
impos
quant
tas no

circa h
vultu
Quon
tissim

2.
tur, qu
tate c
sunt p

1.
2.
quæd
beban
ea, qu
tum
quibu
sci ve

He

Hectora qui solus, qui ferrum, ignemq; Jovemq;
Sustinuit toties, unam non sustinet iram:
Invictumq; virum vincit dolor.

Pulchrum est illud Poëtæ veteris:

Iratus etiam facinus consilium putat: tanta est insania, ut qui maxime desipiat, sapere tamen sibi videatur. Et illud ex sacris: Ira hominis iustitiam non operatur, siue non poterit se continere intra Iustitiæ limites homo ab iræ violentia abreptus. Operæ precium igitur fuerit contra istud iracundiæ vitium, plus æquo sanè familiare in medium quædam asserere: quod quò gravius mihi sanè onus est, eò libentius alij cuilibet auscultarem quàm ipse dicerem, ita tamen ut cum mihi impositum sit, non esse animum abijciendum planè, sed quantum quantum est, sustinendum censeam, si vestra in iudicando æquanimitas non nihil quasi humeris partem aliquam subeundo adjuverit.

Quid faciant Iracundi: in periculis: in victu: circa pecuniam: circa honores: in ipsa commotione, quando se contemni putant, quali vultu, oculis, toto corpore appareant: quid loquantur ac quomodo: Quomodo amoliri conentur adversa, ad arma volent, in pericula certissima conijciant se, irrito conatu ut Priamus,

Quamquam in mediâ jam morte tenetur:

Non tamen abstinuit, nec voci iræq; perpercit.

At tibi, pro scelere, exclamat, &c.

Telumq; imbelles sine ictu conijcit &c.

2. *Æneid.* Quomodo imprecentur, convicia dicant: lachrymentur, quales sint in simulando & dissimulando, quales in jocos, in suavitate convictus & amicitia, in negocijs vel contractibus, ad facinora sunt proclives.

1. Iræ posse temperare est maturi & prudentis animi indicium.

2. Non est ignavia. 3. Exardescere verò & effervere est mollities quædam, nisi id forte officij exigat ratio, & qui spontè morigerari debebant, reprehensionis & pœnæ severitate adigendi sunt ad facienda ea, quæ jubebantur. 4. Extra hunc casum pronitas ad iracundiam, tum ipsa vehementior commotio valdè hominem deformat. Unde quibus chari esse volumus, & à quibus magnifери, his præsentibus irasci veremur, ne turpitudine abalienemur, & hinc etiam veniam preca-

*Ultimo Me-
tamorph.*

*Alia senten-
tia.*

*Conclusio
habet docili-
tatem vel
propositionem.*

2. Narratio

*3. pars
Contrariū.*

4. *Compara-
ratio.*

ri solemus, & excusationem afferre commotionis.

Acutissimè judicavit Aristoteles; qui iracundòs cani perfimiles dixit: 1. Ille pervigil & attentus ad omnem strepitum ac molestiam: ita hi observantes rerum sibi adversariorum & perspicaces. 2. Ille si-
dus sanè dum damni avertendi causa advigilat, cavet ne quid capiat detrimenti res herilis: sed in eo infelix ac miser, quod non à ratione instituitur ac regitur, ideoq; sæpè errat, ut periculum denunciet ubi nullum est, & alicubi fileat quòd furem amicum putet, aut aliud damni non rectè intelligat: ita nostri non inhonesti quidem, id unicè solliciti sunt, ut famam tueantur, sed prudentiæ duce carentes obsequuntur iracundiæ raptui. 3. Ille celeriter levi occasione excitatur, subfilit, magnas turbas dat, omnia personat latratu: ita nostri de lana caprina ingens rixarum bellum conflant. 4. Ille catena aut loco constrictus tanto acrius sævit, ita hi si deterreas & adverseris. 5. Ille si potest, dentibus impetit ac lacerat sæpè innocentes: ita hi ad arma ad necem etiam præcipites ruunt. 6. Ille familiare irritatur blandimentis, increpatione compescitur; ita hi uxoris aut domestici alicujus minis aut graviore reprehensione.

5. *pars
ὑπόψιν
vel opinio-
nes quibus
se defendunt*

1. Ira, inquiunt, est cos fortitudinis. Responsio: Si modus adsit: si rationis habenis coërceatur. Aliàs fiet quod in ferro si diutius ad cotem teratur, ut ad nimiam aciei subtilitatem redigatur, & manibus tractari non possit quin lædat. 2. Ajunt non posse se sibi impetare? Responsio: consilium suggerit Horatius:

Animum rege: qui nisi paret,

Impérat. Hunc frenis hunc tu compesce catenis.

Paraphra-
sis.

Vim quodammodo iræ adhibe, tanta tibi ipse, quam turpè, quàm periculosum sit ab ista furoris inflammatione abripi: si naturæ proclivitas ad aliam invitet partem, tu rationis ac prudentiæ & venustarum sententiarum lupatis tetrorsum trahito ac prohibeto.

6. *pars. E-
gressio vel
παρενθεσις.*

Dicat causam & occasionem horum morum ex circumstantijs personarum: idq; in partem malam vel cum reprehensione. Quem admodum tutius mari se committunt, qui scopulos brevia & Syrtres diligenter notata habent: ita prudentius in vita existimo versaturum, si quis non tantum à vitijs cavendum esse noverit, verum etiam occasiones ad ea offendendi, quasi scopulos quosdam aut ipse observaverit,

aut

aut ab alijs animadversas cupidè studioseq; attenderit. Itaq; auditores ad eas occasiones undè fit ut in iracundiam plerumq; dilabantur, animum orationemq; referemus. Principio autem gentis undè orti quisq; sumus, quædam barbaries multis ad eam animi incontinentiam fomes ac causa fuit. Quò enim natio aliqua ab humanitatis quasi cultura remotior, eò ad crudelitatem quandam & iræ immoderationem propensior. Unde qui ab istiusmodi naturam & generis originem ducunt, etiam morum hanc feritatem attrahunt. Quemadmodum enim leonum catuli non tam imitatione, quàm ingeneratà quadam bestijs sui generis indole rugitus edunt, prædam sectantur: minorum virium animalibus obvijs unguis iniiciunt: ita ex populo aliquo ad immanitatem projecto oriundus cum natura etiam mores istos communes plerumq; habet.

1. Digressio per correctionem.

Quamquam etiam in excultis populis invenias nimis multos plus justo severos & ad iram propendentes. Ubi sæpè parentum culpa fit, ut vel cum lacte materno furores illos imbibat infantilis ætas, vel a dulcior exemplis iracundorum corrumpatur parentum, Aut si etiam ab hac culpa alieni fuerint, in eo tamen sæpiusculè peccant, præsertim matres, quod teneræ ætati nimis parcunt, nimis tribuunt, nimis patiuntur eam suo more vivere. Undè cum parietibus domesticis egressi sunt, nec ita tenerrime ab alijs se observari sentiunt, facile adversus istos excandescunt, à quibus non offenduntur quidem, sed saltem non satis honorificè pro opinione sua habentur. In plerisq; tamen fit, ut cum non tantum in parentibus nihil desiderari possit, sed etiam optimam in liberos indolem visi sint propagasse; tamen aut malitiæ indulgentes liberi, aut prava institutione miserè seducantur. Multos enim impelli animadvertas, ingeneratà quadam propensione vel ad suspicionem, vel ad superbiam, vel ad morositatem quandam, vel etiam ad fortitudinem & audaciam: undè ijdem ad irascendum faciles: item eos qui cholæræ vel flavæ bilis multitudine abundant, frequentibus iracundiæ stimulis exagitari, communis fert opinio. Ubi quò difficilius est affectus vehementiæ imperare: eò accuratiorem oportet adhiberi operam ab eo qui institutioni præest, ut hæc repugnatrix naturæ vis quam maturimè debilitetur. Verum ita fit, ut pleriq; ex istis quorum

1. Circumstantia patria vel natio barbara vel non.

Expolitio 1. per Synonymiam.

2. per simile

3. 4. 5. pos- sunt addi contrariæ exempla, sententiæ authorum.

2. Circumstantia parentes maiorum.

Parentes, Bonorum morum.

3. Circumstantia Natura mala vel bona.

4. Circumstantia. Educatio.

5. Circum-
stantia à
moribus bo-
nis & malis
digressio à
simili.

Species mo-
rum. 1. For-
titudo.

2. Audacia
3. Liberali-
tas.

4. Avaritia

officij est, negligenter hoc exequantur, aut nimia ignavia relaxent fre-
na, aut ipsi intempestiva acerbitate irrent. Nonnunquam cum et-
iam recte ab hac parte provisum est, ea tamen deprehenditur vitij hu-
jus lubrica quasi levitas, ut instar serpentum aut aquarum pluviarum,
vel angustissimis rivulis aut occasionibus in animum se insinuent.
Atq; hinc accidit, ut postquam omnia à parentibus & præceptore se-
dulo diligenterq; facta sunt, tamen ubi ex Ephēbis excesseris, tandem
custode remoto: vel saltem ubi jam matura virum te fecerit ætas, à
consuetudine quadam vivendi sæpè non mala, nisi caveris, ad hanc ira-
intemperantiam inviteris. Qui enim periculorum metum sustinere
animo præsentī assuefacti sunt: quod metu isto tanquam freno quo-
dam remoto, aut remissius adducto minus continere se valeant, qua-
libet occasione & non leviter quidem accenduntur. Hæc mollities
extenuat omnem illam fortitudinis laudem. Turpissimum enim est
quando dicitur: Hæctora qui solus &c. Et huc pertinet fabula de Pe-
gaso & Perseo. Multò magis hoc accidet audacibus, ut modum intra
non observent, quippe qui ad quamvis molestiam depellendam mollis-
sima quasi aura excitantur. Item si quis studiosior fuerit honestæ par-
simoniæ & rei familiari deditus, iniquius feret aliorum maximè suo-
rum profusiones, ut Demea Terentianus: sed nihil efficit ista stoma-
chatione, nisi ut sibi molestiam creet, istis intempestiva reprehensione
animum addat, quo libeat magis voluptati obsequi. Gravior est ho-
minum tenacium & avarorum commotio adversus istos, quos alieni-
ores à suis moribus vident, & in pecunijs profundendis vel etiam ho-
nestè elocandis paulò liberaliores. Bis ridiculi homines, qui & ipsi
ab honestate aberrant, & præterea nihil rectum putant fieri nisi quod
ipsi faciant. Sic porro reliqui describuntur mores, quatenus sunt oc-
casio iracundiæ: Deinde dicatur de virtutibus intellectualibus, homi-
nibus eruditīs & ineruditīs & in quolibet genere peritiæ, & qui ad
hoc vitium proclives sint ex istis: item genera vitæ & sexus & corpo-
ris figura & actiones vel negotia & reliqua, quæ possunt esse materis
iracundiæ afferantur ex 2. progym. 7. 8. pars in alijs describuntur.

LOCUS COMMUNIS
DECIMUS.

DE

DE MANSUETUDINE.

EXORDIUM à commendatione argumenti: Figura Elocutionis gnome ex 3. progymnasm. Verè gemmea est illa Ciceronis sententia in aurea pro Marcello ad Cæsarem oratione: *Animum vincere, iracundiam cohibere, victoriam temperare: hæc qui faciat non ego illum cum summis viris comparo, sed simillimum DEO iudico.*

Egregia sanè Mansuetudinis commendatio, & digna tum ipsa virtute hac, tum tanto hujus laudis artifice Cicerone dico eloquentissimo. Nam quid poterit eà dici angustius? tantum scilicet laudis ab hac virtute accedere ijs, qui ea ornati fuerint, ut non sufficiat communibus cum alijs laudatissimis viris prædicationibus efferre, sed ijs præconijs & quodammodo hymnis decantandi sint, quæ ultra humanam sortem constitutis semideis aut herois ascribimus. Addantur hic Inductio, contrarium, simile, exemplum, sententiæ aliæ, demum conclusio per accommodationem ad rem præsentem, vel digressio ad propositionem. Exempli gratia: dicam de mansuetudinis, quæ iræ moderatrix est, insigni necessitate, & quantum hæc ad vitam ornamentum afferat.

Paraphra-
sis.

Narretur hic quid agant mansueti, quomodo imperent sibi, & quam placidi ac clementes appareant in periculis. Propositio. 1. Nimia sævitia valdè reprehendenda est. 2. Non est commendanda. 3. Item nimia lentitudo & ignavia, si officij causa excandescere debebas, & pateris alios abuti tua lenitate, à quibus metuendus eras: hæc est in vitijs ponenda, & non laudanda. 4. In medio posita est moderatio animi, qua temporum locorumvè conditio, personarum officiorumq; ratio, causarum pondera, culpæ ipsius cum commotione æqualitas & alia accurratè attenduntur. Hæc prudentiæ summæ est. 5. Non est vituperandum si sic excandescat quis, aut etiam lenis & lentus sit, si ira exigat ratio. Item huc addi potest narratio de utriusq; istis moribus malis nempe de Iracundia & lentitudine.

2. pars Nar-
ratio.

3. pars Con-
trarium.

Comparetur mansuetus cum forti. 1. hic hostes vincit: ille se ipsum.

4. pars Cō-
paratio.

Forti-

Fortior est qui se quàm qui fortissima vincit.

2. Ille lapides murorum frangit: hic animi iracundiam vivam atq; obluſtantem. 3. Ille contra hostem adverſum videns ac vigilans pugnat: hic ſemper adverſus inſidiantem. 4. Ille belli tempore: hic pacis prodeſt. 5. Ille hostem à mœnibus: hic à moribus & anima pellit. 6. Ille adverſus externum hostem, hic adverſum internum & non tantum iſdem mœnibus aut parietibus ſed cute etiam conſuſum. 7. Ille armis ac vi contendit: hic ratione & conſilio. 8. Ille à vulneribus corpus: hic à virijs animum defendit. 9. Ille non ſine ſanguine digladiatur: hic amica compoſitione quanquam non ſine acerrima contentione bellum conſicit.

5. pars
Gnome. 1.
Digreſſio
per Epiph.

O homines verè non communibus tantum ſed plus quàm humanis laudibus ad cœlum uſq; extollendi? o aurea vivendi ratio, & plena prudentiæ? nam ut eò vos nunc deducam, hæ illi hominum generi cogitationes, hæ conſilia, quæ dies noctesq; animo ſuo volunt. 1. Opinio. Ita ſecum rem reputant: per ſe aliena imperia eſſe gravia: quibus ſi accedat acerbitas quædam ejus qui præeſt, ut durius & inclementius tractet, increpet, puniat ſubjectos: ita fieri ut iſti planè intolerandi videantur, hi miſerrimi, atq; hinc cogitent, quomodo magis ac magis expediant atq; abrumpant ſe. 2. Præterea etiam illud conſiderant, quod videtur ſtoliditas ac fatuitas quædam eſſe iſta gravior commotio, ſcilicet ubi ſuccumbit rationis imperium, ac deiſcitur ab iracundiæ violentia. Quare quàm longiſſimè abeſſe debet. 3. Clementia verò & placabilitas iſta perſuavis ac grata eſt non alijs tantum ſed ijs potiſſimum, qui dicto tibi audientes eſſe coguntur, ut non hominem te, ſed Deum aliquem aut Angelum coram intueri ſe, ſibi videantur.

6. pars
παρεν-
εως ſι-
ſe Egreſſio.
1. Circumſt.
Natio.
2. Circumſt.
Parentes.

3. Circumſt.
Educatio.

In his moribus ſit quod aliàs ſolet, ut reliqua vita respondeat ac conſimilis ſit. Quæ enim natio culturæ legum & artium dedita eſt? quin ex hac oriundos rarius videas, qui non etiam manſuetudine perpolitii ſint cives? idem, parentes ſerè naſti ſunt placidiſſimos homines, aut qui ſaltem ſi quid ipſi in hoc morum genere paſſi ſunt humani, id ſtuduerunt, ut in liberos propagaretur quod in ſe odiſſent quidem, ſed per inveteratam conſuetudinem non ita facili negotio abolere poſſent virij. Aut etiam parentibus officium negligentibus: eo-

rum

rum beneficio quibus enutriendæ atq; informandæ primæ indolis cura demandata fuerat, ad eam animi morumq; lenitatem assueti sunt. Rara est illa animorum nobilitas, ut cum malis parentum, præceptorum victorumq; ingenijs conflicteris: tamen possis ipse vitæ tuæ modum habere. Plerumq; autem ut ad omnem nequitiam, ita ad hanc vehementiam allicimur & exstimulamur naturæ quadam improbitate. Quare non minori studio, labore, contentione, constat hæc animi domitura, quàm Herculi suæ victoriæ. Fœminæ sibi difficilius possunt temperare in iræ inijs, sed faciles sunt in ijsdem susceptis deponendis. Virorum ira violentior est, ut instar tonitrus perrumpat, cum illa muliercularum iracundia tanquam fulgur quoddam, qua celeritate eruperat, etiam dissipetur. Itaq; insigni cum laude fit: si utriusq; violentiam sub rationis imperium cogamus. Viri fortes ut magno utuntur suo commodo, illo iræ impetu, ita etiam oportune refrenare norunt, ne ultra erumpat quàm aliorum prudentium hominū iudicia permittant. Et ut intemperantia, quasi ægrotum animum præ crapulæ doloribus, facit pronum ad excandescentiam: tum affligit atq; eneruat rationem, ne sufficiant vires in retinendo animo à rationis præscriptis abeunte: ita temperantia maximè iuvat mentem in comprimenda bile. Idem etiam reliquas virtutes facere sentiendum est, & comprobatur experientia. Idem enim liberales & clementes, itemq; minus ambitiosi: non enim qui libenter de honoribus cedat, aut alijs largiendo inserviat, videtur causam habiturus esse, cur ira succendatur. Ita porro suaves & humani qui sunt, itemq; multi joci homines: non tantum abstinentes, esse ab effervescentia, sed hujus abstinentiæ accessione quasi quandam suavitatem illam acquisivisse, veritati persimile est. Eodem modo integritas ac candor & iustitia si seriū est harum virtutum studium, non patiuntur secum iræ incontinentiam: non solum quod hujus rei testis optimus est quotidiana vitæ consuetudo, sed etiam quod omnium virtutum dux prudentia hoc diligenter providet, ne quid à vitijs maculæ adhæreat in eo, qui industriam in virtute operam posuerit. Porro non parum hanc virtutem ornant egregij hujus cultores, flos nempe & anima totius humani generis. Quicquid enim est hominum non alienorum à literis & rerum aliqua cognitione non tantum subtili illâ atq; accuratâ, verum

4. Circūst.
Natura
bona.

Sexus.

5 Circumst.
mores. Fortitudo.

Temperantia.

Alia virtutes.

6. Alij habitus.

8. Circūst.
officia.

etiam vulgari & in communi hominum usu positā: Idem perstudiosi sunt mansuetudinis, ut vel ab ea ornati sint, vel si id assequi non possint, saltem ut iræ illam impotentiam nescio undē irrumpentem, quantum possint dissimulent. Quemadmodum illud etiam non ex quo ornamento est, quod viri principes se ab hac virtute imprimis commendari volunt, & hanc se cum Deo solam communem habere putant.

Quo quisquē est major, magis est placabilis iræ.
Et faciles motus mens generosa capit.
Regia crede mihi res est succurrere lapsis.

hoc est

A superis ortæ nobilitatis opus.
Hoc tecum commune Dijs, quod uterq; rogati
Supplicibus vestris ferre soletis opem.
Considerentur ad eundem modum reliquæ personarum
circumstantiæ.

VII. & VII. partes ipse adde.

LOCUS COMMUNIS XI.

In EBRIETATEM.

EXORDIVM. Captat benevolentiam à rei iucunditate: narratur fabula de rustico convivium dicente Parocho suo inter pocula: quod Rusticus diceret asinum sibi esse domi multo sapientiorē isto Monacho. Res ad Magistratum delata est. Confessus est convivium Rusticus. Ita autem defendit, non esse injuriam factam à se homini: quod asinus suus nullis verberibus adigi possit ut ultra sitim bibat. Monachus vix ullis prius jurgiis abigi, quam tantum exhausisset ut nec pes, nec mens officium faciat. Risu omnes emori. Tandem secundum rusticum pronunciatum: hūc miser parochus ab asino melius sapere doctus est, cum fortassis alias multorum graves admonitiones de fugiendo hoc vitio nunquam furdo sibi fabulam narrare passus esset. Idem de Lacædemonijs commemorant: quod anniversarijs

qui-

quibusdam ferijs servos ebrios in conspectum liberorum produxerint, ut horum ridiculâ insanîâ ab ebrietatis turpitudine abstraherentur, à qua præceptis & hortando difficiliore negotio abstinere posse viderentur.

Item narra de Solone insaniam simulante, ut legem quandam Reipub. damnosam abrogaret. Et de Medico phreneticum curaturo: qui cum hic gallus sibi videretur ille item gallum se esse, h. e. cum insaniente insanire se simulavit, ut ad sanam mentem reduceret. Sed quorsum hæc? cum insano & phrenetico hominum genere negotium mihi est: quia temulentis, & ebrietatis vitio deditis medicinam facere allaboro. Itaq; istorum quos dixi prudentia utendum esse, commodum visum est, ut arridendo potius & fatuitatem quandam & insaniam simulando, quam veritatis acrimonia ac sententiarum subtiliter excogitarum gravitate ac pondere experirer. Cognoscetis itaq; lepida: Facite auribus animisq; adfatis.

II. Pars Contrarium.

Belluinum sane vitium est ebrietas: imò ita scdum, ut pleraq; bestiae omnes abhorreant, præter immundas fues, & hominum illud ignavum pecus, in quos nescio quo fortunæ lusu, pro humanâ porci anima ingressa esse videtur. 2. Temperantia & moderatus cibi potusq; usus est virtus elegans, valde hominem commendans: utilissima est, ad omnem vitam bene prudenterq; instituendam. 3. Bibacitas sordes quædam morum sunt, valde deformant, damnum afferunt maximum, omni prudentiæ ac liberali rerum cognitioni &c. Dic quædam de laudibus Temperantiæ.

III. Pars exæstis velexpositio, hæc erit hic pars potissima, itaq; accuratius dividamus.

Sed quoniam fortassis alba avis instar, cygni puto, rarum est inter nos hoc hominis monstrum: aut potius ut quodammodo oculis usurperis, hanc istorum morum scditatem paucis delineabo. Hæc igitur studia, hæc artes huic sancto ordini:

1. Quid ad pocula invitet: narretur ridicula occasio: Hester-

na crapula, aut Tempestas frigida, ut incalescant; calida ut respirent. Cælum sudum hilaritatis causa invitat: aër inelemtior, quod ad seria negotia ineptior sit & tardiores fecerit. Congerit aliquis propter lepores: nullus, ut aliquis inquiratur. Pecuniæ copia, quia sine magno dispendio hinc aliquid genio dare licet & moris est: Inopia, ut hujus memoria Lenæo, quasi Lethæo aliquo papavere oblinatur, &c.

2. Quid inter pocula agitent sermonum. Bibe, bibi, bibemus, bibisti parum, bibo tibi, non bibisti quantum ego, bibi quantum satis est, & biberamus & bibebamus, & cum bibissent, & cum bibetis, & si bibero, & cum biberemus, & ad bibendum, & ut uno dicam verbo, hic vivere est bibere, & bibere vivere. Atq; hæc initia ut videntur sobria. Ab his ad spurcissimos jocos descenditur, ad contumelias abitur; tandem in blasphemias erumpunt: multis fere convitijs inter se invehuntur, ad eadem provocant. Gestus porcini, in mensam procumbere, popinam sibi mutuo inhalare, semi somnes assidere, obdormiscere, obmutescere, collabi, vomitu turpissimo gremium, mensam & conclavia implere.

3. Negotia, Nihil rei seriæ agere, negligere rem familiarem, raro domi vivere, in cauponis, lustris, ganeis atatem agere, alea ludere. Vitra coëmere, frangere, nonnunquam deliciarum causa dentibus commandere, una cum potu deglutire, fornaces deicere, fenestras & fores effringere, noctu grassari, &c.

III. Pars. Comparatio.

Comparentur cum hirudinibus. 1. Cæcæ sunt, ita hi carent prudentiæ oculo. 2. Tantum venter est hirudo, nulla alia apparet pars. 3. Vivit in aquis & humido. 4. Victitat alieno sanguine, ita nostri aliorum partis fruuntur. Parentum scilicet aut conjugum bona dilapidant, & perigrinorum insidias struunt. 5. Non missura cutem nisi plena cruoris hirudo; ita se immergunt spiculis intra cutem: tantopere sitiunt sanguinem, ut quamvis omnia tentes, excutias, vellices, prius reliquum ventrem à capite, quam bestiolam a sanguinis hantibus abripere possis. 6. Plenæ sanguine ipsæ concidunt, ita tamen turgidæ, ut nusquam se possint commovere, aut aufugere. Atteruntur

pedibus. Ita nostri inflati hesterno venas vel semper Iaccho, ridiculi sunt, dum poti lapsant, ac titubant, aut in cœno volutantur. Præterea summis periculis expositi, non furum tantum, & adversariorum insidijs, sed ipsius etiam Diaboli libidini, qui multis præcipitatis colum fregit.

V. Pars Gnome vel defensiones. Ajunt:

1. Se tantopere sitire, ut sibi imperare non possint. Responsio. neg: antecedit? Frustra hoc causantur, coërceant aqua intemperantiam si aliter non possunt.

2. Inter pocula posse explorari socios: quod nuda hic & aperta sunt pectora. Responsio. Non est magna utilitas: cum fortassis & tuum proderere possis malum ingenium, dum alterius exploras, præsertim illos belluinos vini trullas hauriendi mores. 2. Parum honesta est ista exploratio. Quippe per fraudem & dolos in alterius literas inquirere, scelus est: quanto pejus in ipsum animum, per poculorum furta introrumpere.

3. Sic iniri amicitias inter sodales, confirmari fraternitates. Responsio. per contemptum.

O præclaras amicitias cerevisia emptas: tùm inter insanientes contractas atq; initas. Unde sanè nunquam hæ felices, aut ad alteram lucem extant fere: Nisi accedat virtutis quoddam vinculum, quod rectius inter sobrios contrahi poterit.

VI. Pars παρρησίας.

Ex circumstantijs describat, qui, quales huic vitio sint dediti.

VII. Pars præcisio misericordiae.

Ostendat, non posse satis graves pœnas irrogari.

VIII. Pars.

Idem ex justo, utili, necessario.

LOCUS COMMUNIS
XII.

DE URBANITATE.

EXORDIVM ad imitationem Orat: pro Archia.
A significatione gratitudinis.

Debeo hoc officij huic virtuti ut collaudem. Quia illa literarum studia laboriosissima sæpe mollit & relevat.

A significatione modestiæ per duplicem objectionem.

1. Obi. Quid commune literis cum jocis? Responsio. Non possumus ipsis semper dediti esse ne labore nimio frangamur. 2. Est quædam societas: quod joci quam maxime liberales ex literis proficiuntur.

2. Obi. Cur autem tu potius has partes suscepisti, quam alius quilibet? Responsio: Per deprecationem: Date veniam, quod cum de reliquis virtutibus alij dixerunt, ego hanc mihi delegerim, &c. III. A docilitate, per promissionem, dicatur Propositio: Si mihi benevolentiam tribueritis, efficiam profecto ut intelligatis, nihil hac virtute esse suavius, nihil quod magis hominem commendat.

Narratio.

Quid agant urbani, unde tales agnoscuntur; & quod maxime gratum est: scilicet ea dicunt ac faciunt, quibus alios, & seipsos suaviter afficiunt, & ad hilaritatem quandam traducunt, etiam in periculis hilarum aliquid non nunquam aspergunt, quo metus mitigetur, ut cum hostibus minaretur

Pandarus.

Olli subridens sedato pectore Turnus:

Incipe si qua animo virtus, & confere dextram. Hic etiam inventum Priamo narrabis Achillem. Præsertim post periculum, vel si quid lætius successerit verbileporem addunt. Ut Julius cum Numanum stravisset addit: I verbis virtutem illude superbis. Bis capti Phryges hæc Rutulis responsa remittunt. Et tantum placuit jocus: Teucris clamore sequuntur lætitiæq; fremunt. Ita in pecunijs honeste accipiendis reddendisq; tum omni harum usu tales omnino, ut non tantum ad aliorum voluntatem prompti adsint: Sed etiam venustate

ali-

aliqua joci condiant. In victu item magis sermonis quam cibi potusq; delicias amant. In honoribus faciles sunt, cedendo alijs. Quamquam si quis intrudat se indignior, non habet ab his impunè.

Cujusmodi extant multi Ciceronis joci in eos, qui immodestius se in Repub. gesserant.

Candidi & aperti frontis homines sunt, sed tamen quædam multo aliter simulant atq; in pectore gerunt leporis causa. Norunt pulchre simulando exprimere omnium affectuum gestus.

Atq; ejus rei dant in narrando specimen, præsertim ubi hilaritatis causa conventum est. Ibi si narrant quempiam metuissè, meruentis pallorem quodammodo & trepidationem corporis & capitis rotationem, & totum illum meticulosum & circumspectabundum expriment, Ita si quid læti alicui accidissè commemorant, non satis habent dixissè, quod ille lætatus sit, sed pingunt quasi læticiam verbis, & artificiosa ac lepida simulatione scilicet & risu, & cachynnis opplevissè omnia ajunt, tum humeros alternatim attraxissè & manus complosissè, & hæc rustica dicunt saltem. Illa vero etiam exprimunt; ore remidenti respondissè: leviter à severitate remississè vultum, tum manus extulissè, barbam mulssè. Valde hæc afficiant auscultatores, ut & libenter audiant, & delectentur ingenio versatili. In jocosò convictu lepidissimi sunt, & facillime inveniunt, quod risum modestum alijs honestis hominibus excitet. Interim servant circumstantiarum decorum, ut non apud peregrinos aut Majores ordine vel natu nimis familiares se gerant, aut dum seria inturbantur, aut religioso loco, aut ne ultra modum indulgeant: Sed ut posthabeant ludos suos serijs; cavent ne copia satietatem pariat. Nec pretio inducti, aut ut gratiam alicujus venentur, joci operam dant. Quamquam delectare alios minus molestum est; sed tantum virtutis ipsius vel elegantiarum ipsarum amore. Locos etiam aliquos dicam, **UNDE INVENIAM JOCOS.** Vel se vel alios aliquo leviculo modo turpes apparere præter expectationem faciunt. Hinc enim risus oboritur, ut quando Nisus faciem ostentabat, & udo turpia membra fimo risit pater optimus olli.

Sic Cicero ubi confessus fuerat in senatu, quantam spem sibi fecisset de quibusdam hominibus, quomodo in errore fuisset versatus,

vel

vel quomodo spe exciderit, cum id sine commotione narrasset, Visa est oratio jucunda & non mediocris risus est consecutus, lib. 5. Ep. 2. Illud autem assequuntur simulando saltem, aut etiam veram narrando suam simplicitatem & ruditatem, & si inde damnum non nimis grande ortum sit, aut oriatur. Dicunt E. G. quomodo ipsi aut alij avibus insidias fecerint. Sed imperiti artis fuerint, in foveam ceciderint, aut à vulture turbati sint, aut alio infortunio, præda sua privati, & propterea damno aliquo aucti fuerint. Deinde & hinc datur risus occasio, si scî: alium simpliciorum aut omnes præsentibus contradictione vel lencho quodam apparente implices, quod sit captione verborum. Ut si quis forte dixerit: Se hominem vidisse & jam hinc annos triginta natum, vix cubito altum. Dic non esse hoc mirum, te etiam vidisse hominem majorem natu, nisi opinio fallat, vix dimidio cubito altum: explica autem cum puer esset. Item si quis narret meminisse se bovem videre qui &c. Absit inquit, an tu aliquando bos fuisti? Ita si quis forte commemoret, quod Papa pater dictus sit: subijcies, & tamen dicunt Papam aliquando peperisse, & sic reliquis sophisticis locis præsertim ex falsa causa, uberrima petitur ludendi materies.

III. Contrarium.

Rusticitas qua nec excogitare valeas ipse, nec aliorum sufferre jocos possis: ipsis etiam qui eam laborant tanquam scabies quædam molesta est ne dicam alijs. 2. Itaque non debet ea tanquam taciturnitatis nomine & modestiæ ut sit commendari. 3. Suavis & elegans est urbanitas. 4. Nec reprehendi poterit.

IV. Comparatio.

Comparetur cum medico, hic corpus à morbis, ille animum à curis levat. 2. Hic incerto eventu. Ille certo. 3. Hic pretio, ille virtutis amore. 4. Hic insuavi & injucunda sua & ægroti occupatione; ille incundissima omnium oblectatione. 5. Hic ex artis præceptis alienis, Ille ex propria ingenij bonitate. 6. Hic à Pharmacopola præparatis medicamentis; ille propria industria excogitatis leporibus. &c.

V. Pars præparata.

VI. Pars

VI. Pars παρένεστιν.

VII. Pars Misericordiam.

VIII. Pars Probationes ex universalibus locis.

ipse adde.

LOCUS COMMUNIS XIII.

ADVERSUS SCURRAS.

Exordium à laude auditorum, & nostra modestia.

Figura Elocutionis est occupatio.

Quanquam semper honestissimum judicavi hunc dicendi locum, vesterq; Auditores ad audiendum confluxus multò jucundissimus, mihi est visus: tamen hactenus mea in his artibus infantia, & parum versata exercitatio me ab hoc laudis accessu absterruerunt. Itaq; nec caruit hæc cathedra ijs, qui ex vestro numero eruditæ meditationibus suis virtutes exornarent, dum in vitia inveherentur: Et ego in vestris subsellijs assidens, communem vobiscum ex ijs, qui huc ascenderunt delectationis eruditionisq; fructum percepi. Nunc autem & his vestris beneficijs excitatus, & exemplis alacrior redditus, etiam ipse prodire ausus sum: vel ut operam meam experirer, & ingenij facultatem, vel difficultatem potius explorarem, vel quod parum decere me arbitrarer, si in exercitantium tyronum cætu solus ignavus latitarem. Accedit etiam quasi altera quædam ratio, quæ me trepidantem facile confirmare poterit, argumenti scilicet, orationisq; commoditas. Dicendum enim mihi sumpsi adversus impurum illud hominum genus Scurras scilicet, qui jocis obscænis & impudentissimis passim risus captant. Atqui hujus orationis facilius erit initium, quam exitum invenire. &c.

I. Non reprehendo jocos honestos & liberales, ubi modus adsit, temporum, locorum, personarumq; conditio attendatur.

2. Imò maximè commendandos censeo.

3. Spurcitiam autem istam, & quasi scabiem, ac pruritum con-

*Secunda p.
Exordij
Docilitas.*

*II. Pars
Contrarij
Propositio.*

III. Pars
Narratio.

ijciendi scommota, & dictoria in quosvis: fœdissimis sermonibus risum venandi, quam maximè vitiosam judico.

4. Nec excusari posse, multò minus laudandam esse. &c.
Narretur quid faciant scurræ, nempè quæ alijs hominibus non planè rusticis, aut morosis molesta sunt, ea dicunt & faciunt risus movendi causa; simulando, obtrectando, & alijs modis irridendo, graves sunt.

I. IN METU, dolore, vel alieno, vel suo etiam, ut si nuncius alicui afferatur de navi amissa, aut uxor alicui extincta sit, aut alias graviter doleat, scurra ridendum illum proponet, & insimulabit non ferij doloris: afferatur, inquiet, lapis, vel pumex, ut extergamus oculos misero homini.

IN VICTU: Scurra vorat candelam, & alia, unde sensus abhorrent: præripit alijs è patina delicias, exorbet pocula & addit jocum.

Sic IN PECUNIIS, eas quocunq; nomine accipit, plagas patitur, convitia sustinet, turpissima obit ministeria: Jtem per vim eripit, ac arridet, etiamsi stomacheris.

IN EXISTIMATIONE aliena nihil attendit, nisi ut ridiculus possit esse: de absentibus narrat, quæcunq; novit, aut errata, aut infortunia: & admentitur multa, ut risus oboriatur: præsentibus cavillatur, & turpitudinis alicujus atq; errati convincere satagit, idq; subridendo. Detorquet verba in peregrinum sensum, fingit crimina, an, inquit, potes negare, quid mihi nuper ipse confessus sis, aut quid ille, nostin', quid dicam, me præsentem obiecerit, cum tamen me obsecraret: Meministine, an vis ut dicam? Dicam verò, si obstinatè negaveris. At vide nunc innuis mihi ut taceam: frustra hoc agis. &c. Atq; ille miser quanquam nullius horum sibi conscius præ verecundia, tamen quod nec istum mendacij accusare audet, nec factum assentiri commodum est, hæret, & ridetur.

IN ELEGANTIIS sunt perfordidi, fœda visu obijciunt, matronis & Virginibus, ut hæc oculos obtegant, & ejus generis etiam narrat. Vestitum aliquando sumunt morionum, aut rusticorum, aut alias ridiculum, oblinunt faciem, & vestes cœno, inter cibum pender mucus è naribus, sordes candelarum, & aliarum rerum allinunt ad vestes, aut in vasa esculenta conijciunt.

Narrant de vomitu & alijs fœdis.

IN SIMULATIONE & DISSIMULATIONE: omnia convertunt in Ironias, nihil possunt serij, vel agere, vel loqui.

IN PIETATIS NEGOCIIS profanissimi sunt, valdè delectantur detorquendis Sacræ scripturæ dictis ad aliquem sensum jocularium.

I. Hic ignavus nihil operis facit, otiosus semper stertit: Ita & scurræ.

II. Uterq; alieno labore vult vivere.

III. Fur nummos, & unius quidem hominis: Scurra & læsi existimationem, & auscultantis pudorem furripit.

IV. Fur paupertate sæpè adigitur, & sic à necessitate excusatur: Scurra malitia peccat.

V. Fures pleriq; rudes, simplices: scurræ ingeniosi.

VI. Fur noctu facinus molitur, eò pudentior, scurra media luce, & in os, eò audacior & nocentior.

VII. Fur alienus, scurra domesticus, & familiaris.

VIII. Fur coërcetur pœnis publicis, scurra grassatur impunè: Imò accenditur improbarum aurium studijs: eò ille magis invitatus videtur peccare hic minus.

I. Ajunt nihil in vita magis necessarium esse, quam jocos, tanquam vacationem quandam ab infinitis molestijs.

Respondeo. Honestos potius sectandos jocos, quam illiberales: & jocos utendum esse, tanquam medicinâ, & quiete quadam: ut non perpetuos eos expetas, sed post occupationem: ut reficiaris, atq; integrior ad laborem redeas, in eum finem adhibeas. Cum non otij, ac ludorum, sed negocij, & seriorum agendorum causâ homines nati simus.

II. Multis & Magnis viris se charos esse dicunt. Respondeo: At tanquam moriones vel simias, & alias feras bestias, ex quarum agitatione aliquid delectationis percipitur, ut ipsi quidem odio sint, ars autem ridicula delectet: Sed magno cum fastidij periculo, quod facillimè hic obrepit.

Monstret quibus parentibus, naturâ, educatione, & reliquis circumstantijs personarum hoc genus hominum existat.

IV. Pars
Comparatio
cum Fure.

V. Pars
Gnome.
1. Opinio.

2. Opinio.

VI. Pars
Egressio.

VII. Pars.
Misericor-
dia præcisio
vel odij ad-
versus scur-
ras commo-
tio.

Hic ex reliqua superiore oratione repetantur, & colligantur in cumulum. quæ sunt maximè odiosa.

- I. Quæ sunt turpia, vel inhonesta,
- II. Potissimum, quæ lædunt nos, vel præsentēs auditores.
- III. Qui illis indignè honores habentur. e. g. Satis dixisse videor, de Scurrilitatis flagitio turpissimo, verum hi nunc homines isti vicio affines sunt, qui passim lepidi, urbani, multorum jecorum, belluli & delicatuli audiunt, ad convivia advocantur, in omnium oculis geruntur, etiam in Principum. ô corruptum nostrum vivendi morem! An non æquius fuerat istos impuros nebulones, istas belvas, istos porcos, imò qui etiam porcos spurcitie & lasciviæ longè superant, istos, inquam, quo velis cunq; nomine appellare, annon æquisissimum fuerat honestorum hominum, colloquijs extrudi, convictu longissimè arceri, auribus castis, ac pijs severissimè prohiberi? quippe à quorum impudentia neminem satis defendere potest, quamvis integerrima vitæ sanctimonia, quorum illudendi libidinem nullius verecundia à se prohibere, quorum linguæ violentiam nullius dignitas subterfugere, quorum pestilentissimam corruptelam nulla tanta animi, auriumq; castitas satis cautè evitare potest.

Oro atq; obtestor vos, per eam, quæ unicuiq; charissima esse debet, famam atq; existimationem vestram, odio pessimò persequimini hoc hominum genus. Ita cogitate, quoties incideritis, in periculum certissimum honestæ de vobis inter homines opinionis incidisse. Cujus enim innocentia ab istorum calumnia satis tuta sibi videri poterit, à quibus nec sanguinis communitas ac religio; nec dignitatis gravitas, nec sacrorum majestas seipsam satis defendere potest? &c.

VIII. Pars. Probet ex Locis universalibus, Legitimo, justo & reliquis, scurrilitatem coercendam esse pænis & severa animadversione.

LOCUS COMMUNIS XIV.

In ADULATORES.

Exor-

EXORDIVM captat benevolentiam à rei necessitate.

Si boni civis est, Auditores, in publico incendio, etiamsi à tuis illud ædibus quam longissimè absit, tamen communis juris propinquitate adductum ad restringendum ignem concurrere; eò æquius illum facere censeo, qui ad publicam cum omnis ætatis, tum adolescentiæ inprimis corruptelam istam, adulatoriam dico artem comprimendam, operam studiumq; aliquod suum contulerit, quo scilicet propius à nobis singulis hoc periculum abest, quoq; gravius, si quid acciderit, damnum sentiat. &c.

I. Suaves esse nos volunt sapientum præcepta, ne cui te opponas temerè.

II. Et ea hilaritas in convictu & blanditiæ nullo modo reprehensioni succumbit.

III. Neq; tamen propterea decebit semper arridere super re vili, fingere vultum ac sermonem exultabundum, saltem ut placeas, non quod verè gaudeas.

IV. Graviter reprehendendus est hic fucus.

Dicatur hic, quid faciant adulatores, scilicet omnia faciunt majora in eo, quem adulantur ut in periculis, pecunijs & possessionibus ejus, cibum & potum ejus nimis prædicant, virtutes nimis, extollunt. Item reliquas possessiones, liberos, familiam vel nobilitatem, eruditionem, formam, famam. In omnibus se submitunt, dicunt, se servos, incedunt humili vultu, gestu &c: ad vilissima offerunt se ministeria, quicquid ille ait, etiam hi ajunt, negat, negant etiam.

Hic quæstus nunc est multò uberrimus.

Comparentur cum corvo. Primum ater hic est, & illi.

II. Est invisæ avis, & mali ominis, & à qua abhorremus, & tamen nescio, quomodo delectamur eà familiari & domestica: idem etiam accidit in adulatoribus.

III. Vox turpis, & tamen ea est perversitas aurium nostrarum, ut etiam pueri gestiant imitari.

IV. Pascuntur cadaveribus alienis: Ita adulatores alienâ vitant quadrâ.

V. Ex cadaveribus fœtidis; quemadmodum adulatores ex fœda præsentium adblanditione, absentium obrectatione victû quærun.

II. Pars
Contrariâ.

III. Pars
Narratio.

IV. Gnome.
V. Comparat.

*VI. Pars
Egressio.*

VI. Corvi mortuos, adulatores vivos homines absumunt. Mali corvi, malum ovum in proverbio dicitur: Ita q; fit, ut his moribus homines plerumq; à similibus parentibus; convenienti ad bonos mores educatione neglecta; tum reliqua vita maximè congrua oriantur.

*VII. Pars
Misericordiæ præcipio.*

Quoniam cum corvis comparabamus adulatores, etiam hoc convenit, quod nescio quomodo non in mentem venit; quod etiam si dira avis sit corvus, tamen quadam religione ac superstitione abstinere ab ea aucupes & venatores: Ita adulatores impunè abeunt, & feruntur in Rebus publicis, non quod non inhonesti judicentur, sed quod mirabili quadam, & penè supersticiosâ misericordiâ, magistratus pœnas sumere abhorreat. Cum tamen sint quam nocentissimi. Bonos mores corrumpunt, superbiam, luxuriam, profusionem, libidinem, & alia vitia, tanquam pestem quandam ex insidijs afflant: neq; hoc hostibus nostris, sed domesticis, amicis, fratribus, liberis, ipsiq; adeò nobis.

Quare si strumas ac tubera à corpore, ferro, igniq; ressecamus: si viperas, lupos, urfos ex agris & hortis nostris lapidibus telisq; prosequimur: si latrones, & deprædatores omni vi, facultate, operâ, studioq; conjunctis, à Republ: prohibemus: quid animi debet nobis esse, quantoq; alacriores erimus in his furijs, non in corpus tantum nostrum, non in agros ac hortos, non opes, sed ipsam animam vitamq; nostram grassantibus opprimendis?

Ex locis universalibus idem probet, scilicet coercendos esse pœnis adulatores.

I. A perspicuo: Nemini hoc unquam dubium fuit, sapientes æquè ac vulgus semper ita judicarunt, inter honestos homines non debere esse adulatoribus locum.

II. A Verisimili. Extant in eam sententiam pulcherrima præclarorum autorum dicta, quale est Biantis, qui cum interrogaretur, Ecqua bestia omnium maximè noxia foret? inter feras, inquit, tyrannus, inter cicures, adulator.

III. A necessario. Nec videtur illa satis salva posse Respublica esse, ubi hæc adulandi licentia impunitate in mores vulgares abierit.

IV. A possibili. Nec difficile foret, pœnam aliquam adversus

istos

istos invenire: cum sordidissimi quique, è plebecula homines huic arti dediti, sine tumultu aliquo plecti possint. &c.

LOCUS COMMUNIS XV.

In HOMICIDAS.

EXORDIUM dicit causam modestiæ gratia. Figura Elocutionis est occupatio.

Videri possum temerè facere, Auditores, qui adversus homicidia declamare institui. Etenim & satis prudenter ac severè alias à Magistratu adversus ista consultum est, & hæc flagitia atrocitate graviora sunt, tum homines naturæ quadam crudelitate procliviores ad ea videntur: Quam ut vel à viris eloquentissimis quicquam remedij sperari, ne dum à me adolescente imperitissimo præstari possit. Verum enimvero semper hoc in scholis licuit, ut de quibus in Repub: seria contentione laboratur, ad eadem ludicra quadam exercitatione præparetur in cathedris Scholasticis nostra ætas: quemadmodum de tyronibus Romanæ militiæ memorant quod ad palum prius pugnare didicerint, quam adversus hostem in acie educerentur. Quare ceu bonus aridet cum gharum in arundine longa,

Fingere equi gressus conspicit altus eques: Ita, quod gravissimas illas homicidij accusationes, quas viri prudentissimi etiam difficillimas experiuntur, Ego adolescens exercitatoriâ aliquâ operâ adumbrare ingressus sum, spero ab ipsis pro æquitate facile me veniam consecuturum esse: à vobis autem etiam benevola attentione approbari, peto atque contendo.

Describantur homicidæ à characteribus, vel actis eis singularibus, quæ eos maximè deformant. I. ANTE COMMISSUM FACINUS, eadem sunt signa cum iracundis. Tantum loquuntur arma & cædes, & imprecationes, quoslibet provocant etiam levisimâ, imò nulla occasione: ut puta formosulum aliquem vident, ideò gestiunt cicatrice faciem ejus deturpare: Quod invident pulchrum pileum, aut vestem aliam, aut aliud quid: quod robustum ac valido corpore

II.
Narratio.

cer-

cernunt, ideo libet conferere dextram.

I. IN PUGNA. Cum possit res componi bona pace, aut levius transigi eum victi essent, cum arbitri interposuissent se, cum alter nihil metueret, sæpè illi facinus committunt.

II. POST PUGNAM, & facinus perpetratum fugiunt, ac latitant, conscij sibi sceleris, velut. Ille, priusquam tela inimica sequantur.

II. *Æt:*

Continuò in montes sese avius abdidit altos,
Occiso pastore lupus, magnove juvenco:
Conscius audacis facti, caudamq; remulcens
Subjecit pavitantem utero sylvasq; petivit.

Totâ facie pallor, aut macies infidet; audiuntur crebra suspiria: omnium hominum adeoq; ipsius lucis pudet, ac piget. Congerantur huc, quæ solent ab istis audiri & fieri. Ut quod quidam olim cum obijceretur hoc crimen, præ stupore cantharum cerevisiæ plenum evertit, nec sensit tamen, sed infimum cantharum, vel fundum solidum quasi bibiturus ori admovit.

III. *Contrarium.
Proposit. I.*

Non satis dici potest, quanta sit felicitas hominis, qui nec ipse sibi conscius est hujus alicujus sceleris, nec alij autor fuit, aut facti consilendo, aut impunitatis non exigendo pœnas, cum esset officij.

II.

Nec est dandum vitio, aut timiditatis accusandum nomine abhorreas ab istiusmodi immani hominis trucidatione, & occasione hujus, digladiatione scilicet temeraria: aut si Magistratus ab istis severas pœnas exigit.

III.

Misera est istorum hominum, & regionum conditio, ubi hæc scelera sunt impunita: nec est libertas quædam judicanda hæc impunitas. Interim tamen, neq; hoc omnino negandum est, non eos omnes, in homicidarum reliquorum numerum aggregandos esse, qui quocunq; modo homini vitam ademerunt. Nam qui se adversus vim capiti, aut vitæ intentatam aliter defendere non potuit, quam morte ejus, qui eam vim intulerat, communi omnium gentium, & sic divinitus insito naturæ jure ab homicidij crimine eximitur.

IV.

Item qui casu infelici, cum nec animus lædendi esset eum, quem necat: nec providere ullo modo possit, alterius vitæ nocuit etiam ipsius Dei in Sacris literis sententiâ à communibus homicidij pœnis

ab-

absolvitur.

Comparetur homicida cum alijs sceleratis, & monstretur longè nequior esse, vel saltem par. Præmittatur emollitio. e. g. Quamquam nihil magis impedire scio, quo minus orationi fides adhibeatur, quam si illud persuadere conatur, à quo communis omnium hominum abhorret sententiâ: tamen audeo hoc promittere vobis, si vestra in judicando attentio & candor accesserit, effecturum me, ut mihi ultro assentiamini, quanquam id vulgò non credatur, tamen satis evidentibus causis confirmari posse: nullum tantum scelus esse, non furtum, non latrocinium, non publicum incendium, non veneficium, non sacrilegium, non aliud deniq; cujuscunq; nominis aut feritatis, cujus atrocitatem homicidij facinus non assequatur, aut vincat etiam.

De furto non longa demonstratione opus erit. Etenim hóc opes saltem, aut recula alicujus, aut pecuniæ summula per dolos subducuntur: cum homicidæ manibus audacissimâ injuriâ ipse sanguis, vita atq; anima hominis exhauriatur. Ut mirari liceat causam, quare ille in Respublicas usus irrepserit, ut longè graviori supplicio furum puniantur errata, quam homicidarum teterrima maleficia. Et quanquam hujus loci ac temporis non est de ea causâ sollicitè inquirere, tamen ut quod in mentem venit, dicam, non tam accurati judicij ratio hoc discrimen statuisse, quâ violentia quædam temeritatis popularis, legislatores eò adegisse videtur. Cum enim ita plebecula judicet, si quid à quoquam facinoris commissum sit, non tantum ab Autore debitas pœnas expetendas esse, sed universis ijs, quibus sanguinis aliqua cum isto conjunctio est, etiam sceleris & infamiæ affricari debere societatem: cum furtorum audacia in obscurioris sortis homines plerunq; accidat: Homicidiorum autem crimen sæpiusculè in illis adhærescat, qui si infami aliqua pœna noentur, familiam suam amplissimam, & optimè meritam, vulgi ut dicebamus levitate in indignam secum fortunam traherent. Ideò, inquam, factum puto, ut in priori genere nihil de acerbitate supplicij remissum sit: In posteriori facta aliqua mitigatio fuerit, non quod hoc minus turpe autoribus sit, sed ne pluribus innocentibus damno esset.

V. VI. VII. VIII. partes ex te ipso fingantur.

IV. Comparatio.

LOCUS COMMUNIS XVI.

DE RUSTICIS *q̄. nōn sū sive in pejorem partem.*

EXORDIVM ab Ovidij fabula de Rusticis, qui ex ranis mutati sint à Latona, cum aquam huic denegassent. Sc: hoc voluerunt Poëtæ dicere, ex homine in bestiam degenerasse, & hanc quidem omnium abiectionissimam, qui inter rusticos educatus sit. Eæ sunt sordes: ea imperitia: is neglectus, imò ea fœditas ac barbaries morum: is deniq; ab omni cultura, & humanitate pœnè universa animus quam alienissimus. Atq; ne hoc exaggerandi in istos odij causa à me dictum putetis, quæso vos diligentem atq; attentam aurium vestrarum operam isto exiguo temporis spatio date: efficiam profecto, ut turpiter quidem me deformasse istos in orationis principio: plus tamen barbarie in iisdem demonstrasse appareat quam hic inculnaverim.

II. Narratio.

Quid agant quod in oculos incurrat ridiculum & turpe, quales in periculis. 2. Quales in voluptate, potu & cibis capiendis. 3. In pecuniarum usu. 4. In honoribus: hos omnes ignorant, veros quidem. Sed ebrij aut ditiores insolescunt. Hic ridiculè superbiunt, pileo dimidium tegunt caput, ansati incedunt, manu utraq; in ilia conjecta: erga superiores contumaces, supplices quidem coram; sed absentes male precantur. 5. In ira: hac sævissima & crudelissima utuntur, præsertim erga diversi ordinis, & si ebrij sunt. Hic sanè videberis tibi videre istum de quo apud Virg: 3. Georgic:

Ipse ruit, dentesq; sabellicus exacuit sus
Et pede profubigit terram, fricat arbore costas
Atq; hinc atq; illinc humeros ad vulnera durat.
Aut taurum ibidem.
Et tentat sese, atq; irasci in cornua discit,
Arboris obnixus trunco: ventosq; laceffit

ictibus.

Ictibus, & sparsa ad pugnam proludit arenâ:

Post ubi collectum robur viresq; receptæ

Signa movet præcepsq; obliquum fertur in hostem.

6. In conversatione, gestibus, sermone, alloquijs, in vestitu, & alijs elegantijs. 7. In tacendis & loquendis. 8. In jocis reddendis ac sustinendis. 9. In contractibus. 10. In pietate illusores, atq; irrisores salutarium monitorum, blasphemi.

III. Contrarium.

Vita civilis est cultior: ubi inter homines degas & negotijs civilibus gerendis occupatus sis, vere humana est, h. e. elegans, suavis, honestissima. 2. Vita rustica belluina & sordida. 3. Illa non debet esse ingrata, molesta, turpis videri. 4. Hæc non suavis & elegans.

IIII. Comparatio.

Comparentur cum formicis. 1. Contemptum ac vile animalculum. 2. Magno labore semper districtum. 3. Sed tantum ventri suo natum. 4. Ducibus & inspectoribus eger. 5. Intra terram in sordibus degit: Et in terra repit. 6. Lotio suo fœdat dormientes, intra vestem arrepsens mordet. 7. Pabulum gratum est philomelæ aviculæ nobilissimæ. 8. Numero tantum possunt aliquid efficere, non singulæ. 9. Obviæ & conspectæ pedibus conteruntur, præsertim si longius vagentur. &c. Applica ipse.

V. Pars Gnome vel Opiniones.

Quibus utuntur in sui ordinis commendationem & aliorum contematum atq; invidiam. 1. dicunt Se esse qui alunt universam Rempub: quippe qui suis manibus serant, metant, perpurgent frumentum: unde omnium vita sustinetur. Resp. At non nasci faciunt. Et hoc Deus: Quamquam hominum & istorum quidem ministrante opera. Pulchra sane laus: si non inviti potius quam voluntate facerent, si non egestate propria, imperio alieno adigendi essent, sed bene merendi de humana societate consilio accederent. Nunc tantundem laudis, quantum aratro, quantum falcibus, quantum equis ad aratrum junctis quantum agro locum segeti & succum præbenti, quan-

tum pluvijs irrigantibus, quantum deniq; Soli vitam ac mirabiles facultates inspiranti debetur, vel minus etiam: cum illa quidem non agant sponte aut præmeditata voluntate, cum id per naturam non possint: hi autem cum agnoscant officium, tamen detrectent, ut vi exprimendum sit. 2. Præclarius est reliquorum ordinum in Repub: opera: quanto nobilior sc: est animi cura, quæ his demandata est. quam corporis alimenta, quæ ab illis providentur: quanto magis necessaria totius hominis conservatio, quæ hos sollicitos habet, quam de re cibaria prospectio ac procuratio cuius hi aliquam partem sibi attributam noverunt.

2. Dicent: Tyrannice sibi imperari à Dominis suis, omnibus facultatibus denudari, quotidianis servitijs, laboribus, supplicijs inauditis enecari, & omnino immanissimè tractari. Resp. 1. Per confessionem: Utinam vere hoc conqueri non possent. Sed irrepsit jamdudum ea in Christianos crudelitas, ut pejus & immanius ipsis bestijs habeantur miseri rustici. Quod ut non approbo, immò execrandum judico: ita & illud recte fieri arbitror, ut severiori imperio continentur: cum leniori imperantis usi indulgentiâ, abutantur ad maliciam.

VI. Παῖδες αἰσῆς.

Dicatur hic de parentibus, natura, educatione &c.

VII. Misericordia præcisio.

Narretur historia de bello rusticorum. Dicatur commiserandum esse tam multi sanguinis humani profusionem, sed tamen dignum istos suis factis supplicium luisse.

VIII. Pars.

Ex locis generalibus probet esse legitimum, utile &c. inferiori haberi in loco rusticos, tum ætiori disciplinâ contineri.

LOCUS COMMUNIS XVII.

DE RUSTICIS & βέλτιον.

EXOR.

EXORDIVM ab ipsa re. Figura elocutionis est gnomes tractatio.

Venustissimus auctor Vergilius :

O fortunatos nimium sua si bona norint

Agricolae ! inquit hoc voluit dicere, eam esse vitæ rusticæ suavitatem, eam hominum huic vitæ generi addictorum conditionem felicem, ut si satis eam noverint homines, omnes complexuri sint. 3. Probatio per inductionem : sive enim spectes eos qui agrum serunt ac fruges colligunt : sive qui ex pecoribus alendis vitam sustentant, sive qui in sylvis cædendis occupantur, sive qui ex pratorum, hortorum aut vinearum cultura pauperiem illam beatam suam tolerant, nihil suavius, jucundius, optatius videbitur. Nam & ipsa lucrandi ratio iustissima & à litibus perquæta ac remota &c. Victus ac cibus saluberrimus, tum ipso genere, dum famem obsonant labore atq; exercitio : & omnis demum vita à turpibus moribus remota & sancta quadam integritate conspicua ac pæne reverenda est. 4. Contrarium : Verum in vita civili, Deus bone, quantum turbarum, fraudum, vitiorum : 5. Simile : ut mihi ex alto mari in portum tranquillum videatur appellere, qui ex vita urbana ad rem rusticam se transtulerit. 6. Exempla : Hinc magni semper viri hoc genus amplexi sunt vitæ : Consules Romani ab aratris ad Rempublicam accersébantur. &c.

II. Pars Narratio.

Quid faciant quod ad laudem & decus :

1. In periculis non facile cedunt loco adversus hostem, mori malunt. Unde hi optimi milites propter animi præsentiam, si artem pugnandi docti fuerint. Id quod assentiuntur qui de arte militari scripserunt.

2. In pecunijs : Liberaliter communicant de tenuitate etiam sua. Videas hoc in commensationibus, dum exhilarandus animus est & à laboribus gravissimis remittendis, adeo non avari sunt, ut ne obulum quidem servare malint quam genium defraudare. Non etiam arcas stipant inutilibus thesauris, sed acquiescunt in ijs quæ in præsens tempus sufficiunt. Deus inquit providebit in alium annum. Quid opus est ? Imo quanta stoliditas est magnos nummorum acervos con-

struere, quos ferrugo depascat aut fures eripiant? 3. Ad cibum & potum ut veniam: Fundit humo facilem victum iustissima tellus, Secundum poetam: scilicet oleribus & rapis suis & pane victitant, & aquam bibunt, idq; tanta cupiditate ut nectar bibere aut cupedijs vesci sibi videantur. Inde etiam valetudinis, pleriq; integerrimæ usq; in summam senectutem: quod non corrumpant stomachum obsoniorum delitijs. 4. In honoribus & opinione de seipsis, nihil humilior, abjectius, reliquos quasi Deos suspicantur præ se: se imperitos fatentur, ab omni virtute incultissimos: Præterea infimarum fortunarum, & omnino ea conditione natos ut reliquis felicioris ingenij hominibus sint servitio. Sæpius ab illis audias, nos miseri rustici, nos imperiti: & ipsi rustici appellatione hominem stolidum ac miserum notant. 5. In simulando simplices, & aperti, nihil foveant sub pectore fraudum: dicunt quod sentiunt. 6. Ad jocos non sunt assuefacti, sed ad seria. 7. Vestitus, incessus, vultus oratio non fucata, atq; ad adulationem atq; superbiam comparata sed plena sanctæ simplicitatis. 8. In contractibus nihil religiosius: victum non ex mercaturis, usuris, mercium corruptione, sed ex terra quærunt, quam iustissimam appellabat Vergilius, quod nullus hic fraudi locus.

III. Contrarium.

Vita civilis in hominum societate elegantior & mundior quidem sed plenior fraudibus. 2. Vita civilis non ea quietis, simplicium morum, æquissimi ex terris acquirendi victus habet commoda. 3. Rustica vita remotior à strepitu & vanissimis plurimis civitatum moribus. 4. Rustica vita non est tantopere averfanda. Quemadmodum videmus olim eâ delectatos viros Principes. Et nunc nobiles nostrates quid aliud quam vitam rusticam colunt? quia ruri agunt scilicet.

III. Comparatio.

Comparatio cum ovibus instituatur: 1. Imprudens & minus callidum animal. 2. Gregarium & amat suum gregem & sequitur. Ita hi communibus vivunt ac feruntur sententijs. 3. Facile illæ turbantur. Et hi leviter ad iram aut aliquem alium motum pro simplicitate adduci possunt. 4. Illæ omnium bestiarum expositæ sunt infir-

dijs.

dijis. Ita hi omnium expilationibus. 5. Defenduntur illæ & pascuntur à pastore: & his debebant hoc domini. 6. Utilissimæ sunt lacte, lana, fœtu & alijs: Ita rusticæ operæ omnes pernecessariæ & plurimū utilitatis in vita communi afferunt. 7. Tandem illæ etiam sua carne pascunt immisericordes pastores; & ita horum sudore ac sanguine victitant crudeles Domini.

V. Gnome & opiniones.

Norunt rustici, eoq; consolantur seipfos, Patriarchas & omnium hominum primos parentes agriculturam fecisse, adeo non est sordidum hoc vitæ genus. 2. Quæ patiuntur indigne, hujus vindicem aliquando Deum sperant fore. Opiniones contrariæ: Mereri istos ut indigne habeantur. Resp. quibus modis? potant? quasi alij sobrii vivant. Contumaces sunt & seditiosi erga Dominos? Qui hi erga suum magistratum? num semper obedientiam præstant? an hoc est contumacem esse, crudelitatem immanem indigne ferre? At fraudulenti sunt? Qui cadat in eam simplicitatem fraus? cujus forte propterea accusantur quod aliquando defraudari se crassis expilationum modis non patiantur. Indignum igitur est, quorum criminum omnes hominum ordines affines, propterea in solos miserrimos rusticos animadverti.

VI. Pars παρὲνθεσις.

Laudet parentes naturam, educationem &c.

VII. Pars.

Misericordiam moveat, quod ita crudeliter habentur à nobilibus: cum habeant communem humanum sanguinem, Communem Christum redemptorem, salutis æternæ spem.

VIII. Pars.

Probet hoc fieri injuste, illegitime, &c. & ex reliquis locis.

LOCUS COMMUNIS XVIII.

DE NOBILIBUS IN PARTEM
MELIOREM.

ἐξ ὑπο-
λήψεων.
Occupatio
per concessi-
onem.

Correctio.

Repetitio
concessionis

EXORDIVM ab argumenti dignitate. Si quis est Auditores qui ita sentiat non magnam inde pervenire aut peti debere ingenij laudem, si in re aliqua vulgata & plurimorum tractata opera facultatem experiaris: si idem audiat de nobilitatis laudibus me dicturum, & nullius magni ingenij; nullius eloquentiæ, nullius singularis artificij eam operam putet, quippe in materia jam tot præconijs celebrata & quæ per se ita perspicuæ commendationis est, ut nullam oratoris industriam requirat: Is ad iudicium sententiamque illam suam etiam meum suffragium & consensum subscribat. Quanquam ita comparatum est moribus; ut quo quisq; ad suam aliquam probandam ingenij felicitatem ineptior, eo ad aliorum extenuandos conatus sit proclivior. Et cum nulla adeo levissima exercendi occasio sit, in qua non difficultatem aliquam ipsi sentiamus: tamen aliorum operis extenuandi causa frequenter facilitatem obijcimus. Verum non pugnabo, fatebor quod res est: ante oculos posita, non longius conquirenda fuisse quæ in orationem congerenda erant, potiusq; copiam rerum ad delectum quam paucitatem ad orationis amplitudinem obfuisse. Quid ergo? itane ego ignavus ut non ad ea me potius conferre maluerim, unde venustior quædam atq; amplior commendatio existeret? aut tam porro imprudens, aut morosus, aut inverecondus, ut vestra æquanimirate ad fastidium hoc rerum quotidianarum obrudendum abuti nil metuam? Minime: Absit, per humanas literas vos obtestor, ista à me suspitio. Verum quantò minus ingenio possem subsidio earum rerum facilitatem comparavi. Ut autem fastidio vestro & ignavia de me suspitioni succurreretur, rerum vulgaritatem orationis quantum potui novitate ut condirem, prospexi atq; consului; Quod ut cognoscatis jam ad ipsam rem, auribus animisq; benevolis adestote.

II. Narratio.

Quid faciant Nobiles quod in oculos incurrat, suave, amænum, venustum, elegans: omnia culta. 1. Ab ipsa pueritia apparet quædam naturæ indoles, & ingenita ad virtutem vis, pudor, ingenuitas, (& ascri-

be quæ

be quæ de puerorum ingenijs occurrunt publice nota) omnia magna, equos poscunt ligneos & arma gestiunt spectare, non delectantur pulvere immundo, quo rusticorum volutantur liberi. 2. In adolescentiori ætate, si accedat liberalior institutio, & nisi morositas præceptoris absterreat, facile parent disciplinæ & non volunt nisi à prudente inspectore regi, instar generosorum equorum, qui ignavum sessorem & imperitum licet frena adducat, calcaribus urgeat, non audiunt, facile excutiunt, perito facile obsequuntur. Quemadmodum de Leone ajunt quod nolit ferreis, patiarur autem ligneis elathris se concludi. 3. In virili ætate. Vestitus mundus atq; elegans, gestus, vultus, oculi, colloquia, omnia plena humanitatis, suavitatis, modestiæ. Vox gravis & animi fortis index, frons severa, incessus decens animum constantem. 4. Fortia facta. Hi sunt qui pro Republica vulnera, cicatrices, mortem deniq; adire non exhorrescunt, a quibus sæpè audias famam extendere factus, hoc virtutis opus &c. Sic porro ostende ex signis vel factis & sermonibus, quam sint temperantes, liberales, modesti, & alieni ab ambitione, mansueti, urbani, iramani, veraces, justi. Quales erga superiores, pares, inferiores se gerant, modeste quidem, liberaliter, humaniter, graviter.

III. Pars Contrarium.

Ignobili ortu facti, ignaviores ad virtutem, inertes & viles animæ. 2. Idem non eos gerunt Spiritus præclaros ac magnos. 3. Nobiles sunt aptissimi à natura ad virtutis honestatisq; culturam. 4. Idem non sunt projecti ad ignaviam, & vitia, nisi forte ex institutione neglecta vitium committatur. 5. In quibus generosior apparet animus, ferè à majorum simili sanguine attractus est. 6. Sic ignavia & animi abjectio quæ in posteris apparet, plarumq; eadem in parentibus & avis observata est.

IV. Pars Comparatio.

Cum igni. 1. Quemadmodum omnia corpora ex elementorum mixtione, ita Respublica ex compositione variorum ordinum. 2. Reliqua Elementa sine igni panè mortua & inutilia sunt, & nihil quicquid efficerent, nec inter se commisceri possent. Imo in igni vita potissi-

mum consistit, & hic proximum animæ habitaculum, calor scilicet. Eadem, utilitas nobilitatis in Republica. 3. Ignis blandissimum & gratissimum Elementum propter calorem quo nihil gratius: Eadem venustas, suavitas, Elegantia nobilitatis. 4. Ignem foveri & nutrirī oportet à reliquis, alias neq; hic neq; ipsa reliqua in composito corpore diu salva consistere possint: ita non debet panitēre plebem, si suo labore conquirant, unde capita illa sua, à quibus totius Reipublicæ salus dependet, sustententur. 5. Ex reliquis elementis paulatim aliā atq; aliā generatione ignis, progignitur; Ita ex inferioribus ordinibus ad hunc ascensus datur sed multis sudoribus, & temporis aliquo longiusculo tractu &c.

V. Pars πῶρος.

Opiniones nobilium quibus se defendunt. 1. Esse aliquod discrimen ordinum, honorum, officiorum, quoniam est ingeniorum morum, meritorum. Quantum igitur hic plebem excellit nobilium ordo, tanto etiam in honoribus major istius, debet haberi in Republica. Dicas, non semper illis modis excellent. Quorum hominum hæc iudicia? adversariorum & invidorum. Non igitur æquum postulat, qui hæc audiri vult. Item hominum qui nec quid sit virtus intelligunt, multò minus quod in tam heroicis animis virtutum genus requiratur, judicare, possunt. Est sæpe latens vis virtutis: sicut aliæ herbæ alijs anni temporibus flores, fructus ac semina sua protrudunt: Ita non postulandum est à nobilibus ingenijs, ut quotidiana edant virtutis suæ specimina, aut si non faciant propterea de ijs desperandum est. Et quæ unquam seges tam felix extirrit? quis ager tantæ ubertatis fuit? quæ arbor ita sæcunda ubi non casti aliqui aut putridi aliquando fructus enati fuerint? nihil tamen inde de segetis copia aut arboris ac agri fertilitate laudis decedit. 3. Quod in omnibus sit non animalibus tantum cicuribus, & bestiis, sed etiam seminibus herbarum, fruticum atq; arborum: ut aliæ in eodem genere grandiora, meliora & omnino nobiliora reperiantur, aliæ minutiora ac viliora: Idem sane in humani generis propagatione fieri eò minus dubitandum quo clarior ac vulgarior est ejus rei usus ac consuetudo.

VI. Pars παρέρχασθαι εgressio.

Ex circumstantiis personarum collaudet.

VII. Pars.

Indigna pati hunc ordinem, dum odijs omnium ac invidia laborat, eum pessime totus audit de quorundam paucissimorum incultis moribus, & crudelitate. 2. Cum sane pulcherrime de universa Republica mereatur. 3. Cum ipsi nemo nostrum salvus & ac incolumis sine istis esse possimus: literati & illiterati tutelam ac beneficia alia debeamus.

VIII. Pars.

Probetur recte illis magnos adhiberi & primos honores ex locis universalibus. Justo, necessario &c.

LOCUS COMMUNIS
XIX.

In DECOCTORES.

EXORDIUM modestiæ causa dicit rationem hujus suscepti argumenti.

Non male judicant auditores aut longe à veritate abierit qui literarios ludos speculam quandam appellaverit: undè in universam rempublicam longe lateq; circumspiciatur, deq; omnibus publicis privatisq; negotiis quædam quasi censura instituitur. Neq; in jure quicquam reprehendere, aut curiositatis temerariæ nomine accusare poterit. Nam cum scholæ omnium in republica ordinum, inferiorum ac superiorum, profanorum ac sacrorum quoddam seminarium ac principium sint: quid magis necessarium fuerit, quam à primis pueritiæ annis aures adolescentum, de rebus quæ sub maturiori ætate tractandæ illis sunt, accurata judicia & creberrimas voces circumsonare? quod scilicet faciunt aliæ opificum atq; artificum tribus ut artis suæ discipulos, etiam tunc rudes, spectatores tamen velint operum quotidianos, frequentibus de ijs audire sermonibus & paulatim aliquo quasi primo artis colore imbuere. Hoc sane cò diligentius in literarum institutione & acquirenda rerum aliqua prudentia faciendum est: quo ma-

*Secunda
pars orati-
onis con-
trarii pro-
positio 1.*

jori negotio & opera difficiliori hoc genus in animum insculpenda est. Quanquam igitur a scholasticorum cathedris alienior videtur esse, de decoctoribus vel hominibus fidem in pecunia credita fallentibus oratio: tamen jure illo & consuetudine in scholis concessa quam dixi, licere mihi arbitror, ut quæ in istos dici possint ad vos proferam. Praefertim cum & altera mihi inde emergat utilitas, nec ea à vestris aliena commodis: scilicet ut ego quidem in causa difficili eo studiosius elaborum ingeniumq; acuam. Vos autem intelligatis, nihil tam remotum videri a pulpitibus, quin si ad aliquam reipublicæ partem pertineat, orationis ornatu illustrari atq; expoliri queat. Ita ergo sentio auditores fidem in contractibus esse servandam idq; honestos cives debere, ut promissa exolvant.

2. Intolerabilis illa videri debet vox in libera republica. Servare fidem rusticitatis opus.

3. Qui nomina, æs alienum grande conflagrant, in bonorum civium & honestorum hominum numero accenseri non possunt.

4. Qui alios accepta pecunia defraudant profugiendo, turpissimi & flagitiosissimi judicandi sunt & publicæ infamia notandi.

*Tertia pars
orationis
Narratio,
quid agant
defraudatores, vel
quibus signis
agnoscatur*

Ut autem penitus & in cute fraudes horum pernoscat, brevibus eorum artes ac dolos quosdam subnotabo. Primo audacissimi sunt, dum magni precij opes concedunt mari aut terræ etiam sed magno cum periculo transvehendas. Sæpius ex illis audies, qui non periculatur non lucratur, unde multorum millium, una nave pereunte, jactura sæpè illis fit. Secundo avarissimi sunt, ad ipsos hostes abeunt Hispanos, Turcas, alios terris remotissimis, horum crudelitati omnes fortunas suas committunt. Credo ad ipsum infernum si esset navigatio, isti fortunam suam istuc experirentur. Jidem tamen effusissime in omnem luxum ac molliem prodigi: Preciosis utuntur vestibus, lautissime victitant, palatia magnifice exstructa habent; simiarum, ceropithecorum & aliarum bestiarum catulos educunt; molossos grandes alunt: in mundo muliebri nullus modus nec luxui, nec sumptuum magnitudini, nec preciosissimarum rerum coemtarum frequentia statuitur: ferocibus volunt vehi equis, suppellectili utuntur copiosa, vasis aureis magnitudine ingenti, precio pane inæstimabili. Et quis posset omnem istius profusionis modum saltem cogitatione percurrere,

rere,

rere, ne dicam oratione complecti. Tercio ubi tantis sumtibus exhaustæ sunt tandem, non tantum propriæ facultatis verum etiam alienæ negotiorum causa ut sit conceditæ: perfidi homines non tantum satis habent eam summam à se deperditam, verum etiam ad aliam maiorem perdendam cupiditatem adiungunt. Itaq; undecunq; possunt mutuam pecuniam sumunt, etiam aliena fide, cognatos, affines, amicos ut fide jubeant pelliciunt, alios usuræ promissæ illecebrâ, alios divitiarum opinione, alios promissorum amplitudine inescant. Ita coacta ingenti pecuniæ vi, domo, uxore & liberis profugiunt: in alias regiones abeunt, ubi tuto illa prædâ suâ frui liceat: aut per internuncios iniquissimis conditionibus transigunt, ut qui pecuniam illam crediderunt vel in decima parte acquiescant, vel de tota sorte desperent. Quid hoc? annon est rapinam, furtum, latrocinium exercere? non in sylvis ac solitudinum insidijs, ubi locorum vastitate tutus sis, sed in maxima hominum celebritate, in urbibus, in foris, ubi nulla alia evadendi spes, quam quod inaudita sit suspicio de ulla tanta insania, quæ hoc unquam audeat?

Comparentur cum tuberibus & strumis, quæ in corpore humano ad cervicem vel faciem solent adnasci. Primo illa non videntur deformia, sed quasi illius partis habitioris & succi plenioris argumentum quoddam sunt: Ita hi videntur functuri esse bonorum civium officio, imò etiam ornamento futuri esse civitati. Secundò paulatim illa magis ac magis protuberant, & tumorem quendam contrahunt, aliarum sanarum partium occupant locum, subducunt alimentum ac sanguinem donec, tandem in vastam ac deformem molem excrescant. Ita hi insinuant se magis ac magis in aliorum negotia, res, rationes, facultates, vires negotiandi adimunt, sibi attrahunt, monopolia exercent; aut quod istorum nummos conceditos habent, illis nomina, sibi pecuniam attribuunt. Donec totum quodammodo reipublicæ, aut saltem negotiatorum corpus horum cupiditate affligatur atq; enervetur. Tercio illa ad tantam magnitudinem aucta, nec commode removeri nec retineri possunt: utrinq; enim deformitas & incommodum valetudinis. Ita hi si retinentur in civitate pergunt grassari: si eiiciantur relinquunt facultates negotiatorum exhaustas.

Primum nullas habent, ideo fugiunt. Secundo, tamen aliqua

*Quarta p.
orationis
Cōparatio.*

*Quinta p.
Gnomæ vel
opiniones
quibus se
defendant.
1. opinio.*

2. opinio.

*Sexta pars
orationis
μεζή-
της
Εγρεσσο.
Septima p.
præcisio mi-
sericordie
ελειδίου.*

Octava pa.

conijciunt, quasi meticulosus hostis in fuga à tergo spicula. Dicunt primum non posse se è cute excindere pecuniam, aut sudare. Resp. O impudentiam! Ergo non debebant eodem vel intra cutem abligurisse, quam iterum exsudare non poterant, vel quam è cute excindi molestum futurum erat: vel ne in illud angustiarum profusione conijcerentur maturè providisse officium erat.

Dicunt eas esse fortunas negotiatorum, ut aliquando vento quasi secundo & prosperrimo successu utantur. Iterum quodam tempestatis adversæ impetu abijciantur & submergantur: desperandum tamen non esse, expectandum potius iterum faciliemq; viam venturisque ferentes. Resp. Frustra fortunam eos criminari, qui sibi ipsis luxuria fortunæ suæ fabri & rerum adversarum autores existunt. In eos commiserationem convenire qui cum industrij essent, cum temerè nihil agerent nihil culpa sua committerent, non ipsi res suas prodigerent ac profunderent, tamen fortunæ violentiam experti sint.

Monstrat ex circumstantijs qui ac quales huic flagitio dediti sunt ex quibus parentibus, quæ natura, educatione, moribus.

Ex dictis per exaggerationem & applicationem congerat: cum sint tam turpes ac noxij cogitandum esse de gravissimis pænis, quibus ista pestis rerum publicarum reprimatur: qualis fuit Romanorum ac duodecim tabularum, secundum quas frustim concidebantur corpora mortuorum & in creditores distribuebantur concisa membra. Græve sanè supplicium, nec minus indignum ac horrendum istorum scelus. Comparentur hic cum latronibus & monstretur nequiora illos committere.

Probet ex legibus, ex honesto, necessario, utili & oppositis loci pænam istorum.

LOCUS COMMUNIS XX.

DE MAGISTRATU.

EXORDIVM captat benevolentiam à pietate vel veracitate de-
centis.

Si piæ sunt auditores eæ laudes quæ parentibus benemeritis à gratis liberis persoluantur: minimeq; reprehendi potest, etiam si domestica sit, ea commendatio, & dicenti quodammodo communis, cum ijs quos prædicat; Scilicet quam pietas tueretur, quam officium exigit, quam gratitudo deniq; efflagitat: an non longe æquior minusq; criminationi obnoxia, videri debet oratio, quæ laudibus magistratus, nostri tanquam communis parentis non familiæ unius alicujus, sed universæ regionis impenditur? Atq; hoc propterea ad vos præfari volui, non, ut si forte nimius in magistratuum præconijs dicendis visus vobis fuisset, ejus rei veniam apud vos paratam haberem: Sed si piæ ingenijs tenuitate minus harum laudum magnitudinem affecutus fuerim; prænovissetis, non tam voluntatem mihi quam facultatem defuisse. Illud igitur est quod oratione efficere in votis mihi est, ut quam clarissimum vobis appareat magistratum sive cum hominum ordinem, qui superiori autoritate, legum præsidijs, pænarum ac præmiorum arbitrijs communiti, reipublicæ moderantur gubernacula, esse quam saluberrimum, pernecessarium ac plane Divinum. Quod si vos exiguo temporis curriculo aures animosq; vestros attentos mihi præbueritis, spero fiet, ut dignitatem hujus ordinis, antea non ignotam vobis clarius & illustrius cognitam habeatis.

Prop. 1. Principiò in confesso est, quod anarchia & confusio ubi nulla lex, nullus Magistratus, nullum imperium & obedientia est: Sit perniciosissima conditio, & pestis societatum humanarum.

2. Magistratus non est vituperandus.

3. Magistratus est laudandus.

4. Ubi est laudabilis constitutio societatum & Reipub. ibi est Magistratus.

5. Ubi est mala & vituperabilis constitutio & misera adeo conditio societatum, ea plerunq; proficiscitur ex anarchia. &c.

Describat singularia facta Magistratus, quæ sunt pulchra & laudabilia, & in oculos incurrunt Possunt dividi secundum virtutes. 1. Secundum fortitudinem hæc agit. Magistratus solus vigilat quando alij dormiunt, providet muris & singulorum domibus, ut & ab internis turbis ac seditionibus, & ab externâ vi tuti simus. Singuli suatum metuunt pericula: Princeps omnium. In bello, ille primus in

acie

II. pars
Contrarij.

III. pars
Narratio

acie conspicitur, adducantur historiae, Alexandri, Scipionum &c. Et ipse pugnat, & alijs pugnandi addit animum, oratione & exemplo. Duce stante stat miles, cedente cedit, cadente cadit, vincente vincit. Quot militum quisq; vulnera excipit, tot Princeps suo sibi corpore suscipere videtur. Quoties Martis violentia militum aliquis in acie cecidit; toties ipse mori sibi aut morte adeo durius quiddam pati videtur. Cum subditorum suorum sanguis longe sua ipsius vita charior sit. Unde non in clypeis tantum ac vexillis scriptum, sed ex omni vita, consilijs ac inceptis apparere videas illud: Pro Lege, & pro grege. Item alia hujus generis, Alijs inserviando me ipsum consumo: Satius est unum civem servare quam mille hostes perdere: Pro patria mori pulchrum. Huc pertinet Alphonsi Regis Pelicanus sanguine suo pullos in vitam revocans.

II. Sic porro secundum reliquas virtutes enarremus, quae in Magistratu apparent elegantia facta, quam temperanter vivant ac sobrie. Quae faciant liberaliter: quae magnifice: quae ex animi magnitudine: item quam multa modeste, clementer, humaniter. Praesertim iustitia administranda ab his tota dependet; ut propulsentur injuriae; benefactis praemia sua prompta ac parata sint, in facinora autem & maleficia severae ac condignae poenae statuuntur. Doctorum virorum ingenia unius Principis nutu instant; caduntq;. Quia honos artes alit, omnesq; ad studia gloria incenduntur. Atq; haec a Principibus praecipua expectatur.

III. Pars. Comparetur cum acumine & summitate arboris.

1. Cacumen facit, ut arbor longe lateq; conspiciatur: ita regioni splendor, decus, celebritas a Magistratu suo est.
2. Natura in summo fastigio collocatum est cacumen, & reliquis partibus praeminet: ita Principi divinitus collata est praesubditi excellentia & praecipua quaedam auctoritas.
3. Inferiores partes communi opera ac prompta cacumini suppeditant satis largam alimenti copiam; tum robur ac firmamentum praestant, ne tempestatum violentia decutiat. Eadem igitur debent Subditi etiam Magistratui suo.
4. Cacumen est quasi operculum arboris: omnes tempestates, pluviae, grandines, ventorum turbines, Solis aestus & reliquae in illud

ingru-

ingruunt: ab iisdem reliquis arboris partes immunes præstat fastigium. Ita Princeps solus omnes molestias excipit in, hunc subditorum lites, querelæ, seditiones, hostium incursiones fiunt. Singulis sua cuiq; onera: Principi omnia incumbunt.

V. Pars Egressio. Commendentur Principes vel Magistratus à locis personarum, ab origine, educatione, natura, moribus, habitibus intellectualibus, fortunis &c.

VI. Pars Gnome. Referat honestas multas sententias, quibus Magistratus sæpè utitur & quibus hic ordo commendatur.

VII. Pars Misericordia moveatur, propterea quod indignis lace- rantur contumelijs à nihili hominibus. Item, stomachemur adversus eos qui Magistratui male loquuntur.

VIII. Pars. Probet ex locis universalibus, legitimo, necessario, utili, justo, & quod Magistratui summus secundum DEum honor sit tribuendus.

LOCUS COMMUNIS XXI.

DE NOBILIBUS IN PAR- tem pejorem.

Exordium à significatione modestiæ & invidia declinatione.

Eloquentiæ studium, Auditores, tum reliquas eas disciplinas, quæ cum hac cognatæ quodammodo sunt & conspirant & a juventute literaria exercentur, eas inquam jam à multis seculis in more positum est humaniores literas appellare. Cum enim omnis ingenua eruditio animum à feritate & morositate ad convictum importunissimam ad compositos mores adducat tum: imprimis istæ literæ quas humaniores inde appellari placuit, hoc facere visæ sunt. Nihil igitur alienum magis ab his studijs esse debebat, quam obrectatio; quàm invidiæ stimulis incitari, quàm calumniæ exagitari furijs: Quoniam nihil magis pugnat cum humanitate ac morum ingenique suavitate, quam in illis requiri.

mus qui his literis dediti sunt. Atq; ut quorsum hæc à me dicantur intelligatis, institui in corruptos quosdam nobilitatis mores quædam dicere pro more istorum exercitiorum. Et hic quantum periculum subeam, quomodo ita imprudens essem & parum cogitans ut non providerem? sed nubeculas in fronte istorum qui tangi se putabunt quod conscij sunt sufferendas puto. Vestras autem aures ut integras mihi servem hoc maxime laborandum mihi video. Quare id sanctè vobis affirmo non criminandi animo, non calumniæ causa, non quod cuiquam invidiam aut obrectare vel hominis laudibus gestiam, huc progressum esse; sed ut veritati testimonium diceretur, debitus virtuti honos haberetur; præmonendo à morum quorundam feritate alij absterrentur, hanc periculi non nullius aleam subijisse. Vos facite, ut à me si quid forte reliquum est animi minus pro rei dignitate constantis, æquanimirate vestrà erigatis.

II. Pars Contrarium.

Ignobiles qui nullos ostentant in clypeis urfos aut leones pictos, & quibus à plurimis prædijs & rusticorum multitudine non ad superbiam inflammatus est animus; hi inquam sunt longè commodiores & tractabiliore, & sæpe plus ad rempublicam utilitatis afferunt. 2. Generis obscuritas nemini obstitit ad res præclare gerendas, & sic neq; laudis cuiusquam detrachere debebat. 3. Quemadmodum nec illa magna laus est, cum ipse vel obscurissimus sis vel etiam flagitijs nobilitatus; tamen majorum tuorum aut famâ celeberrimâ ac honestissimâ, aut venustè saltem & eleganter aut monstrofè etiam pictis clypeis & insignibus te efferre. 4. Quin potius hoc sibi persuasissimum habeant qui à nobilissimis, hoc est ut ego interpretor, propter res prudenter, fortiter, magno animo administratas, clarissimis genitoribus originem & sanguinem ducunt, non gloriæ sed infamiæ, non honori sed pudori, non laudi sed summo dedecori sibi esse familiæ suæ nomen & famam amplissimam, si non semina illius domesticæ sibi virtutis, testimonia & signa maxime perspicua in sua etiam vita & gestis rebus appareant.

III. Pars Narratio.

Quod quò minus ac rarius fit, eo magis ac gravius recundenda

esse

esset huius ordinis ferocia, ac fastus panè intolerabilis, quod nihil quidem dignum isto, quo haberi volunt loco perpetrant, interim se omnium primos ac principes passim obrudunt.

Narrentur hic nobilium facta, turpia, fastuosa, ridicula omnia.

1. Quid pueri nobiles agant in ista ætate, quomodo affectent primas partes: Et quomodo ac quibus virijs sint obnoxij. 2. Quid adolescentēs, & viri. 1. In vestibus. 2. In convictu cum alijs. 3. In legibus communis societatis. 4. in moribus. 5. In emendo & vendēdo. 6. Erga superiorem magistratum, erga pares nobiles vel cives; Potissimum erga Rusticos quales se gerant, quā immodeste, quā illiberaliter, quā impiè miseros istos habeant: Ipsi longè viliores aliquando, si compares mores unde homines unice æstimandi sunt. 7. quā alieni à re militari cum tamen milites sint: quā intemperantes; quā illiberales aut prodigi; quā ambitiosi. Imperatorio utuntur sermone, incessu gallinaceo, contemnunt præ se fastidiosissimè alios: nemini via cedunt, potius de vita certant, nemini salutem precantur, ne salutanti quidem etiam honesto homini: magno comitatus strepitu, plumarum umbris, & caligis undantibus terribiles: Quam gloriabundi; quanti scurræ: quā fraudulentis, parum constantes in promissis exsolvendis, &c. Quam alieni à literis, quas nec ipsi discunt, & in alijs pessimè oderunt. Immo pessimi criminis loco obijciunt. Quanti contemtores divini verbi. Nullarum panè rerum periti nisi potationum & commensationum struendarum. Venationibus quomodo plus æquo tribuant &c.

IV. Comparatio.

Comparentur cum Basilisco. Hic ex Gallo optimo animali & domestico, animal fœdum & pestilentissimum. Ita illi. 2. monstrosa utriusq; genitura. 3. Hic ex ovo neglecto, infidente bufone. Nostri ex neglecta institutione corruptentibus adulatoribus. 4. Hic arenas & solitudines amat, nullam patitur secum habitare bestiam, etiam aves istuc prætervolantes necat visu. Nostri item, rure suo delectantur. Hic omnes longè lateq; agros cultoribus suis vastant: Peregrinis insidias struunt. 5. Hic omnium bestiarum, etiam hominis hostis: an non etiam isti? 6. Vel intuitu omnia necant, quid istis

aliud in votis? quid aliud spirant, quam gladios & cædem? 7. seipsum necat in umbram suam, venenum oculorum efflans: quod invidet alij rei sui speciem: illi in cognatos, fratres mutua cæde sæviunt; sibi ipsi poculis ac trullis magnis vitam exhauriunt: quod his invident majorem ventre suo capacitatem.

V. Pars. Gnomes.

Vel opiniones quibus se defendunt.

1. Hoc maxime convenire illi dignitati atq; excellentiæ qua alijs præferuntur, ut suo vivant ingenio ac more & ea vitæ severitate qua rustici non coërceantur. Nec enim eum nobilem esse qui servili & meticuloso ingenio natus, nihil ultra vulgus audeat, & communes cum plebecula leges ac pœnas metuat. R. Ubi hoc isti homines disputant? An non Rebuspub. optimè institutis? Atq; hic sapienter sanè illud provisum est, ut quo quisq; ab eruditione, animi præsentia, rerum multarum usu ornatior atq; instructior est, eò potior in Rep: locum habeat. Qui à nullum literarum, nullum alicujus experientiæ, nullum rerum laude gestarum ornamentum afferant, & quorum vita à turpibus flagitiorum sordibus inquinata sit: licet ijdem multis majorum meritis commendentur; tamen in honoribus mandandis prætereantur. 2. Dicunt majores suos meritos esse ac peperisse sibi gloriam. Resp. At quibus fruerentur posterì, si id operam dedissent ut eorum virtutem etiam assequuti essent, ut sic familiæ antiquitas eò esset illustrior, quo ad majorum famam grandior accepisset, gloriæ cumulus à posterorum industria. Quemadmodum idem fit in hæreditate; ut qui conservant eam illi habeant, non quorum parentes quantumvis amplissimam possiderunt.

VI. Egressio.

Ex circumstantijs personarum describit.

VII. Pars Præcisio Misericordiæ.

Vel coërcendam hujus ordinis luxuriam & ferocissimos spiritus severis legib. à superiori Magistratu.

VIII. Pars.

Idem probetur ex locis universalibus.

Exem-

Exempla Laudationis
LAUDATIO PRIMA.

Aaronis summi sacerdotis instituta defuncto
 parente à filio Eleazaro successore ad popu-
 lum Israëliticum.

*Exordium captat benevolentiam. 1. à significatione com-
 munis cum populo doloris hujus & pietatis suæ erga Deum:
 Quas virtutes, significat sententijs talibus super representi. 2.
 à significatione Modestiae.*

Vellem, viri fratres, Jehova noster ita fecisset, ut, quod in omni-
 um vestrum votis fuit, pontificem Maximum vestrum vel mul-
 tis etiam seculis præsentem habere, vel quoniam id imbecillita-
 ti humanæ concessum non est, saltem ijs annis, quibus Respub.
 nostra & Religionis negotium in terra Canaan constitueretur, vivum
 potius venerari, quam mortuum isto hodiè publici luctus & exequia-
 rum honore prosequi licuisset. Verum quoniam aliter visum est di-
 vinæ clementiæ: ille quidem in beatissimum Numinis complexum a-
 biit, & ita sanè, ut quamvis ex summa miserie in felicitatem incredibi-
 lem discedere se à nobis quam persuasissimum haberet, tamen quòd
 de salute vestra esset quam maximè sollicitus, vestris rebus consulere
 diutius maluisset, si divinæ Sapientiæ idem placere potuisset. Nos
 verò quamvis in divina ea voluntatè jure, meritoq; acquiescimus: quod
 ille sacrorum nostrorum præsidem ademit, qui dederat, & cui summa
 Religionis ac Reipub. nostræ cura incumbit, Deus scilicet; tamen ita
 meritum de nobis censemus hunc nostrum pontificem, ut item jure
 ac secundum pietatem faciamus, quod hoc quasi caput quoddam no-
 strum avulsam doleamus, sacrorum nostrorum principem ereptum
 lugeamus, universi populi hujus alterum parentem desideremus.

Quod igitur ea causà hodiè confluxistis, ut hujus vo-
 luntatis vestræ singuli publicum ederetis testimonium, laudo ego vos

viri

*1. Significa-
 tio doloris
 & pietatis.*

*2. Signifi-
 catio Mo-
 destiæ.*

Secunda p.
exercitij,
probatio
circumstā-
tia 1.
Gens.

1. καὶ τοῦ-
σιν.

2. Accom-
modatio.
Descriptio
huius circū-
stantiæ per
præteritio-
nem.

2. Circum-
stantia Ma-
iores.

Accommo-
datio.

Descriptio
iterum per
præteritio-
nem, sed si-
mulatano.
Genes. 14.

viri Israëlitarum: nisi quod à me hoc postulastis, ut voce præirem, & quæ in funere pontificis dici debet, ego ea oratione fungerer. Quod vereor dicere quam grave sit, ne si nimium detrectavero, & in parentem impius, & erga vos morosior videar, quam officij ratio permittat. Faciam igitur quod iussistis, sed hac lege, ut si quid minus, aut etiam amplius dixerò, quam dici debuisse cupiam videri poterit, magis id cogiretis, quid per dolorem possim, quam quid jure à me flagiteris.

PRÆPARATIO. Solent, qui in hoc genere orationis elaborat, plerique à prima cujusque origine principium ducere, & de gente ac populo, unde quisque ortum traxerit, multum verborum facere. ACCOMMODATIO Et sanè non minimum in eo ad ornandos eos, quos laudare velis, situm arbitror adjumentum: cum & verissima videatur ac iustissima ea laus, quæ à multis annis ac seculis per majores nostros acquisita & conservata sit: & non tantum facile occurrant, sed etiam copiosissime suppetant in numero aliquo populo, & ex multorum annorum rebus gestis, quæ huc converti possunt. Verum hac parte orationis videor mihi nunc non satis commodè uti posse, non quod eò minorem hanc laudem putem, quia cum omnibus vobis, quotquot amplissimo hoc campo vos circumspicio communis sit: cum potius eà causa longè gloriosissimam parenti & familiæ nostræ hanc originem putem: Sed quod ita animum induxerim huic loco & tempori convenire, non ut omnia, quæ poterant parentis mei honori esse, in concionem afferantur, etiam, quæ illo erepto tamen salva nobis reliqua sunt: verum ut in eorum saltem memoriam vos regredi faciam, quæ ita propria fuerunt sacerdoti nostro, ut illo amisso simul Respub. nostra egregij alicujus commodi atque ornamentum sui jacturam fecisse videatur. Itaque etiam à Majorum nostrorum mentione abstinendum erit.

Quæ sanè honestissima atque amplissima futura fuisset oratio, si non apud eos dicendum esset, quibus nota hæc sunt, ut sine fastidio commemorari haud possint: tum nisi ab instituto meo, quod dixi, aliquid eniora forent.

Quæ enim amplior homini nostrati alicui laus attribui potest, quam quod ad communem parentem Abrahamum originem linguis referimus? cum quo non civitates tantum Hethæorum, Hebron, Sodomæ & vicinæ: non viri principes tantum Aner, Mambre, &

Escol:

Escol: non reges tantum pharao Ægyptius, Bora Sodomæus, Abimelech in Gerar, & sine dubio etiam alij fœdera expetiverunt: sed Deus ipse cum Abrahamo sacrosanctum circumcissionis & salutis æternæ fœdus pepigit: neq; illud tantum paucis annis cum ipso uno alendum, sed quod multis annorum seculis ab Abrahamo ad omnem ejus posteritatem pertingeret. Ut quod nos homines sumus, quod populus Dei sumus, quod tot stupendis beneficijs divinis affecti sumus, quod brevi, faciet enim hoc Deus, terram promissam possessuri sumus: hoc universum proximè & secundum Deum Abrahamo communi nostro parenti debeamus.

Sed non attingam nunc illa, neq; adeò de Isacco dicam filio hujus, tot annis antè promisso, quam postea per miraculum à parentibus effœtis nasceretur: nimirum, quemadmodum fulminum generatio & proruptio non in momento absolvitur, sed nubium concursus quidam, & luminis solaris obscuratio longè antè istam portendunt: tum mirabili quadam sit ratione, ut ex nubium istarum, hoc est aquarum collisione ignis ille erumpat: ita animadvertere licet non semel tantum factum esse, ut Deus, quos singulari animi, virtutis felicitatisq; genere in vita excellere voluit, eos & prædictione & sæpè miraculo etiam navitatis illustraret. Ita porro D. Jacobus Patriarcha prætereundus mihi est, item filij hujus duodecim, in quos primos generis nostri amplitudo, tanquam exfoliatà, jam per Abrahamum, Isaacum & Jacobum stirpe in ramos & propagines suas evagata est.

Illuc venio, quæ propius parentem meum attingunt, nempè ad tribum nostram. Atq; ut hic rem altius repetam, meministis, quod &c. Hic describatur cædes primogenitorum in Ægypto, Exod. 11. Unde Deus peculiariter sibi vendicavit primogenitos Israëlitarum, Exod. 13. Iterum hos vendidit Israëlitis tribu Levitarum Num. 3. ut cum omnis noster populus Dei sit redemptionis jure, quod eum Deus ab Ægyptiorum servitute liberavit: tamen levitæ duplici lege ad Dei familiam pertineant. Dicatur hic de vestibus sacris, de officio sacro, de varijs privilegijs Levitarum &c. Et singulorum reddatur ratio aliqua ad laudem hujus ordinis. Cavere igitur mei fratres, ne minus reverenter hunc ordinem habeatis, neve aliter de eo judicetis, quam Deus præscripsit, ut sanctos scilicet, & sacros existimetis eos, qui hinc na-

ti sunt.

Genes. 14.

Abrahami
laus.

Alter ma-
jorum Isa-
acius.
Accommo-
datio.

Tertius ma-
jorum Iaco-
bus.

Quartus
majorum
Levi.
Descriptio.

Accommo-
datio per
adhortati-
onem.

ti sunt. Addi potest expolitio.

Accommodatio per adhortationem.

Omittitur Accōmod.

III. Circūstantia parentes.

IV. Circūstantia Frater Moyses. Accommodatio per Noëma.

V. Circūstantia soror

Accommodatio per Apostrophē ad Deum & communicationem.

VI. Circūstantia Educatio.

Ex Levitarum ea tribu parens meus nativitatis origine descendit. Nam Levis primus tribus nostræ autor inter reliquos filium Cathum habuit, & ex hoc nepotem Amramem, pronepotē Aaronem & Moysen. Ita Amrames pater Aaronis, Cathus Avus, Levis proavus fuit. Honestissimi sanē hi in gente nostra habitū sunt, & possem ejus rei documenta clarissima proferre, nisi ad alia properarem.

Hos communes habemus parentes cum Moysē, duce, propheta, & interprete nostro apud Deum. Poterunt hic quidam insigniores actus ex vita Moysis describi, qui ad laudem atineant.

Hanc igitur præcipuam felicitatem suam prædicare memini parentem meum, quod Moysen fratrem haberet, a quo & a pueris ad ejusdem virtutis æmulationem accensus, & adultiori ætate in officium hoc allectus esset, & in eo divinis consilijs regeretur. Præterquam quod ita judicaret, eum virum, qui universo huic populo ornamento insigni esset, inde quia ex gente nostra tantum Prophetam existere Deus voluisset, sibi fratri eō majus quoddam decus, aut majorem saltem jucunditatem afferre, quò propiori originis conjunctione copularetur.

Ex eodem autem conjugio etiam Mirriam vel Maria prophetissa amita mea suscepta est, cui non ita dudum est, cum funus duceretis, vosq; ipsi publicè testati estis, quantopere & vivam admirati fueritis, & mortuam desideraretis. Deo ea sit laus, qui avo meo hanc singularem felicitatem liberorum indulxit, ut non quidem suæ alicui voluptati, cum magnum semper dolorem ex filiorum calamitatibus perceperit, sed tamen insigni nominis gloriæ & universæ gentis nostræ saluti trinam illam sobolem suam educaret. Utinam vel singulis vel plurimi eadem benignitate numinis afficeremini. Tantum enim abest, ut cuiquam invideremus hanc gloriam, ut etiam eō magis gentis nostræ nomine gavisuri simus, quò communius fuerit illud Jehovah beneficium.

Si illud etiam scire quippiam interest, triennio major Moyses est Aaron: ille in aula, hic domi apud parentes fuit educatus sollicitè sanè & piè, sed pro illorum temporum infelicitate minus ad eas artes adhiberi potuit, quibus hæc ætas solet ad splendorem aliquem ingenti

infor

informari. Sed ut videas non tam ab humana industria, quam cœlesti indulgentia proficisci illud, quicquid est ab eruditione, ornamēti, mirabiliter cecidit, ut Aaron nullis imbutus literis, disertior tamen præ Moyse, in eloquentiæ artibus diligentissimè instituto, haberetur, imò hujus eloquentiæ testimonium Deus ipse Aaroni diceret, Quis enim est &c. Exod. 4. v. 11.

Mores: 1. Fortitudo, quod in omni vitâ novit imperare metui, & summa fiducia in periculis gravissimis usus est. 2. Modestia, quod nunquam superbiit in summa potestate. 3. Humanitas, nunquam cuiquam morosius respondit. 4. Mansuetudo, quod adversus calumniatores nunquam savijt, passus est, promptior fuit ad ignoscendum, quam illi ad agnoscendum delictum, 5. Veracitas, candidè & apertè semper fassus est, quod res erat. 6. Justitia & Innocentia: neminem defraudavit, semper populum præcipuè adhortatus est, ne cui injuriam aut vim facerent.

Mores hi sic sunt exponendi, 1. Accommodatio est propositio Major, e. g. Fortitudo est pulcherrima virtus. 2. Descriptio est propositio minor, e. g. Aaron fuit vir fortis, constantiam animi semper tuitus est in omni vitâ. 3. Altera pars accommodationis est conclusio, e. g. Igitur fortissimi viri in Aaronē jactura nobis facta est.

Major propositio illustrari potest aliqua breviusculâ expolitione addita: vel tractatione Loci communis, aut saltem addito Simili, contrario, exemplis alijs, sententijs. Descriptio hic non debet digredi ad ipsorum factorum singularium enarrationem, sed saltem fortitudinem, aut aliam virtutem ex illis factis plurimis, quæ nota sunt vel ex totius vitæ cursu, urgere & exprimere, e. g. non est hic describendum, quomodo ingressus sit ad Pharaonem, sed tantum in genere dicendum, quod in omni vita moderari noverit metui &c. Præterea varietas hic servetur jam antè præcepta, ut accommodatio, & sic reliquæ partes, aliquando omittantur, aliquando brevius, aliquando prolixius exponantur: aliquando medio, aliquando primo, aliquando ultimo loco collocentur, semper alio atq; alio efferantur schemate.

1. Officium Sacerdotale, pontificatus, vocatio, Num. 17. Confirmatio per miraculum, officij partes, vestitus.

2. Conjugium. 3. Liberi.

7. Circumstantia Mores.

Tractatio horum morum.

8. Circumstantia: Relatio.

Res gestæ.

Tertia pars
exercitiij
comparatio

Res gestæ describatur præcipua illa Numer. 16. v. 46.

Comparatio instituiatur cum Josepho.

Epilogus habet repetitionem, & secundo preces, ut Deus con-
servet Ecclesiam.*Laudatio II. Abneris,*

Imperatoris in exercitu Saulis: habita à Davide

Rege in funere: Anno regni Davidis super Juda octavo
& super Israël primo, Anno Mundi 2898.*Exordium captat benevolentiam à significatione pietatis &
modestia sua. Utramq; significat sententijs de re præsentis: scilicet
de Abneris virtute sentit honestissimè: de morte per familiariter &
piè. Elocutionis figura ωεσ ληψις sive Assumptio generis.*

Ætiologia.

Amplifica-
tio à tempo-
re.2. Pars Do-
cilitas.

Cum omnis virorum fortissimorum obitus atq; jactura, & regioni
cladem insignem afferat: & Principi tanquam Reipub: oculo
aut capiti præcipuè dolere debeat: tum hujus viri mors, cui hodierno
die funus facimus, & vehementissimè Remp: nostram & universum
populum Israëliticum afflixit: & inprimis mihi novo Regi luctuosissi-
ma exstitit. Nam omnium nostra ætate gravissimo viro orbata est
Respub: nostra: & ego fidelissimum amicum, fortissimum ducem,
& exoptatissimum Pacis auctorem inter nostram & Saulis domum,
inter Judæ & Israël regnum amisi. Accedit temporis importunitas:
quod ipsis regni novi auspicijs tanta hæc calamitas accidit: ut illa mi-
tia principatus nostri super Israël, tristissimâ hac cæde pessimè conta-
minata sint. Sed quoniam hæc nobis non tantum non auctoribus,
sed ne consocijs quidem perpetrata sunt, te Jehova, testem sanctissi-
mum appello: capiti ipsorum sint hæc fœdissima omnia, qui scelere
isto manus commacularunt. Nostrum autem regnum ut Deo ritè ex-
pietur post providebimus: interim quod possumus, & præsentis tem-
poris postulat ratio, honorem illam habebimus defuncto nostro, ut
quod perpetuè ipsius, pro meritis, fœliciq; memoriæ sit, paucis tantum
viri laudes inter nos recordemur.

Natus

Natus est ex tribu Benjamin. Descriptionis loco narretur historia de Beniamino Gen. 35. v. 6. & Cap. 42. & seq. Item de præcipua potentia hujus tribus: qua abusi sunt ad luxum Judic. 20: ubi ferè omnes ad internecionem delati sunt. Sed postea revaluerunt. Regia sedes fuit in hac tribu & ipsum Domini templum.

Magna est laus ex populo Israelitico ortum ducere: major igitur ex præcipua hujus tribu.

Egregium ornamentum est ipsi Israëlitico populo urbs Regia & Domini templum: magis igitur egregium, vel majus ornamentum est ipsi huic tribui Beniamitica, quod in hujus ditione & regia sedes & religionis existit: &c. Abner fuit filius Neri: qui fuit pater Citis & avus Saulis: ut sic Abner sit patruus Regis Saulis.

Est certè magnum ad virtutem momentum situm in ipsa sanguinis & originis nobilitate.

Dicat David, se audivisse à Samuele quam accuratè sit educatus, quam piè & modestè: adeò ut id publicè notum fuerit, & celebratum elegantis educationis exemplum. Tum ipsos mores satis dixisse testimonium. Et describatur educatio talis fuisse, qualem solent exigere præcepta Philosophorum.

In educatione omnis spes reliquæ vitæ est.

Corporis proceritas gravis & terribilis quodammodo: ut ad tam augustum Imperatoris munus non tam electus quam natus videretur. Nec minus in animo animadversa est à puero inusitata quædam magnitudo & gravitas, ac constantia in quibuslibet audendis.

Natura plus potest quam assuefactio.

Peritia rei militaris quædam fuit in hoc viro singularis.

Valdè necessaria est non dicam copia, quæ obtineri non potest sed paucitas saltem & raritas quædam hujusmodi hominum ab arte militari instructorum &c.

1. Fortitudo. 2. Temperantia. 3. Modestia: 4. Animi magnitudo. 5. Magnificentia. 6. Fides in Dominum Saulem singularis.

1. Secundum Pietatem. Cultum religionis promotum cupijt: contulit ingentem auri summam ad ædificationem templi. 1. Paralip. 26. v. 18. 2. Secundum Fortitudinem. 1. In bello contra Philistæos. 1. Regum 17. v. 25. Et in altero bello 1. Reg. 14. v. 50.

2. pars Exercitij, Ipsa Encomium
1. Circumstantia à gente.

Accommodatio.

2. Circumstantia, Majores & cognati.

Accommodatio.

3. Circumstantia, Educatio fingatur.

Accommodatio.

4. Circumstantia Natura.

Accommodatio.

5. Circumstantia, Alij habitus.

Accommodatio.

6. Circumstantia, Mores.

7. Circumstantia, Res Gestæ.

Accommo.

Ea demum vera est laus gravissimis periculis pro Repub: & Magistratu suo se obijcere. Item cum Saul persequeretur Davidem, adfuit una Abner. 1. Regum 20. & narretur hic historia mirabilis, quomodo noctu ingressus sit in castra & tentorium David propè dormiente Abnere.

*Accommo.
per Inflexionem.*

Multa coguntur facere qui vivunt sub injustis imperijs præter voluntatem. Narretur hic historia de ludo 24. puerorum vel militum 2. Regum 2.

*8. Circūst.
Relationis.*

Primum Imperator summus fuit, & primus quidem. 1. Regum 14. v. 50.

Accom.

Magnum hoc est virtutis testimonium, tanto officio præfici.

Accom.

2. Fuit pater. Habuit filium Jasielem, virum à virtute paterna haud degenerem. 1. Paralyp: 27. v. 21. Præclarum capiunt virtutis suæ fructum parentes, si hujusmodi non tam corporum quam animi sui imagines posteritati relinquant.

3. Habuit amicos: Ipsum Davidem. Colui istum virum à prima pueritia: tum propter virtutem tum etiam merita: quia primus adduxit me ad Saulem Regem. 1. Reg. 17. v. 50. Deindè in aula Saulis multis annis sumus conversati, & cum Rege eadem mensa cibum capiebamus. 1. Reg. 20. v. 25. Item fuit amicus filiorum Saulis: & cum à morte Saulis propter regni invidiam inter Isbosethum & Davidem dissensio oriretur, Abnerus maluit filio Regis adhærescere, & hujus causam quantumvis injustam tueri.

Accom.

Ministrorum non est inquirere sollicitè in Dominorum causas: sed pro fide quam promiserunt salutem & dignitatem eorundem defendere.

*9. Circūst.
res gesta
quædā
singularis
secundum
justiciam.*

Quod suscepit pacificationis negotium inter regnum Juda & Israël. Prolixè hoc describitur 1. Præmonitio modestiæ causa.

Propter sinistras quorundam suspensiones dicam vobis rem omnem ut gesta est. Mortuo Saule fecit Abnerus quod debere se putabat Regi suo, ut filiorum tutaretur dignitatem. Itaq; cum præcipuæ auctoritatis princeps esset, filium Saulis Isbosethum Regem super Israël constituit: atq; adeò etiam me armis & bello adortus est, quem vos viri Judæ Regem elegeratis.

*ἐν τῇ κρίσει
τῆς
δικῆς.*

Qua in re quod fatendum omninò est, haud leviter erravit tan-

tus

tus vir. Ea verò sunt humanæ infirmitates, nihil adeò est in consilijs nostris perfectum, & non aliqua labecula correptum erroris humani. Fecit tamen in eo quòd viri fortissimi & iustissimi esse judicaret, ut nihil à regni Judæ potentiâ metueret, quin quod deberi Domini sui filijs auctoritatem regiam, quod eam vindicare ad se pertinere putaret, armis contra me decertare non recusaret. In eo autem error commissus est, quod potius viribus experiri, quam Divinis oraculis cedere, quod potiolem fidei suæ erga regem quam erga Deum rationem habendum censuit. Hic fiat digressio in alteram quandam narrationem de Jure Davidis ex 1. Regum 15. ubi versu 28. aufertur à Saule & filijs regnum, & cap. 16. ubi ungitur David à Samuelè in Regem.

Quid igitur aliud fuit adversum me pugnatum venire, quam cum Deo ipso belligerare?

Quid aliud Isbosethum regem proclamare, quam Deo reclamante regem populo obtrudere?

Quare cum totis istis septem annis satis adversis rerum successibus de errore admoneretur, cum corrigere ista consilia in animo haberet, sapius de regno nobis restituendo cum ipso Rege Isbosetho, sapius cum alijs locutus est. Cum sine tumultu res transigi non posset, toleravit hætenus, donec tandem, quod ab Isbosetho inclementius appellaretur, ira accensus, cum putaret sibi injuriam tam optimè merito fieri, fortiori animo hoc ausus est, quod justè se facere posse dudum quidem viderat, sed præ superstitionis nimis erga Dominum fide ausus non fuerat.

Auditione accepisse vos puto, quæ nuper fama publica ad nos retulit, de Græcorum quodam rege Codro. Duæ potentissimæ Græciæ Civitates Athenæ & Sparta bellum inter se gerunt. Cum consulissent oracula sua de præliorum eventibus, fortè responsum est, eam partem superiorem discesuram esse, & potituram alterius imperio, cujus princeps in ipso prælio occubisset. Cum ea responsa ad castra relata essent, Atheniensium Rex Codrus quidam inaudita atq; inusitata quadam cupiditate gestijt morte sua Atheniensibus suis victoriam & imperium in hostes comparare. Cum autem metueret, ne hostes ab agnito manum abstinere, ille summo habitu rustico in hostium castra progressus quos fortè obvios habuit milites, jurgijs ad sui cæ-

Accommo.

Mitigatio
ἐπιει-
σεως.

Accommo.

Narratio :
Quomodo
Abnerus tā-
dem muta-
verit men-
tem.Tertiapars
Exercitij.
Comparatio

dem provocavit. Nec fefellit prædictionem eventus: & Athenienses hostium castris & ditione universa potiti sunt. Sanè rara & inaudita omnibus seculis animi magnitudo, ut præ subditorum salute, propriam potuerit posthabere. Verum comparate mihi Abneri nostri consilia, longè maiorem virtutis ac laudis materiam reperietis. Ille Rex, hic Privatus: ille victoriam, hic perpetuam pacem comparavit: ille cum gloriæ spe, hic incerta salutis opinione se in manus nostras commisit. In eo uno infelicio, quod ille ab hostium manibus, hic ab amicorum gladio occubuerit: ille morte honestissima: hic sceleratissima.

*Epilogus
moet mi-
sericordiâ.*

Obijt enim tam nobilissimus vir, tam augustus & felix Imperator. Repetantur hic pluraq; capita Orationis: Et obijt quidem pro dolor! neq; morbi calamitate aut gladij hostilis vi, sed intra moenia nostra, inter amicorum manus, blandicijs circumseptus interijt. Qui non semel, non decies, sed innumerabilibus modis, in Midianitarum in Philisteorum, in aliorum castra tutus irruperat, hic intra arcem nostram necatus est, quam ille sæpius manu sua ab hostili incursum defendit. Imperator bello clarissimus, pacis tempore occisus est &c.

Laudatio III. Salomonis.

**Gratulatur Nathan Præceptor proceribus
regni de novo rege.**

Exordium ad imitationem Cicer. ad Quirites post reditum.
1. Captat docilitatem, dum orditur à re ipsa. 2. Captat benevolentiam, dum refertur ad pietatem & Deum præsens felicitas.

Quod precati sumus à Deo optimo Maximo, Illustrissimi proceres, eo tempore, cum primum propter ætatem affectam regis nostri, optime de nobis omnibus meriti, non unum periculi genus imperio nostro immineret: ut si ex nostro privato quorundam commodo & arbitrio eâ res gereretur, ut in locum vivi ac superstitis regis Salomon succederet, infeliciter tam audax conatus evaderet: sin hæc inusitata ratio filij in locum parentis etiam tunc officio fungentis sufficiendi, non tantum sapientissimi regis nostri Davidis voluntate nite-

retur.

retur, sed etiam divina autoritate & jussu suscepta esset: ac deniq; magno futura sit Reipubl. nostræ commodo: si eo inquam animo in vos & Rempubl. universam fuisset, Deus exoptato aliquo eventu instituta nostra vobis approbari faceret: ejus devotionis nostræ hodie convictos nos esse, vestris omnium faustissimis acclamationibus regi novo factis, Dei Optimi Maximi summo beneficio: summo opere lætatur, proceres. Et quanquam vos Reipubl. vestroq; singulorum nomine, summo affectos gaudio sentiamus: tamen ut vel foveamus eam vestram læticiam, vel majores ejusdem causas habere, quam publice notum sit demonstramus: quæso vos, ut patiamini me de regis nostri privata vita, cui hæcenus ex officio præfui, pauca vos monere.

Secunda pars Exercitij, ipsum Encomium.

I. CIRCUMST. GENS. DIGRESSIO. Neq; tamen temperare mihi possum, quin de gente & origine regis nostri quædam præmittam, non tam quod consuetudo ita ferat, sed quod maxime ad rem præsentem pertinere arbitror.

NOMINATIO. Est ex eadem nobiscum genere. Potest hic describi gens Judæa.

ACCOMMODATIO. Illud igitur merito nobis gratulamur, quod ex gente nostra rex hodie nobis contigit, eoq; certiores sumus fore ut sub defensione hujus regis, divina tutela fruituri simus, quod ex divina lege illum creatum novimus. Recitetur hic lex ex Deuteronomio. 17. v. 15.

2. CIRCUMSTANT. MAIORES. 1. REMOTI, Juda scilicet unde tribus Juda. Dicatur hic de laudibus Judæ, & tribus hujus.

ACCOMMODATIO. Non sunt audiendi, qui negant accedere quicquam commendationis à majorum virtutibus: aut quemadmodum sanguinem; ita etiam virtutem parentum soboli ingenerari.

2. PROPIORES, sunt Naemi, Ruth, & Booths. Videatur liber Ruth.

ACCOMMODATIO per Inflexionem. Tenuis fortunæ quidem fuerunt istæ mulierculæ, sed piæ. Quare si vera nobilitas est virtutis paternæ bene longo avorum ordine spectata quasi & perpetuâ hæreditate derivata in posteros imago ac similitudo: quemadmodum

pietatis longe maxima præ omnibus alijs virtutibus est excellentia: ita illi merito nobilissimi judicandi sunt, qui in avorum ferie multos pios numerare possunt, præ illis, qui aut divites aut potentes, aut milites plurimos suos majores jactitant. 3. MAIORES PROXIMI. Avus sequitur Jesseus, qui septem eduxit filios, eosq; prudentissimos & fortissimos viros.

ACCOMMODATIO 1. ad avum: Non potest homini major felicitas contingere, quam ea optimorum liberorum multitudo, Græci vocant *εὐτεννίαν*. 2. Accommodatio ad Solomonem per similitudinem: Si gemmæ alicui non nihil fulgoris inde addi putatur a vicino auro scilicet, unde etiam auro includi illæ solent: eodem modo credendum omnino est, viris quantumvis optimis ac præstantissimis à cognatis hominibus honestissimis nonnullam splendoris, nominis, ac virtutis lucem adjungi, sive quod horum exemplis in illis, quanquam per se ardentissimum virtutis studium, aliquo tamen modo inflammetur & foveatur: sive quod copiosissimus ille laudum ac gloriæ cumulus, vel revera accessionem aliquam admittat à propinquorum communibus sibi nominum luminibus, vel ex contentione saltem & collatione major appareat.

3. Circumst. PATER DAVID. Describatur prolixè 1. ab educatione vel natura. A primo puero deprehensa est in Davide divina quædam indoles, singularis pietas, fortitudo, prudentia, dexteritas in expediendis negotijs.

ACCOMMODATIO ad laudem Davidis. Ut ex illo pueritia flore satis appareret, felicissimos olim universæ Reipubl. fructus ex hoc ingenio edendos olim fore. 2. ab artibus: à peritia jaculandi funda: à peritia rei militaris: à peritia artis Musicæ. Item à peritia Scripturæ Sacræ & revelationum divinarum, quia fuit propheta. 3. à virtutibus: pietate, fortitudine, animi magnitudine, magnificentiâ, liberalitate, modestia, mansuetudine, justitia &c. 4. à rebus gestis. 1. Secundum pietatem: quod templum voluit ædificare, cum prohiberetur divinitus, magnam summam auri contulit in templi ædificationem. 2. Secundum fortitudinem: bella gessit, Item Goliathum juvenis adhuc Gigantem deiecit. 3. Secundum mansuetudinem: maledicum Simeï, à quo multa convitia tulerat, ne verbo quidem lædere voluit.

voluit, cum capite plectere potuisset. Sic Sauli & filijs, cum quibus capitales inimicitias exercuerat, & qui ipsi non tantum immerenti, Sed etiam optime merito gravissimas injurias attulerant, ita repugnavit, ut tantum vim injustam à se depelleret, nunquam ipse, etiam si facile & juste potuisset, mutuam inferret. 4. Secundum prudentiam. Huc pertinent stratagemata. Item urbs Hierosolyma ædificata atq; exornata. Item huc pertinet liber psalmorum sacrorum. 5. Quomodo fortunis suis usus fuerit. Hic narretur singularis Dei favor perpetuus erga Davidem, probeatur ex mutatione fortunarum, quod ex opilioe regem Israël fecit: tum perpetuos, largitus est successus.

ACCOMMODATIO hujus Circumstantiæ per Correctionem. Dabitur veniam præceres illustres, quod præ digna admiratione plurimorum meritorum optimi regis, longius fortassis à proposito nostro aberravit oratio. Quamquam non ita aliena sunt, quæ diximus à præfenti tempore, quin quam proximè pertinere ad laudes quas institui-
mus Solomonis nostri, quilibet vestrum videat: Quid enim honestius ac splendidius novo regi nostro esse poterit, quam à quo nos universi summa quæq; beneficia accepimus, cui secundum Deum regni nostri splendorem, à Philisteorum & aliorum hostium servitute liberationem, rerum omnium copiam atq; abundantiam debemus: ab eodem Salomonem nostrum & naturam, ac corpus animumq; regium; & præterea tam amplissimam optimorum erga Remp. meritorum hereditatem unâ cum regno augustissimo accepisse.

4. Circumstantia. Fratres. Primus Absolon prætereatur silentio. Secundus Adonias, qui propter jus majoris ætatis regnum Salomoni præripere sategit, Sed cedere coactus est, (3. Reg. 1.) Fiat Digressio in eam controversiam. 1. Laudetur Adonias, adolescens pius, prudens, modestus, ingeniosus, magni animi, rum major natu præ Solomonem. Consuetudine igitur omnium gentium huic parentis imperium debebatur. 2. Ponatur Antithesis vel solutio per Antisyllogismum: Pater dissensit, & Salomonem voluit regem.

Accommodatio. Hæc voluntas debet liberis ita sancta esse, ut regni deponere cupiditatem, imo certam spem, quam resistere paternæ voluntati malint. Per prudentiam enim plus potest prospicere liberis, & de ingenijs eorum melius judicare, quam ipsi. Et cum major

natu filius charior parenti sit, propter plurimum annorum usum: aut saltem ambo æque charissimi, tamen quia Salomone[m] Pater sibi suffi-
ci maluit, etiam si nulla ejus judicij extaret & perspecta nobis esset ra-
tio, nihilominus ita existimare non nos tantum in honorem regis no-
stri oportebit, sed quilibet sanæ mentis homo volet non nisi gravissi-
ma causa in hanc sententiam adductum esse Regem Sapientissimum. Accedit, quod prophetiæ pollet dono David pater, ut planissime divi-
no instinctu admonitus in hanc de subrogando sibi Salomone men-
tem descenderit. Itaq[ue] Deus est, qui Adoniam cedere minori fratri
voluit, cui pro pietate sua libentissima voluntate obsequendum esse
ipse sentiet: Deus est, qui Salomonem parenti successorem nobis
clementissime regem esse voluit; cujus eam divinam iustionem &
voluntatem fore nobis quam saluberrimam, nemo nostrum est ita à
pietate alienus, quin certissime persuasus sit.

Egyptia. Fiat contentio 1. Consuetudinis & divini manda-
ti: vel ostendatur quanto æquius sit huic quam illi obtemperare. I-
tem fiat contentio incommodorum, quæ utrinq[ue] consequuntur, si vel
à consuetudine, vel à divino mandato discesserit Adonias.

Accommodatio ad laudes Salomonis. Magnum est indicium
animi clementis, quæ præcipua in rege virtus est, ita potentem secum
tolerare æmulum, & in tantis oblati injurijs iræ moderari, quod fa-
ciet Salomon, si ille Adonias in posterum à turbis quieverit.

3. CIRCUMSTANTIA. EDUCATIO. 1. Natura vel pue-
rilia studia. Insignis quidam pudor, amor religionis, virtutis studium
à primo puero apparuerint in Salomone. Cujus rei verissimum pos-
sum testimonium dicere, cum patris voluntate pueritiæ ipsius infor-
mator adhibitus fuerim. Unde jam dudum appellare soleo Amabi-
lem Domino. 2. Reg. 12. 25.

Accomm. Copiosissimæ & felicissimæ virtutum mesfis certa spes
ostenditur, si in pueritiæ vere prima segetis herba vel ingenij indoles
tanta ubertate se profuderit. 2. artes. In omni liberali disciplina fuit
institutus. 3. Reg. 4. v. 31.

Accommodatio. Imperiti illi sunt homines, qui ira judicant,
dedecere principem literas, aut saltem officio fungi posse absq[ue] ista-
rum præsidio.

6. CIRCUMSTANTIA. MORES: animi magnitudo, humanitas, clementia, urbanitas, iustitia, pietas &c.

Tertia Pars Comparatio.

Comparetur cum Josua successore Moyfis.

Quarta Pars. Conclusio.

1. Per gratulationem ad proceres, quæ repetat circumstantias plerasq; 2. adhortationem ad Salomonem, ut officium faciat, quæ præscribit modum administrandi imperij. 3. Votum ut Deus adsit huic gubernationi.

Laudatio Susannæ IV.

Dicta à Marito Joachimo pro Testimonio.

Exordium 1. captat docilitatem à summâ dictâ. 2. benevolentiam à significatione modestie, fortitudinis in presenti luctu, pietatis: Quæ virtutes significantur sententijs super presentem casum.

Parendum est vobis, Iudices, ut quod à me postulastis testimonium de vita uxoris meæ antea dicam tanquam coram Deo teste; idq; debeo ex autoritate, quam populus Judaicus in vos contulit: neq; adeò invitus facio, cum boni civis sit animo lubentissimo magistratui suo parere, quanquam nescio, annon excusare me poterat luctus hic meus, quem ex gravissima hac familia meâ calamitate percipio, ut vix vocem emittere patiatur doloris magnitudo nedum dignum laudatissimè actæ hætenus vitæ testimonium conjugii dicere. Sed vincenda est, & quanquam hoc vix possibile, suppressenda vulneris acerbitas, donec quod vobis debemus obedientiæ, quod uxori gratitudinis, justè persolvemus. Te itaq; Jehova testem appello, cuius oculos nulla fallere humana calliditas præ cuius vindicem manum nulla perjuria effugere poterunt, te, inquam, testem appello gravissimum, quod nihil hic fingam, nihil admentiar, sed ut certis documentis ipse

I. Exercitij pars.

II. Exerci-
tij pars.

Accommo.

persuasis sum, ita omnia proloquar. Nunc igitur Iudices ad testi-
monium meum quæso animum attendite.

Circumstantia prima Gens Iudæa describatur per præteritionem.
E. g. Fortassis hoc non vultis, ut gentis mentionem faciam, nostræ sci-
licet unde communem nobiscum originem habet Susanna, quippe
cum vitæ testimonium tantum requiratis, Et si fortassis ea oratio non
parum adjutura nostram causam, & uxoris meæ innocentiam defen-
sa esset, scilicet si cogitaveritis, ex ea gente ortam, ubi hujusmodi sce-
lèra & severissimis legibus divinis prohibita, & ipso usu etiam in effe-
ris & minus accurata disciplina institutis hominibus penè inaudita aut
saltem rarissima sunt.

2. Circumstantia, Patria Describatur per præteritionem. Itaq;
etiam patriæ abstinendum erit mentione: scilicet regionis patrum no-
strorum, unde propter varia peccata & ipsorum & nostra ejecti fu-
mus: & nunc in isto exilio vel hospitio vivimus Babylonis.

Accommodatio. Ut vel cogitatio saltem harum fortunarum
nostrarum etiam efferatissimum animum ab hujusmodi scelerum libi-
dine abstergere, Iudices verò, quò minus tam gravi accusationi facile
assentiantur nisi certissimis & omni dubitatione majoribus argumen-
tis convicti fuerint, cohibere debeant. *Ἀπαλογία.* Verum hæc o-
mnia præterunda mihi erunt: ne non testis sed oratoris me functum
esse officio; & non tam actam uxoris vitam commemorasse, quod ius-
sus sum, quam crimen intactum diluere voluisse, antequam id postu-
lemur, quisquam jure criminetur.

3. Circumst. PARENTES. Sed illud credo nemo repræhen-
dere poterit, si parentum mentionem fecero: quos sanè hic præsentem
in judicio videris, quiq; ipsi libentissimè testimonium hoc filiae dice-
rent, & longè gravius dicturi essent, si vel vos piè exigere posses, aut
ipsum dolor dicere permitteret. Pater est Helkias: avus Zacharias;
quò summo Sacerdote abductus fuit populus Judaicus in captivitatem
Babylonicam: Proavus magnus ille Helkias (cujus historiam licet
videre 4. Reg. 22. & 2. Paral. 24.)

Accommodatio. Non institutio solum sed & exempla & inge-
neratus sanguis tam clarissimorum parentum satis remedij fuit Susan-
næ ad cohibendas hujusmodi libidinis sceleratas flammæ. 2. Taceo
quod

quod familiæ decus facile potuit scēminam castissimam in officio continere. Nam quò gravior est iactura existimationis atq; honoris, eò difficilius ad eam faciendam inducuntur homines. Addo quod major constituta est in delinquentes ex hoc ordine pœnæ.

4. Circumst. Cognati sunt 1. Jerēmiās Propheta, qui item fuit filius Helkiæ Jer. I. v. 1. Et sic fuit propatruus Susannæ. Et huic frater Eliakim vir maximi nominis, Esaiæ 22. v. 20. Esdras propheta & princeps fuit Patruelis Susannæ. Esdræ 7. v. 1.

Accommodatio. Cum multum exempla moveant & mirabilem quandam habeant vim alliciendi ad virtutem: tum præcipue domestica nobis virtutum specimina mirabili quodam modo honestatem nobis commendant, & à vitiorum turpitudine animos abstrahunt ne scio quo cœlesti pudore &c.

5. Circumstant. Educatio tota fingenda est, scilicet ex præceptis philosophorum & prudentum hominum, E. g. fuit domi educata: in pietatis initijs diligenter et accurrate instituta: à pueris fuit amans pietatis, fugitans & horrens quodammodò conspectum virorum: verecundiæ studiosissima & mundicies &c.

Accommodatio. Quemadmodum vitia à primâ ætate instillata nullo quantumvis maximo labore iterum extirpantur: ita credendum est virtutum semina tēnellæ ætati insita & cum eadem quasi enata ac confirmata non facile eradicari, & vitiorum quandam segetem fœdam inter se suppullulantem admittere.

6. Circumst. ARTEs didicit varias puellares, texendi, nendi, pingendi acu, colum exonerandi, his fuit valde delectata: invigilabat in mediam usq; noctem, item summo mane solebat excitare reliquas ancillas magna cum voluptate parentum.

Accommodat. Ocia si tollas periere cupidinis arcus Contemtaq; &c. Item perita erat sacrarum literarum: omnes penè prophetas & singulorum capita è memoria poterat dicere. Tum historias sacras ad unguem noverat. Accommod. Divinæ legis meditatio præsentissimum pharmacum est adversus scelera tentationes, secundum illud quod dictum est à Propheta Ps. 119. Quo conservabit homo adolescens viam suam Domine si custodierit sermones tuos.

7. Circumst. Mores 1. Universales 1. Pietas 2. Temperantia,

3. Liberalitas erga pauperes 4. modestia vel humilitas.

8. Circumst. Mores proprii vel matronales 1. in gestibus; sermone, vultu, vestitu fuit pudicissima, cultus mediocris, quali utuntur qui ornantur sibi, 2. in re familiari curanda fuit admodum industria & sollicita, tum & prudens.

9. Circumst. Res gestæ singulares item sunt fingendæ. 1. Secundum animum quid fecerit vel ex virtutib. istis dixerit 1. ex pietate: Audiverat in concione aliquando contumaces pueros graviter puniendos fore olim à Deo: domum reversa etiam si nihil sibi conscia esset, tamen multis lacrymis à parentib. deprecata est, ut si forte imprudens offendisset, ejus delicti veniam sibi per Deum facerent.

Accommodatio per Comparisonem. Hoc fecit puella ut à delictis tam graviter abhorreret: & nunc matrona minus ab iisdem aliena esset? levia delicta & quæ nulla admiseras, sed ne per imprudentiam admisisset fortè verebatur, tanta animi ægritudine ferebat: & nunc pessima ista atq; inaudita penè in populo nostro scelera ultro in se conciperet. Sic fingantur aliæ quædam res gestæ circa usum pulcritudinis, item dicta, responsa &c.

Conclusio imploret misericordiam Judicum 1. per canos Helix, 2. solitudinem Joachimi, 3. merita majorum Susannæ. 4. Innocentiam vitæ hætenus præstitam. Fiat Apostrophe ad Deum. Protopopæia ad cælum, Solem, diem &c.

*Ultima pa.
exercitij.*

Laudatio QUINTA.

Lucretiæ Romanæ instituta à Bruto
affine in funere.

Exordium captat. benevolentiam ab extenuatione sui & reindignitate.

Etsi turpe est cives Collatini, me & sexu & ætate virum eam animi magnitudinem in Lucretiæ cohonestando funere non afferre, quia ipsa mulier & adolescens admodum in morte appetenda voluntaria, & vita manibus suis eripienda præstitit: tamen & virtutum in hac femina recordatio & cogitatio atrocissimi sceleris quo & huic vis facta

& uni-

& universi Romani nominis libertas labefacta & dejecta est, ita perturbatur animum, ut eundem in officio continere difficilimum sentiam. Quod enim de scelere dixi facile scio mecum sentietis si rem penitus cognoveritis ejusmodi esse ipso nomine adeo atrocissimum, ut vel fortissimi cujusq; viri mentem à statu suo dimovere possit. Si prius de virtutibus hujus fœminæ, ut iusta illi faciamus pauca præfati fuerimus, breviter illud exponam.

1. *Circumstantia patria. 1. Italia.*

Describatur Accommodatio. Permultum potest ad naturæ informationem telluris nativa quasi quædam indoles. Et hoc observatum est omnibus seculis, omni nationi ac terræ concessa esse, quasi quædam spatia vel ætatem quandam aut virilem ætatem qua maximè floreat insignibus ingenijs & inusitatis quibusdam virtutum exemplis, qualia fuerunt illa Italiæ secula quibus Roma floruit.

2. Patria Roma urbs. Describatur usq; ad tempora Tarquinij septimi Regis. Accommodatio. Patria honesta & legum vincula homines in officio continent, & generosos animos civium suorum prioribus exemplis ad similia virtutum studia invitant.

3. Circumstantia Maritus Tarquinius Collatinus. Ex Regio sanguine, & cognatus reliquorum Tarquiniorum.

Accommodatio. Quamquam virtus commendatione fortunæ non egeat, fit tamen nescio quomodo ut externis istis honorum ornamentis longè illustrior appareat. Præsertim fœminis præcipua accedit commendatio, si cum magnis viris copulata fuerint, quod eorum judicio ac testimonio comprobata quodammodo fuerit generosa uxorum mens, in quorum sententiâ in privatis & publicis negotijs universa Respublica libenter acquiescit.

4. Circumstantia Educatio: fingatur. 1. Studia puerilia qualem se præbuerit à prima ætate. 2. Artes muliebres. 3. Mores. 4. Res gestæ præcipuè illæ cum Tarquinio & marito, quomodo sponsio facta sit de pudicitia uxorum: & Lucretia laudem Regijs nurbus præripuerit.

Tertia pars Exercitij Comparatio, cum Rhea matre Remi & Romuli. Hæc ex Regio sanguine: Item Lucretia: hæc casta: item

Lucre-

Lucretia: hæc ex imperio patris sui à conjugio abstinerebat. Lucretia sponte & volens castitatem tuebatur. Hic poterit fieri contentio castitatis in conjugio, & alterius in calibatu: & illa præferri. Hæc à Marte fuit adamata: Illa à fortissimo viro Tarquinio Collatino. Hæc scelere patris sui miserrime periit. Illa Tarquiniolorum nefanda libidine.

Quarta pars Epilogus. Hic narretur factum Tarquinij quod noctu vim fecerit Lucretiæ: 2. Factum Lucretiæ quod injuriarum impatiens se ipsam morte affecerit. 3. Fiat exclamatio & indignatio super indignitate facti. 4. Adhortatio ut cives se duce tyrannidem istam ulciscantur.

Laudatio SEXTA. Samsonis.

Exordium à Modestia. Figura Elocutionis Narratio.

Millonem Crotoniatam nobilissimi roboris hominem cum insigni fortitudinis specimen edere vellet, in ferendo humeris suis bove per studij spacium, experimentum fecisse ajunt in vitulo, longaq; & quotidiana exercitum me præparasse & confirmasse se pius eodem ferendo vitulo, quam in publico theatro & hominum conspectu bovem jam factum portaret. Idem consulunt, qui de artibus ijs præcipiunt, quæ exercitio comparantur, ut scilicet à levioribus initium faciamus. Quæ cum ita se habeant, reprehendere ecquis jure institutum meum videbitur posse? si cognoverit, me in hac dicendorum exercitiarum cathedra tam grave dicendi argumentum elegisse, ut viri omni ætate, omni hominum memoria fortissimi, Samsonis puto, laudes dicerem. Verum si idem ad id etiam animum attenderit, aliud ab oratore pro concione dicente, aliud à tyronibus requiri in his exercitijs, æquior spero judex erit. In oratore enim requiritur, ut nihil quod ad rerum magnitudinem pari orationis dignitate exprimendam pertinet, ab ipso prætereatur: In tyronibus autem sufficit si animus exercendi affuerit, quod facultas autem rerum excellentiam non assequatur, facile veniam damus, Iraq; in materia vel argumento diligendo ea his licentia conceditur. Ut quod ipsis maxime arriserit, in eo ingenium experiri liceat.

Circumstantia 1. Parentes, Homines pij Jud. 13. Accommod. Ab hujusmodi vel pijs nasci, major est commendatio, quam à nobilissimis. Certe benedictio quidem divina transit à pijs parentibus in liberos suos: non autem semper à nobilibus & divitibus. &c.

2. Circumstantia Majores. Majores fuerunt tribus Dan. Dan filius Israël quintus ex ancilla Gen. 30. v. 6. Vaticinium extat de hac tribu Gen. 49. v. 16. quod præcipue autoritatis futura sit, & suppedatura iudices populo Israëlítico. Etiam illa legantur hic verba: Dan coluber in via, & cerasces in semita, mordens ungulas equi, ut cadat fessor ejus retrò, ideo salutare tuum expecto Domine. Quæ sine omni dubio promittunt insignem quendam liberatorem populi Israëlítico ex hac tribu nascendum. Ipsum ergo Samsonem promittunt. Et simul Christum nostrum qui est salutare Domini, cujus typum gessit Samson.

Accommodatio. Magnum est nasci portentis quibusdam, nativitatis, singularitatem prænunciantibus: Majus si multis annis anteat illud judicium: maximum si divina inspiratione propheta viri cujusdam singularis quasi anteambulones quidam denuncient adventum. Quid dicam, si in unum & eundem hominem hæc omnia contingant?

3. Circumstantia Educatio. 1. Nativitas miraculosa. Nascitur à matre sterili, angelo partum indicante.

Accommodatio. Semper hoc observatum est in historijs sacris, non nisi in heroibus hoc contigisse, & paucis illis quidem, ut nativitas illorum ab Angelo significaretur, & ipsi à sterilibus parentibus ederentur: nempe tribus illis Isaaco, Samsoni, & Johanni Baptista.

4. Circumstantia 2. pars Educationis. Mores pueriles. A puero apparuit singularis quædam in Samson industria, prudentia, animi magnitudo. Scriptura dicit, agitatum ipsum fuisse à spiritu Domini, id est, animadversos in ipso fuisse singulares quosdam motus, inusitata quædam consilia & incepta.

Accommodatio. Quanquam sæpe fit, ut quo magis fera sunt virtutum indicia, eò maturiora & graviora sunt: tamen rarum hoc est, & tutius ita judicamus, nisi in prima ætate spes aliqua præclaræ frugis se ostendat, penè de reliqua vita desperandum esse.

5. Circumstantia 3. pars Educationis. Mores viriles vel perpetui. 1. fortitudo inusitata & inaudita: & non humana, sed divina, quam Dominus huic viro concessit in liberationem populi.

Accommodatio. Ita debemus judicare, si quid divinitus donorum nobis indultum fuerit, non ad nostram superbiam Deum nobis largitum fuisse, sed ut in publicam salutem collocemus.

2. Virtus. Liberalitas. Promptus fuit in largiendo, etiam cum damno aliquo suo, ut quæ magno labore comparasset, victus uno verbo, largiter alijs communicaret. Conjectura ejus rei capitur ex sponse, quam fecerat cum convivis suis adolescentibus quibusdam, à quibus fraude circumventus, cum jure non tantum nihil ipsis debuisset, sed etiam grandem summam sponse deperditam, exigere potuisset, tamen ne avarus, ne morosus, aut gravis videretur, ipse sponsionem perdidisse & Solutionis damnatus esse maluit, quam de jure suo litigare.

Accommodatio. Egregia est liberalitatis excellentia præ reliquis virtutibus inde adeo, quod semen quoddam videtur ac radix divina illius virtutis, quæ fastigium quoddam est omnium humanarum virtutum, magnitudinis dico in animo, vel *μεγαλοψυχίας*. Quemadmodum enim avari pusillo & abjecto animo esse judicantur: Ita ubi moderata quædam in opum elocatione largitas apparet, rectè suspicari videmur, subesse animum contemnentem vilium istarum rerum, & non nisi magna, atq; à virtute summâ profecta admirantem.

3. Urbanitas. Suavis fuit & acutus in excogitandis jocis. Quod ingenium satis probavit in nuptijs, quando logo griphos nexuit convivis suis, qui à nemine solvi poterant.

Accommodatio. Aristoteles dixit, urbanitatem esse *κίνησιν*, id est, motionem & agitationem quandam reliquarum virtutum, h. e. ut ego interpretor apicem & cacumen. Quemadmodum enim in solida arbore & annis multis confirmatâ reliquæ inferiores partes pondere & gravitate sua immotæ consistent, solum cacumen ventorum agitatione hinc inde impellitur, & isto concussu suaves quosdam susurros miscet: ita à reliquis virtutibus vitam ad severitatem quandam componi censeo: urbanitatem autem esse solam, quæ reliquarum subnixâ quasi fundamento, varia sermonum suavitate convictum condit.

6. Circumstantia Actiones & res gestæ.

1. Secundum pietatem Reveritus est parentes. Etiam si enim Dei instinctu ageretur cum Philisteam uxorem duceret, tamen hoc honoris parentibus suis habuit, ut non sine horum impetrata venia & consensu nuptijs illis implicaretur.

Accommodatio. Etiam Ethnici agnoverunt, & naturæ ea lex est, ut liberi parentum consensum in nuptijs impetrent. Quare inter Christianos inaudita esse debet ea contumacia & impietas, qua parentum autoritas in matrimonijs ineundis negligatur.

2. Factum ex fortitudine, plurima gessit fortitudinis plusquam humanæ. 1. quando leonem discepit medium. Narretur hic historia. 2. Quando mille homines a fini maxillâ occidit. 3. Quando portas effractas ambas humeris suis abstulit. 4. Quando vinculis colligatus. 1. à Judæis deinde sapius à meretricula, rupit ista exiguo conatu. Et demum quando columnas duas, quibus innitebatur templum Philistæorum manibus evertit &c.

Accommodatio. Non tantum illuminationes & visiones, quas plurimas contigisse scimus Prophetis, admirabilia quædam Spiritus S. opera sunt. Verum etiam hujusmodi fortia incepta ab Herôibus perpetrata, qualia non tantum in Samfone legimus, verum etiam in fortissimis, ut appellantur Davidis regis.

Tertia Pars Exercitij Comparatio.

Comparetur cum Hercule, causa est, quia eodem tempore vixerunt: ut si non plane idem est Hercules cum Samfone, tamen ex famâ Simsonis celeberrimâ multa ad Herculem suum transmoverint Ethnici scriptores. Hercules per miraculum natus, & ex Jove, ut ajunt. Pleraq; tamen quæ de nativitate ejus dicuntur, plenissima fabularum sunt. Quamquam hoc à vero non abhorret, non sine singulari quadam ac divina virtute & beneficio, tanti animi virum, & qui tam optime de orbe universo meritis sit, latrocinij extirpandis extirpasse ac natum esse. De Samsonis autem nativitate miraculosâ, certa res est, & gravissimâ scripturarum auctoritate prodita. Unde quantum à nativitatis singularitate laudis adjungitur, tantum optimo Iure Herculi

Samson noster praefertur. 2. Hercules multa monstra domuit, quod significatur Poetarum fabulis de Hydra, æripide, cervo, apro erymanthio, Leone Nemeæo &c. Voluerunt autem hoc dicere, latrocinia instructa multa calliditate & potentia fuisse tamen disturbata ab Hercule: Simson Philisteorum injustas servitutes excussit à cervice Judæorum: idololatriam eorundem subvertit. 3. Hercules omphala servavit & Eurytheo iniquissimo homini: Simson servavit meretriculis. 4. Hercules creditur in Deorum eveetus numerum: sed fabulosè: Simson certissime in cætum beatorum susceptus est.

Quarta pars Epilogus. Primum habeat repetitionem dictorum.
2. Excusationem quod pauca dicta sint pro rerum multitudine.

Laudatio VII.

Christi, ex nativitate.

Exordium, à modestia per extenuationem nostri.

1. pars.

Solent qui laudes clarissimorum virorum dicunt in principio orationis extenuare facultatem suam, & veniam, ab auditoribus precari si fortè re rum magnitudini non respondeat par orationis apparatus. Ea consuetudo etiam si à me non tantum non improbetur: verum etiam videatur quam honestissima, tamen in praesenti oratione non observabitur: Non quod argumenti, quod tractaturus sum non sit summa dignitas. Dicam enim de principe, imò rege, atq; adeò omnium regum rege, & dominantium domino, Jesu Salvatore nostro, ad cuius nomen omnium terrestrium, infernorum & cœlestium genua incurvantur. Quanquam non omnia, quæ ad laudes hujus regis spectant, oratione percurrere institutum nunc est, sed de nativitate saltem quædam perstringam. Quid igitur est, quod dicebam orationis splendorem expectandum à me nullum esse? tum verò imprimis causam istius neglecti nullam me afferre velle? primò, quod ipsa argumenti ratio videtur me satis apud vos purgare: cuius cum tanta excellentia sit, ut ne angelicæ quidem linguæ enarrare, nedum ornatum aliquem addere valeant, sanè ineptus videretur mea quidem sententia, qui hoc ratione quacunq; conaretur. Deinde altera ac præcipua causa ea est,

quod

quod salvatori nostro in cuius honorem hæc meditamur, ea gratissima fit omnium oratio, quæ simplicissima est, ut loquimur, sive ex ipsis cordis sensibus intimis sine, linguæ externis istis condimentis profecta.

Itaq; ut ad rem veniamus natus est Christus Salvator noster Augusto imperatore Romano, qui templum Jani clauferat eo tempore, in signum, bella sub Romano i. e. universi orbis imperio, undiq; conquievissse.

Christus princeps pacis est: quod quidem ex manifestis scripturæ testimonijs certum fit, tum ipsis rerum eventibus, cum etiam hinc ex nativitatæ tempore comprobatur.

Natus est noctu.

Sol Justiciæ est Christus: Itaq; quemadmodum Sol in tenebris oritur, ut has expellat, & lucem inferat, ita Christus noctu nasci voluit, ut unicum Solem se esse eo signo ostenderet.

Natus est Christus, quo tempore dignitas regia à populo Judaico translata erat ad Romanos.

Christus igitur est Messias vel mundi Salvator, quia ita prædictum fuerat à patriarcha Jacobo isto tempore nascendum fore Siloh sive salvatorem, quo regnum ad peregrinos translatum esset.

In Judæa natus est. Describi hic poterit Judæa.

Judææ regionis felicitas propter hunc puerum olim nascendum concessa fuit: si enim reges, cunas eas, quibus sui infantes suscipiuntur, non floribus tantum, sed preciosissimis stragulis insternunt, annon conveniebat, ut Deus filio suo unico & charissimo natalem locum quam splendidissimè exornatum redderet?

Urbs Bethlehem. Describatur.

Fuit eadem patria Davidjs, & celebrata à prophetis, quod Messias olim inde oriundus esset.

Eò minus dubitandum est, quin Christus Messias sit, i. e. totius mundi salvator Deus noster & redemptor noster, quod etiam hoc scilicet signum convenit.

In stabulo fuit natus: inter pecora; in scænum & præsepe expositus.

Quamquam in communi hominum societate ita fit: ut quod quisq; nascitur fortuna ampliori, eò beatior prædicetur: tamen in di-

2 pars. laudatio.

1. Circumst. tempus commune sive annus.

Accomm.

2. tempus propius.

Accomm.

3. tempus commune item.

Accomm.

2. Circumst. locus.

1. communis.

Accomm.

2. locus propior.

Accomm.

3. locus proximus.

Accom. per inflexionē.

vinis rebus, & in regno Dei, ut vocamus, longè secius judicandum est, quippe cum respicientibus ad veram alterius seculi gloriam, quicquid est hujus mundi rerum preciosissimarum, sordes & nugæ meræ sint. Undè dulcissimus Salvator noster, ut hoc discrimen, quod nobis maximum videtur, inter res quas appellamus preciosissimas, aurum dico, gemmas. Sindonem, & vilissimas, stramineas intelligo cunas, imò nuditatem, frigoris perpeffionem; ut hoc discrimen nullum esse doceret, & persuaderet, suo etiam exemplo præmonstrare voluit.

Virgo peperit Christum: unde *ἀνέκωτος* dicitur Ebræ. 7.

3. Circumst.
Causæ. i. efficiens naturalis.

Ex virgine nasci est sine peccato esse; qui enim nascuntur communi hominum more, in peccatis concipiuntur Psalm. 51. Christus autem Sanctus nasci debuit, ut ipse innocens patiendò nos sanctificaret.

2. causa supernaturalis.

Spiritus Sanctus: intellige de extraordinariâ & sancta operatione. Dicatur hic de duobus generibus operationum divinarum universali & speciali. Etiam omnium hominum nativitatem procurat Deus, & sic etiam Spiritus Sanctus: sed mediante naturâ sive infra facultate rebus creatis. Verum hæc nativitas speciali quadam, atq; adeò inusitatâ divinâ opera contigit: quâ hoc scilicet effectum est, ut Deus ipse infans nasceretur.

Accomm.

O admirandum mysterium & ineffabile pietatis Sacramentum: Admiramur tanquam ingens divinæ omnipotentiae opus, quod homo ex homine nasci, quod immortalis anima ex parentum concipi sanguine & in hanc lucem prodire possit. Neq; adeò ullus repertus est, qui rationem excogitare valuerit, ut pleriq; negare inde ausi fuerint, fieri posse, ut ex parentibus anima generetur, quod scilicet modum ejus rei ullum explicare non sit in promptu. Quid igitur de tanto dicemus mysterio: quod Deus ipse qui nativitatis nullum novit principium, tamen in humana membra concrefcere & homo nasci voluerit?

3. causa finalis ex parte Dei.

Ut Deus amorem suum testaretur erga humanum genus. Deus pater quidem dum filium nobis largitur. Deus filius autem dum pro nobis homo nascitur. Deus Spiritus Sanctus demum, dum admirabilem hanc nativitatem operatur.

Accomm.

O nos beatos, qui tantoperè à regum rege adamamur! Addatur simile de homine pauperculo ab amplissimo quodam rege amato.

4. finalis causa ex parte nostra

Natus est Christus filius hominis, ut nos nasceremur Filij Dei.

Ille

Ille per Spiritum Sanctum natus est hominis filius ex matre Maria virgine: nos per Spiritum Sanctum ex aqua baptismi, & incorruptibili verbi semine filij Dei nascimur. Ille natus est ad nostram pro nobis portandam ignominiam: nos nascimur ad participandam illius cum ipso gloriam. Ille natus est nudus, ut nos coronaremur. Ille natus est pauperculus, ut nos divitijs cœlestibus circumflueremus. Demum ille natus est nostrorum reatum, miseriarum & calamitatum socius: ut nos ipsius beatitudinis, regnorum cœlestium & principatuum, cohæredes existeremus.

Christus est Deus.

Contendantur contraria e. g. Deus sine principio, capite principium dum nascitur. Deus infinitus parvo infantis corpusculo includitur: qui alit omnia, alitur exiguo materno lacte. &c.

1. Joseph. 2. Pastores. 3. Magi ex oriente. 4. Herodes. 5. Angeli. Singulæ possunt describi & addi. Accommodatio ad laudem Christi.

1. Antecedentia vaticinia prophetarum. 2. Expectatio patriarcharum. 3. Census ab Augusto imperatus. 4. Profectio & iter Mariæ cum Josepho sponso. 2. Medium. 1. Anteced. partus in solitudine. 2. apparitio angelorum. 3. eorundem congratulatio & hymnus. 3. Consequentia: fuga & exilium &c.

1. Paupercula mater, & juvencula, & peregrè absens: & sola: & noctu: & in stabulo: & ab itinere defessa: & Deum pariens, &c.

Comparetur cum mundi creatione. In hac item aderat Spiritus Domini, & ferebatur super aquas, Gen. 1. Idem etiam Christi nativitate superadumbrabat: verum illa operatione communi omnibus creaturis totus mundus, etiam res vilissimæ quæq; extiterunt, hac peculiari actione, & quam angelus Gabriel satis efferre non poterat, solus Christus noster prognatus est. 2. Mundus ex nihilo conditus iterum in nihilum resolveretur: hac verò Christi nativitate ex Deo & humano sanguine unus Christus factus, qui nunquam dissolvetur. 3. Mundus natus est, ut sub Christi pedibus substernatur: Christus in lucem editus ut universæ creaturæ dominus omnibus domineretur.

Instituantur preces ad Christum, ut nativitate ejus firmâ fide

appre-

4 Circumst.
Persona.

1. principa-
lis.

Accomm.
per amplifi-
catione fiat.
2. causa ac-
cidentales.

5. Circumst.
Res Gestæ.

6. Circumst.
Modus sive
circumstân-
tiæ empha-
tica.

3. pars. Cō-
paratio.

4. pars. Cō-
clusio.

apprehendamus per gratiam Spiritus Sancti & in salutem nostram convertamus.

SYLVULA LAUDATIONVM breviuscularum, Epigrammatum puta nuptialium.

DE Samfone Scriptura commemorat Jud. 14. v. 1. quod cives in Themnata dederint ei in Nuptijs sodales triginta, qui essent cum eo. Fingemus à singulis scriptum aliquod Epithalamion vel nuptiale carmen breviusculum, & ea occasione varias præscribemus hujus generis formulas ex præceptis nostris.

*I.
Exordium.*

PRIMUS LAUDABIT GENTEM. Exordium 1. à doctilitate. Figura elocutionis, Prosopopœia. Alloquitur fides suas, ut dulce modulentur carmen viro nobili & hujus nuptijs. 2. à modestia, Excusat tenuitatem, e. g. Hactenus assuetæ estis tantum canere sylvas, amores pastorum, lasciviam satyrorum, & lusus Nympharum, nunc grandius surgit opus. II. Ipsa laus, 1. Accommodatio prior, vel conclusio per Apostrophem ad sponsam. Gaude Nympha conjuncta viro omnium optimo & nobilissimo, Gaudete parentes. Gaude terra philistæa. 2. Descriptio 1. per occupationem, Gens Judæorum sub servitute posita videtur minus nobilis esse, at est nobilissima. Dei sui quadam offensa contigit hæc calamitas. Sic ego sæpè vidi palmam viridem non deperdere vires, quod magno onere premeretur sed vehementius & majori nisu brachia protendere. Sic vidi ornum & quercum præduram altis in montibus concussam ventorum vi & immitti flatu firmius plantas figere, & ad tartara ima tendere radicibus, 2. Ipsa laus, Partes, 1. est fortissima gens Israelitica, ut vix ulla extet æque nobilis à factis insignibus, 2. est pia & habet faventem Deum, Numen ipsum vivum cum hac gente collocutum est, & leges posuit, & certo jure docuit vivere. 3. est felicissima gens, quia Deus terram peregrinam Cananitarum possidendam dedit, sine ipsorum ope, olim à patribus nostris incultam. Altera Accommodatio vel major propositio, Maxima est laus ortum esse à præclara gente. Sic ego sæpè vidi cedrum nobilem

ant

aut æsculum aut aliam præclaram stirpem sub matris umbra suppullantem diligenti cura asservari ab hortulano, cum reliqua infrugifera turba capellis arrodenda relinqueretur, aut curva resecta falce sub hyeme & immani Borea frigus depelleret & suavem calorem assidentibus præberet.

III. Comparatio. O felix conjugium par, non enim poteras Sponsa cum viro digniore conjuncta esse, non si ipse Hercules te ducere voluisset famâ celeberrimus, Incerto enim Patre natus est, quamvis fortissimus vir, quia enim mater per pudorem, Parentem verum, judicare non poterat, ex Iove concepisse se aiebat, Verum non congregiuntur cum hominibus & mortalibus uxoribus Dij Immortales; nec nuptias curant.

IIII. Conclusio per præcisionem. Sed desinite nugarum fidei meæ, Est enim etiam alijs melioribus relinquendus canendi locus.

*Secundus laudat Sponsum
à Patria.*

Exordium à Comparatione.

L Audet alijs & miretur colles Idumæos: aut Moabitidis terræ arva pingua: aut Chaldæum late populis imperitantem. Mihi non tam vetus Sodomorum regio videtur digna, quæ laudibus celebretur: quamvis paradysus domini prædicata sit: quam Israëlita tellus. Vix enim illa huic certaverit fertilitate: virorum autem fortibus factis longe cedit: Nam istis desidiæ cordi erant, quæ etiam tandem perdidit.

Secunda pars carminis, descriptio.

Salve cœlo gratissima tellus. Credo illo seculo quo è terris fugata est deorum immortalium turba, horum scelere ultima hic reliquisse benignitatis suæ vestigia, ita arbos his fertilis; fruges, armenta, greges & reliqua cura coloni omnia læta atq; uberrima. Non spe inani agricolam lætat ager, horrea messibus rumpuntur grandibus, dolia multo Baccho Lactis oleæq; & mellis copia sudantur duris quercubus: atq; adeo ipsi agri horum fundunt flumina. Tum adeo forres

vir hic extiterunt, ut ulla regio unquam pares tulerit, & quidem tanto numero, quem non est facile numerare: quot scilicet Orion nimbofus guttas depluit honestum caput cinctus noctifera nube, aut Eurus violentior ubi mari incubuit quot fluctus ad littora urget. Credo ego plane (& ut ô non fallar) Deos immortales hæc reliquisse testimonia in regione Israëliti de sui ad nos aliquando reditus.

3. pars accommodatio
ad ipsum
sponsum.

Conclusio.

Et quis te scit Samson fortissime an non præmiserint Dij te nuncium? Certe enim animus maximus non præfert hominem nec vox sonat hominem; O Deus certe, es sive Maia filius Deorum communis interpret, sive intonsus Apollo semper Iuvenis quem nulla ætas, virum aut senem faciet. Sive potius Mars fulmineus in armis terrificis. Quisquis es sis felix & fave populo nostro, qui cum per nuptias te conjungere voluisti. Fave etiam rudi nostræ Thaliæ. Si enim nulla carmina nisi te digna canenda forent, nulla carmina tibi canenda forent.

Tertius laudat Samsonem à majoribus.

Figura elocutionis Prosopopæia Introducitur mortuus loquens.

1. Παροικεὺν vel ἐμψύχως.

NOx erat, (describatur poëtice) Visus mihi constitisse ante lectum (mirabile dictu) vir quidam bifrons Ianus scilicet, Ego totus exhorruui, Sed manu mulcebat mihi caput: & pectus dulci alloquio. Pone, inquit, metus, non enim veni ut tibi terrori sim, sed ut rerum occultarum scientia & noticia pectus expleam.

2. pars ipsa
narratio.

Nuptiæ illæ quas nosti inter Samsonem & gentilem tuam non sunt sine mente & numine divum. Una enim olim fuit gens Philistæa & Abrahmidum, una deinceps erit. Una olim eratis familia me communi parente, Noacum vocant Isacidæ: vos Ianum. Quando diluvio perijt mundus propter scelera & Lycaonis præcipuè feritatem. Ego docui pinos & abietes altis montibus casas æquore inambulare hæcenus impervio humanis vestigijs: navem scilicet ædificavi primus qui me & conjugem servabam ab aquis omnia perdentibus. Miserrima ea erat terræ facies ubi vidisses arboribus inhærere turpes phocas; damas & cervos, & frustra dentibus infrendentem aprum ex sylvarum

late-

latebris invastum mare avehi. Unâ vos alebam domo natos meos; scilicet, Semum, Iaphetum & Camum. Ex hoc tuus est populus: ex Semo Israelitæ dilectum Iovæ Genus. Sed præ multitudine in diversas oras habitare ivistis, nunc vix inde vos communem hanc originem nostis. Verum vide quid scire te velit magnus rerum arbiter Iova: scilicet ut nunc his nuptijs tanti principis inter vos iterum fœdera coëtais & unus populus sitis.

Sic Luna unus orbis sane, discedit tamen aliquando in disiuncta cornua: sed Phœbi fratris illustrantibus radijs iterum partes copulantur. Plura videbatur dicturus esse Ianus, sed me terrebat insoliti viri novi forma & dulcem excutiebat è pectore soporem. Gaudet igitur. Patria nostra hoc augurio: tuq; ô Sponse & Nympha sponsa per quos felicissimæ hujus conjunctionis fausta facta initia sunt.

*Quartus laudat Samsonem
à parentibus.*

Exordium à comparatione. Figura elocutionis prosopœia.

QUEM virum recinet aut heroem lyra mea, nunc fortem. Nimrodum qui primus manus colonorum assuetas feris leonibus agitantis aut ceruis fugacibus docuit crudelia tractare arma: nimirum ut prædonum audaciam longius progressam, & inanes legum minas contemnentem terreret gladij fulmine. An vero celeberrimum pulchrâ conjuge Nilum? atq; adeo felicem, si sapiens fuisset. Quia vero stultus erat, à conjuge deceptus blanditijs huic sceptrâ imperij dedit regenda per triduum. Sed quæ nunquam reddita sunt. Ipsa enim vicedem Regem vita privavit: & habitum virilem induta multis armis pro Rege gessit se.

Num vero Herculem? claris factis nobilissimum: tum generis superbum splendore: ab ipso Iove ortum enim se jactitat.

An eximium sponsum? in quem omnia bona contulit fortuna & Iupiter æquus. Etenim & forti creavit pectore ut credas robur & triplex æs circum pectus posuisse: tum pulcherrima beavit conjuge quem multæ Philystæorum matres sibi nurum exoptaverunt.

Tandem ex optimis parentibus nasci voluit: vir enim in tota

2. Compar.

Conclusio
per præteritionem
narrationis
& accommodationis.

2. Descript.

3. *Accomm.*4. *Conclusio*

regione Patria sua fama celeberrimus Manoës. Quo non justior alter facile inventus fuit pietate aut bello & armis major. Felices illi prædicantur homines quibus hæc singula contingunt ut famam pulchris factis extendant: vel pulchra beantur conjuge, vel majorum laudem, & dignitatem generis nullo suo labore partam, sed relictam, quam non indigni avorum, possideant. Quid autem dicemus de te Samson heros cui uni hæc omnia evenerunt; Vive, tuiq; similes natos & fortes & nobiles & felices suscipe.

Quintus laudat Nativitatem.

Exordium ab accommodatione.

Quemadmodum communi hominum ordine majores animos gerunt heroës: ita etiam videas sæpè prodigia quædam singularia concessa esse iisdem in nativitate, ut prænumcia sint egregiæ in ipsis virtutis.

2. Pars Comparatio.

Ita Hercules generatus est à Jove tribus noctibus. Nam tanto tempore nusquam commotum est cælum. Solis equi astiterunt osciosi dulci pasti Ambrosia ad præsepe. Luna vero pervigil excubabat: quanquam indignata moram & defessa, ramen obsequi cogebatur Jovis imperijs, quibus nemo potest resistere. Mortales cæperant desperare de luce reditura: quod Phæbum offensum putarent hominum sceleribus, quæ oculo omniscio lustrat, abjurasse reditum. Aliqui etiam largius se invitasse in quodam Deorum convivio suspicabantur: Et sic ad potum probè ultra consuetudinem dormire.

3. Pars, Descriptio.

Majus est, quod in Samsonis contigit natalibus, uterq; parens sterilis frustra dudum sollicitaverat Iunonem & Dianam, & reliquos Deos ac Deas, quæ opem ferunt parientibus: nulli exaudita vota, ac preces. Tandem, mirabile dictu, subita lux apparuit matri: qualis solet videri sub nimboſo Orione, cum multis diebus nox aut tenebræ honestam Phæbi faciem occuluerunt: Atqui ille acribus radijs tenuem aliquam nubem forte perumpens, miseris mortalibus lumen red-

dit

dit amicū. Omnes gratantur sibi, non homines tantum, sed gar-
gulæ etiam in arborum folijs aves, læto inter se garritu strepitant.

Non alia erat facies lucis illius cœlestis subito effulgentis. Unā
autem aderat inusitata quædam pulcherrimi viri forma: quæ nuncia-
vit de partu, matri quæ paritura esset hunc Samsonem filium. Et mul-
ta addidit de fortissimis factis: sed quæ huc addere temporis spacijs i-
niquis prohibemur. Idem Dei immortalis interpres sine dubio ipse
Divorum aliquis etiam patri Samsonis eadem retulit, sed alio tempo-
re. Narretur reliqua historia.

4. Pars, Conclusio.

Gaude sponsa, tibi enim tuoq; populo tam mira contigit hæc
nativitas, tuus enim est tam fortis heros, qui te plus oculis suis amat.

Amate & redamate inter vos ordine perpetuo, ut nec principium
habuisse amor vester sentiat, nec finem unquam experiatur.

Reliqua ipse, cui placet fingito ad horum exemplum.

EXEMPLA VITUPERATI- onum. Vituperatur Absolon.

*Exordium capiat benevolentiam & docilitatem; dicitur
summa: & redditur ratio methodi. Figura elocutionis est
occupatio.*

Quamquam ita comparatum est, itaq; in more positum auditores:
ut qui vel laudes alicujus hominis dicturi sunt, vel accusationem
ejusdem suscipiunt, quæ ratione quacunq; ad institutum suum pertra-
hi possint ea adducant: Magis ut quantum ingenio valeant ostendant,
quam quod ea quæ ita producta sunt quicquam ad rem pertineant:
Cum iisdem moribus & eadem hac consuetudine in Absolono vitu-
perando & commode uti possem, ut eo amplior esset oratio: & sine
cujusdam reprehensione, cum vulgo liceat: tamen peregrinis illis &
longius accersitis accusationibus planè abstinebo. Non quod eorum
sententiam, improbem qui fortassis aliter sentiunt, & qui facultate hac

oratoribus concessa libenter utuntur : verum quod eorum criminum quæ patent ac cuius in promptu sunt, ea sit atrocitas, ut in his enarandis saltem non pro merito exaugendis fatis, prolixa requiratur oratoris occupatio. Ut reliquis artificiosa oratoris interpretatione in criminationem Absolomi detorquendis non relinquatur spatium.

I. *Circumst. Origo.*

Ratione materni sanguinis est ex Syris oriundus Absolon. Matrem enim habuit Maacham, filiam Talmi regis Gessur in Syria.

Descriptio. Hæc gens aliena à Dei cultu, ut & reliqui sub sole habitantes mortales.

Unde frequentia audiuntur inter eos crudelitatis, in humanitatis, atq; omnis impietatis, apud nos quidem inaudita, exempla.

Accommodatio. Fit autem nescio quomodo, ut nativa quædam majorum indoles præsertim morum barbaries à parentibus & ijs unde originem ducimus in sobolem suam dimanet. Unde non tantum propter religionis evitanda contagia, sed ne Israëliti sanguinis nobilitas contaminaretur, videtur divinitus prohibitum esse, ne matrimonium cum Ethnicis iniremus. Quemadmodum enim plantæ & quidem optimæ ut ita dicam indolis, si in solo sterili & uliginoso aut alias fetido radices agat; & nativam amittit virtutem & succos ac saporem gravem ac nocentem quandam contrahit. Ita credendum est fieri in matrimonijs cum nationibus barbaris scilicet, ut ex ista nationis peregrinæ communitate morum à pietate alienorum contagio quædam liberis nostris affricetur.

II. *Circumstantia.*

Natura vel pueritiæ studia. A primo puero apparuit in Absolomo vafrities quædam : omnia agere callidè & nequiter : delectari injurijs : Interim perprobum, se simulare, orationem & vultum fingere modestissimum. Fratres omnibus lædebat modis : sed si id sperabat fore ciàm & si ex insidijs nocere poterat. Ipse ultro accusabat apud præceptorem aut patrem, si delatum iri se metueret.

Accommodatio. Ut jam tunc possis ingenium noscere, plenum ambitionis, fraudibus & dolis exercendis natum. Plerumq; enim ex tenella ista ætate quemadmodum ex arborum floribus homo paulò

prudenter facile coniecturam facit qui ex reliqua vita fructus sperandi sint.

III. Circumstantia. Artes. Descriptio.

Literarum fuit amans, tum res militaris pater accurate institui in utroq; genere curavit, quod & solertis naturæ animadverteret & præclara discendi ea cupiditate trahi videret.

Accommodatio Per inflexionem. ô utinam nunquam literas attigisset Absolomius, aut arma tractare non didicisset! Fieret enim magno & ipsius & reipub: commodo.

Nunc quia liberalis ista rerum optimarum cognitio in pessimam mentem, incidit: Quid aliud contigisse dicemus, quam saluberrimas res & in reipubl: defensionem ac ornamentum institutas in ejusdem, nostrorum omnium, suiq; adeo ipsius, pestem ac pernitiem conversas esse? Quo enim univiciusq; rei usus est salubrior, eò majus detrimentum gravioresq; calamitatem humani generis importare atq; adjungere solet, si in quorum potestate eæ res sunt illorum ad maliciam animus se applicaverit.

IIII. Circumstantia.

Leges SIVE mores. 1. Fuit audax. 2. superbus 3. callidæ & simulatæ blanditiæ 4. Injustus, impius, & contemptor religionis.

V. Circumstantiares Gesta.

1. Secundum impietatem; fratrem Ammonem occidit, ex 2. Reg. Cap. 13. 2. Patrem e regno pepulit armis. Iterum secundum audaciam, bellum molitus est privatus adversus Regem, juvenis adversus senem: bellorum imperitus adversus imperatorem veteranum & quidem injustissimo scelere adversus justam causam. 3. Secundum iracundiâ Ioabi agros incendit amici & deprecatoris: cû accedendi moram fecisset. 4. Secundum injustitiam. Criminatus est regem apud populum, Rempub: invasit per tyrannidem.

VI. Circumstantia. Fortuna.

1. Biennij exilium sed quo non evasit melior. 2. Mors contumeliosissima, quâ, capite transfixo arboris, ramo suspensus est.

Tertia Pars Exercitij Comparatio.

Comparetur cum Caino.

Quarta Pars Conclusio.

Habeat 1. repetitionem 2. de hortationem ab impietate.

Vituperatio II. *Herculis.**Exordium captat benevolentiam. Figura Rhetor: Occupatio.*

ET si invidia plerumq; tribuitur, aut inani garrulitati, aut temeraria maledicentia? si in eos Orationem inveharis qui publico quasi omnium suffragio commendantur, tamen eum a criminum horum liberandum suspicione censeam, qui Herculis vituperationem instituerit. Et hæc mea sententia, adeo justa, adeoq; æquissima mihi visa est, ut ego ipse eam vituperationem suscepverim. Quid igitur est? dicetis, quo a tam gravi criminum suspitione alienum te esse defendas? Dicam: quæ non tam ex prudentum sententiâ, non ex historicorum relatis, non ex Philosophorum decretis, sed poetarum fabulis, tantas, tamq; immensas laudes attributas animadvertam. Deinde qui ultra veritatis fines progressos esse Herculis prædicatores & Idolum hoc ac monstrum hominis, non ad cælum, (quod ajunt) sed in cælum ac Dei sedem extulisse appareat. Quod etiam in homine mortali fieri pietatis ratio non permittit, & in homine, (ferè dixissem belua) impurissimo, dæmone immanissimo, quod demonstraturus jam sum, attentari omnino ferendum non est. Quid? quæ iisdem qui laudum Herculis authores, criminum est contra Herculem & seipsos testes producentur? Quare si quid benè, si fortiter, si justè, si alijs modis honestè quippiam ab Hercule perpetratum est, absit a nobis ea maledicendi libido, ut in his veræ hujus laudi quicquam detractum velimus; ea lege tu, ut quæ impure, quæ crudeliter, quæ per injuriam, ac fraudes, quæq; omnino nequiter & improbè ab eodem commissa sunt, ne eorum reprehendorum libertas nobis adimatur. (Parentes) Fuit ex adulterio natus corrupta apud Thebanos principe quadam scæmina Alcumena, nescio a quo mæcho. Cum enim hujus vir Amphitryo adversus Thelebo-

as ho-

as hostes in expeditionem abesset Imperator missus à suis civibus, reliquit domi Adolescentulam Alcumenam, quæ ex nobilissima apud Thebanos orra familia, in delitijs educata, convivij assueta, & nimis familiari cujusdam adulteri consuetudine delectata, viro absente, ex alieno conceperat. Cum eam rem Amphitryo domum reversus, indigne ferret, à cognatis territus, vitium uxori oblatum clam habere coactus est. Obiectum etiam est fraudibus illis fictum Religionis nomen: Jovem scilicet divum atq; hominum patrem sumta Amphitryonis specie ad Alcumenam ventitasse, ex hoc conjugio eam gravidam esse. Præterea cæcus quidam Tiresias, qui de arcanis consulebatur, fortasse pecunia corruptus idem respondebat, scilicet è Jove concepisse Alcumenam. Sive potius Tiresias voluit illudere uti simplicitati, ut verè quidem responderet, sed minus rectè intelligeretur. Ex Jove n. natum esse erat istis temporibus spurium esse, ita n. obtinuerat consuetudo, ut principum filia furtivos partus suos, semper ad Jovem, Mercurium, Apollinem & aliquem alium Deorum referrent, ut inani isto, quem ab authoribus stupri comminabantur vindictæ metu, non tantum infamiæ periculum declinarent sed etiam præ reliquis hominibus Deo perquam charæ crederentur. Confirmavit vero stultam credulitatem, mirabilis quædam fortunæ ratio, quæ eos plarumq; consequitur, qui ex illegitimo concubitu pronascuntur, nempe ut rerum successibus, opum affluentia, bonorum satietate ex sententia perfruantur. (E D U C A T I O) Cum igitur adolevisset Hercules & præceptoribus traderetur, statim animadversa est naturæ tanta ferocitas, quæ non nisi singulari & multorum quidem industria compesci posset. Commisus igitur est multis præceptoribus quos Theocritus his commemorat versiculis plarosq; sunt n. etiam alij, quorum non meminit Theocritus.

Hunc Linus edocuit sapientum scripta virorum,
 Pervigil, & claro Phœbi de semine natus.
 Flectere at arte arcus, emitte & arte sagittas,
 Edocuit dives patrijs hunc Eurytus agris
 Eumolpus vocem formavit finxit & idem
 At Citharam digitosq; rudes, dextramq; tremendam.
 Sed quæcunq; fuit membrorum ars apta palestræ

Quæ foret ars pugilum, & gravibus decernere loris
 Hæc à mercurij doctus de sanguine creto
 Harpalico Phanopesq;.

Inprimis autem in Lino insignis fuit eruditio singularisq; fides, quæ huic institutioni præfuit, verum ab ingratiſſimo discipulo præmium retulit iniquiſſimum. Nam cum Cithara cantaret Hercules, digitiq; aberrassent, atq; absolum quoddam cantaret, admonebatur à præceptore Lino. Sed contemtor artis & admonitionis & præceptoris non correxit errorem, itaq; Linus gravius commotus, primum convitiij, deinde etiam manus verbere inVectus est in discipulum. Ea tandem indigna visa fuit Herculi injuria, itaq; arrepta Cythara tanta vehementia tempora Lini conqvasavit, ut mortuus concideret.

(Accommodatio) Magna est impietas adversus præceptorem ingratum existere: sunt enim quasi alteri parentes præceptores fideles. Quemadmodum enim à parentibus nostris secundum Deum corpus accipimus & naturam informem; Ita à præceptoribus nostris mens nostra quodammodo & animus ingeneratur vel expolitur saltem. Si igitur execrandæ impietatis est, immemorem beneficiorum, quæ à parentibus acceperis præbere te: quanto majoris sceleris erit, beneficia à præceptoribus accepta nihili æstimare? Et huius tanti sceleris reus fuisset Hercules, si parum gratus saltem adversus Linum fuisset quid nunc dicemus, cum eundem immaniſſimo parricidio sustulerit?

ARTES & PERITIA. Artes in Hercule nullæ fuerunt, institutus quidem fuit in rebus multis, ut arte Musica, Paleſtrica, jaculandi, in literis: Sed in nulla harum profectus aliquos fecit, quia nullum unquam laudabile artium harum specimen edidisse legitur. Didicisse fideliter artes emollit mores, nec finit esse feros. At in Hercule fuit maxima morum feritas, quare nullus in artibus liberalibus progressus fuit. Sed literæ & artes sunt quædam excultio animorum. Ut enim agri, etiam fertilissimi sine labore cultoris nihil proferunt frugum bonarum. Imò etiamſi industria Agricola accesserit, tamen sæpe lappæq; tribuliq; interq; nitentia culta, Infelix lolium & steriles dominantur avenæ. Idem in ingenijs humanis accidere censendum est, ut nisi literarum quasi agriculturâ accuratâ subigantur, infelicissimam turpissimorum facinorum turbam effundant. Interim quemadmodum ea

nonnunquam agri alicujus infelicitas est, ut etiamsi maximā quāq; industria colas, tamē nihil proficias propter loci sterilitatē & quod inutilium herbarum radices nimis alte inoleverint. Idem sēpē videas in multis adolescentibus contingere, ut omnis in eorum ingenijs ad probitatem excolendis opera frustra collocetur. Tamen sint mala mens, malus animus.

MORES. In Hercule non fuerunt eximiæ quædam virtutes, at tamen FORTITUDO in ipso maximē celebratur, sed revera fuit audacia. Robore enim corporis præpolluit, sed quo non tam usus est ad defensionem Justitiæ quam ad exercendas injurias. Verum ea nullo modo potest dici Fortitudo quæ cum malitia conjuncta est. Tum præterea quicquid fecit alieno imperio coactus est facere. Eurysthei scilicet, à quo facinorum suscipiendorum omnium accipiebat mandata. Fuit quoq; Hercules homo intemperantissimæ libidinis, uxores habuit plus decem: & quā ille non amavit, virginem? Cui non intulit vim regi, quē forte audierat pulchram aut filiā aut conjugē alere? Deinde fuit voracissimus, integros sēpē boves devoravit: Temperantia à græcis *σωφροσύνη* dicta quasi *σώζου τὴν φρόνησιν* sive custos prudentiæ, quod prudentia sine temperantia aut acquiri aut conservari non possit, itaq; dubium non est temerarios ac stolidos eos evadere, qui intemperantiæ dederint sese. Ita quoq; iracundus fuit Hercules, ut præ sævitia bis in furorem versus fuerit, in quo, ne à proprijs quidem filijs manus abstinuit. Ira furor brevis est. Insuper Injustus fuit Hercules ille, Nullos adhibuit honores magistratui. Aliquot Thebanos principes Patriæ suæ Dominos interfecit. Eurystheum Dominum suum tanto affecit metu, ut in vas æneum se abderet.

(Res gestæ) Res gestæ communiter duodecim labores Herculis vocantur. 1. Leonem quendam interfecit. 2. Hydram interfecit. 3. Aprum terribilem cepit, eumq; ad Eurystheum adduxit. 4. Cervam cursu est consecutus. 5. Volucres quasdam stymphalides sagittis transfixit. 6. Amazones vicit. 7. Bovile stabulum expurgavit. 8. Bovem quendam ignem spirantem interfecit. 9. Diomedis equos item ignem spirantes abegit. 10. Geryonem tricorpore Hispaniæ regem bello superavit & vaccis ejus potitus est. 11. Mala Hesperidum abstulit consopito dracone. 12. Cerberum ab inferis abstraxit. Hi sunt duodecim

*Compara-
tio.*

labores *Herculis*, sed fabulosa hæc saltem sunt quod ipsi voluerunt dicere autores, quoniam ne speciem quidem alicujus similitudinis alleverunt. Præterea tenuia sunt *Apros*, volucres, cervas, equos, canes, mulieres capere, stabula expurgare. Illa vero præclariora sunt, domitas habere libidines, vitare iracundiam, animo imperare, quæ non fecit *Hercules*. Sed turpia facta potius amplexus, *Intemperantissimus Hercules* fuit, *Thespij* regis *Bæotia* quinquaginta filias una nocte simul stupravit. Narretur hic de bobus devoratis. Item non puduit ipsum sumto ancillari habitu pensa trahere & colum exornare, apud *Omphalem* *Lydorum* *Reginam*, quæ ejus, quoties rusticis manibus tractasset lanam *Sandalio* mitigabat caput. Narretur hic de furoribus *Herculis*. Item pincernam quandam hospitis sui, qui impuram aquam manibus affuderat, pugno percussit, & uno isto ictu occidit. Aptè hic comparari potest, cum *Morione* isto *Thilone*, quem vocant noctuæ speculum. Uterq; puer penè, clarum edidit signum reliquæ vitæ, ille quidem illusoriæ artis, hic v. feritatis. Uterq; plures terras obiit & à turpibus factis clarus evasit. Quicquid omnibus seculis in eodem genere commissum est sceleris, in hos confertur. Uterq; etiam in morte insanivit.

(Conclusio.) Conclusio habeat repetitionem præcedentium & adhortationem ad pietatem & ad virtutem.

Vituperatio III. Saturni.

Exordium à docilitate & attentione. Primò dicitur summa instituti. 2. commendatur ab utilitate, necessitate, jucunditate, honestate. 3. instituitur Partitio.

*Prima com-
mendatio
ab honesta-
te.*

Propositum nobis est Auditores, paucis perstringere religionis *Ethnicæ* vanitatem, qua non *Deorum* tantum sed ne hominum quidem nomine dignos *Saturnum*, *Jovem*, *Apollinem*, *Mercurium*, *Bachum* & alios quosdam pro *Numinibus* habuit ac veneratum est stolidum *Ethnicorum* seculum. Et si enim de religionis negotio & sobriè loqui & reverenter sentire quemlibet decet: tamen non eò accipiendum hoc est, q. superstitionis temerariæ accusandæ locus inter pios non sit. Imò eò religiosior ea oratio videri debet omnino, quæ in adul-

terinas

terinas religiones invehitur, quò elatior indè erumpere veritatis splendor in fidei negotio poterit, si falsarum opinionum ista tenebræ, gravi ac seria reprehensione dispellantur. Nec videri debet huiusmodi accusatio aliena à nostris temporibus, quippe quibus dudum Ethnicorū de Dijs suis figmenta non è regionibus tantum nostris, sed hominum mentibus penitus ejecta atq; abolita sint. Nescio enim quid (quod non tamen omnis causa dictum velim) sed nescio quid ultimis his & desperatissimis seculis metuendum nobis sit, cum ad gentium prisca- rum scelera & flagitia homines Christiani relapsi simus, an non etiam tandem ad fœdissimas eorundem opiniones recidere valeamus. Non ignotum est, quid Romanis acciderit, non civibus tantum & privatis excellentissimis viris, verum etiam Imperatoribus & quidem in Christiana doctrina accuratè institutis. Quare cum hæc ira se habeant, non possumus satis tempestivè præmonere, ut semper in promptu ac parato habeamus, quæ in isto cultu Gentilium Deorum quam fœdissima animadversa sunt, ut serio detestemur.

Tum illuc utemur, ut conferentes lucem divinæ cognitionis, quam ex sacris Christi nostri monumentis haurimus: de ea felicitate nostra, quæ nobis ex divina clementia obtrigit, vehementissimè gaudeamus.

Quanquam & alius huius narrationis usus erit, ut hic q. in indice quodam breviculo notata habeamus, quæ de Gentium Dijs Poetæ fabulantur, ut quoties usus erit, sive ad interpretationem Poëtarum sive ad recolendam istorum memoriam hinc depromere liceat. Dicam igitur nunc primo loco de Saturno omnium Deorum q. communi avo, & duo explicabo, 1. originem quandam ex historia demonstrabo, undè Poetæ fabulas suas derivaverint & omnia ad divinitatem detorserint. 2. ostendam quam turpia Numina Ethnici coluerint, & quidem ipsorum Testimonijs. Ego sanè has quas dixi partes in Saturno persequar. Alij post me in reliquis describendis Deunculis easdem observabunt.

Parentes Saturni fuerunt Canaan & sic Chamus filius Noachi quod constat ex historia Berosi Chaldaei omnium antiquissimi scriptoris inter prophanos, & collatione sacrarum literarum. Nam Saturnum hunc dicit fuisse Nimrodum Berosus, qui fuit primus Monarcha Ba-

2. *Necessitate.*

3. *Ajunctitate.*

4. *Ab utilitate.*

Partitio.

Prima Circumstantia Parentes.

byloniæ. Idem filium habuit Belum secundum Chaldaeorum Regem, qui ab alijs Jupiter dictus est.

Neq; contradicunt Poëtæ: ajunt tamen à cœlo & à terra genitum esse.

Accomm.

O miseros igitur Deos, quorum cunabula monstrare possumus, & qui non tantum Parentes, undè orti sunt, seniores se, verum etiam secula antiquiora fateri coguntur. Deus enim esse quomodo potest, qui nativitatis suæ initia noverit? aut quomodo pro æterno Numine quenkumque habere in mente cuiquam venire possit, qui aliquando non fuerit?

*2. Circumst.
Cognoti.*

Fuerunt hi reliqua posteritas Canaan, cui Patriarcha Noachus gravissima imprecatione maledixit, quod Propheta cum esset, præiuderet similem fore hujus gentis impietatem & adversus divinas leges contumaciam, atq; in Chamo communi Parente deprehensa fuerat, ut scilicet spreta cœlesti doctrina à Patriarchis inculcata ad pessimas idololatriæ vanitates discederent.

Accomm.

Undè mirum non est ita evenisse, quemadmodum Divus Noachus præviderat, ut à posteris prophanissimis hominibus Saturnus vel Nimrodus avus & cognatus pro Deo haberetur, quod scilicet mores inter ipsos congruerent: semper enim hoc observatum est Ethnicis deserto veri Dei cultu, cum aliud Nomen deligere sibi decrevisset, omnes quidem spurcissima & vilissima Idola Deos constituisse: singulos verò eò animum applicuisse, ut in quibus eorum vitiorum insignes notæ apparerent, quibus ipsi dediti essent, his Numinibus sibi constitutis, q. culpæ saltem societate juvarentur. Itaq; fures Mercurium furem: Libidinosi Venerem intemperatissimæ libidinis meretricem: Crudeles Martem sanguinolentum, alij alios Patronos & tutelares Deos suos creaverunt. Cananæi igitur homines ad omne facinorum genus audacissimi talem etiam Deum sibi constituendum rati sunt, qui ab istiusmodi vitæ studijs non abhorreret.

*3. Circumst.
Mores & res
gestæ veræ
per præteritionem.*

Nam cum sacra quidem historia de Nimrodo vel Saturno nihil præterea commemoret, nisi quod tyrannidem vel imperium primum occupasse dicat, ipsæ Poëtarum literæ, quæ Saturnum in Deorum cœtum evehunt, illis eundem moribus depingunt, ut non solum in Deorum ascribere numero & civitate quasi, imò etiam in bonis viris ac-

cenfere

cenſere meritò illos pudere debuiffet. Dicam autem de his jam mox ſi paucis præmiſero, quid de Parentibus & cognatis ijdem commemo-
rent.

Fingunt Poëtæ, alij quidem ex cœlo & terra: alij Theti & Oce-
ano natum eſſe Saturnum.

Atq; hic non opus eſt indicare ficta ea eſſe & plena fabularum,
cum nihil veriſimilitudinis habeat commentum: Deum ſcilicet ex
mari naſci vel ex terra. Herbas, arbores, metalla, ex terra produci;
piſces in mari generari, & ex piſcium quidem ſemine novimus. At na-
turam intelligentem, hominem ſcilicet ita productum eſſe, nec me-
minit quifquam, nec hoc fieri ratio ulla vel fingi ſaltem permittit,
multò hoc minus credi de Dijs immortalibus debet.

Commemorant Poëtæ Saturnum habuiſſe fratres Cyclopaſ uno-
culos, Titanes centimanos, qui cælum expugnarunt, Oceanum & alios
quosdam. Item Thetin, Phœben vel Lunam & Mnemoſynen vel
memoriam.

Quibus verbis nihil abſurdius dici poteſt. Primum enim ine-
prum illud eſt Maris & Lunæ & memoriæ generationem fingere ſimi-
lem humanæ. Deindè parum indè laudis accedet Divinæ Saturni na-
turæ, quod iſtos pietatis oſores & hoſtes fratres aſſignatos habet.

Tota autem puerilis ætas Saturni ſilentio præteritur.

Satis teſtatur reliqua vita quæ adoleſcentis ſtudia fuerint.
I. Impietas in parentes. Principio cum adoleviſſet ingenij improbi-
tatem adverſus Parentes probare primo loco voluit: Teſtibus enim
Poëtis noſtris Patrem Cælum principatu exiit & per vim execut. Quan-
quam fabula indè videtur emanafſe, quod Chamus Saturni avus Pa-
trem Noachum ebrium & detectum illuſerit: tamen Poëtæ & Ethni-
corum vulgus inſignis temeritatis crimen meritò incurrunt, dum i-
ſtum inter Deos referunt, quem tanta impietate erga Parentes exercita
omnem Dei merum ſuſtuliffe ijdem credunt.

Deindè verò etiam hic Deus, ut reliqui Ethnicorum, fuit nobi-
liſſimæ Libidinis: ut multas virgines, multas conjuges vi ſumma op-
preſſerit.

Cum tamen nullam virtutem Deo commendatiorem dicter ratio
quam caſtimoniam.

4. Circumſt.
Parentes ex
Poëtarum
ſententia
Accomm.

5. Circumſt.
Cognati ex
ſententia
Poëtarum.

Accomm.

6. Circumſt.
Natura &
Artes.
7. Circumſt.
Mores.

8. Circumſt.
Alteri Mo-
res.
Libido.
Accomm.

Acce-

Crudelitas.

Accedit insignis crudelitas, quod ne à proprijs quidem liberis manus abstinuit, sed omnes recens natos iugulavit, vel, ut Poeta volunt, devoravit, undè postea humanis hostijs placandus fuit.

Accom.

Undè iterum stoliditas apparet religionis Ethnicæ, quod ad eius numen supplices confugerunt, qui ne liberorum quidem ex se natorum misericordia commotus sit, & ex eo auxilia sibi polliciti sunt, qui ne ipse se quidem à filijs nisi horum & infantum quidem morte, tutari potuerit.

*9. Circumst.**Res gestæ.**1.**Secundum**Libidinem.**Accom:**2.**Secundum**Fortunas.**Accom:**Comparatio.**1.**2.**3.**4.**5.**6.**7.**8.**9.**10.**11.**12.**13.**14.**15.**16.**17.**18.**19.**20.**21.**22.**23.**24.**25.**26.**27.**28.**29.**30.**Conclusio.*

Imbecillum Deum qui latere, qui à filio hæc pati cogitur.

Cum vesica aut utre inflato atque mari innatante. Hæc vas sordidissimum est dum vivit lotium servans; Ita Saturnus habitaculum nequitiae erat dum in vivis erat. 2. Illa aëre insufflato extenditur: Ita Saturnus ad istos honores aura & lenitate vulgi evehitur. 3. Illa appetitur à piscibus admirantibus novitatem rei, sed frustra & nullo fructu: dum enim assultant pisces, longius à se protrudunt, sin autem apprehendant, vulnerata ea aëre dispulso collabitur. Ita Saturni cultum turbantur homines tantum cerebri habentes quam pisces. Ignorantia autem factum est, ut urgerent hanc religionem eventu autem nullo, nisi ridiculo isto, ut penitus rem considerantibus ipsis dolus patesceret, &c.

Primò per repetitionem dictorum. 2. per Apostrophen ad Deum, agantur gratiae de lucis cœlestis plenitudine nobis revelata.

Vituperatio IV. Jovis.

GRavissima est illa Divi Pauli vox: Gentes cum Deum ex ea cognitione quæ ipsis indulta erat colere, & gratias agere neglexissent, in reprobum sensum traditæ sunt; ut sibi visi sapientissimi, in stulticiam

turpissimam

turpissimam discefferint, Dei gloriam in vanissimam umbram hominis aut quadrupedis aut avis aut piscium commutantes. Causam dicere voluit Divus Apostolus, cæcitatis nunquam satis admirandæ, qua homines ad eam dementiam dilabi potuerunt, ut mortales & similes sibi homines & brutas bestias, loco immortalium Deorum haberent & colerent; Causa ea est neglectus veræ agnitionis divinæ, quam ex naturæ reliquijs haurire potuerant. Omnibus enim hominibus hoc natura in natum est, atque insculptum omnium mentibus, esse aliquam cœlestem vim vel Deum aliquem unde universa natura procreata sit & conserveatur, quique ab humana potissimum gente pietate & morum sanctitate demerendus sit. Hanc lucem & legem naturæ, oppressum ibat humani ingenij malitia. Quare mirum non est cum à luce cœlesti abrumperet se quam longissimè gentibus semel placuisset, in tantas tamque profundas ignorantia tenebras demersas esse, ut plerique nullum Deum: Alij fœdissimos quosvis homines vel hominum monstra; alij vilissimas bestias aut herbas etiam in numerum Deorum allegarent. Inductio addatur vel enumeratio turpium Deorum, tandem conclusio vel digressio ad rem ipsam. In his Deorum monstris rectè numeratur Jupiter in quo adeo nihil est, quod divinitatis opinionem afferre possit: ut difficile sit statuere, utrum magis admirari debeamus illorum impudentiam, qui hunc Deum primum introduxerint, vel reliquorum stultam credulitatem qui pro Deo acceperint. Quod faciam brevi vos cognoscere, ubi paucula præmisero de origine fabularum quas Poetæ finxerunt. (De Jove, vel quisnam ille fuerit Jupiter secundum historiæ fidem.) Principio hoc nomen inditum fuit secundo Assyriorum Regi Saturni vel Nymrodi filio; Principi quidem quantum ex historia istorum temporum reliquum est non malo. Verum cujus tempore propagata sensim humani generis multitudine, etiam scelera cœperunt vulgò fieri, & frequentiora esse, quam superioribus seculis, quibus sub communibus avis & inter parietes ferè domesticos Noachi posteritas regeretur. Unde hæc aurea, illa argentea dicta sunt secula. Contigit etiam circa eadem tempora terrarum divisio: Japetto Europa, Semo Asia, Chamo Arabia fuit attributa. Verum Chami posterii reliquorum sortem item invaserunt ut in ipsa Asia primi imperium constituerint.

*Paraphra-
sis.*

*Vera Nar-
ratio.*

*Narratio
Poetica cir-
cumstantia
1. Origo, sive
Patria.*

*2. Circumst
Pater & co-
gnati.
3. Circumst.
educatio,*

*Accom.
Non est De-
us qui vim
metuit ali-
enam.*

*4. Circumst
mores.
Res gesta
secundum
libidinem.
Tertia Pars
comparatio*

*Secunda
Pars com-
parationis.*

Hinc fabulæ originem traxerunt, Quod Jupiter cum duabus fra-
tribus imperium diviserit, cum Neptuno & Plutone & quod ipse inter
fratres regnet &c. Patria est insula Creta de qua extant Poetæ versus:
Accommodatio) Malo omine apud mendaces Cretenses natus est Ju-
piter ut à principio admoneamur, quæ ultra fidem de Jove commemo-
rantur, à quibus autoribus profecta sint, quodquæ parum fidei mere-
antur. Pater Saturnus: Pluto & Neptunus fratres: Juno & soror &
conjux (Accommodatio) Ridiculus Deus qui parentes & sorores su-
as jactare possit. Clam patre educatus, in antro Dictæo sub Ida monte
ab apibus & capra Amalthea, & Curetibus, item columbâ & aquilâ. In-
de postea apibus sagacitatem eam indidit ingenij, & aureum dedit co-
lorem pro ferrugineo; caprum in astra retulit, item aquilam.

1. Timidus fuit quia sæpe vim passus est. Item 2. Audax quoni-
am in justis armis patrem è regno expulit. 3. Libidinosus, quia pro-
prium uxorem sororem duxit, nullam sceminam tutam esse sivit ab ad-
ulterjo suo saltem pulchram. In cuculum fuit conversus propter amo-
rem cum ambiret nuptias sororis: item in alia animalia quæ continen-
tur his versiculis

Fit taurus, Cygnus, Satyrusquæ, aurumquæ: ob amorem
Europæ, Lede, Antiopæ, Danaes.

Comparetur cum bovis cadavere. Utilissimum est animal bos,
administerium operæ rusticæ: sed communi obnoxium sorti rerum
sublunarium, ut quemadmodum certo generationis modo, ex ele-
mentis conflatum est, ita & tandem naturæ circumvoluta Período mo-
riatur, & in principia sua resolvatur. Ita Jupiter dum inter homines
conversabatur, utilissimam quidem genti humanæ operam navavit,
pacem legibus & pœnis firmando. Verum quod homo natus fuerat,
sive quod naturæ contagionem ex parentibus humanis hauserat, com-
munem hominum fortunam devitare non potuit, quin justa naturæ,
ut loquuntur perfolveret, & rebus humanis morte concederet.

De bovis cadavere vetus opinio est, ex viscerum concreto san-
guine sæpè apum examina enata evolasse. Sive casu aliquo apes forte
circa bovis cadaver conspectæ, aut nova etiam examina eo commi-
grantia initium opinioni huic dederunt: sive alias creduli agricolæ, &
clade vel calamitate amissorum juvencorum, faciles ad credendum ijs,
quæ

quæ ab audaculis ingenijs vt sit fingebantur, libenter assensi sunt. Idem etiam Jovi nostro contigit, vt cum mortui & absentis honestum apud omnes desiderium esset, ex levissimis conjecturis divinitatis alicujus suspicio conciperetur. Dum quæ à quibusdam vel illudendi causa reliquorum simplicitati vel præ vanitate quâdam fingerentur, illa nemine contradicente admitterentur. Principio enim subditorum unus & alter imaginem Jovis aut pictam aut cœlatam, aut alio quodam artificioso opere expressam domi habebat in delicijs & thesauris suis, saltem in memoriam meritorum plurimorum in salutem communem collatorum: sensum annorum successu, religionis alicujus in istis imaginibus opinio accessit, vt non nisi reverenter tractarentur, tum preciosæ etiam vestes injicerentur, tandem somnia, apparitiones quædam nocturnæ, & aniles fabulæ & similia figmenta divinitatis certissimam opinionem adduxerunt & confirmarunt: Ut non inter mortuos amplius accenseretur Jupiter sed ex sepulchro quemadmodum apum examina ex bovis cadavere in cœlum evolasse crederetur.

Primum habeat repetitionem, 2. Habeat adhortationem ut gratis agnoscamus animis quod ab istis tenebris, quibus sapientissimorum virorum plurima pars, dico Philosophorum, Poetarum, historicorum demersa fuerit, nos divina ope expediti simus.

4. Pars
conclusio.

Vituperatio V. Mercurii.

Exord: captat benevolentiam à modestia, dum assertur ratio huius tractandi argumenti. Figura elocutionis occupatio.

Non dubito auditores, quin sint quibus placere non possit ea quam instituius Deorum Ethnicorum vituperatio. Quod dicent, ad eò non voluisse fabularum primos autores, ut hæc sic gesta crederentur quemadmodum ficta sint: ut arcana quædam sapientiæ præcepta, quæ in vulgus proferenda esse non iudicarent, his figmentorum involucris occultaverint, quasi securioris custodiæ causa. Quorum sententiæ sanè libenter accedo, saltem si & hoc mihi largiti fuerint, quæ à priscis Poetis fortè sapientiæ alicujus ut dicebant asservandæ causa his fabularum quasi thecis & capsulis conclusa sunt, ea postea vel a vulgi stoliditate, vel ab omnium ad idololatriam proclivi vanitate ad eum quem

præ se ferrent literæ sensum detorta esse: neglecto omni sapientiæ præceptorum abdito ut ajunt thesauro. Præterea quicquid sit de rerum gestarum reliquarumque circumstantiarum veritate, hoc tamen constat, pro Dijs & cœlestibus Numinibus cultos & creditos esse, quibus hæc affingerentur. Quare excusari satis non poterit hæc inconstantia, qui iidem eos Deos proclamarint & in cœlum sustulerint de quibus maxime indigna & à judicio atque adeò auribus boni viri abhorrentia persuasi essent. Quod ut jam ante de Saturno & Iove ostensum est, ita nunc de Mercurio planum faciam. Facite ut attentis æqui bonique auscultatores adsitis, meumque studium vestra audiendi æquanimitate & alacritate conserveis aut etiam exciretis.

Vera narratio.

Fuit Mercurius vir quidam literatissimus apud Ægyptios, peritus rerum Mathematicarum, physices, politices & eloquentiæ. unde nominis quædam celebritas & mortui superstes fuit. Tum mirabiles quosdam artium effectus huic tribuerunt fabulis inclusos: ut qui dixerunt aurea quadam catena Mercurium inclusas habere omnium hominum aures, ut hos quorsum velit, trahat. item virgam attribuerunt mirabilis facultatis, de qua virg. 4. Æneid.

Hæc animas illæ evocat Orco
Pallentes, alias sub tristitia tartara mittit
Dat somnos, adimitque & lumina morte resignat.
Illâ fretus, agit ventos & turbida tranat
Nubila &c.

Quâ fabulâ hoc voluerunt insinuare Poetæ pacis & belli, vitæ ac mortis omniumque adeò fortunarum arbitrium penè situm esse in hominibus alicujus disertis, qui Reipub. præsideat potestate & ab eadem eloquentia plurimum gloriæ evenire.

Narratio ficta

1. Circumst. Narratio.

2. Circumst. Maiores. Accom.

Verum hinc non excusantur Poetæ, qui fortassis lusus causa olim conficta, postea in religionem converterunt & ut seriò à vulgo crederentur, docuerunt. Hæc est incerta alij in Arcadia alij alibi natum dicunt & locis quidem disjunctissimis. Accommodatio. Ut ipsi aucthores faciliè probent religionis huius suæ commentitiæ male consultam fabulam. Vix enim fieri potest ut in figmentis ita providè agas, quin aliquando titubes. Pater Jupiter Deus creditus est Mater Maja Nympha quædam vel stella, Avus Atlas mons Arcadiæ. O vanas nugas, ô stolidos Poetas, qui ista non tantum tanquam seria verum reli-

gionis

gionis partem simplici plebis credulitati obtrudere nihil veriti sunt, ut à montibus tanquam masculis & e conjugio homines imò Deos nasci fingerent, tum stellas puerperas facerent.

A prima nativitate ajunt Poëtæ apparuisse in Mercurio inauditam quandam furandi calliditatem, ut cum isto die, quo natus fuerat, ad Vulcanum deferretur, huic omnia fabrilis instrumenta furriperet. Iterum Jovi sceptrum clam auferret & fulmen ablaturus, nisi ignis flammæ metuisset.

Deinde luctatus cum Cupidine puero, hunc astu quodam evertit. Venus gratulandi animo complectebatur Mercurium, hic inter complectendum cingulum suffuratur.

Mirabile Deorum concilium ex furibus conscriptum quos sanè præsertim tanta vafrie vix latronum aliqua societas imperare sibi pateretur.

Adultus Mercurius jam callebat hanc artem, itaque ab hac potissimum nominis nobilitatem sibi acquisivit: Narretur hic Batti fabula lib. 2. Metamorphos. Phæbo boum furto stomachum moverat aliquando & tantum quidem, ut jam jam ex pharetra deprompturus esset telum quo Mercurium transfigeret, hic vero tanta celeritate artis suæ prævenit Phæbum, ut prius pharetram sagittis vacuam fecerit, quam ille telum corripere potuerit.

Argum quendam centoculum virgini Jo in vaccam mutata à Iunone præfectum fuisse ajunt, ne illa à Iove amatore quodquam abriperetur. Quare cum præ metu uxorio eam rem palam agere non auderet Iupiter, per Mercurium insidias pastori Argo fecit qui nosset, hunc versandis dolis aptissimum. Aggressus est Argum Mercurius cum tibia: cum assedisset, ita suaviter delinijt, ut alium atque alium caprus dulcedine oculum occluderet, ita profundo somno consopitum capite spoliavit Mercurius.

Homini omnium scelerum ministri ingenium laudari auditis non honesti: multo minus Dei aut numinis cujusdam vel levissima vestigia atque indicia usquam apparent. Qui enim ut alienæ inserviat libidini homicidia, furtis, ac fraudes in se suscipit, mea quidem sententia virtutis & honesti viri nomen tueri non poterit. Nihil enim commune virtuti cum flagitijs unquam quicquam fuit: & ubi scelerum ap-

3. Circumsp.
natura.

Accom:

4. Circumsp.
1. Res gestæ.

2. Res gestæ.

3. Res gestæ.

Accom:

4. Res gesta.

parent signa, dubium nullum est, quin longissime absint virtutum honestatisque ornamenta. Iove apud Alcumenan cubante Mercurius habitum servi Sossæ induit, sequè pro Sossia gessit, ut apud Plautum legere est in Comœdia Amphitryone.

Accomm:

Qua in re ut geminum est improbitatis testimonium, ita duplex divinitatis fictæ in Mercurio expugnatio. Primum enim Iovis ut ajunt Poetæ, inhonestæ voluptati famulatus est. Deinde ingenio, ad illusionem innocentum, vel ut ipse apud Plautum loquitur ad familiam istam honestissimam quidem erroris dementiæque complendam, nequiter abusus est.

Quorum utrumque alienissimum ab eo esse debet, qui integram de virtute suâ apud alios opinionem servare annititur.

Secundum genus rerum gestarum ex fortuna, Videamus nunc quid officij demandent Poetæ huic tam præclaro numini 1. Ajunt huic demandatam esse provinciam verrendi canaculum Deorum & insternendi scamna, tum nuncium ferendi. Porro latronum etiam princeps & furum constituitur. Accomm.

Pudet me quicquam adjicere, aut monere vos, quam ista absurda & cum mente non planè furiosa pugnancia conficta sint. Quid enim est Deum esse nisi universi quoddam arbitrum numen? Cuius nutu atque potestate omnes res administrantur? Quid porro minus cum hac majestate convenit, quam ad puerorum vilissima servitia ablegatum esse? aut à pedibus sive Epistolis deferendis constitutum? atque adeo in latronum societatem detrusum? Altera fortuna filij: Filios habuit Autolicum, avum Ulyssis & nescio quem alium: celeberrimos sanè: non opus est addere quibus artibus, ipsi ex paterno ingenio potestis æstimare. Autolicus quidem furandi arte ditissimus evasit, in qua tanta præpollebat celeritate, ut equum optimum furari posset equiti insidenti & substituere asinum scabiosum: item euidam sponsam rapiebat virginem pulcherrimam & aliam edentulam & mucro fluentem substituebat. Comparatio.

Comparetur cum mergo 1. Furtis alit ista avis se piscium scilicet 2. Clamore quodam intra aquas excitato terribilis est saltem minus ejus rei peritis: ita Mercurij nomen & numen terrorem quandam incussit & divinitatis metum antiquarum fabularum latebris. Concl.

1. habeat

1. Habeat repetitionem dictorum, 2. Amplificationem & de-
restationem imprudentia etiam politicæ ad quam per idololatriam
abierint Ethnici: ut etiam furta honestatis, imo etiam divinitatis cuius-
dam nomine commendarint.

Vituperatio VI. Bacchi.

*Exordium capiat benevolentiam à reprehensione Adversari-
orum, Poetarum. Figura Elocutionis occupatio. 1. Con-
cessio.*

SIn poetarum Deunculis fictitijs reprehendendis hoc tantum spe-
ctari deberet Auditores, quid ipsius rei indignitas postularet; sane
omnes ab ea oratione libenter abstinerent. 2. Ratio. Cum & ea
plerorumque figmentorum sit spurcicies, ut vel castissimus animus istor-
um memoria inficiatur vel fastidium saltem quoddam sentiat: & re-
liquarum nugarum tanta inconcinnitas, ut temere collocatum haud
abs re videri possit, quicquid in ijs evertendis operæ & temporis in-
sumtum fuerit. 3. *avlijs* & contraria ratio. Odium tamen &
justus quidam ut mihi quidem videtur. Zelus adversus istorum men-
tendi impudentiam in rebus adeo serijs, quo ego me fateor maximo,
præ alijs tamen longe minimo laborare, fecit ut abstinere non potue-
rim, quin ipse etiam in Ethnicorum idola quædam dicere pro ingenij
facultate, quam tantum ab alijs dicta approbare maluerim. Et qui-
dem omnis ista adversus Bacchi vel ipsi s Ethnicis prudentioribus exo-
sum idolum à me suscipietur disceptatio. Audietis ita stolidè, ita
absurdè, ita improbè deniquè pleraque confuta esse, quæ de Baccho
commenti sunt Poætæ, ut merito infra idolorum infimorum infima
ablegari debeat. 1. Vera narratio. Puto quædam quæ de Bac-
cho narrantur & pleraquè sanè ad Niniam Semiramidis & Nini filium
referenda esse. Dicitur enim filius Jovis, id est, Imperatoris. Hi
enim tunc temporis Joves dicebantur: tum quod veri Jovis vel Beli
nepos esset. Sic Semele mater Bacchi, an non temporum antiquita-
te potuit facta esse ex Semiramidis nomine? Idem homo voluptuarius
largiori passus subditos indulgere usui vini, vinum ipsum dicitur inve-
nisse.

Tum Indos vel Æthiops sub ditionem & potestatem rede-

gisse:

gisse: quia mater Semiramis filij habitum assumens & pro filio se gerens Æthiopiam suo imperio adjecit. Quod postea cavillandi causa ad filium relatum est, tantum ignavia & ventri deditum. Unde multum joci aspersum de armorum genere, comiribus militiæ ineptis, quibus Æthiopum potentia fracta sit. Quædam verò ad ipsum Noachum retulerim; præsertim quod inventionem quorundam salubrium institutorum circa vini culturam attinet. Quædam tandem

ad ebrietatis quandam quasi imaginem in Bacchi fabulâ pingendam accommodata sunt. Quorum e.g. illud refero, quod Bacchum semper puerum esse, & imberbem & semper furem fingunt: quod tigribus vehi ajunt; Etenim vix seriæ cogitationis quicquam videtur consistere posse in hominis eius mente, qui poculis perpetuo deditus est, ut ebrii semper pueri, semper stolidi, semper rebus agendis inepti sint. Tigres verò feruntur singulari quodam & reliquis feris inusitato modo vini appetentes esse. De furore autem a vino

immissio, quo ita homines immutantur, ut non tantum vix iidem, sed ne homines quidem esse cognoscantur: de his inquam notior res est, quam ut opus sit pluribus me monere. Fac hic inductionem quæ flagitia committantur ab ebriis, &c.

II. Ficta narratio: vel quid Poëtæ de Deo suo Baccho commemorant.

Venio ad ea quæ tanquam religionis suæ de Baccho capita doceant Poëtæ.

I. Circumstantia, origo. 1. Parentes: Ajunt ex Jove patre & rege omnium Deorum genitum esse. Matrem ajunt alij fuisse Metim, alij Semelen. Narrentur fabulæ. Metim ajunt gravidam a Jove deglutitam; Semelen ab ejusdem concubitu combustam. Fœtum vero immaturum intra Jovis femur perfectum fuisse & inde natum. Accommodatio.

Cum ipsæ hæ fabulæ nullam apud quempiam adeo sponte suâ insanum fidem invenerint; nec ipsa Deitas aut numen Bacchi credita quoquam debuisset. 2. Deus quomodo gignere potest? erit enim corpore præditus, & sic ex naturâ concretus, quomodo

igitur naturæ parens & autor? Et quomodo non interitui & mutationi obnoxius? Quod si conceditur, quâ spe auxilia ab isto numine quisquam petere aulit: quod sibiipſi adverſus graviffima mala prodeſſe nequeat? Porro ſi corpore præditus Deus: & libidinis affectu: etiam iracundia commovebitur: ſic lites orientur inter tam multiplicia numina, ſic nequẽ diuturnum imperium eſſe poterit.

Circumſtantia II. Patria. Alij Poetæ alibi natum & educatum ajunt, in eo tamen omnes conveniunt, quod inter homines educatum fingant. Accommod. Igitur Deus quomodo eſſe poterit? Non enim novit Deus infantilem aliquam ætatem. Et quod ex terra genitum eſt, quomodo ſuâ virtute in cœlos evolare, ne dicam ſe Deum hoc eſt cœli terrarumque Dominum conſtituere poterit?

Circumſtantia III. Fertur fœmina & mas ſimul fuiſſe. Hermophroditum vocant, unde fluxiſſe morem crediderim in huius ferijs veſtem inter ſe mutare ſexus. Accommod: Monſtrum igitur fuit non Deus. Stolidiſſimi fuerunt Ethnici, qui quem non inter homines perfectos propter naturæ errores aſcripſiſſent, hunc in Deorum concilium allegere nihil veriti ſint. 2. Semper eſt puer. Accommod: Qui ergo ſibi non ſapit quomodo alijs ſapere aut pro Deo haberi potuit?

Circumſtantia IV. Mores. 1. Timidus fingitur à Poëtis. Ajunt enim in cœli oppugnatione à gigantibus facta in leonem mutat fuiſſe. 2. Eundem fingunt alibi audaciſſimum poetæ: ut quod ad Indos armatos inermis & cum exercitu mulierum ebriofarum ac ſatyrorum expeditionem ſuſceperit. Hinc etiam cornua aſſingunt. 3. Intemperantiſſimus Unde & Intemperantiæ Deus. Libidinem eius teſtantur tot adulteria. Et ab immoderata lætitiâ iſta nomina indita, ut Iacchus, Evan, Bacchus ab inſanis clamoribus dicatur. Tum Liber, quod nullis coërceatur honeſtatis & legum frenis.

Res gestas, lege mirabiles quasdam apud Ovidium lib. 3. Metamorph. fab. 7. & seq.

Fortunæ: honores habiti: vel Bacchanale festum,

Conclusio habeat repetitionem. 2, Precationem, ut
Deus largiatur animum gratum de tanta benignitate quam Deus per divini verbi
sui revelationem nobis
præstat.


FINIS.



Errata.

P. 1. l. 7. *μεθ' ὅτ' ἔγνωσαν* l. 8. *κοινωνῶσι* l. 11. *μεθ' ἃ* l. 12. *ἐγνωσαν* l. 13. *μεθ' ἣν ἐποίσεις* l. 16. *Φθάνοντα* ibid. *τελευτᾶσα* l. 19. pro &, lege, ea. pag. 2. l. 26. pro; universalem, lege, universalitatem. p. 3. l. 1. pro sum: lege, sumi. l. 29. habeat de omnibus. p. 4. l. 5. & primo quidem loco. l. 6. quid sit bonum. l. 14. pro unum; lege, rerum. l. 17. pro erant; lege erunt. p. 5. l. 14. *ἐπιλόγοις* l. 16. conciliare tibi benevolentiam. p. 6. l. 28. pro hinc; lege hunc. p. 11. l. ult. pro hic; lege his. p. 15. l. 14. pro generalibus: lege singularibus. l. 15. ostendens. p. 16. l. 5. pro Verbis; lege Verris. p. 17. l. 3. *μεθ' ὅτ' ἔγνωσαν* p. 12. l. 20. pro idem: lege item. l. penult. pro orationibus: lege oratoribus. p. 26. l. 26. pro bonorum: lege honorum. p. 27. l. 21. glaciale. p. 28. l. 29. pro *τέχνην*, lege *τέχνην*. p. 29. l. 4. *διαίρεσός* p. 31. l. 20. conventibus. l. ult. *τῶν δυνάμεων*. p. 32. l. 11. pro Artem: lege autem. l. 24. pro rei: lege res. p. 33. l. 14. personales. l. 18. habitus. p. 34. l. 6. pietatem & vitam perdidit. l. 9. pro fit: fit. l. 20. atque: l. ult. pro se: si. p. 35. l. 1. pro ei: eò. l. 2. pro verum: virum. l. 15. pro callidà: callidè. l. 18. Comparatio. l. 26. Achitophelis. l. 28. Absolomum. l. 29. pro caput: capit. ib. felicitatis. l. 30. Propter duas potiss. ib. Viri Israëlita. p. 37. l. 23. pejorem partem. l. ult. Absolomum. p. 38. l. ult. pro honorum: bonorum. p. 39. l. 6. pro qua: quæ. p. 43. l. 28. quid confectum sit. p. 45. l. 14. majorum. p. 51. l. 22. insignia. p. 53. l. dele, & p. 60. l. ult. idem etiam fit. p. 66. l. 24. calumnia. p. 68. l. 15. pro ipsâ: istâ. p. 69. l. 10. turpissimæ. p. 77. l. 4. egere: ajunt. p. 81. l. 13. pro tunc. tum it. l. pen. p. 85. l. 10. prudentia. l. 14. pro loco, loro. p. 87. l. 16. pro intra, in irâ. p. 88. l. 10. pro angustius, angustiu l. 14. heroibus. p. 89. l. antepen. ut ne. p. 97. l. 17. renidenti. p. 98. l. 7. pro propterea, præterea. p. 99. l. 15. pro dum, tum. p. 110. l. 9. pro hi, illi. p. 117. l. 20. pro in, id. p. 118. l. 1. insculpendum. p. 121. l. 10. pro piæ ingenijs, præ ingenij. p. 126. l. 16. pro à, autem. l. 23. pro accepisset, accessisset. p. 146. l. 19. exercitatione.





ces
277
278
280
lofe
282
pec-
283
tar-
285
ica.
286
bri-
288
fore
290
pas-
292
nem
294
ixus.
295

Corri-

Biblioteka Jagiellońska



stdr0013321

